

五代诗话

郑方坤

文硕阁

wenshuoge.com

目录

关于我们	3
提要	5
五代诗话卷一	6
五代诗话卷二	32
五代诗话卷三	62
五代诗话卷四	90
五代诗话卷五	109
五代诗话卷六	118
五代诗话卷七	130
五代诗话卷八	141
五代诗话卷九	164
五代诗话卷十	181

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案五代诗话十卷

国朝郑方坤撰方坤有全闽诗话别着録初王士禛欲作五代诗话仅草创而未成其门人务尊师説遂以未成之本传钞阙漏实甚体例尤疏宋弼尝补其缺遗而刊之然弼平生笃信士禛非所着之书不读故于旧籍遗文仍多未睹后方坤得士禛残稿于厯城朱氏病其未备乃采摭诸书重为补正原本六百四十二条之中删其二百一十六条增入七百八十九条共成一千二百一十五条凡所增入仿宋庠国语补音吴师道补正战国策之例各以类相从次于本条之下凡国主宗室一卷中朝一卷南唐一卷前蜀后蜀一卷吴越南汉一卷闽一卷楚荆南一卷宫闺仙 缙流一卷羽士 怪一卷杂缀一卷其中有尤而效之者如原本载罗隠谢表殷文圭啓事本为四六骈词无闕吟咏他若李氏藏书太原草檄和凝之詒痴符桑维翰之铸铁砚徐寅之献过大梁赋直成杂事无预于诗一概从删殊有廓清之力而李后主跋懷素书亦无闕诗事乃録之不遗原本方干郑谷唐球诸人上连唐代方坤既已刊削而司空图之不受梁官韩偓之未食闽禄例以陶潜称晋仍是唐人列之五代亦乖断限至潘慎修献宋太宗诗刘兼长春节诗宋事宋人一并阑入尤泛滥矣又如苏轼演陌上花晁补之撰芳仪曲李淑题周恭帝陵宋徽宗书白居易句虽咏五代之事实非五代之人一概增入则咏明妃者皆当列之汉诗赋雀台者悉应入之魏集自古以来无斯体例贪多务得方坤亦自言之矣至于江南江北旧家乡一首江表志以为杨溥马令南唐书以为李煜嘲宋齐邱丧子一诗梦溪笔谈以为老瞽乐工渔隠丛话以为李家明如此之类不一而足前后并载既不互注又不考定亦属疎舛然采摭繁富五代轶闻琐事防于搜括无余较之士禛原书则赅备多矣固诗家之所取资也乾隆四十三年五月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

五代诗话卷一

兖州府知府郑方坤撰

国主 宗室

梁太祖

宋元词曲有出于唐者如清平调水调歌柘枝菩萨蛮八声甘州杨柳枝词是也朱温归鎮昭宗以诗饯之温进杨柳枝词五首今虽不传其词彼时度曲多是七言絕也以全忠之凶悍而能为歌诗可与青陵嗣响矣【笔塵】德宗皇帝好为诗以赐容州戴叔伦文宗宣宗皆以诗赐大臣昭宗驻蹕华州以歌词赐韩建以诗及杨柳枝词赐朱全忠所赐一也或以敬或以憚受其赐者得不求其义焉【北梦琐言】

唐庄宗

唐庄宗时禁旅王庆乞叙功赏曰侍从齐河日臣系第一队入汴又属前锋乞迁补庄宗颔之他日又言亦不纳李嗣源亦言其劳庄宗曰知庆薄有功但每见庆则愤然安得更有赐与之意因举唐太宗诗曰待予心肯日是汝运通时夫主天下生灵赏罚之柄而所言如此则进退诚有命也【翰府名谈】

后唐明宗戒秦王从荣曰吾见先皇在藩时爱自作歌诗将家子文非素习未能尽妙讽于人口恐被诸儒窃笑吾老矣不能勉强于此惟书义尚欲耳里频闻时从荣方聚杂进士浮薄之子以歌诗吟咏为事上以此言规讽之一日秦王进诗上説于俳優敬新磨新磨赞曰勿讶秦王诗好他阿爷平生爱作诗上大笑【北梦琐言】庄宗公子时雅好音律又能自撰曲子词其后凡用军皆以所撰词授之使扬声而唱谓之御制至于入阵不论胜负马头才转则众齐作故人忘其死斯亦用军之一奇也【五代史补】

庄宗喜音声歌舞俳優之戏自度曲云曾宴桃源深洞一曲舞鸾歌鳳长记别伊时和泪出门相送如梦如梦残月落花烟重或曰庄宗修内苑掘得断碑有此三十三字【词统】

东坡言如梦曲本唐庄宗制一名忆仙姿嫌其不雅改云如梦庄宗作此词卒章云如梦如梦和泪出门相送取以为名【渔隐丛话】

李存勗搦画粉墨与敬新磨等日開优场粗犷之极岂有清思者乃其作如梦令词云曾宴桃源深洞一曲舞鸾歌鳳长记别伊时和泪出门相送如梦如梦残月落花烟重抑何婉丽如此又黄幡绰亦是诙诨之雄未闻嫺于藻翰而手书霓裳羽衣曲刻石河中府大有韵致【坚瓠集】

唐晚五代小令填词用韵多诡譎不成文者聊为之可耳不足多法尊前集载唐庄宗歌头一首为字一百三十六此长调之祖然不能佳【爰园词话】

晋出帝

晋出帝不善诗时为俳谐语咏天诗曰高平主监碧翁翁【清异录】

周世宗

杨文公谈苑载周世宗尝为小诗示窦俨俨言今四方僭伪主各能为之若求工则废务不工则为所窥世宗遂不复作度当时所作诗必不甚佳故俨云尔非世宗英伟识帝王大畧岂得不以俨言为忤又安能即弃去信为天下者在此不在彼也【避暑录话】

陶器柴窑最古今人得其碎片亦与金翠同价矣盖色既鲜碧而质复莹薄可以妆饰玩具而成器者杳不可复见矣世传柴世宗时烧造所司请其色御批云雨过青天云破处这般颜色做将来然唐时已有秘色陆龟防诗九天风露越窑开夺得千峰秘色来惜今人未见之耳【五杂俎】

周恭帝

庆历中李淑罢翰林学士知郑州防奉祠柴陵作诗三绝其恭帝诗最涉嫌忌曰弄楯牵车晚鼓催不知门外倒戈回荒坟断垅逾三尺犹认房陵半仗来既为仇家陈述古抉其事以闻褫一职【临汉诗话】

吴讓皇杨溥

让皇泰州永寧宫尝赋诗云江南江北旧家乡三十年来梦一场吴苑宫闱今冷落广陵台榭亦荒凉烟凝远岫愁千防雨滴孤舟泪数行兄弟四人三百口不堪回首细思量【江表志】

南唐烈祖

李昇徐温养子冒徐姓名知诰为升州刺史时童谣诗曰东海鲤鱼飞上天后乃继温【诗话总龟】

时又有谣云江北杨花作雪飞江南李树玉团枝李花结子可怜在不似杨花无了期徐知诰本姓李后遂应此谣【十国春秋】

南唐烈祖在徐温家咏灯诗云一防分明直万金开时惟怕冷风侵主人若也勤挑拨敢向尊前不尽心【古今诗话】李昇竹诗曰栖鳳枝梢犹软弱化龙形状已依稀唐宣宗瀑布诗曰

溪涧岂能留得住终归大海作波涛王霸之意自见【诗史】

南唐元宗

上友爱之分备极天伦登位之初大弟遂燕王暹齐王达出处游宴未尝相舍军国之政同为参决保大五年元日大雪上诏大弟以下登楼展宴咸命赋诗令中使就私第赐李建勲建勲方防中书舍人徐铉勤政殿学士张义方于溪亭即时和进元宗乃召建勲铉义方同入夜艾方散侍臣皆有兴咏徐铉为前后序大弟合为一图集名公图绘曲尽一时之妙御容高冲古主之大弟以下侍臣法部丝竹周文矩主之楼阁宫殿朱澄主之雪竹寒林董源主之池沼禽鱼徐崇嗣主之图成无非絶笔侍宴诗才记数篇而已御诗云珠帘高卷莫轻遮往往相逢隔岁华春气昨朝飘律管东风今日散梅花素姿好把芳姿比落势还同舞势斜座有賓朋樽有酒可怜情味属侬家建勲诗云纷纷忽降当元防着物轻明似月华狂洒玉墀初放仗密粘宫树未妨花回封双阙千寻峭冷压南山万仞斜宁意晚来中使出御题宣赐老僧家铉诗曰一宿东林正气加便随仙仗放春华散飘白兽惟分影轻缀青旗始见花落砌更依宫舞转入楼偏向御衣斜严徐幸待金门诏愿布尧言贺万家义方诗曰恰当岁月纷纷落天赞瑶华助物华自古最先标瑞牒有谁轻拟比杨花密飘粉署光同冷静压庭枝势欲斜岂但小臣添兴咏狂歌醉舞一千家【江表志】李璟游西湖赏莲花作诗曰蓼花蘸水火不灭水鸟惊鱼银梭投满目荷花千万顷红碧相杂敷清流孙武已斩吴宫女琉璃池上美人头识者谓虽佳句然宫中有美人头非吉也【摭遗】

李璟有词云手卷真珠上玉钩后人改作珠帘此非知音者【温叟诗话】

花间犹伤促碎至南唐李王父子而妙矣风乍起吹皱一池春水干卿何事曰未若陛下小楼吹彻玉笙寒此语不可闻隣国然固是词林本色佳话云破月来花弄影郎中红杏枝头春意闹尚书意似祖述之而句稍不逮然亦佳【艺苑卮言】

王感化善讴歌声韵悠扬清振林木系乐部为歌板色元宗尝作浣溪沙词二阙手写赐感化曰菡萏香消翠叶残西风愁起碧波间还与容光共憔悴不堪看细雨梦回鸡塞远小楼吹彻玉笙寒簌簌泪珠多少恨倚阑干手卷珠帘上玉钩依前春恨锁重楼风里落花谁是主思悠悠青鸟不传云外信丁香暗结雨中愁回首绿波三叠暮接天流后主即位感化以其词札上之后主感动赏赐甚优【南唐书】

南唐二主词一卷中主李璟后主李煜撰卷首四阙应天长望远行各一浣溪沙二中主所作重光尝书之墨迹在盱江鼉氏题云先皇御制歌词予尝见之于麦光纸上作拨镫书有鼉景迂题字今不知何在矣余词皆重光作【文献通考】

杨花飞者保大初居乐部元宗初嗣位春秋鼎盛留心内宠宴私击鞠畧无虚日常乘醉命花飞奏水调词进酒花飞惟歌南朝天子爱风流一句如是者数四元宗悟覆杯大恠厚赐金帛以旌敢言且曰使孙陈二主得此一语固不当有衔璧之辱也【十国春秋】

元宗割地之后金陵对岸即为敌境因迁都豫章舟车之盛旌旂络绎凡数千里上每北顾忽忽不乐澄心堂承防秦裕臧征多引屏风幃之尝吟御制诗云灵槎思浩 老鹤忆崆峒【江表志】

周文矩画重屏图江南李中主兄弟四人围棋纸上着色人皆如生前有宣和御书白居易偶眠一章云放杯书案上枕臂火炉前老爱寻思事慵多取次眠妻教卸乌帽婢为展青氍便是屏风样何劳画古贤【研北杂记】

李后主

李后主宫中未尝防烛每至夜则悬大宝珠光照一室如日中尝赋玉楼春宫词曰晚妆初了明肌雪春殿嫦娥鱼贯列笙箫吹断水云间重按霓裳歌遍彻临春谁更飘香屑醉拍阑干情未切归时休照烛花红待放马蹄清夜月王阮亭南唐宫词云花下投籤漏滴壶秦淮宫殿浸虚无从兹明月无颜色御阁新悬照夜珠极能道其遗事【词苑丛谈】

毕景儒有李重光黄罗扇写诗一首云风情渐老见春羞到处销魂感旧游多谢长条似相识强垂烟态拂人头后细字云赐庆奴庆奴似宫人小字诗似柳诗【西溪丛话】后主于黄罗扇上书一诗赐宫人庆奴云风情渐老见春羞到处销魂感旧游多谢长条似相识强垂烟态拂人头宋时犹传玩赏家今亡矣【六砚斋三笔】

王师围金陵唐使徐铉来铉伐其能欲以口舌解围谓太祖不文盛称其主博学多艺有圣人之能使诵其诗曰秋月之篇天下传诵之其句云云太祖大笑曰寒士语尔吾不道也铉内不服谓大言无实可穷也以请殿上惊惧相目太祖曰微时自秦中归道华下醉卧田间觉而月出有句曰未离海底千山黑才到天中万国明铉大惊殿上称寿【后山诗话】

荆楚岁时记河鼓谓之牵牛黄姑即河鼓也古诗云黄姑织女时相见李后主诗云迢迢牵牛星渺在河之阳粲粲黄姑女耿耿遥相望则又以黄姑为织女不知何据【香祖笔记】

张文懿家有春江钓叟图上有李后主渔父词二首其一曰浪花有意千里雪桃花无言一队春一壶酒一竿鳞世上如依有几人其二曰一掉春风一叶舟一纶璁缕一轻钩花满渚酒满瓯万顷波中得自由【古今诗话】清凉寺在江宁府西北石城门内清凉山吴顺义中建为兴教寺南唐为文益禅师道场后主尝畱宿寺中有未能归去宿龙宫之句明洪武初赐今额左上为清凉台俯视大江即南唐翠微亭旧址登览最胜【江南通志】内库书中金楼子有李后主手题曰梁元帝谓王仲宣昔在荆州著书数十篇荆州坏尽焚其书今在者一篇知名之士咸重之见虎一毛不知其斑后西魏破江陵帝亦尽焚其书曰文武之道尽今夜矣何荆州焚书一语前后一辙也诗以吊之曰牙籤万轴裹红绡王粲书同付火烧不是祖龙畱面目遗篇那得到今朝卷皆薛涛笺所钞惟今朝字误作金朝徽庙恶之以笔抹去后书竟如鐫入金也【枫窗小牋】

心事数茎白髮生涯一片青山空山有雪相待野路无人自还李主好书神仙隐遁之词岂非遭罹多故欲脱世网而不得者耶【东坡全集】

从镒元宗第八子也开宝初出鎮宣州后主率近臣赋诗饯綺霞阁而自为序以送之畧云秋山滴翠暮壑澄空爱公此行畅乎遐览后主诗有云咫尺烟江几多地不须怀抱重凄凄徐铉诗云满坐清风天子送随车甘雨郡人迎最为佳句【十国春秋】

干德四年后主遣弟韩王从善入朝留京师国主表求从善还国不许自从善不还四时宴防皆罢登高赋文以见意曰原有鹄兮相从飞嗟嗟季兮不来归【马令南唐书】仲宣后主四子也干德二年裁四岁一日戏佛像前有大琉璃灯为猫触墮地划然作声仲宣因惊癇得疾竟薨时昭惠后已疾甚闻仲宣夭悲哀更剧数日而絕初仲宣歿后主恐伤昭惠后心常默坐饮泣因为诗以写志诗曰永念难消释孤怀痛自嗟雨深秋寂寞愁剧病增加咽絕风前思昏防眼上花空王因念我穷子正迷家吟咏数四左右为之泣下又挽昭惠后词曰珠碎眼前珍花雕世外春未销心里恨又失掌中身玉筍犹残药香奁已染尘前哀将后感无泪可沾巾艳质如芳树浮危道畧同正悲春落实又苦雨伤丛秣丽今何在飘零事已空沈沈无问处千载谢东风皆并其母子悼之【十国春秋】

后主昭惠后周氏大司徒宗之女甫十九岁归于王宫通书史善音律尤工琵琶元宗赏其艺取所御琵琶时谓之烧槽者赐焉后主即位册为国后后主尝演念家山破后复作邀醉舞恨来迟新破皆行于时季子仲宣后尤钟爱忽暴疾卒后病遂亟以元宗所赐琵琶及系臂玉环亲遗后主沐浴正妆自内含玉殂于瑶光殿之西室享年二十九后主哀苦骨立杖而后起每于花朝月夕无不伤怀如又见桐花发旧枝一楼烟 暮凄凄凭阑惆悵人谁防不觉潸然泪眼低层城无复见娇姿佳节纒哀不自持空有当年旧烟月芙蓉池上哭蛾睂皆因后作又尝与后移植梅花于瑶光殿之西及花时而后已殂因成诗见意曰殷勤移植地曲檻小栏边共约重芳日还忧不盛妍阻风开步障乘月溉寒泉谁料花前后蛾睂却不全此不特叙其幽思且以兴内助之艰难而不得与之同乐又云失却烟花主东君自不知清香更何用犹发去年枝此足以见光景于人无情而人于景物不可认而有之也又书灵筵手巾云浮生苦憔悴壮岁失婣娟汗手遗香渍痕眉染黛烟书琵琶背云侁自肩如削难胜数缕绦天香畱鳳尾余暖在檀槽触物寓意类如此【马令南唐书】

江南伪后主李煜字重光蚤慧精敏审音律善书画其作大字不事笔卷帛而书之皆能如意世谓撮襟书复喜作颤掣势人又目其壮为金错刀尤喜作行书落笔瘦硬而风神溢出然殊乏姿媚如穷谷道人酸寒书生鹑衣而鸛肩畧无富贵之气要是当我祖宗应运之初揭云汉奎璧昭回在上彼窃据方郡者皆奄奄无气不复英伟故见于书画者如此方煜归本朝我艺祖尝曰煜虽有文只一翰林学士才耳乃知笔力纵或可尚方之雄才大畧之君亦几何哉今御府所藏行书二十有四淮南子春草赋义天秤尺记浩歌行克已处分批元奏状礼三宝众圣贤仪八师经宫相诗李璟草堂等诗高秋等诗牡丹等诗古风诗二论道帖招贤诗帖乐章罗帖乐府三临江仙杂文藁【宣和书谱】

顷见江南后主金错书题藏真书千字曰戴叔伦诗云诡形怪状翻合宜诚哉是言今见藏真自序乃有叔伦全章此卷真迹岂亦江南集贤所蓄书乎【东观余论】

宋南渡秘书省名贤墨迹五代十四轴南唐李后主书诵经回向词一诗词一招贤诗一杨凝式记崔处士一徐铉送净公上人东游诗一南唐人序洛诗稿一【中兴馆阁录】

南唐后主在围城中作长短句未就而城破词云樱桃落尽春归去蝶翻金粉双飞子规啼月小楼西曲阑珠箔惆怅掩金泥门巷寂寥人去后望残烟草低迷艺祖云李煜若以作诗工夫治国事岂为吾擒也【雪舟脞语】予观太祖实录及三朝正史云开宝七年十月诏曹彬潘美等帅师伐江南八年十一月拔升州今后主词乃咏春景决非十一月城破时作然王师围金陵凡一年后主于围城中春间作此词则不可知【渔隐丛话】

宣和间蔡宝臣致君收南唐后主书数轴来京师以献蔡绦约之其一乃王师攻金陵城垂破时仓黄中作一疏祷于释氏愿兵退之后许造佛像若干身菩萨若干身斋僧若干万员建殿宇若干所其数皆甚多字画潦草然皆遒劲可爱盖危窘急中所书也又有看经发愿文自称莲峰居士李煜又有长短句临江仙云樱桃结子春光尽蝶翻金粉双飞子规啼月小楼西玉钩罗幕惆怅卷金泥门巷寂寥人去后望残烟草低迷而无尾句刘延伸为补之云何时重听玉骢嘶扑帘飞絮依约梦回时东坡四时冬词云真态生香谁画得玉奴纤手嗅梅花每疑于奴字殊无意味若以为潘淑妃小字则当为玉儿亦非故实刘延伸尝见东坡手书本乃作玉如纤手方知上下之意相贯愈觉此联之妙也【墨庄漫录】蔡绦作西清诗话载江南李后主临江仙云围城中书其尾不全以予考之殆不然予家藏李后主七佛戒经又杂书二本皆作梵叶中有临江仙涂注数字未尝不全其后则书太白词数章是平日学书也本江南中书舍人王克正家物归陈魏之孙世功君懋予陈氏婿也其诗云樱桃落尽春归去蝶翻轻粉双飞子规啼月小楼西玉钩罗幕惆怅暮烟垂别巷寂寥人散后望残烟草低迷炉香闲裊凤凰儿空持罗带回首恨依依后有苏子由题云凄凉怨慕真亡国之音也【耆旧续闻】

项羽夜闻汉军四面皆楚歌泣数行下歌曰力拔山兮气盖世时不利兮骓不逝骓不逝兮可奈何虞兮虞兮奈若何东坡志林载李后主去国之词云四十年来家国八千里地山河曾几识干戈一旦归为臣虏沈腰潘鬓消磨最是仓黄辞庙日教坊犹奏别离歌挥泪对宫娥东坡谓后主当恸哭于九庙下谢其民而行却乃挥泪宫娥听教坊离曲哉歌辞凄怆同归一揆然项王悲歌慷慨犹有喑呜叱咤之气后主直是养成儿女子态耳【希通录】

东坡书李后主去国之词云最是仓黄辞庙日教坊犹奏别离歌挥泪对宫娥以为后主失国当恸哭于庙门之外谢其民而后行乃对宫娥听乐形于词句予观梁武帝启侯景之祸涂炭江左以致覆亡乃曰自我得之自我失之亦复何恨其不知罪已亦甚矣竇婴救灌夫其夫人谏止之婴曰侯自我得之自我捐之无所恨梁武用此言而非也【容斋随笔】

李后主于清微歌楼上春寒水四面学士刁衍起奏陛下未覩其大者远者耳人疑其有规讽讯之云风乍起吹皱一池春水又作红罗亭子四面栽红梅花作艳曲歌之韩熙载和云桃李

不须夸烂漫已输了风吹一半时淮南已归周【江隣几杂志】

南唐书载后主继室周后即昭惠后之妹也昭惠感疾后尝在禁中先与后主私后主作菩萨蛮云花明月暗飞轻雾今宵如向郎边去划袜步香阶手提金缕鞋画堂南畔见一晌偎人颤奴为出来难教郎恣意怜此词遂传播于外至纳后乃成礼而已大防群臣韩熙载以下皆为诗讽焉后主不之谴【词苑丛谈】

词家多翻诗意入词虽名流不免吾尝爱李后主一斛珠末句云绣床斜凭娇无那烂嚼红绒笑向檀郎唾杨孟载春绣絶句云闲情正在停针处笑嚼红绒唾北窗此却翻词入诗弥子瑕竟效颦于南子【词筌】

唐词眼重眉 不胜春李后主词多少泪断脸复横顾元乐府眼余眉剩皆祖唐词之语【词品】

粉牋书字不经从近年作者殊卤莽不精不一二年字画已漫漶矣康伯可谓向芗林出李重光金花牋手书长短句岁从剥落其词不全亦一证也古人于艺必精到尚复若此矧卤莽者乎【霏雪录】

杜诗丹霞一缕轻李后主渔父词蛮缕一钩轻胡少汲诗隋隄烟雨一帆轻至若骚人于渔父则曰一蓑烟雨于农夫则曰一犁春雨于舟子则曰一篙春水皆曲尽形容之妙也【萤雪丛记】

曹彬破金陵李煜举族冒雨乘舟煜渡江望石城泣下自赋诗曰江南江北旧家乡三十年来梦一场吴苑宫闱今冷落广陵台殿已荒凉云笼远岫愁千片雨打孤舟泪万行兄弟四人三百口不堪闲坐细思量着杂説百篇时人以为可继典论妙于音律旧曲有念家山亲演为念家山破其声噍杀而名不祥乃败征也【马书】江南李煜既降太祖尝因曲燕问闻卿在国中好作诗因使举其得意者一联煜沈吟久之诵其咏扇云揖让月在手动摇风满怀上曰满怀之风却有多少他日复燕煜顾近臣曰好一个翰林学士【石林燕语】

李后主落花诗云莺狂应有限蝶舞已无多未几亡国宋子京亦有落花诗云香随蜂蜜尽红入燕泥干亦不久下世诗讖盖有之矣【老学庵笔记】

李煜暮岁乘醉书于牖曰万事到头归一死醉乡葬地有高原醒而见之大悔不久谢世【翰府名谈】

帝王文章自有一般富贵气象国朝江南遣徐铉来朝欲以求胜至诵后主风月诗云云太祖皇帝但笑曰此寒士语耳吾不为也吾防时夜自华陰道逢月出有句云未离海底千山暗才到中天万国明铉闻不觉骇然惊服太祖虽无意为文然出语雄健如此以予观李氏据江南全盛时宫中词曰帘日已高三丈透金炉次第添香兽红锦地衣随步皱佳人舞彻金钗溜酒

恶时拈花蕊嗅别院时闻箫鼓奏议者谓与时挑野菜和根煮旋斫生柴带叶烧者异矣然太祖一日与朝臣议论不合叹曰安得桑维翰者与之谋事乎左右曰维翰爱钱太祖曰措大家眼孔小赐与十万贯则塞破屋矣以此言之不知彼所谓金炉香兽红锦地衣当费几万贯此语得无是措大家眼孔乎【扈虱新语】

金陵语中酒曰中恶则知李后主诗酒恶时拈花蕊嗅用乡人语也【侯鯖录】

南唐李后主归朝后每怀江国且念嫔妾散落郁郁不自聊常作长短句云帘外雨潺潺春意阑珊罗衾不耐五更寒梦里不知身是客一晌贪欢独自暮凭栏无限关山别时容易见时难流水落花春去也天上人间含思凄惋未几下世【西清诗话】

颜氏家训言别易防难古人所重江南饯送下泣言离北间风俗不屑此事岐路言离欢笑分手李后主盖用此语耳故长短句云别时容易见时难【复斋漫录】

后主乐府词曰故国梦重归觉来双泪垂又小楼昨夜又东风故国不堪回首月明中皆思故国者也【南唐书注】归来休放烛花红待踏马蹄清夜月致语也问君能有几多愁却似一江春水向东流情语也后主直是词手【艺苑卮言】

王旂平甫之子尝云今语例袭陈言但能转移耳世称秦词愁如海为新奇不知李国主已云问君能有几多愁恰似一江春水向东流但秦以江为海耳【后山诗话】后山诗话载王平甫子旂谓秦少游愁如海之句出于江南李后主问君还有几多愁恰似一江春水向东流之意仆谓后主之意又有所自乐天诗曰欲识愁多少高于滟潏堆刘禹锡诗曰蜀江春水拍山流水流无限似依愁得非祖此乎则知好处前人皆已道过后人但翻而用之耳【野客丛书】

紫竹爱缀词一日手李后主集其父伯问曰后主词中何处最佳答曰问君能有几多愁恰似一江春水向东流【琅嬛记】

荆公问山谷云作小词曾看李后主词否云曾看荆公云何处最好山谷以一江春水向东流为对荆公云未若细雨梦回鸡塞远小楼吹彻玉笙寒又细雨湿流光最妙【雪浪斋日记】

亡国之音信然不止玉树后庭花也南唐后主精于音律凡度曲莫非奇绝开宝中国将除自撰念家山一曲既而广念家山破其讖可知也宫中民间日夜奏之未及两月传满江南【雁门楚记】

徐铉归朝为左散骑常侍迁给事中太宗一日问曾见李煜否铉对以臣安敢私见之上曰卿第诣之但言朕令卿往见可矣铉遂径诣其居望门下马但一老卒守门徐言愿见太尉卒言有旨不得与外人接铉云奉旨来见老卒进报徐入立庭下卷之老卒遂取旧椅子相对铉遥见止之曰但正衙一椅足矣顷间李主纱帽道服而出铉方拜而遽下阶引其手以上铉辞寘

主之礼李主曰今日岂有此礼铉引椅少偏乃敢坐后主相持大笑及坐默不言忽长吁叹曰当时悔杀了潘佑李平铉既去有旨召对询后主何言铉不敢隐遂有秦王赐牵机药之事牵机药者服之前却数十回头足相就如牵机状又后主七夕在赐第命故妓作乐声闻于外太宗闻之大怒又传小楼昨夜又东风及一江春水向东流之句并坐之遂被祸云【默记】

李煜归朝后郁郁不乐见于词语在赐第七夕命故妓作乐闻于外太宗怒又传小楼昨夜又东风并坐之遂被祸龙袞江南录云李国主小周后随后主归朝封郑国夫人例随命妇入宫每一入輒数日出必大泣骂后主声闻于外后主多宛转避之又韩玉汝家有李国主归朝后与金陵旧宫人书云此中日夕只以眼泪洗面【避暑漫抄】

南唐李后主以七月七日生亦以七月七日死吴越王俶以八月二十四日生亦以八月二十四日死两王生死相同如此海盐姚叔祥云后主以故国不堪回首句及徐铉所探语赐牵机药死忠懿荷礼最优宜无他顾两王皆以生辰死者盖衔忌未消各借生辰赐酒陰毙之耳【因树屋书影】

李后主亡国最为可怜宋徽宗其后身也神宗一日幸秘书省见江南国主像人物俨雅再三叹讶适后宫有娠者梦李主来谒而生端王及北狩金人用李主见艺祖故事亦异矣李主再为人君而再亡国深为不幸亦以雪其小楼昨夜之冤也殆于倒行逆施矣【艮斋杂说】司马君问刘禅颇思蜀否应此间乐不思蜀及再问云云曰何乃似郤正语禅惊视诚如尊命人笑禅駭不知禅黠小楼昨夜又东风歌声未毕牵机随至即善谏如降王长亦不免宋祖且然何况司马禅盖夙奉失箸家法又渐染于申韩之书故机警猝发若此彼嗜驴肉饮尽一石者伯仲之间见伊吕矣【蓉槎蠡说】

李重光深院静小令一阙升菴曰词名捣练子即咏捣练也复有云髻乱一篇其词亦同众刻无异常见一旧本则俱系鹧鸪天二词之前各有半阙其云髻乱一阙云节候虽佳景渐阑吴绡已暖越罗寒朱扉日暮随风掩一树藤花独自看云髻乱晓妆残带恨睂儿远岫攢斜托香腮春笋嫩为谁和泪倚阑干其深院静一阙云塘水初澄似玉容所思还在别离中谁知九月初三夜露似珍珠月似弓深院静小庭空断续寒砧断续风无奈夜长人不寐数声和月到帘栊【词苑辨证】

南唐李后主乌夜啼一词最为凄惋词曰无言独上西楼月如钩寂寞梧桐深院锁清秋剪不断理还乱是离愁别是一般滋味在心头所谓亡国之音哀以思也【词苑丛谈】

钟隐入汴后春花秋月诸词与此中日夕只以眼泪洗面一帖同是千古情种较长城公煞是可怜【花草防拾】唐人诗句不一固有采取前人之意亦有偶然暗合者如太白诗河阳花作县秋浦玉为人武元衡诗河阳县里玉人闲许浑诗百年便作千年计李后主云人生不满百刚作千年画此类甚多【野客丛书】

李后主号能诗偶承先业据有江南亦僭称帝数十州之主也集中多有病诗五言律云风威

侵病骨雨气咽愁肠夜鼎惟煎药朝髭半染霜真所谓衰飒憔悴岂大风横汾之比乎宜其亡也或谓此乃已至大兴之后即不然矣七言有云衰颜一病难牵复晓殿君临颇自羞又云冷笑秦皇经远畧静怜姬满苦时巡盖君临之时也【瀛奎律髓】

李后主病中诗病身坚固道情深宴室清香思自任月照静居惟捣药门扃幽院只来禽庸医懒听词何取小婢将行力未禁赖问空门知气味不然烦恼万涂侵此诗八句俱有味然不似人主之作只似贫士大夫诗也【瀛奎律髓】

贾魏公尹京日忽有人来展谒刺曰前江南国主李煜相见则一清癯道士耳公曰太师已物故何得及此曰某幼时探释氏未达误有所见今为师子国王偶思钟山而来怀中取一诗授公曰异国非所志烦劳殊清闲惊涛千万里无乃见钟山公读之随手灰灭【诗话总龟】

前蜀主王建

唐道袭阆州人始以舞童事高祖美睂目便佞有心计已而浸预谋画为马军都指挥使俄迁枢密使永平元年岐王茂贞兵临东鄙高祖命道袭为招讨使帅兵以伐岐临发御大安楼制诗送之有卯岁便将为肘腋二纪何曾离一日句未几兵败青泥岭【十国春秋】

周德权汝南人建之妻弟从建入蜀以战功累迁睂州刺史梁祖既篡德权上表曰案讖文李祐西王逢吉昌土德兑兴丹莫当李祐者唐主也西王者王氏兴于西方也丹莫当者丹朱也言朱梁不敢与殿下抗也愿稽合天命仰膺宝箓使天地有主人神有依建大悦曰成我者叔舅也【蜀梲杌】

前蜀后主王衍

后主名衍童年即能属文甚有才思尤酷好靡丽之词常集艳体诗二百篇号曰烟花集凡有所着蜀人皆传诵焉【十国春秋】

上梓潼山少主有诗云乔岩簇冷烟幽迳上寒天下瞰峨嵋岭上窥华岳巔驰驱非取乐按幸为游边此去将登陟歌楼路几千宣令从官继和中书舍人王仁裕和曰防仗拂寒烟鸣驺在半天黄云生马足白日下松巔盛德安疲俗仁风扇远边前程问成纪此去尚三千至剑州西二十里夜过一谿山忽闻军人振革鸣金声动谿谷有鸢兽自丛林间跃出千万人中攫取一夫而去少主至行宫寻命从臣赋诗王仁裕诗曰剑牙钉舌血毛腥窥筭劳心岂暂停不与大朝除患难惟于当路食生灵从教户口资嚙口未委三丁税几丁今日帝王亲出狩白云岩下好藏形翰林学士李洪弼进诗曰岩下年年自寝讹生灵殄尽意如何爪牙众后民随减溪壑深来骨已多天子纪纲犹被弄客人穷独固难过长涂莫怪无人迹尽被山王税杀他少主览诗大笑过白卫岭韩昭进诗曰吾王巡狩为安边此去秦亭尚数千夜照路岐山店火晚通消息戍瓶烟为云巫峡虽神女跨鳳秦楼是谪仙八骏似龙人似虎何愁飞过大漫天少主和曰先朝神武力开边画断封疆四五千前望陇山登剑防后凭巫峡锁烽烟轩王尚自亲平寇羸

政徒劳爱学仙想到隗宫寻胜出正应莺语暮春天王仁裕和曰龙旆飘飘指极边到时犹更二三千登高晓蹋巉岩石冒冷朝冲断续烟自学汉王开土宇不同周穆好神仙秦民莫道无恩及大散关东别有天【王氏见闻录】

王承休妻有殊色后主絶加宠爱秦州之行颇以严故临幸焉至则赐以妆镜铭曰链形神冶莹质良工当睂写翠对脸傅红如珠出匣似月停空绮窗绣幌俱涵影中其防昵有如此【十国春秋】

王衍五年宴饮无度衍自唱韩琮柳枝词曰梁苑隋堤事已空万条犹舞旧春风何须思想千年事惟见杨花入汉宫内侍宋光溥咏胡曾诗曰吳王恃霸弃雄才贪向姑苏醉绿醅不觉钱塘江上月一宵西送越兵来衍怒罢宴【全唐诗话】

后主宫词曰辉辉赤赤浮五云宣华池上月华新月华如水浸宫殿有酒不醉真痴人尝宴近臣于宣华苑命宫人李玉兰歌此词侑嘉王宗寿酒音节抑扬一座倾倒嘉王惧祸为之尽觴【楼村诗注】

李唐伶奴取当时名士诗句入歌曲盖常事也蜀王衍召嘉王宗寿饮宣华苑命宫人李玉兰歌衍所撰宫词五代犹有此风今亡矣【碧鸡漫志】

蜀王衍宫词曰辉辉赫赫浮五云宣华池上月华春月华如水浸宫殿有酒不醉真痴人近世词曲月华如水浸楼台祖此然水浸楼台虽有形容而乏蕴借入词曲可入诗则不可乃知杜诗四更山吐月残夜水明楼真古今絶唱也【焦氏笔乘】

衍嬖幸韩昭顾珣潘迎等为狎客竞叉手摇头令唐师入境遏其报而游幸师至利州方知将士纷然曰且打叉手摇头衍念周宣帝歌曰自知身命促把烛夜行游令宫女连臂而歌【北梦琐言】

蜀王衍俘系入秦至剑阁见山川之美赋诗云不缘朝阙去来此结茅庐时人笑之至咸阳又作曲子云尽是一场赢得与夫无愁入井者所较无多也【北梦琐言】

蜀王衍常裹小巾其尖如锥宫妓多衣道服簪莲花冠施胭脂夹脸号醉妆衍作醉妆词云者边走那边走只是寻花柳那边走者边走莫厌金杯酒【北梦琐言】

九月奉太后太妃祷青城山宫人皆衣云霞之衣自制甘州曲令宫人唱之其词哀怨闻者凄惨词曰画罗裙能结束称腰身柳眉桃脸不胜春薄媚足精神可惜许沦落在风尘后主之意本以神仙而在凡尘耳后降中原宫妓多沦落人间始驗其语【十国春秋】

衍在蜀时童谣曰我有一帖药其名为阿魏卖与十八子其后衍兄宗弼果卖国归唐而宗弼乃王建养子本姓魏氏此其应也【青箱杂记】

后蜀主孟昶

干德四年重阳节曲宴羣臣于宣华苑后主唱韩琬柳枝词词曰梁苑隋堤事已空万条犹舞旧春风何须思想千年事惟见杨花入汉宫内侍宋光浦欲以讽为谏遂咏胡曾诗曰吴王恃霸弃雄才贪向姑苏醉绿醅不觉钱塘江上月一宵西送越兵来声节凄惋后主不乐而罢【十国春秋】

蜀后主昶字保元道号玉霄子性明敏孝慈仁义在位三纪以来人生三十有不识米麦之苗者浣花溪香锦浦百花潭诸王功臣皆置林亭兵部王尚书珪诗曰十字水中分岛屿数重花外见楼台皆此类也蜀主能文章好博览有诗才尝为箴戒颁诸司各令刊刻坐隅谓之颁令箴曰朕念赤子吁食宵衣云云【野人闲话】

尔俸尔禄民膏民脂下民易虐上天难欺太宗皇帝书此以赐郡国立于防事之南谓之戒石铭按成都人景焕有野人闲话一书干德三年所作其首篇颁令箴载蜀主孟昶为文颁诸邑云朕念赤子吁食宵衣言之令长抚养惠绥政存三异道在七丝驱鸡为理雷犊为规宽猛得所风俗可移无令侵削无使疮痍下民易虐上天难欺赋舆是切军国是资朕之赏罚固不逾时尔俸尔禄民膏民脂为民父母莫不仁慈勉尔为戒体朕深思凡二十四句昶区区爱民之心在五季诸僭僞之君为可称也但语言皆不工惟经表出者词简理尽遂成王言盖诗家所谓夺胎换骨法也【容斋续笔】

杨文素作本事曲记洞仙歌冰肌玉骨自清凉无汗水殿风来暗香满绣帘开一防明月窥人人未寝欹枕钗横鬓云乱起来携素手庭户无声时见疎星渡河汉试问夜如何夜已三更金波淡玉绳低转细屈指西风几时来又不道流年暗中偷换钱塘有一老尼能诵后主诗首章二句后人为足其意以填此词余尝见一士人诵全篇云冰肌玉骨清无汗水殿风来暗香满帘开明月独窥人欹枕钗横鬓云乱起来琼户悄无声时见疎星渡河汉屈指西风几时来只恐流年暗中换【漫叟诗话】蜀主孟昶夜起避暑摩诃池上作玉楼春云冰肌玉骨清无汗水殿风来暗香满绣帘一防月窥人欹枕钗横云鬓乱起来琼户启无声时见疎星渡河汉屈指西风几时来只恐流年暗中换按苏子瞻洞仙歌本櫟括此词然未免反有防金之憾【词综】

柳色黄金嫩梨花白雪香陰铿诗也李太白取用之杜子美太白诗云李侯有佳句往往似阴铿后人谓以此讥之然子美诗有蛟龙得云雨雕鹗在秋天一聯已见晋书载记矣如冰肌玉骨清无汗水殿风来暗香满孟蜀主诗东坡先生度以为词昔人不以蹈袭为非【挥麈余话】帝好学为文皆本于理居恒谓李昊徐光溥曰王衍浮薄而好轻艳之词朕不为也常敕史馆集古今韵防五百卷【十国春秋】

孟昶尝立石经于成都又恐石经流传不广易以木版宋世书称刻本始于蜀今人求宋版尚以蜀本为佳昶好文有功后学诚未可以成败论尝言不效王衍作轻薄小词而其词自工【边州闻见录】

先是岁除故事学士为辞题桃符置寝门左右前一年学士幸寅逊撰词后主以其非工自操笔署云新年纳余庆嘉节号长春已而以正月纳降宋太祖命吕余庆知成都府而长春又太祖诞节名其符合有如此【十国春秋】蜀之末年百官竞执长鞭自马至地妇人竞戴高冠子皆谓之朝天又制新曲名之曰万里朝天意谓万里皆朝于已及归降之后崎岖川陆至于京师乃万里朝天之驗矣【五国故事】

嘉州之西有花将军庙将军英武见于杜子美之诗庙史以匣藏唐至德元年十月郑丞相告又出本朝乾德三年二月二十六日僞蜀主孟昶以降入朝舟过庙下祭文二纸墨色如新其窘急悲伤之词读之亦令人叹息云【闻见前录】

南汉王刘袭

大有元年钦州民掘罗浮山得古剑以献篆曰已与水同宫王将耳口同尹来居口上山岫防重重后宋平南汉解者云太宗以已亥降诞是已水同宫也于文耳口王为圣尹口为君重山为出盖已亥年圣君出云【十国春秋】南汉刘隐僭据广州传四世皆昏虐多立疑冢以虞发掘今北郭外有之 治壬子余觅寿藏白云之麓有携砖来售者方二尺厚五寸上有篆识曰景定辛酉预备砖寻又有售碗碟盘盂者其色黑而润若饶磁然询其所由来曰得诸刘王冢往观藏处实大墓也然景定乃宋理宗年号其非南汉物明矣廖山人飞卿居西城外荔枝湾犁田得长刀其钁已尽而嵌银文彩如绣犹新岂当时昌华苑之遗物与又北十里多甃石亦指为刘王冢发之惟水涓滴而已盖所谓明月峡玉液池也余咏西城古迹云江水东流西日斜刘郎墓迹尚天涯昌华苑外裙腰草玉液池边鼓吹蛙隔陇牛羊闻牧笛遥林烟火见樵家当年翠辇曾游地畱与东风长稻花【双槐岁钞】

吴越王钱鏐

咸通中京师有望气者言钱塘有王气乃遣侍御史许浑賫璧来瘞秦望山之腹以厌之又郭璞撰临安地志云天目山前两乳长龙飞鳳舞到钱塘海山门起横为案五百年生异姓王至是果驗【吴越备史】

吴越国王钱鏐杭州临安人倜傥有大度意气雄杰乘唐末乱离依里闲董昌啸聚乌合之众名为御寇而实自蹈之然卒能用僖宗诏命削平江浙而据有也当时以鎮海军节度使复领鎮东节制精兵三万昭宗即位加太师中书令封本郡王梁室继兴为尚父进封吴越国王至于后唐遂独有方面号令一十三郡垂四十年脩中国贡赋籍无虚日风物繁庶族系侈靡浙人俚语目之曰海龙君言富盛若彼也方其与羣雄争逐横槊马上何暇议文墨耶然喜作正书好吟咏通图纬学晚岁复降已下士幕客罗隐雅好讥评虽及鏐微时事怡然不怒人以大度称之状貌凜凜亦人间英物也【宣和书谱】开平元年梁大祖即位封钱武肃鏐为吴越王时有讽钱拒其命者钱笑曰吾岂失为一孙仲谋耶拜受之改其乡临安县为临安衣锦军是年省莖塋延故老旌钺鼓吹振耀山谷自昔游钓之所尽防以锦绣或树石至有封官爵者旧贸盐肩担亦裁锦韬之一邻媪九十余携壶浆角黍迎于道鏐下车亟拜媪抚其背犹以小

字呼之曰钱婆留喜汝长成盖初生时光怪满室父惧将沈于溪此媼酷留之遂字焉为牛酒大陈乡饮别张蜀锦为广幄以饮乡妇凡男女八十已生金樽百岁已上玉樽时黄髮饮玉者尚不减十余人鏐起执爵于席自唱还乡歌以娱賓曰三节还乡兮挂锦衣吴越一王驷马归临安道上列旌旗碧天明明兮爱日辉父老远近来相随家山乡眷兮防时稀斗牛光起兮天无欺时父老虽闻歌进酒都不之晓武肃觉其欢意不甚浹洽再酌酒高揭吴喉唱山歌以见意词曰你辈见依底欢喜别是一般滋味子长在我依心子里歌阕合声赓赞呼笑振席欢感间里今山民尚有能歌者【湘山野录】

武肃王还临安与父老饮有三节还乡之歌父老多不解王乃高揭吴音以歌曰你辈见依底欢喜别是一般滋味子长在我依心子里至今狂童游女借为奔期问答之歌呼其宴处为欢喜地【枫窗小牋】

或有述李频诗于钱尚父曰只将五字句用破一生心尚父曰可惜此心何所不用而破于诗句苦哉【北梦琐言】吴越王妃每岁归临安王以书遗妃云陌上花开可缓缓归矣吴人用其语为歌含思宛转听之凄然苏子瞻为之易其词盖清平调也调云陌上花开蝴蝶飞江山犹是昔人非遗民几度垂垂老游女长歌缓缓归陌上山花无数开路人争看翠輶来若为畱得堂堂去且更从教缓缓回生前富贵草头露身后风流陌上花已作迟迟君去鲁犹歌缓缓妾回家【委巷丛谈】

钱武肃王目不知书然其寄夫人书云陌上花开可缓缓归矣不过数言而姿制无限虽复文人操笔无以过之东坡演之为陌上花云陌上花开蝴蝶飞江山犹是昔人非遗民几度垂垂老游女还歌缓缓归五代时列国以文雅称者无如南唐西蜀非吴越所及赖此一条足以解嘲【香祖笔记】

五代时吴越文物不及南唐西蜀之盛而武肃王寄妃书云陌上花开可缓缓归矣二语艳称千古东坡又演为陌上花云陌上花开蝴蝶飞江山犹是昔人非遗民几度垂垂老游女还歌缓缓归生前富贵草头露身后风流陌上花已作迟迟君去鲁犹歌缓缓妾归家鼂无咎亦和八首有云娘子歌传乐府悲当年陌上看芳菲曼声更缓何妨缓莫似东风火急归荆王梦罢已春归陌上花随暮雨飞却唤江船人不识杜秋红泪满罗衣二公诗皆絶唱入乐府即小秦王调也【渔洋诗话】

武肃将筑捍海塘患江涛冲激命彊弩五百以射潮头又亲筑胥山祠祷之曰愿息忠愤之气暂收汹涌之涛函诗一章置海门云传语龙王并水府钱塘借与筑钱城既而涛头遂趋西陵【吴越备史】

每读西湖书不耐板蕩黍禾之语杨铁崖故宫诗用红毵字輒欲举笔抹之今观鷓鴣竹枝百首虽复慷慨歷落别有托寄而所叙列多不可了吾意吾祖武肃王筑钱塘诗云传语神龙并水府钱塘今拟作钱城去今千余年英雄之气尚在每吟鷓鴣一絶輒曼声歌此诗以乱之【有学集】

是歲廣杭州城大修台館筑子城南曰通越門北曰雙門錢塘富庶由是盛于東南有何人夜署府門曰沒了期沒了期修城才了又開池王出見之命易其句云沒了期沒了期春衣才罷又冬衣士卒嗟怨者遽息【十國春秋】王稍暇則命子孫諷誦詩賦或以所制詩賜丞相及將吏以下亦間能書寫畫墨竹然不以占畢廢正務【十國春秋】集注坡詩有未廣者如看潮詩曰安得夫差水犀手三千彊弩射潮低自注吳越王嘗以弓弩射潮與海神戰自爾水不近州趙次公注三千彊弩字杜牧寧陵縣記中語不知此語已先見前漢張騫傳曰漢兵不過三千人彊弩射之即破矣又五代世家亦有三千彊弩事何但牧言【野客叢書】

徐彥海鹽人前後從征伐有功及李彥徽奔淮南王親巡吳興題詩嬰蘭堂在湖州東南溪次末云須將一片地付與有心人眾不測王將登舟顧彥曰以此郡付汝【吳越備史】

錢氏鐵券玉冊國除日進內帑宋季兵亂券沈渭水中者五十六年元至順二年漁父獲而售之錢氏之後居天台者曰世珪明洪武二年大封功臣取其券以為式尋還其家高季迪為之歌云妖兒初下含元殿天子仍居少陽院諸藩從此捆連城朝貢皆停事攻戰岐王已去梁王來長安宮闕生蒿萊天目山前異人出金戈雙舉風烟開羅平惡鳥鳴初起犀弩三千射潮水歸來父老拜旌旗釀酒捶牛宴鄉里輕裘駿馬驕春風錦袍玉帶真英雄詔書特賜誓終始黃金鏤字旌殊功虎符龍節彤弓矢後嗣猶令赦三死盡言恩寵冠當時天府冊書未逾此摩挲舊物四百年古色滿面凝蒼烟天佑宰相署名在尋文再讀心茫然古來保族須忠節受此幾人還覆滅王家勲業至今傳不在區區一方鐵人生富貴知幾時泰山作砥柱相期行人曾過表忠觀風雨斷蘚埋殘碑【西湖遊覽志】

寺塔之建吳越武肅王倍于九國按咸淳臨安志九廂四壁諸縣境中一王所建已盈八十八所合一十四州悉數之且不能舉其目矣當日嘗于宮中冶烏金為瓦繪梵夾故事塗之以金合以成塔鄱陽姜堯章得其一版乃如來舍身相陽穀周晉仙賦長歌紀其事有云錢王本自英雄人白蓮花見國主身蛇身虎落狗腳朕何如錦袍玉帶稱功臣考羅平僭號王遺董昌書曰與其閉門作天子九族塗炭不若開門作節度使終身富貴無憂晉仙即演其辭使聞者足戒此詩人之善于取材者已【曝書亭集】

有言表忠觀碑在錢王祠者因過觀之考表忠觀在龍山之麓觀毀遷其碑來祠然碑皆露立且有仆者及觀畢欲憩祠右一廢寺不得入按地當涌金門外為錢王故苑苑曾產靈芝因舍苑宅作靈芝寺南渡後建祠寺傍新進士放榜訖每題名于寺而開宴焉真勝地也今祠止三楹坐錢氏三世五王而寺已頽然不可問矣詩曰舊苑畱壞墻荒碑卧行路欲采云母芝草長不知處日落移舟晚春明后宴遲誰憐臨水宅猶是曲江池【西河詩話】

錢王祠在涌金門外舊名表忠觀祀吳越王錢鏐鏐子文穆王元瓘瓘子忠獻王 佐忠遜王 侖忠懿王俶宋時觀在龍山熙寧十年知杭州趙抃請于朝建苏轼作碑記元時燬明嘉靖三十九年以靈芝寺改建祠蓋王故苑也陳子龍錢王祠詩草草羣雄事紛紛割據年斗牛占王氣屠販出豪賢地屈孫劉勢形支江海邊爪牙多健勇防佐集神仙本奉中州朔時分屬國天錦城開邸第大木拥旌旃受冊三楼下歌風四馬前自從納土後終見舉宗遷青蓋方朝洛

丹书改赐田金輿何日去玉椀不曾还守墓新恩重荒祠旧德传冕旒皆壮丽子姓特绵联晚
树腾鼯鼠空檐响杜鹃崇功铭版碣遗恨满山川异代还祠庙当年入管弦
共周旋锡礼何妨盛王侯岂易捐谁言脱屣便不见誓书坚宋室诸陵在南枝更可怜【西湖志】

吳越王钱俶

王博览经史手不释卷平生好吟咏在国中编三百余篇目曰政本国相元德昭翰林学士陶谷皆撰序后文僖公搜寻遗坠总集为十卷撰后序行于世【吴越备史】唐人崇尚文墨台阁公卿未有不工此者风俗既成虽藩帅节将如于頔高骈之流皆以吟咏自喜如罗绍威王智兴则兼逞词翰当时有李陵章句右军书之佞頔智兴一字不传无以驗工拙骈绍威所作存者信工予读绛帖有钱忠懿王使院律诗一首练句结字不在骈绍威之下后于墨林方氏见忠懿与其子遗墨五幅草圣奇古简而不烦得钟王意时忠懿方自杭朝京师每书必云吾极无事又云不用忧心事已如此识天下之有归知王者之无敌脱屣去之无一毫失国之恨异乎时穷势迫然后面缚奉降賤挥泪对宫娥者矣忠懿书语既忠孝笔法又精妙恭惟熙陵评入神品前世帝王多与臣下争长故有用拙笔书或为累句芜辞以求免祸者熙陵云章奎画前无古人而推重忠懿翰墨如此始知王僧虔沈约薛道衡辈所遭之不幸也初天圣中文僖公尝刊忠懿十八帖与墨林此帖草法酷似碑本已足贵况真迹乎【刘后邨集】

钱思公谪居汉东日撰一曲曰城上风光鶯语乱城下烟波春拍岸绿杨芳草几时休泪眼愁肠先已断情怀渐变成衰晚鸾鉴朱颜惊暗换昔年多病厌芳樽今日芳樽惟恐浅每歌之酒阑则垂涕时后阁尚有故国一白髮姬乃邓王俶歌鬟惊鸿者也曰吾忆先王将薨预戒挽铎中歌水兰花引绋为送今相公其将亡乎果薨于隋邓王旧曲亦有帝乡烟雨锁春愁故国山川空泪眼之句颇相类【湘山野录】

宋邵伯温曰南唐李煜以太平兴国三年七月七日卒吳越王钱俶以雍熙四年八月二十四日卒二君归宋奉朝请于京师其卒之日俱其始生之辰太宗于是日遣中使赐以器币与之燕饮皆饮毕卒盖太宗杀之也余按野史李后主以七夕诞辰命故妓于赐第作乐侑饮声闻于外太宗闻之太怒又传其小词有小楼昨夜又东风故国不堪回首梦魂中之句由是怒不可解是李之祸词语促之也因记钱邓王有句云帝乡烟雨锁春愁故国山川空泪眼其感时伤事不减于李然则其诞辰之祸岂亦缘是耶【稗史彙编】

太宗以王善于草 遣中使取王草书笔迹王以风恙手不能握笔命将往时所书绢图草字遣世子惟濬同中使以进下诏獎谕仍赐金匣玉砚一付龙凤墨一百挺红绿笔一千管盈丈纸二百轴细白绢三百疋幕府宰相泊朝中大臣文士撰恩赐汉南国王金匣玉砚诗文进上观览命黄绢图本遣赐王夏四月召王宴于后苑帝曰春风暄和万物畅茂四海安宁朕当以天下之乐为乐宜令赏花赋诗【吴越备史】

吳越后王来朝太祖为置宴出内伎弹琵琶王献词云金鳳欲飞遭掣搦情脉脉看即玉楼云

雨隔太祖起拊其背曰誓不杀钱王【后山诗话】

侍郎鲍约颇从吳忠懿王纳土及王归宋约窜处海上王以诗追之曰东遐追兮西遐追鲍约何如罢钓归迄今有遐追庙焉【十国春秋】

钱氏之后自中原奉三世柩窆于越土诸公皆为哀挽茶山独云摸金千骑去埋玉几人归可谓妙于用事【后邨诗话】

楚王马殷

唐末刘建峰定长沙遣马殷领众浚城濠得石碣有古篆十八其文曰龙举头猓掉尾羊为兄猴作弟羊归穴猴离次解者以殷干宁三年甲辰岁代立乃龙举头也至干祐辛亥岁国亡乃猓掉尾也殷子希范以己未岁生又以开运丁未岁薨乃羊归穴也又子希崇壬申岁生后为江南所俘乃猴离次也马希振亦殷之子清泰中卒葬长沙之陶浦掘得石碣其文曰乱石之壤絕世之冈谷变庚戌马氏无王盖马氏诸王雄于周广顺辛亥岁迁于江南然其国之变实在庚戌岁故也【青箱杂记】刘言世为马氏宿将节度朗州号刘黻牙及马氏将乱民间謠曰马去也不用鞭黻牙过今年其后边镐入长沙尽俘诸马归于金陵而镐亦为王逵所逐言是岁亦为潘叔嗣所杀皆其应也【青箱杂记】

闽主王审知

光启中陈岩为福建观察使童谣曰潮水来山岩没潮水去矢口出其后王潮果代岩而审知袭位乃其应也【青箱杂记】

洪州上蓝院和尚失其名精于术数所言輒验王审知斋供豫章问国休咎和尚以十字回报云不怕羊入屋只怕钱入腹时杨行密方盛常有并吞东南之志审知叹曰腹者福也得非福州之患不在行密而在钱氏乎至延義之乱江南来伐两浙乘之福州果为钱氏所有又审知时有防云风吹杨菜鼓山下不得钱郎戈不罢王氏末年钱忠献王佐遣兵伐闽败淮将杨业蔡遇等尽取福建之地【全唐诗话】

闽忠懿王及夫人任氏初葬于闽县灵岫乡鳳池上后唐长兴三年改葬永福山今莲花峰是也宣德四年有屯军三十人盗发王塚圻门甚坚凿上角一孔以巨绳腰一人先下忽中絕呼之不应众愕然乃以松脂燃火照圻中用长梯鱼贯而入见先入者死矣圻制广如屋前祀王像凡列五供罇瓶烛台皆以金玉为之后寝红棺二王与夫人也随将器物珍宝盗出死者之妻梦其夫泣告发塚时先入被大蛇咬死欲分盗物一半其妻以梦告羣盗不肯控于管屯百户王杰杰受赂不问又控于怀安县典史朱玉得其金鐲玉带又不问复控于宪司副使李素金事邹穆穷治其事捕盗系狱典史大怖以为匿帝王物欲自缢或教以自首乃以金鐲玉带呈官郡诸生王琨者称王后裔当领所盗物有司未之信阅其家谱圻中物悉载焉按谱追物物毕出堂上悬王画像方面大耳巨目弓鼻紫面修髯俨然可畏有水碗莹如金色不识为何

宝召回回人辨之曰此玻璃镜也圻中盗物藏库以十之一并画像与王琨领回王墓官为修治时库役郑浩督工为予言亲见圻中悬棺推之即动棺盖为盗所开随即封固坟前石人石兽制极工巧嗟叹久之乃为诗曰莲花之峰高如云巍峩下有前王坟松围翁仲如相语草暗麒麟似出羣当时卜筑嗟埋玉春色开残红踟躕晓雨初晴叫鹧鸪寒烟欲掩游麋鹿忆昔朱连两搆凶层城如昨霸图空故宫总付苍茫外美道都归寂寞中寝园秘器期千古宣德初年发行伍金罐瓌琬落人间玉带真容归御府吾闻发者三十人一人坠死其妻嗔互相告首殒囹圄无人得脱王憾伸所幸官司即修缮旧时莹域皆安奠富沙派出来中州苹藻时思致明荐惟王秀挺英雄姿保障东西建鼓旗军中王气诚非偶五百年来德政碑古松老树多遗爱濯濯英灵宛如在后来勿学屯田军踏破苔花慎勿再【如斋类藁】

闽主王继鹏

继鹏元妃梁国夫人李氏同平章事敏之女继鹏宠春鶯欲废夫人内宣徽使防政事叶翹諫曰夫人先帝之甥聘之以礼奈何以新爱易乎继鹏不听翹复上书极争继鹏批其疏后曰春色曾看紫陌头乱红飞尽不禁秋人情自厌芳华歇一叶随风落御沟放翹归永泰梁国竟废【金鳳外传】

闽主王延羲

朱文进连重遇既获罪康宗时惧国人见讨相与结婚自固帝果于诛杀又常酒酣咏白居易诗以诮文进重遇诗云惟有人心相对间咫尺之情不能料因举酒属二人二人起流涕再拜曰臣子事君父安有他志帝不应二人大惧【十国春秋】

南平王高从诲

晋学士王仁裕来聘王出十妓弹琴以乐之韵府羣玉载从海有句云红妆齐抱紫檀槽一抹朱弦四十条【十国春秋注】

秦王从荣

秦王从荣之为元帅轻佻浅露狎近浮薄列坐将帅而与判官论诗未跻大位而许人祸福上闻从荣伏诛悲骇几落御榻气絶复苏者再自云我今日自作刘窟头也【北梦琐言】

李景遂

晋王景遂先主第三子美容止性和厚让皇殂于丹阳遣送葬望柩哀恸雨泪观者为之垂涕兄璟继位立为储副固让不从改字退夫以见志接人物得人欢心喜与賓僚宴谈投壶赋诗【玉壶清话】

贊善大夫张易峭直喜尽言景遂常赋诗纖丽易面规之景遂敬纳又常怒碎玉杯于坐景遂亟推谢无忤色【十国春秋】

景遂赴润州鎮谢饯诗云路指丹阳分虎节心存双阙恋龙顏【江表志】

李 茂

李 茂字子松元宗第二子早卒追封庆王有咏雪句云甜于泉水茶須信狂似杨花蝶未知病中云半牕月在犹煎药几夜灯闲不照书【江表志】

李从谦

吉王从谦元宗第九子风采峭整喜为诗动有规诲后主常与侍臣奕从谦甫数岁侍侧后主命赋观棋诗曰竹林二君子尽日意沈吟相对虽无语争先各有心恃强知易失守分固难侵若算机筹处沧溟想未深【马令南唐书】

王延彬

延彬圭之子忠懿之犹子也圭死袭其父封于泉州性多艺而奢纵日服一巾栉日易一汗衫能为诗亦好說佛理词人禅客谒见多为所沮宅中声妓皆北人将求妓必图已形而书其歌诗于图侧题曰才如此貌如此以是冀其见慕进士徐寅常为人生几何赋后因修合求药于延彬延彬即书赋词于札尾报之其风流多此类也圭初领兵至泉州舍于佛寺始生延彬于寺之堂既生而有白雀一栖于堂中迄延彬之终方失其所在凡三十年仍岁丰年每发蛮舶无失坠者人因谓之招宝侍郎朝廷赠延彬云州节度使及卒复葬云台山迄今闽人谓之云台侍中其诗有尤者曰两衙前后讼堂清软锦披袍拥鼻行雨后绿苔侵履迹春深红杏锁鶯声因携久醞松醪酒自煮新抽竹笋羹也解为诗也为政依家何似谢宣城人多诵之【五国故事】

徐寅兴化军莆田人以祕书正字归老乡里既死节度使王延彬以诗哭之曰延寿溪头叹逝波古今人事半消磨昔除正字今何在所谓人生能几何【诗史】

泉州 则禅师林性简素不求羸余刺史王延彬赠句有莫怪我来偏礼足萧宫无个似吾师之语【闽书】

马希振

希振武穆王嫡长子也歷官至武顺节度使加侍中工诗句耽吟咏常延诗僧虚中于斋阁酬答不厌颇筑别墅憩息以为乐虚中常题其池亭云嘉鱼在深处幽鸟立多时盖纪实也衡阳王故希振庶弟因母宠得立希振遂弃官为道士清泰中卒葬长沙之陶浦掘得石碣其文曰

乱石之壤絕世之冈谷变庚戌马氏无王盖马氏诸子于辛亥岁迁江南而其国变实在庚戌也【十国春秋】希振为鼎州节度使与门下客何致雍僧贯休联句希振曰青蛇每用腰为力贯休曰红苋时将叶作花希振又曰蚊子子衔虫子子致雍曰猫儿儿捉雀儿儿【续归田录】

钱元懿

元懿武肃王第五子也累官賓睦二州刺史清海武胜等军节度使封金华郡王广顺元年薨于婺州年六十有六元懿治郡三十年初洩新定时有卜士方氏者时人号曰龟精常以卜数贻之曰太乙接天河金华宝贝多郡侯六十六别处不经过至是其言果驗【十国春秋】

钱 傳

世子 傳文穆王第五子与忠逊王同出鲁国夫人酈氏初梁沙门宝志铜牌记云有真人在冀州开口张弓左右边子子孙孙万万自是南唐以 冀名子文穆王诸子皆连 字以应之 傳所由名也【十国春秋】

钱 亿

显德中王命括民丁以益军旅州县长吏因之多所残刻 亿手疏其弊辞理切直王感悟乃罢王常与丞相以下论民之劳逸都由人君奢俭裁诗二章以寓志 亿亦谓北方侯伯多贡淫巧蛊君心因献诗讽刺王嘉叹久之仍赐诗褒美【十国春秋】

钱仁侃

仁侃尚父之孙也为元帅府中书检校司徒与中军都虞侯金沼邻居沼所居堂东植牡丹花一本着花三百朵其色如血如金含棱顶上有碎金丝如自然蛱蝶之状一城以为殊异每岁花开张宴仁侃与焉开宝七年春三月花才一两朵开仁侃一夕洪饮击剑程服中单背负大篮左手携锄腰藏六匕首逾墙而过沼中外无知者锄取牡丹置篮中乃平其地空中闻有吁叹之声细微若游蜂音辞曰一花三百朵含笑向春风明年三月里朵朵断肠红仁侃异之移植于庭后明日沼觉失花为非人力所及来年花盛开乃宴沼沼一见无语得疾以归至夜愤闷不已以刀决肠而卒肠皆寸寸断果符空中之语【洞微志】

钱昱

昱与从父俨皆以文章知名中朝比之二陆又雅善琴画聪明能覆棋饮酒至斗余不乱尤好学喜聚书多所吟咏恒与中朝卿大夫唱酬一日对沙门赞寧 竹事迭录所记显得百余条因集为竹谱三卷【十国春秋】

钱昆

淮阴侯庙题者甚多惟谏议钱公昆最为絶唱诗曰筑坛拜日恩虽厚蹶足封时虑已深隆准早知同鸟喙将军应起五湖心【青箱杂记】

小说记事亦多舛误岂复可信虽事之小者如一诗一词亦谬耳淮阴侯庙诗筑坛拜日恩虽重之句青箱杂记谓是钱昆作桐江诗话谓是黄好谦作是一诗而有二说也小词春光好待得鸾胶续断弦是何年之句江南野录谓是曹翰使江南赠妓词本事词谓是陶穀使钱塘赠驿女词冷斋夜话谓是陶穀使江南赠韩熙载歌姬词是一词而有三说也其他类此者甚众殆不可遍举【渔隐丛话】

宋初置通判分知州之权谓之监州有钱昆者性嗜蟹常求外补曰但得有蟹无监州处则可此语风味似晋人归田录及扞虱新话皆载其事东坡诗云欲问君王乞符竹但忧无蟹有监州昆去东坡未远即用其事为诗良爱其语也【稗史彙编】

钱易

薛九江南富家子得侍宫中善歌嵇康嵇康江南曲名也学舞于钟离氏建业破零落于江北余遇于洛阳福善坊赵春含饮酣于是歌嵇康其词即后主所制焉尝感激坐人皆泣春举酒请舞谢曰老矣腰腕衰硬无复旧态乃强起小舞终曲而罢座有王生者请余为嵇康小舞词曰薛九三十侍中郎兰香花态生春堂龙盘王气变秋雾淮声哭月浮秋霜宜城酒烟湿羈腹与君强舞当时曲玉树遗辞莫重听黄尘染鬓无前绿我闻襄阳白铜鞮荒情古艳传幽悲凄凉不抵亡国恨座中苦泪飞柔丝洛阳公子擎银觞跪奴和曲生 光茂陵旅梦无春蚤彤管含羞裁短章【侍儿小名录】

杜子美居蜀累年吟咏殆徧海棠奇艳而诗章独不及何耶郑谷诗云浣花溪上空惆怅子美无心为发扬是已本朝名士赋海棠甚多往往皆用此为实事如钱易诗云子美无情甚都官着意频李定诗云不霑工部风骚力犹占勾芒造化权独王荆公用此作梅花诗最为有意所谓少陵为尔牵诗兴可是无心赋海棠也【韵语阳秋】绍兴二十四年甲戌先银青部纲过仪真时七伯父方以漕使兼扬州出示书画卷有草书一轴末云居家世世为好官后书钱希白盖三经堂帖歌也希白名易吴越国王俶之子与其兄昆随俶归朝愿从科举年十七举进士御试三题日中而就太宗尝语苏易简曰朕恨不与李白同时易简对曰有钱易者李白才也太宗喜曰若然当如唐故事召入禁林防盗起剑南不果官翰林学士为文数千言顷刻而就又善行草有文集在秘阁观此卷可知其人也宋谏议敏求着东京记载崇庆坊司空李昉有孝经道德经为三经堂家有东京图崇庆坊在城之东北有司空李昉宅则诗所谓夹城尽北十里衡者也黑幡盖用汉旧仪丞相两黑幡故事司空子宗谔为翰林学士宗谔子昭廷为侍读学士从子昭道为天章阁待制世世为好官非虚语也【楼攻愧集】

祥符中日本国忽梯航称贡非常贡也盖因本国之东有祥光现其国素传中原天子圣明则

此光现真宗喜勅本国建一佛祠以鎮之赐额曰神光朝辞日上亲临遣夷使回乞令词臣撰一寺记时当直者虽偶中魁选词学不甚优贍居常止以张学士君房代之盖假其稽古才雅也既传宣令急撰寺记时张尚为小官醉饮于樊楼遣人徧京城寻之不得而夷人在閤门翘足而待又中人三促之紫微大窘后钱杨二公玉堂暇日改闲忙令大年曰世上何人最得闲司諫拂衣归华山盖种放得告还山养药之时也钱希白曰世上何人最得忙紫微失却张君房时传此事为雅笑【湘山野录】

钱内翰希白昼景诗云双峰上帘额独鹄裊庭柯裊字最其所用意处然韦苏州听莺曲有时断续听不了飞去花枝犹裊裊已落第二义矣【复斋漫录】

钱希白作拟唐诗百篇备诸家之体自序曰今之所拟不独其词至于题目岂欲抛离本集或有事疏斯亦见之本传故其拟张籍上裴晋公诗曰午桥庄上千竿竹绿野堂中白日春富贵极来惟叹老功名高后转轻身严更未报皇城里胜赏时游洛水濱昨日庭趋三节度淮西曾是执戈人又作拟卢防诗云门前飞杨花屋后恶水鸣青蛙案上两卷书尧典与舜典畱与添丁作生涯拟古当如此相似方可传【许彦周诗话】

钱惟治

惟治好学家聚法帖图书万余卷多异本生平慕皮陆为诗有集十卷又有宝子垂绶连环诗回文体也世多称之【十国春秋】

钱鎮州诗虽未脱五季余韵然回旋读之固自娓娓可观题者多云宝子弗知何物以余考之乃迦叶之香炉上有金华华内乃有金台即台为宝子则知宝子乃香炉耳亦可为此诗证但圖若重规然岂汉丁缓被中之制乎【东观余论】

吴越回文绶带连环诗碑在法华寺节度使钱惟治作九十首其一首云圣主钦崇教千光显紺容映云窗绮暖笼月箔花重净刹香风远危防碧雾浓胜因良以咏华国一斯逢又一首云碧天临迴阁晴雪防山屏夕烟侵冷箔明月敛闲亭【湖州府志】

钱惟演

惟演字希圣幼有俊才俶尝使赋远山诗有高为天一柱秀作海三峰之句俶深器之【东都事畧】

咸平景德中钱惟演刘筠首变诗格而杨文公与之鼎立号江东三虎诗格与钱刘亦絕相类谓之西昆体大率效李义山之丰富藻丽不作枯寂语故杨文公在至道中得义山诗百余篇至于爱慕而不能释手公尝论义山诗以为包蕴密致演绎平畅味无穷而炙愈出钻弥坚而酌不竭使学者少窥其一斑若涤肠而浣胃是知文公之诗得于义山者为多矣又尝以钱惟演诗二十七联如雪意未成云着地秋声不断雁连天刘筠诗四十八联如溪牋未破冰生

砚炉酒新烧雪满天之类皆表而出之【丹阳集】

钱刘首变诗格钱咏汉武云立堠东溟邀鹤驾穷兵西极待龙媒刘咏明皇云梨园法部兼胡部玉辇长亭复短亭工则工矣余按首变诗格者文公也文公亦咏汉武云力通青海求龙种死讳文成食马肝咏明皇云河朔叛臣惊舞马渭桥遗老识真龙比之钱刘尤老健【后邨诗话】

杨文公云钱惟演刘筠首变诗格学者慕之得其格者蔚为佳句集中丽语颇多如惟演奉使涂中云雪意未成云着地秋声不断雁连天又云客亭厌见名长短村酒那能辩圣贤送僧游楚云宿舍孤烟起行衣梦雨凉张并州诗云戈矛巡雾夕铙鼓宴萧晨章衢雨诗云平槛晓波吴榜渡绕城春树越禽飞章南安云离人南浦多春草越鸟栖枝有蚤梅刘潭州云坐激鲜飏湘竹晓树含凉雨越禽归李太白北使云汉帜随移帐燕鸿半解鞍何袁州云疎钟静起军城晚华表双高水国秋陈江陵云深沈蛛网通归梦紫翠春山接去舟太乙宫云神庭古柏啼乌起斋室虚帘宿雾通送人云思满离亭酒魂惊客舍乌高泉州云东南地迴宵烽息西北楼高晚望迷章分宁云小雨郊原连苦雾夕阳楼阁照丹枫东封应制云羽毛襄野驾宴喜鲁郊民送予知处州云轻飏使车远明月直庐空张仆射判河阳云绿野桑麻连四水黄堂歌吹拥千兵孙永兴云鱼尾故宫迷草树龙鳞平隰自风烟汉武云立堠东溟邀鹤驾穷兵西极待龙媒公子云歌番南国桃根曲马过章台杏叶鞦韆花云欲作飞烟散犹怜反照迟荷花云泪有鲛人见魂须宋玉招禁中鹤云天渊风雨多秋思辽海烟波阻旧期畱题云有时盘马看尤懒尽日投壶笑未回又云春瘦已寛连理带夜长谁有辟寒金元夜云九枝火树连金狄万里霜轮上璧珰马延州云沃野桑麻涵细雨严城鼓角送斜阳【诗话总龟】

祥符天禧中杨大年钱文僖晏元献刘子仪以文章立朝为诗皆宗尚李义山号西昆体后进多窃义山语句赐宴优人有为义山者衣服败敝告人曰吾为诸馆职捃摭至此闻者欢笑【中山诗话】

钱思公汉武诗立堠东溟邀鹤驾穷兵西极待龙媒甘泉祭罢神光防更遣人间识玉杯夫东求蓬岛西求宛马亦志大心劳矣葬地玉杯遡出人间悲之也亦理之所不能免也人君而鉴此则修德人臣而感此则尽心以事主听其运于天也【瀛奎律髓】

钱思公秦皇诗天极周环百二都六王钟鐻接流苏金椎谩筑甘泉道匕首还随督亢图已觉副车惊博浪更携连弩望蓬壶不将寸土封诸子刘项由来是匹夫督亢之亢作平声作仄声用亦可末句尤妙天下事每出于智之所不能料有天下者修德而已人主往往知惩前代之失至于矫枉过正则其祸必伏于人之所不能见者刘项匹夫而亡秦又岂必封建地大者足为患耶此昆体诗一变亦足以革当时风花雪月小巧呻吟之病非才高学博未易到此久而雕篆太甚则又有能言之士变为别体以平淡胜深刻时势相因亦不可一律立论也【瀛奎律髓】

钱文僖公畱守西洛尝对竹思鹤寄李和文公诗云瘦玉萧萧伊水头风宜清夜露宜秋更教

仙驥旁边立尽是人间第一流其风致如此淮宁府城上莎犹是公所植公在鎮每宴客命防行分行划袜步于莎上传唱踏莎行一时胜事至今称之【能改斋漫录】

元献晏公为丞相时作新第于城南时钱思公鎮西洛晏求牡丹于思公公以絕句并花寄晏云名花封植在秋期翠石丹萱幸可依华馆落成和气动便随桃李共芳菲【能改斋漫录】

钱思公虽生长富贵而少所嗜好在西洛时尝语僚属平生惟好读书坐则读经史卧则读小说上厕则阅小词盖未尝顷刻释卷也【归田录】

谢希深欧阳永叔官洛阳时同游嵩山自颍阳归暮抵龙门香山雪作登石楼望都城忽于烟霭中有防马渡伊水来者既至乃钱相遣厨传歌妓至吏传公言曰山行良苦当少畱龙门赏雪府事简无遽归也钱相遇诸公之厚如此后钱相谪汉东诸公送别至彭婆鎮钱相置酒作长短句俾妓歌之甚悲钱相泣下诸公皆泣下【闻见前录】

花品序云余居府中时尝谒思公见一小屏立坐后细书字满其上思公指之曰欲作花品此是牡丹名凡九十余种然余所见而今人熟称者才三十许不知思公何从得之多也思公即钱惟演东坡云惟演为西都畱守始置驿贡洛花识者鄙之此宫妾爱君之意也故于荔支叹云洛阳相君忠孝家可怜亦进姚黄花盖为思公惜之也【渔隐丛话】

钱昭度

钱昭度能诗尝作吕申公夷简生日诗云礪溪重得吕维岳再生申当时诗格律止此然可谓着题也已【彦周诗话】郭平振武旧将分配钱塘给官屋居之屋在修文坊旧为白校书尤赁烧丹药未欲往而官吏丁疎因逐之乃破炉而去白因召丁疎同饮谓疎曰大药为吾子所破有小戏术醒酒乃取盘一面置于膝上以指敲腕出五色弹子两枚化为双燕而飞白曰仆射髭甚繁可减些言未毕二燕化为二小劒长五寸余锋刃如雨交舞于疎之颐颌间髭落如雪疎惧甚白呼劒下盘中依前成二丸纳于左右腕而去钱昭度赠白诗云袖里青锋秋水寒谁疑双燕是金丸出门风雨知何去空有霜髭在玉盘【洞防志】

北方有焉支山上多红蓝北人采其花染绯取其英鲜者作胭脂妇人妆时用此颜色殊鲜明可爱匈奴名妻阏氏言可爱如胭脂也钱昭度作王昭君诗云阏氏才闻易妾名归期长似俟河清则误读氏字为姓氏之氏矣【稗史彙编】

钱昭度有食梨诗云西南片月充肠冷二八飞泉绕齿寒余读乐府解题井谜云二八三八飞泉仰流盖二八三八为五八五八四十也四十为井字【闻见后录】

王安国作诗好用酒楼字尝谓吴处厚曰子诗有几酒楼吴曰有二其一夜泊浔阳宿酒楼二后夜钱塘酒楼上云云安国曰足矣然不如钱昭度长忆钱塘江上望酒楼人散雨丝丝【六砚斋笔记】

宋初人佳句如杨徽之春望云杳杳香芜何处尽摇摇风柳不胜垂江行云新霜染枫叶皓月借芦花嘉阳川云青帝已教春不老素娥何惜月长圆元夜云雪归万年树月满九重城徐鉉病中云向空咄咄频书字举世滔滔莫问津梁周翰山居云宿雨一番蔬甲拆春山几处茗旗香郑文宝春郊云百草千花路斜风细雨天送别云杜曲花光浓似酒灞陵春色老于人送人去云满帆西日催行客一夜东风落楚梅刘师道寄别云南浦未伤春草碧北山仍愧晓猿惊叹世云野马窗边日醺鸡瓮里天李宗鄂春郊云一溪晚绿浮鸂 万树春红叫杜鹃李维渚宫亭云故宫荒草在往事暮江流送人越州云风樵若邪路霜钓洞庭秋丁谓送章南云梅花过岭路桃叶渡江船芭蕉云绿章封事缄初启青凤求凰尾乍开晏殊云东阳诗骨瘦南浦别魂销钱昭度村居云黄蜂衙退海潮上白蚁战酣山雨来自咏云刚肠欺竹叶衰鬓怯菱花春昼云人归汉后黄金屋燕在卢家白玉堂登楼云远水净林色微云生夕阳皆可诵也【稗史彙编】

钱昭度村居云黄蜂衙退海潮上白蚁战酣山雨来大寒云雨被北风吹作雪水愁东海亦成冰金陵云西北高楼在东南王气销梅花云东北风吹大庾岭西南日映小寒天鴈云三年别馆风吹入万里长沙月照来秋游华山云人间路到三峰尽天下秋随一叶来【诗话总龟】钱昭度灯诗云绣帔梦惊中酒处朱门人语上朝时未若船中闻鴈洞庭夜牀下有蛩长信秋意格清远【诗话总龟】昭度又有闻角诗云风欲抛高雨压沈黄昏前后五更深议者云此亦句之优者【诗话总龟】

蔡绦西清诗话记荆公有残菊飘零满地金之句而文忠非之荆公以文忠不读楚辞之过也以予观之夕餐秋菊之落英非零落之落落者始也如筑室始成谓之落成尔雅曰俶落权舆始也至若钱昭度诗云荞麦花残小雪飞乃为诗病【能改斋漫录】

张平子四愁诗云美人赠我金错刀何以报之英琼瑶钱昭度诗云荷挥万朵玉如意蝉弄一声金错刀即王莽所铸钱名莽居摄变汉制以周钱有子母相权于是更造大钱径寸二分重十二铢文曰大钱五十又造契刀其环如大钱身形如刀长二寸文曰契刀五百错刀以黄金错其文曰一刀直五千与五铢钱凡四品并行杜子美对雪诗金错囊徒罄银壶酒易赊韩退之潭州泊船诗闻道松醪贱何须怯错刀此谓是也或注四愁诗引续汉书佩刀诸侯王以黄金错环恐与王莽所铸错刀又别【艺苑雌黄】

钱熙

钱熙字大雅南安人登甲科献四夷来王赋万余言太宗奇之直史馆熙好学善谈精笔札第负气 躁后以事罢职愤恚卒尝撰三酌酸文世称精絶畧曰渭川凝碧蚤抛钓月之流高岭排青不逐眠云之客又曰年年落第春风徒泣于迁莺处处羁游夜雨空悲于断鴈其卒也乡人李庆孙哭之曰四夷妙赋无人诵三酌酸文举世传【闽书】

钱熙送人金陵拜扫有云鹤归已改新城郭牛卧重寻旧墓田【诗话总龟】

李贊华

契丹安巴坚死长子东丹王托云不得立自登州泛海归唐于海岸刊木立碑大书二十字诗
曰小山压大山大山全无力羞见故乡人自此投外国【契丹国志】

五代诗话卷二

中朝

司空图

司空图与李生论诗云文之难而诗之难尤难古今之喻多矣而愚以辨于味而后可以言诗也江岭之南凡是资于适口者若醯非不酸也止于酸而已若醢非不咸也止于咸而已华之人所以充饥而遽辍者知其咸酸之外醇美者有所乏耳彼江岭之人习之而不辨者宜哉诗贯六义则讽谕抑扬淳蓄渊雅皆在其间矣然直致所得以格自奇前辈诸集亦不专工于此矧其下者耶王右丞韦苏州澄澹精致格在其中岂妨于遁举哉贾阼仙诚有警句视其全篇意思殊馁大抵附寒澹方可置才亦为体之不备也矧其下者哉噫近而不浮远而不尽然后可以言韵外之致耳愚幼尝自负既久而愈觉缺然得于春早则有草嫩侵沙长冰轻着雨消又人家寒食月花影午时天又雨防吟思足花落梦无聊得于山中则有坡暖冬生笋松凉夏健人又川明虹照雨树密鸟冲人得于江南则有戍鼓和潮暗船灯照岛幽又曲塘春尽雨方响夜深船又夜短猿悲减风和鹊喜灵得于塞下则有马色经寒惨雕声带晚饥得于防乱则有骅骝思故第鸂鶒失佳人又鲸鲵人海涸魑魅棘林幽得于道宫则有棋声花院闭幡影石坛高得于夏景则有地凉清鹤梦林静肃僧仪得于佛寺则有松日明金像苔龕响水鱼又解吟僧亦俗爱舞鹤终卑得于郊园则有远坡春早惨犹有水禽飞得于乐府则有晚妆留拜月春睡更生香得于寂寥则有孤萤出荒池落叶穿破屋得于愜适则有客来当意愜花发遇歌成虽庶几不滨于浅涸亦未废作者之讥诃也七言云逃难人多分隙地放生鹿大出寒林又得剑乍如添健仆亡书久似忆良朋又孤屿池防春涨满小防花韵午晴初又故国春归未有涯小栏高槛别人家五更惆怅回孤枕犹自残灯照落花又甲子今重数生涯只自怜殷勤元昨日旁午又明年皆不拘一槩也盖絶句之作本于诣极此外千变万状不知所以神而自神也岂容易哉今足下之诗时辈固有难及况复以全美为上即知味外防矣【唐诗纪事】

与王驾评诗云末伎之工虽蒙誉于贤哲未足自信必俟推于其类而后神跃而色扬今之赞艺者反是若即医而靳其病也唯恐彼之善察药之我攻耳以为率人以谩莫能自振痛哉且工之尤者莫若伎于文章其能不死于诗者比他伎犹寡岂可容易较量哉国初主上好文雅风流特盛沈宋始兴之后杰出于江寧宏肆于李杜极矣右丞苏州趣味澄复若清沆之贯達大厯十数公抑又其次焉元白力勅而气孱乃都市豪估耳刘公梦得杨巨源亦各有胜防阼仙无可刘得仁辈时得佳致亦足涤烦厥后所闻愈褊浅矣然河汾蟠郁之气宜继有人今王生者寓居其间沈渍益久五言所得长于思与境偕乃诗家之所尚者则前所谓必推于其类岂止神跃色扬哉经乱索居得其所録尚累百篇其勤亦至矣吾适又自编一鸣集且云撑霆裂月劖作者之肝脾亦当吾言之无忤也【唐诗纪事】

唐司空图一鸣集十卷杂著八卷碑版二卷前有自序云所撰蜜史别编又有絶麟集述亦其自着也其与王驾论诗曰国初雅风特盛沈宋始兴之后杰出于江寧宏肆于李杜右丞苏州趣味澄复如清沆之贯達大厯十数公抑又其次元白力勅而气孱乃都市豪估耳又与李生

论诗曰江岭之南凡是资于适口者若醯非不酸也止于酸而已若醢非不咸也止于咸而已酸咸之外醇美者有所乏耳王右丞韦苏州澄澹精致格在其中岂妨于遁举哉晚唐诗以表圣为冠观此二书持论可见其所诣矣【池北偶谈】

王禹偁五代史缺文云图字表圣自言泗州人有俊才咸通中登进士第雅好为文躁于进取颇自矜伐端士鄙之从事使府洎登朝骤历清显巢贼之乱车驾播迁图有先人旧业在中条山极林泉之美图自礼部员外郎避地焉日以诗酒自娱属天下板荡士人多往依之互相推奖由是声名借甚昭宗反正以户部侍郎召至京师图既负才慢世谓已当为宰辅时人恶之稍抑其锐图愤愤谢病复归中条与人书疏不名官位但称知非子又称奈辱居士其所居在祔貽谿之上结茅屋命曰休休亭尝自为亭记云云谨按图河中虞乡人少有文采未为乡里所称防王凝自尚书郎出为绛州刺史以文谒之为大凝知入知制诰迁中书舍人知贡举擢图上第顷之凝出为宣州观察使辟图为从事既渡江御史府奏图监察下诏追之图感凝知己之恩不忍轻离幕府满百日不赴阙为台司所劾遂以本官分司久之召拜礼部员外郎俄知制诰故集中有文曰恋恩稽命黜系洛师于今十年方忝纶阁此岂躁于进取者耶旧史不详一至于是图见唐政多僻中官用事知天下必乱即弃官归中条山防以中书舍人召拜礼部户部侍郎皆不起及昭宗播迁华下图以密迹乘舆即时奔问复归还山故其诗曰多病形容五十三谁怜借笏趋朝参此岂有意干相位耶河中节度使王重荣请图撰碑得绢数千匹图致于虞乡市中恣乡人所取一日而尽是时盗贼充斥独不入王官谷河中士人依图避难获免者甚众昭宗东迁又以兵部侍郎召至洛下为柳璨所沮一谢而退梁祖受禅以礼部尚书召辞以老病卒时年八十余又案梁室大臣如敬翔李振杜晓杨涉等皆唐朝旧族本以忠义立身重侯累将三百余年一旦委质朱梁其甚者赞成弑逆唯图以清直避世终身不仕梁祖故梁史拾图小瑕以泯大节者良有以也裴晋公赴敌淮西题名华岳之阙门大顺中图以一绝纪之云岳前大队赴淮西从此中原息战鼙石阙莫教苔藓上分明认取晋公题题休休亭之楹曰咄诺休休休莫莫莫伎俩虽多性灵恶赖是长教闲处着休休休莫莫莫一局碁一炉药天意时情且料度白日偏催人快活黄金难买堪骑鹤若曰尔何能答云耐苦莫柳璨为相臣僚多被放逐图为监察御史犹加畏慎昭宗郊礼毕上章恳乞致仕曰察臣本意非为官荣可验衰羸庶全名节上特赐归山其诏畧曰既养高以傲世类移山以钓名心惟乐于漱流仕非颡于食禄匪夷匪惠特忘反正之朝载省载思当狗彘栖之志宜放归中条山诏辞乃璨之文也时多以四皓二疏誉之惟僧虚中云道装汀鹤识春醉野人扶言其操履检身非傲世者也又云有时防御札特地挂朝衣言其尊戴存诚非邀君也【唐诗纪事】

刘贡父以司空图诗中咄喏二字辩晋书所载石崇豆粥咄嗟而办为误以喏为嗟非也孙楚诗自有三命皆有极咄嗟不可保之语此亦岂是以喏为嗟古今语言固有各于一时本不与后世相通者咄嗟皆声也自晋以前未见有言咄殷浩所谓咄咄逼人盖拒物之声嗟乃叹声咄嗟犹言呼吸疑是晋人一时语故孙楚亦云尔【石林诗话】

表圣论诗有二十四品予最喜不着一字尽得风流八字又云采采流水蓬蓬远春二语形容诗境亦绝妙正与戴容州蓝田日暖良玉生烟八字同防【香祖笔记】

张道济手题王湾海日生残夜江春入旧年一联于政事堂王元长赏柳文畅亭臯木叶下隋首秋云飞书之斋壁皇甫子安子循兄弟论五言推马戴猿啼洞庭树人在木兰舟以为极则又若王籍蝉噪林逾静鸟鸣山更幽当时称为文外独絶孟浩然防云澹河汉疎雨滴梧桐羣公咸阁笔不复为继司空表圣自标举其诗曰回塘春尽雨方响夜深船玩此数条可悟五言三昧【香祖笔记】

唐司空图诗云昨日流莺今日蝉起来又是夕阳天六龙飞辔长相窘更忍乘危自着鞭戒色自戕者也杨诚斋善谑尝谓好色者曰阎罗王未曾相唤子乃自求押到何也即此诗之意【鹤林玉露】

司空表圣自论其诗以为得味外味緑树连村暗黄花入麦稀此句最善又云棋声花院闭幡影石坛高吾尝独游五老峰入白鹤观松陰满地不见一人惟闻棋声然后知此句之工也但恨其寒俭有僧态若杜子美云暗飞萤自照水宿鸟相呼四更山吐月残夜水明楼则才力富健去表圣之流遠矣【东坡志林】

司空图唐末竟能全节自守其诗有緑树连村暗黄花入麦稀诚可贵重又云四座宾朋兵乱后一川风月笛声中句法虽可及而意甚委曲【彦周诗话】

唐诗自咸通而下不足观矣乱世之音怨以怒亡国之音哀以思气防而语偷声烦而调急甚者忿目褊吻如防手交骂大抵王化习俗上下俱防而心声随之不独士子之罪也其来有源矣司空图辈伤时思古退已避祸清音冷然如世外道人所谓变而不失正者也余故尽取晚唐之作庶知律诗末技初若虚文可以知治之盛衰【唐诗纪事】

唐失河湟未久司空图有诗记之燕山自石晋割弃至本朝宣和歷年多矣议者犹以燕人思汉借口卒召狄难【后邨诗话】

忍事事堪喜杜牧之遣兴诗也吕居仁官箴引此误以为少陵俗言忍事故灾星司空表圣诗也【困学纪闻】

释防光江南人也潜心草字名重一时吴融赠其歌曰忽时飞动更惊人一声霹雳龙驰活司空图亦为之歌曰防师逸迹两师宜高适歌行李白诗当时称美着于篇籍者不可胜数苟非研精覃思詎能至是耶【宣和书谱】余少嗜书苦家贫不能多致时从人借本讽之顾性颞愚随讽随忘有未尽忘者往来胷臆又不能举其全为恨表圣之诗不云乎亡书从似忆良朋真余意中事也庚辰读书有感葛稚川语遇防心处辄以片纸记之甫二歲计偕北上因罢去残藁委于篋笥尘埃漫灭不复省视从矣李君士龙见之谓其可以资文字之引用备遗忘之万一也乃手自整理取世説篇目括之其不尽者括以他目譬之沟中之防文以青黄则士龙之为也【焦氏类林】

司空图菩萨蛮谓梨花为瀛洲玉雨【清异録】

郑谷幼负名誉司空图见而奇之问之答曰大夫曲江晚望防篇云村南斜日闲回首一对鸳鸯落渡头意深矣司空抚背曰当为一代风骚主【郡阁雅谈】

吴淑

吴淑冬日招客诗云晓羹沉玉杵寒鲙叠金绵杵谓小截山蕨绵乃黄雀脂膏【清异录】

殷文圭

文圭应举尝经大泽中骤雨震电众骇蹶独安详如不闻雨定傍人见其两耳中鬼神以泥封之后为内翰草司空李德诚麻润毫从不至为诗督之云紫殿西头月欲斜曾草临淮上相麻润笔已曾经奏谢更将章句问张华时论少之【唐诗纪事】

瑟瑟殷红也碧也殷文圭云水面风吹瑟瑟罗白乐天云半江瑟瑟半江红又文圭诗一篷秋雨睡初起半砚冷云吟未成尽有思致【防青日札】

杜荀鹤

荀鹤字彦之遇知于朱温送名春官于裴贄侍郎下第八人登科大顺三年正月十日荀鹤生日也九华王希羽以诗献曰金榜晓悬生世日玉书潜记上生时九华山色高千尺未必高于第八枝【洞防志】

梁祖之初兼四镇也英烈刚狠视之若乳虎左右小忤其防立杀之梁之轍史每日先与家人辞诀而入归必相贺賓客对之不寒而栗进士杜荀鹤以所业投之且乞一见掌客以事闻于梁祖默无所报荀鹤住大梁数月先是凡有求谒梁祖如已通姓名而不得见者虽逾年困蹶于逆旅中寒饿殊甚主者留之不令私去不尔即公人辈及祸矣荀鹤逐日诣客次一日梁祖在便防谓左右曰杜荀鹤何在左右以见在客次为对未见间有驰骑者至梁祖见之至巳午间方退梁祖遽起归宅荀鹤谓掌客曰某饥甚告欲归公人辈为设食且曰乞命若大王出要见秀才言已归馆舍即某等求死不暇至未申间梁祖果出复坐于便防令取盆骰子来既至梁祖掷数十掷意似有所卜掷且从终不愜防怒甚屡顾左右怖惧缩颈重足若蹈汤火湏臾梁祖取骰子在手大呼曰杜荀鹤遂掷之视之六只俱赤乃连声命屈秀才荀鹤为主客者引入令趋骤至阶陛下梁祖言曰秀才不合趋阶荀鹤声喏恐惧流汗在背叙谢乞命坐荀鹤憔悴战栗神不主体梁祖徐曰知秀才从矣荀鹤欲降阶拜谢梁祖曰不可于是再拜复坐梁祖顾视阶下谓左右曰似有雨防下令视之实雨也然仰首视之天无片云雨防甚大霑阶檐有声梁祖自起熟视之复坐谓杜曰秀才曾见无云而雨否荀鹤答言未曾见梁祖笑曰昔所谓无云而雨谓之天泣不知是何祥也又大笑命左右将纸笔来请秀才题一篇无云雨诗杜始对梁祖坐身如在燃炭之上忧悸殊甚复令赋诗不敢辞立成一绝献之梁祖览之大喜立召賓席共饮极欢而防且曰来日特为秀才开一筵复拜谢而退杜绝句云同是乾坤事不同雨丝飞洒日轮中若教陰朗都相似争表梁王造化功由是大获见赏杜既归惊惶成疾水防数

十度气貌羸絕几不能起客司守之供侍汤药若事慈父母明晨再有主客者督之且曰大王欲见秀才请速上马不获已巾栉上马比至凡促召者五七辈杜困顿无力趋进迟缓梁祖自起大声曰杜秀才争表梁王造化功杜顿忘其病趋走如飞连拜叙谢数四自是梁祖特设帐賔館賜之衣服钱物待之甚厚【洛阳旧闻】唐杜荀鹤尝游梁献太祖诗三十章皆易晓也因厚遇之洎受禅拜翰林学士五日而卒朱崖李太尉獎防寒俊至于掌诰率用子弟乃曰以其谙练故事以济缓急也如京兆尹者一篇一咏而已经国大手非其所能幸而殂逝免貽伊耻也制贬平曾贾岛以其僻澁之才无所采用皆此类也【北梦琐言】

张曙崔昭纬中和初同举相与诣日者问命曙时自负才名籍甚以为将来状元崔亦分居其下日者殊不顾曙第目崔曰将来万全高第曙有愠色日者曰郎君亦及第然湏待崔拜相当此时过堂既而曙果不终场昭纬首冠曙以篇什刺之云千里江山陪骥尾五更风水失龙鳞昨夜浣花溪上雨緑杨芳草为何人后七年昭纬为相曙方登第果于昭纬下过堂杜荀鹤同年生也酬曙诗云天上书名天下传引来齐到玉皇前大僊録后头无雪至药成来灶絶烟笑蹑紫云金作阙梦抛尘世鐵为船九华山叟惊凡骨同到蓬莱岂偶然【全唐诗话】六一居士诗话云唐之晚年诗人无复李杜豪放之格然亦务以精意相高加周朴者抒思尤难每有所得必极雕琢故诗人称朴诗月鍛季炼未及成篇已播人口其名重当时如此而今不复传矣余少时犹见其集中有句云风暖鸟声碎日高花影重又云晓来山鸟鬧雨过杏花稀诚佳句也苕溪渔隐曰余读隐居诗话云此一聯非朴诗也乃杜荀鹤之句然犹未敢以六一诗话为误后又防幕府燕闲録云杜荀鹤诗鄙俚近俗惟宫词为唐第一云早被婬娟误欲妆临镜慵承恩不在貌教妾若为容风暖鸟声碎日高花影重年年越溪女相忆采芙蓉故谚云杜诗三百首惟在一聯中风暖鸟声碎日高花影重是也【渔隐丛话】

风暖鸟声碎日高花影重杜荀鹤诗为人脍炙其全篇诸家相传今具在也而六一翁以为周朴之句朴集翁自谓少时及见则当日已无存者岂编録之误耶【余冬序録】杜荀鹤春宫怨诗早被婬娟误欲妆临镜慵承恩不在貌教妾若为容风暖鸟声碎日高花影重年年越溪女相忆采芙蓉譬之事君而不遇者初亦恃才而卒为才所误愈欲自衒而愈不见知盖宠不在貌则难乎其容矣女为悦己者容是也风景如此不思从平生贫贱之交可乎【瀛奎律髓】

陈了翁喜左经臣一别又经无数日百年能得几多时句以为非特辞意清遠可玩味也老于世幻逝景迅速读之能无警乎然此乃古人已道之句戴叔伦寄朱山人云此别又万里少年能几时杜荀鹤送人遊江南云能禁几度别即到白头时但经臣语犹婉而不迫尔【林中偶谈】

唐人有以俗字入诗中用者如张祜诗银注紫衣擎许浑诗橘边沽酒半壘空元防之诗櫓窾动摇妨客梦杜子美诗遮莫隣鸡下五更权德輿诗遮莫雪霜撩乱下杜荀鹤诗子细防思底模樣曰帝乡吾土一般般曰万般无染耳边风张祜诗归来不把一文钱曰酒引娇娃活牡丹戴叔伦诗秋风里许杏花开杏树旁边醉客来王建诗杨柳宫前忽地春曰万事风吹过耳轮曰朝回不向诸余处曰若教更解诸余语曰新晴草色暖温暾白乐天诗池水暖温暾此类甚

多旁边二字见徐陵杂曲【桮客丛书】

俗有耳边风之语杜荀鹤诗云百歲有涯头上雪万般无染耳边风【群碎錄】

杜荀鹤池州人官至翰林学士善作诗辞句切理有举鞭挥柳色随手失蝉声之句为时所称然尤工草字而无末俗之气且书学之废莫甚于五代篆籀之輩不可得见矣得见两汉之典刑斯可矣两汉之法又不可得见矣得见晋唐之遗风斯可矣观荀鹤之书虽未能跨越前古笔力遒健犹有晋唐之遗风【宣和书谱】

荀鹤尝有旧衣灰絮絮新酒竹簌簌或称于相国韦说曰我道印将金锁鎖帘用玉钩钩【古今诗话】

荀鹤朱梁时作时世吟十首錄其二云夫因兵乱守蓬茆麻苧裙衫髻髮焦桑柘废来犹纳税田园荒尽尚征苗时挑野菜和根煮旋斫生柴带叶烧任是深山更深处也应无计避征徭八十衰翁住破村村中牢落不堪论因供寨水无桑柘为防乡兵絕子孙还似升平催赋税未曾州县畧安存至今鸡犬皆星防日落西山哭倚门【防溪诗话】

尝读杜荀鹤诗其乱后逢村叟曰经乱衰翁居破村村中何事不伤魂因供寨水无桑柘为着乡兵絕子孙还似平寧徵赋税未尝州县畧安存至于鸡犬皆星防日落前山独倚门山中寡妇曰夫因兵死守蓬茆麻苧衣衫髻髮焦桑柘废来犹纳税田园荒后尚徵苗时挑野菜和根煮旋斫生柴带叶烧任尔深山更深处也应无计避征徭旅泊遇郡中乱曰握手相防谁敢言军家刀劍在腰边徧搜寶货无藏处乱杀平人不怕天古寺拆为修寨水荒坟掘作甃城砖郡侯逐去浑闲事正是銮輿幸蜀年然方之今日始信其非寓言也【辍耕錄】

经生多有不省文章尝一邑有两人同官其一或举杜荀鹤诗赞也应无计避征徭之句其一难之曰此诗误矣野鷹何尝有征徭乎举诗者解曰必是当年科取翎毛耳【续耳谈】

紫菊之名见于孙真人种花法又见于诸谱中此品传植已久故唐宋诗人称述亦多萧颖士菊荣篇紫英黄萼照耀丹墀杜荀鹤诗雨匀紫菊丛丛色赵嘏诗紫艳半开篱菊静夏英公诗落尽西风紫菊花韩忠献公诗紫菊披香碎晓霞则紫花定是佳品【花史】

张碧农父诗云运鋤耕斷侵晨起陇畔丰盈满家喜到头禾黍属他人不知何处抛妻子杜荀鹤田翁诗云白发星星筋骨衰种田犹自伴孙儿官苗若不平平纳任是丰年也受饥读之使人怆然以今观之何啻倍蓰也【容斋五笔】

高斋诗话曰山谷尝云杜荀鹤诗举世尽从愁里老正好对韩退之诗谁人肯向死前休仆考荀鹤诗元有是对其诗曰南来北去二三年去年来两髯斑举世尽从愁里老谁人肯向死前闲退之易闲字为休字耳退之在前荀用其语仆谓谁人肯向死前休与谁人肯向死前闲二句皆当理然岂可诬举世之人尽从愁里老邪蓋有春风和气中过一生者但不多耳不若

曰浮世多从忙里老【楚客丛书】

今世所道俗语多唐以来人诗何人更向死前休韩退之诗也林下何曾见一人灵彻诗也长安有贫者为瑞不宜多罗隐诗也世乱奴欺主年衰 弄人海枯终见底人死不知心杜荀鹤诗也事向无心得章碣诗也但有路可上更高人也行龚霖诗也忍事敌灾星司空图诗也一朝权入手看取令行时朱湾诗也自己情虽切他人未肯忙裴说诗也但知行好事莫要问前程冯道诗也在家贫亦好戎昱诗也【老学庵笔记】

唐人诗句中用俗语者惟杜荀鹤罗隐为多杜荀鹤诗如曰祇恐为僧僧不了为僧得了尽输僧曰乍可百年无称意难教一日不吟诗曰啼得血流无用处不如缄口过残春日举世尽从愁里老谁人肯向死前闲曰世间多少能言客谁是无愁行睡人曰逢人不说人间事便是人间无事人曰莫道无金空有寿有金无寿欲何如罗隐诗如曰西施若解亡人国越国亡来又是谁曰今宵有酒今宵醉明日愁来明日愁曰能消造化几多力不受阳和一防尘曰只知事逐眼前去不觉老从头上来曰时来天地皆同力运去英雄不自由曰采得百花成蜜后不知辛苦为谁甜曰明年更有新条在绕乱春风卒未休今人多引此语往往不知谁作【野客丛书】杜荀鹤赠僧诗云安禅不必须山水灭得心头火自清又云利门多路两何凭百岁风前短焰灯只恐为僧心不了为僧心了又输僧【鉴戒录】

荀鹤题八骏图云丹雘传真未必真那知筋骨与精神只今市骏凭毛色騄駼骅骝赚杀人【声画集】

今日乡塾教子弟未读之书谓之生书已读之书谓之熟书生熟二字本用在饮食上今用在子弟书上亦奇杜荀鹤诗云出为羈孤营粝食归同弟侄读生书则此二字唐时已然【知新录】

放翁云胆薄沽官酿瞳昏读监书杜荀鹤云欺春只爱和酩酒讳老犹看夹注书二联皆佳【后邨诗话】

荆公晚年诗精巧如云水落山林成自献潮回洲渚得横陈一水防田将绿绕两山排闥送青来之类皆琢句工夫然论者犹恨其雕刻太过公尝读杜荀鹤诗云江湖不见飞禽影岩谷惟闻折竹声改云宜作禽飞影竹折声【扪虱新话】

世人作诗以敏捷为奇以连篇累册为富非知诗者也老杜云语不惊人死不休盖诗须苦吟则语方妙不特杜为然也贾阆仙云两句三年得一吟双泪流孟东野云夜吟晓不休苦吟神愁卢延逊云险觅天应闷狂搜海亦枯杜荀鹤云生应无辍日死是不吟时余由是知诗之不工以不用心之故盖未有苦吟而无好诗者唐山人题诗瓢云作者方知吾苦心亦此意也【南濠诗话】池阳集载杜牧之守郡时有妾怀妊而出之以嫁州人杜筠后生子即荀鹤也此事人罕知余过池尝有诗云千古风流杜牧之诗材犹及杜筠儿向来稍喜唐风集今悟樊川是父师【二老堂诗话】

有不调子恒以滑稽为事辈流间有慧黠过人性识机警者皆被诱而翫之尝与一秀士同舟泛江湖中将欲登路同船客有驴瘦劣尾仍偏不调子坚劝秀士市之秀士鄙其瘦劣勉之曰此驴有异相不同常等不得已高价市之既舍楫登途果羸弱不堪乘跨而苦尤之不调曰勿悔此不同他等其夕忽值雪不调曰得之矣请贯酒三五杯然后奉为话其故事秀士又僂俛贯而饮之及举爵言之曰君不闻杜荀鹤诗云就船买得驴偏羸踏雪沽来酒倍香乎请君买驴沽酒者盖为杜诗言之非无证据秀士被买而翫之殊不知觉至是方悟【玉堂闲话】

顾云序其诗曰大顺初皇帝命小宗伯河东裴公掌邦贡次二年逖者来隱者出异人隼士大集都下于羣进士中得九华山人杜荀鹤拔居上第诸生谢恩日列坐既定公揖生谓曰圣上歉文教未张思得如高宗朝射洪拾遗陈公作诗出没二雅驰骤建安削苦澁僻碎畧淫靡浅切破艳冶之坚阵擒雕巧之酋帅皆摧撞折角崩溃解散埽荡词场豁清文防然后有戴容州刘随州王江宁率其徒扬鞭按辔相与呵乐来朝于正道矣以生诗有陈体可以润国风广王泽故擢以塞诏竟勉为中兴诗宗生谢而退明年宁亲江表以仆故山借隱者出诗三百篇见其雅丽激越之句能使贪吏廉邪臣正父慈子孝兄友弟悌人伦之纪备矣其壮语大言则决起逸发可以左揽工部袂右拍翰林肩吞贾喻八九于胸中曾不蚤介情动于中则极思防搜神游希夷形兀枯木五声劳于呼吸万象贫于抉剔信诗之雄杰者也美哉裴公之知人为不诬矣于戏旌别淑慝史臣之职仆幸得为之叙录视其人齿尚壮才力未尽讴吟之兴方酣俟其继作得如周颂者目之为唐风集【唐诗纪事】文闈有挟书传义之禁旧矣窃怪李揆为考官大陈经史于庭令学者纵观和凝为考官开门彻棘令学者自便如此则真贤实能孰辨耶余知其故矣盖自唐以来主司重素望故文場一启而投卷纷然举子之升黜固自有定义矣虽禁挟书传义奚为哉朝向公卿说暮向公卿说谁谓黄钟宫化为君子舌此孟郊有祈于知己也而吕渭取之拟动如浮海凡言似课诗终身事知己此后复何为此杜荀鹤有祈于知己也而裴贄取之砌下芝兰新满径门前桃李旧垂阴却应回念江边草放出春烟一寸心此郑谷有祈于知己也而柳玭取之举子祈之于前主司录之于后公论何在乎【韵语阳秋】

项斯云因诗壁重泥盖言因壁上题诗故珍重而不忍泥也重读作去声若今之题歪诗者泥之重题又重泥之当作平声读可也可发一笑梁园有富家子杜四郎号杜荀鸭比杜荀鹤有诗即题壁亲寘或污墁之即云三十年来尘拂面如今始得一抔泥【留青日札】

杭州华丽虽盛于唐时然其题咏自白舍人张处士之外亦不多见独杜荀鹤方元英温飞卿诸诗颇得风物之胜杜荀鹤钱塘寄姚中丞诗岂谓无心求上第难居帝里为家贫江南江北闲为客潮去潮来老却人两岸雨收莺语柳一楼风满角吹春花前不独垂乡泪曾是朱门寄食身方元英旅次钱塘诗此处是乡国堪为朝夕吟云藏吴相庙树隱越山禽潮落海人散钟迟秋寺深我来无旧识谁见寂寥心诗中四句即不书题日一吟可知其为钱塘也温飞卿钱塘诗钱塘岸上春如织淼淼寒潮带晴色淮南游客马连嘶碧草迷人归不得风飘客意如吹烟纤指殷勤伤鴈弦一曲堂堂红烛筵金鲸泻酒如飞泉【西湖志余】杜荀鹤鸬鹚诗云深水有鱼衔得出看来却是鸬鹚饥【零陵总记】

水浒传有一歌赤日炎炎似火烧野田禾稻半枯焦农夫心内如汤煮公子王孙把扇摇与杜荀鹤雪诗拥袍公子休言冷中有樵夫跣足行同意【坚瓠集】

杜荀鹤赠秋浦张明府诗人事旋生当路县吏才难展用兵时农夫背上题军号贾客船头插战旗语俗而事或切唐末之乱如此县令之难可知也【瀛奎律髓】

阮籍千秋万歳后荣名安所之老杜客愁全为减舍此欲何之万方声一概吾道竟何之干戈犹未已弟妹各何之稍弱又出门转盼已陈迹药饵扶吾随所之差可至杜荀鹤干人不得已非我欲为之白发多生矣青山可住乎五言律长城坏矣【螭斋诗话】

吴楚人曰杜荀鹤四海十年人杀尽似君埋少不埋多溉堂挽胡彦远结句杀戮眼中半名士君今安稳到黄泉遂与同惨【溉堂集】

韩敞

书空匠者干祐中冷金亭赏菊分赋秋鴈族子秘书丞敞先就诗曰天扫闲云秋净时书空匠者最相宜云云【清异录】

高蟾

高蟾诗思虽清务为奇险意疎理寡实风雅之罪人薛能谓人曰倘见此公欲赠以掌然而落第诗不向东风怨未开守寒素之分无躁竞之心公卿间许之终以荣名【北梦琐言】

郑谷尝赠蟾诗云张生故国三千里知者惟应杜紫微君有君恩秋后叶可能更羡谢元晖盖蟾有宫词云君恩秋后叶日日向人疎今全什亡【全唐诗录】

李山甫

李山甫数举进士被黜依魏博幕府尝有诗云劝君莫用夸头角梦里输赢总未真讥执政也巢寇之乱翰林待诏王敬邀者游邺遇于道观山甫谓曰幽兰绿水可得闻乎邀应命奏之曲终潜然曰忆在咸通玉亭秋夜供奉至尊不意流离至此也山甫赋诗曰幽兰绿水耿清音叹息先生枉用心世上几时曾好古人前何必独霑襟句未成亦自黯然悲其不遇也【全唐诗录】

项王庙有李山甫题诗云为虏为王尽偶然有何羞见渡江船平分天下犹嫌少可要行人赠纸钱俗传有云仗劒为何怀旧恨汉家今已属他人平分天下犹嫌少一纸金钱值几文虽非韵亦自好尝谓项王之死正在不渡江方有些气概一下船便索然生为擒虏死为怯鬼矣何者初起兵时气盛决死席卷而前自然成功今一番英雄业已做过业为逃虏气竭情尽勿论自家羞见人江东子弟亦决不来助杜牧之诗真是可笑惟王介甫独窥其深【涌幢小品】

一菊诗也陈叔达云但令逢采摘宁辞独晚荣婉厚乃尔朱湾云受气何曾异开花独自迟费较量矣李山甫云栽处不容依玉砌要时还许上金樽更似毒口骂将来岂非时代为之【唐诗统签】

世岂有国号国姓可入诗者哉然如卢照邻人歌小崴酒花舞大唐春李山甫但经春色还秋色不觉杨家是李家非佳句乎观此事无不可使只巧匠少耳【唐诗统签】广川书跋云初仆固怀恩之叛其女没入宫大历四年回纥请婚因封为崇徽公主降可汗道汾州以手掌托石壁遂有手痕今灵石有崇徽公主手痕碑李山甫诗云一拓纤痕更不收翠微苍藓几经秋谁陈帝子和番防我是男儿为国羞寒 洗来香已尽澹烟笼着恨长留可怜汾水知人意旁与吞声未忍休【全唐诗录】

李山甫牡丹诗云邀勒春风不蚤开众芳飘后上楼台数苞仙艳火中出一片异香天上来晓露精神妖欲动暮烟情态恨成堆知君也解相轻薄斜凭防干首重回司空表圣有絶句云芙蓉骚客空留怨芍药诗家只寄情谁似天才李山甫牡丹属思亦纵横盖指此诗也【全唐诗录】

于兢

于兢梁相国善画牡丹幼年从学因覩学舍前槛中牡丹盛开命笔仿之不浹旬夺真矣后遂酷思无倦动必增奇贵达之后非尊亲旨命不复含毫有人赠诗曰看时人步涩展处蝶争来有写生全本折枝传世【图画见闻志】

姚垺

梁太祖受禅姚垺为翰林学士上问及裴延裕行止曰颇知其人文思甚捷垺曰向在翰林号为下水船太祖应声曰卿便是上水船鲁直诗曰花气薰人欲破禅心情其实过中年春来诗思何所似八节滩头上水船山谷防化前人语而其妙如此诗中三昧手也【竹坡诗话】

罗绍威

邺王罗绍威喜文学好儒士每命幕客作四方书檄小不称旨坏裂抵弃自劈牋起草下笔成文又癖于七言诗江东有罗隱为钱鏐客绍威申南阮之敬隱以所着文章诗赋酬寄绍威大倾慕之乃目其所为诗集曰偷江东今邺中人士多有讽诵【北梦 言】

罗绍威唐末袭父洪信为魏博节度使喜为诗江东罗隱有诗名绍威厚礼之与通属籍目己所为诗号偷江东集如楼前淡淡云头日帘外萧萧 脚风无愧隱矣绍威形貌魁伟有英杰气好招延文学士开館聚书万卷每歌酒宴防与賓佐赋诗颇有情致罗隱赠绍威诗云寒门虽得在诸宗栖北巢南恨不同马上固慙销髀肉幄中犹美愈头风蹉跎歲月心仍切迢递江山梦未通深荷吾人有知己好将笔力当英雄【唐诗纪事】

韩定辞

定辞为镇州王镕书记聘燕帅刘仁恭舍于賓館命幕客马彧延接马有诗赠韩云燧林芳草绵绵思尽日相携陟丽谯别后巘嵒山上望羨君时复见王乔彧诗清秀然意在试其学问韩于座酬之曰崇霞台上神仙客学辨痴龙艺最多盛德好将银笔述丽词堪与雪儿歌座賓靡不钦讶然亦疑银笔之僻也他日彧持燕帅之命答聘常山亦命定辞接于宮館彧从容问韩以雪儿银笔之事韩曰昔梁元帝为湘东王时好学著书常纪忠臣义士及文章之美者笔有三品或以金银雕饰或以斑竹为管忠孝全者用金管书之德行清粹者用银笔书之文章赡丽者以斑竹书之故湘东之誉振于江表雪儿者李密之爱姬能歌舞每见宾僚文章有奇丽入意者即付雪儿叶音律以歌之又问痴龙出自何处定辞曰洛下有洞穴曾有人误墮于穴中因行数里渐见明旷见有宫殿人物凡九处又见有大羊羊髯有珠人取而食之不知何所后出以问张华华曰此地仙九館也大羊者名曰痴龙耳定辞复问彧巘嵒山当在何处彧曰此随郡之故事何谦光而下问由是两相悦服结交而去【全唐诗话】

唐末诗人韩定辞仕为镇冀深赵等州观察判官尚书祠部郎中兼侍御史为王镕聘刘仁恭与马彧倡和所谓崇霞台上神仙客学辨痴龙艺最多者事载全唐诗话按安阳集重修五代祖莹域记定辞乃忠献王琦四世伯祖忠献五代祖又實称庶子府君歷仕镇帅王绍鼎景崇镕三世有子二人长定辞次昌辞昌辞仕为鼓城令即忠献王高祖也东坡尝书前诗而云定辞不知何许人岂未考其家世耶【池北偶谈】

马彧

全唐诗话唐诗纪事并载马彧赠韩定辞诗云燧林芳草绵绵思尽日相携陟丽谯别后巘嵒山上望羨君时复见王乔按字书 音务颜氏家训云栢人城东北有孤山阡驷九州志以为舜纳于大麓即此山世俗或呼为宣务山余尝为赵州佐共太原王邵读栢人城西门内碑碑是汉桓帝时县人为令徐整所立铭云上有巘务山王乔所仙方知此巘务山也巘字遂无所出务字依诸字书即旄丘之旄也旄字字林一音忘付反今依附俗名当音权务耳入邺为魏收道之收大嘉叹其作赵州庄严寺碑铭云权务之精即谓此也余按此则马诗当作莫毫反耳定辞即忠献曾祖行东坡书此诗乃云不知何许人岂一时失于考据耶【池北偶录】

五代马彧赠韩定辞诗巘 山见颜氏家训余池北偶谈已详之其首句云燧林芳草绵绵思尽日相携陟丽谯燧林未详出处考拾遗记云燕昭王游于西王母燧林之下说燧皇钻火之事在申弥国近燧明国去都万里则非燕地明矣王子年著书皆杜撰韩马特引此以矜奇炫博非事实也【居易录】

裴秀冀州记云王乔犍为武阳人为栢人令于缙氏山登仙按今唐山县即汉之栢人巘 山在其城北故马彧赠韩定辞诗云别后巘 山上望羨君时复见王乔后汉书王乔河东人显宗时为叶令或云即古仙人王子乔【居易录】

张防

梁相张防尝为僧返俗应举亚台鄙之或曰刘轲蔡京得非僧乎亚台曰刘蔡辈虽作僧未为人知翻然贡艺有何不可张防衣冠子弟无故出家不能叅禅访道抗迹尘外乃于御帘前进诗希望恩泽如此行止岂掩人口某十度知举十度斥之清河公乃东依梁主而求际防葢为天水拒弃竟为梁相也【北梦 言】

孙偓

阁皂山館有天复四年孙偓李洞宋齐丘沈彬孟賁于徐铉陶渊诗牌得道之士伊梦昌有诗常平周彦质二诗亦好【三山老人语录】

唐相国孙公偓寬裕通简不事矫异常话于亲友曰凡人许已务在得中但士行无亏不必太苦以我之长彰彼之短以我之清彰彼之浊幸勿为之后谪居衡山情抱坦然不以放逐而怀戚戚每对客座而厮仆辈纷诟殴拽仆于面前相国凝然似无所睹谓客曰若以怒心逢彼即方寸自挠矣其伟度皆此类也相国曾乘轺至蜀诣杜光庭先生受箒乃曰尝遇至人话及时事每有高楼之约尔后虽登宰辅竟出官于南岳有诗寄杜先生其要句云蜀国信难遇楚乡心更愁我行同范蠡师举效浮丘他日相逢处多应在十洲唐末朝达罹谷水白马驿之祸唯相国获免焉【北梦 言】

张乔

张乔九华人也诗句清雅复无与伦咸通末京兆府解李建州时为京兆叅军主试同试有许棠与乔及俞坦之剧燕任济吴罕张蠙周繇郑谷李栖遠温宪李昌符谓之十哲其年府试月中桂诗乔擅場诗曰与月长洪蒙扶疎万古同根非生下土叶不坠秋风每以圆时足还随缺处空影高羣木外香满一轮中未种青霄日应虚白兔宫何当因羽化细得问神功其年频以许棠在場席多年以为首荐乔与俞坦之复受许下薛能尚书深知因以诗唁二子曰何事尽参差惜哉吾子诗曰令销此道天亦负明时有路当重振无门即不知何曾见尧日相与啜浇漓【摭言】

张乔送人游蜀云剑阁缘空去西过第几州丹青行客语明月杜鹃愁露带山花落云随野水流相如曾醉地莫恋少年游【全蜀艺文志】

乔游终南白鹤观诗云上彻链丹 求 意未穷古坛青草合往事白云空仙境日月外帝乡烟雾中人间足烦暑欲去恋清风【唐诗纪事】

唐张乔诗遠公窻下莲花漏犹向山中礼六时按佛藏遠公弟子惠要患山中无刻漏乃于水上制十二铜叶芙蓉因波随转分别旦夕以为行道之节名莲花漏何兆诗芙蓉十二池心漏蒼卜三千灌顶香是也六时僧规以六时经行六时燕坐经行六时曰幽谷时寅也高山时卯

也日照高山平地时辰也可中时已也正中时午也鹿苑时未也至申则旦过而退刘长卿诗亦云六时行径空秋草【焦氏笔乘】

张乔云已老金山顶无心上石桥讲移三楚遍梵译五天遥板阁悬秋月铜瓶汲夜潮自慙尘世客来坐亦通宵世称汲夜潮句最工谓中冷泉在江心故也今寺僧以井代操舟犯险之势失其旧矣愚谓清而有味江心之水若云夜潮是海水也海水咸澁岂堪烹茗余自一步乘潮涨而渡江久慕江心之水而不知其为潮也亟命舟人汲一瓶俟到岸取茶煮之则刺舌而不可饮乃始知向者所汲是潮也非江水也因记张乔之诗索读而改之曰板阁悬流月铜瓶汲退潮夫月印江中与水俱流谓之流月正切金山徒云秋月凡山寺不在江中者皆可通用矣海潮已退江流始复汲而饮之味始可口故改一流字退字便使此诗生色末联云自慙尘世客来坐亦通宵语俗而意浅愚亦为改云浑忘尘世味闲坐忽通宵【敬君诗话】

郑在华

郑征君为诗皆祛淫靡迥絶嚣尘如富贵曲云美人梳洗时满头间珠翠岂知两片云戴却数乡税又咏西施云素面已云妖更着花钿饰脸横一寸波浸破吴王国又七言伤时云防力劈开沧海浪马蹄踏破乱山青浮名浮利过于酒醉得人心死不醒又题霍山秦尊师云老鹤猿伴采芝有时长啸独移时翠蛾红粉婣娟剑杀尽世人人不知又偶题似鹤如云一个身不忧家国不忧贫拟将枕上日高睡卖与世间富贵人又思山咏因卖丹砂下白云鹿裘怕惹九衢尘不如将尔入山去万是千非愁杀人又景福中作云闷见戈鋌匝四溟恨无奇防救生灵如何饮酒得长醉直到太平时节醒又招友游春云难把长绳系日乌芳时偷取醉工夫任堆金壁磨星斗买得花枝不老无又山居云闲见有人寻移庵更入深落花流涧水明月照松林醉劝头陀酒闲教孺子吟身同云外鹤断得世尘侵又诗云防心栖木室散发浸流泉采栢时逢麝防云忽见山夏狂冲雨戏春醉戴花眠絶顶登云望东都一防烟又诗不求朝野知卧见歳华移采药归侵夜听松饭过时荷竿寻水钓背局上崑崙祭庙人来说中原正乱离【全唐诗话】

五代之乱干戈日防而郑云叟隠于华山与罗隠终日怡然对饮有酒诗二十章好事者绘为图以相餽遗【稗史彙编】

云叟僖宗时应百篇举不利遂隠华山月到君山酒半醒朗吟疑有水仙听无人识我真闲事赢得高秋防洞庭云叟宿洞庭诗也【唐诗纪事】

任涛

任涛豫章人诗名早着有露漣沙鹤起人卧钓船流他皆仿此李隲廉问江西与放乡里之役民俗互有论列隲判江西界内凡有诗得似涛者即予免役【摭言】

唐筠州任涛咸通进士常侍李隲见其诗有露漣沙鹤起人卧钓船流之句特与免役乡民讼

之隲判云江西界内有诗似涛者并与免役又辛元龙字庆甫号松垣先生有气节以诗援任涛例求免税丁太守判云松垣笔力破沧溟欲援任涛免税丁一段风流好公案锦江重写入围屏【坚瓠集】

王易简

易简唐末进士梁干化中及第名居榜尾不看榜却归华山寻就山释褐授华州幕职后召入拜左拾遗及辞官归隐留诗一绝曰汨没朝班愧不才谁能低折向尘埃青山得去且归去官职有来还自来及再召为郎迁谏垣台阁三十年归华山十年而终【全唐诗话】

路德延

路德延儋州岩相之犹子数岁赋芭蕉诗曰一种灵苗异天然体性虚叶如斜界纸心似倒抽书诗成翌日传于都下防儋州坐事诛故德延久不能振光化初方就举擢第又为感旧诗曰初骑竹马咏芭蕉尝忝名卿诵满朝五字便容趋绛帐一枝寻许折丹霄岂知流落萍蓬远不觉推迁岁月遥国境未安身未立至今颜巷守箪瓢天祐中授拾遗防河中节度使朱友谦领镇辟掌书记友谦甚礼之然德延浮薄动多忤物友谦解体德延乃作小儿诗五十韵以刺友谦闻而大怒乃因醉沈之黄河诗曰情态任天然桃红两颊鲜乍行人共看初语客多怜臂防肥如瓠肌肤软胜绵长头才覆额分角渐垂肩散诞无尘虑逍遥占地仙排衙朱阁上喝道画堂前合调歌杨柳齐声踏采莲沿堤行细雨奔巷趁轻烟嫩竹乘为马新蒲折作鞭鸚鵡金铤系猫子防丝牵拥鹤归晴岛驱鷺入暖泉杨花争弄雪榆叶共收钱锡镜当胸挂银珠对耳悬头依苍鹊裹袖学柘枝揶揄酒殢丹砂暖茶催小玉煎频邀筹箸争时乞绣针穿宝篋拏红豆妆奁拾翠钿戏袍披按褥尖防戴靴襦展画趋三圣开屏笑七贤贮怀青杏小垂额绿荷圆惊滴沾罗泪娇流污锦涎倦书饶姪姪憎药巧迂延弄帐燕绡映藏衾凤绮纏指敲迎使鼓筋拨赛神弦帘拂鱼钩动箏推鴈柱偏基图添路画笛管欠吹鐃恼客初酣睡惊僧半入禅寻蛛穷屋瓦采雀遍楼椽抛果忙开口藏钩乱出拳夜分围棹枰朝聚打秋千折竹装泥燕添丝放纸鸢互夸轮水碓相教放风旋旗小裁红绢书幽载碧牋远铺张鸽网低控射蝇 蛄语时时道讴歌处处传匿窻睂乍曲遮路臂相连鬬草当春迳争毬出晚田柳旁慵独坐花底困横眠等鹄前篱畔听蛩伏砌边旁枝粘舞蝶隈树捉鸣蝉平岛夸趺上层崖逞捷缘嫩苔车迹小深雪履痕全竞指云生岫齐呼月上天蚁窠寻迳鬪蜂穴绕堦填樵唱回深岭牛歌下远川垒柴为屋水和土作盘筵险砌高台石危跳峻塔塼忽陞隣舍树偷上后池船项橐称师日甘罗作相年明时方任德劝尔减狂颠【唐诗纪事】

裴说

裴说裴谐俱有诗名说官至补阙谐终于桂颇假官宰自作湘江吟说诗云吟余潮入浦坐久烧移山谐诗云风回山火断潮落岸水高经杜甫坟说云拟掘孤坟破重教大雅生谐曰名终埋不得骨且朽何妨景同而语意俱别【诗话总 】

廖凝目裴说为刼墓贼裴吊杜陵墓拟凿孤坟破重教大雅生裴非真贼也唯渠自向沈约集中作贼乃真贼耳然古今猾贼不可数计南华老仙云儒以诗礼发冢楞严亦云云何贼人假我衣服裨贩如来举世尽贼诛容胜诛乎【蓉槎蠡说】

唐举子先投所业于公卿之门谓之行卷说只行五言十九首至来年秋赋复行旧卷人有讥之者说曰只此十九首苦吟尚未有人见知何假别行卷哉识者以为知言天复六年登甲第其诗以苦吟难得为工且拘格律尝有诗曰苦吟僧入定得句将成功又赠僧贯休云总无方是法难得始为诗又云是事精皆易唯诗防却难遭乱故官不达【全唐诗话】

周知微

有周知微者字明老为晋州县尉到官不数月不告于州而径来京师人问其故云我欲求教授至京求知已不得大醉一夕而卒然为诗有可喜者如观临淮双头白莲图云既不学叔隗季隗南归晋又不学大乔小乔东入吴一种桃根与桃叶若为化作双芙蓉临淮政成有余暇坐令华屋生潇洒鵞溪一幅万里宽移得断江入图画天空水濶江茫茫相见女英与娥皇九嶷云深苍梧远水姿泣露不成妆苦心抱恨何年了香骨应甘没秋草不如回首谢秋风分作尹邢来汉宫又作上巳日寒食云疾风暮悲游子峻岭崇山非故乡亦可赏而其狂未见其比【古今诗话】

吴霭

唐吴霭字廷俊连山人母浣帛于江触沈鲤而孕既生防上有肉鳞隐起七岁能诗尝咏野烧云烟随红焰断化作白云飞识者器之登光化二年进士后归朱全忠【小草斋诗话】

陈用拙

唐陈用拙高良人天祐二年进士未官而卒用拙有诗名尝赋登临湟楼云浮世自无闲日月高楼长有好山川送长沙史君云人说洞庭波浪险使君自有济川舟有集八卷不传【小草斋诗话】

范摅子

吴人范摅处士之子七岁能诗赠隐者云埽叶随风便浇花趁日阴方干曰此子他年必成名又吟夏日云闲云生不病叶落非秋干曰惜哉必不享寿果十岁卒【全唐诗话】

刘山甫

唐彭城刘山甫中朝仕族也其先官于岭外侍从北归泊船于青草湖登岸见有北方毘沙门天王因诣之见庙宇摧頽香灯不续山甫少年而有才思乃题诗曰坏墙风几经春草色盈

庭一座尘自是神明无感应盛衰何得却由人是夜梦神见责云我非天王故南岳也主张此地汝何相侮俄而惊觉风涛陡起倒橈絕缆沉溺在即遽起悔过令撤诗牌然后已山甫自序【北梦 言】

王贞白

贞白唐末大播诗名御沟为卷首云一派御沟水綠槐相荫清此波涵帝泽无处濯尘缨鸟道来虽险龙池到自平朝宗心本切愿向急流倾自谓冠絕无瑕呈僧贯休休曰甚好只是剩一字贞白扬袂而去休曰此公思敏书一字于掌中逡巡贞白回忻然曰已得一字云此中涵帝泽休将掌中字示之一同天祐年中内试贞白扎翰狼籍帝览拂下玉案有黄门奏此举人有诗名御批曰麤通放【唐诗纪事】

王贞白御沟一律吟家喜谈其事亦繇微含比兴故佳咏苇排句轻趣可追姚监余概少快心【唐音癸签】

元萨天锡地湿厌闻天竺 月明来听景阳钟山东一老易闻为看萨诘所出对唐句林下老僧来看 齐已改张迥虬须白也无以在易也萧楚材易乖崖独恨大平无一事之恨为幸昌黎更闻仙僧推月下门为敌郑谷更齐已早梅昨夜数枝开之数为一贯休更王贞白此波涵帝泽之波为中皆一字师按南枝才放两三花安在必一与也波二字可不改受三字师者为之赧颜【蓉槎蠡说】

唐有一种色谓之退红王建牡丹诗云粉光深紫膩肉色退红娇王贞白娼楼行云龙脑香调水教人染退红花间集牀上小薰笼昭州新退红蓋退红若今之粉红髹器亦有作此色者今无之矣绍兴末缣帛有一等似皂而淡者谓之不肯红亦退红之类也【老学庵续笔记】

建帅陈海之子德诚罢管沼江水军入掌禁卫颇患拘束方晏客贞白在坐食蟹德诚请咏之贞白云蝉眼 形脚似蛛未曾正面向人趋如今钉在盘筵上得似江湖乱走无众客皆笑【五代诗话】

贞白寄郑谷曰五百首新诗緘封寄与谁只凭夫子鉴不要俗人知火鼠重収布水蚕乍吐丝直须天上手裁作领巾披【唐诗纪事】

戴司颜

景福中江西节度使钟传遣僧从约进法华经一干部上待之恩渥有加宣从约入内赐斋面锡紫衣一副将行太常博士戴司颜以诗赠行畧曰逺来朝凤阙归去恋元侯时吴子华任中諫司颜仰公之名志在属和以为从约之资融览之拊掌大笑曰遮阿师更不要见便把拽出得其承奉如此矣【摭言】

李涛

李涛长沙人也篇咏甚着如水声长在耳山色不离门又扫地树留影拂床琴有声又落日长安道秋槐满地花脍炙人口温飞卿任太学博士主秋试涛与衛丹张郃等诗赋皆榜于都堂【全唐诗话】

世言社日饮酒治聋不知其何据五代李涛有春社从李昉求酒诗云社公今日没心情乞为治聋酒一瓶恼乱王堂将欲徧依稀巡到第三防昉时为翰林学士有日给内库酒故涛从乞之则其传亦已久矣社公涛小字也唐人在庆侍下虽官高年长皆称小字涛性疎达不羈善谐谑与朝士言亦多以社翁自名闻者无不以为笑然亮直敢言后官亦至宰相【石林诗话】

李涛相国性滑稽为布衣时往来京洛间泥水阙有僧舍曰不动尊院中有僧不出院十余载涛每过尝谒其院必省其僧未几寺焚僧散涛再过之但有门扇而已因题诗曰走却坐禅客移将不动尊世间颠倒事八万四千门【谈苑】

杨凝式

黄秘书长睿父之子诏纪其尊人建炎庚戌在平江围城中失去杨凝式书一册并其先人手书杨传以无别本念念不忘是歲四月复寓饶之德兴太宁资福寺偶录遗文遂见之喜甚予偶得其本恐终失坠今纪其年谱家谱传赞于此唐咸通十四年癸巳凝式是年生故题识多自称癸巳人唐天祐四年丁卯是年夏朱全忠篡唐凝式諫其父唐相涉宜辞押宝使涉惧事泄凝式自此遂佯狂时年三十五代史补言时年方弱冠误也晋天福四年己亥三月有洛阳风景四絕句时年六十七据诗云到此念经三纪春蓋自丁卯至己亥实三十年则自全忠之篡凝式即居洛矣真迹今在西都唐故大圣善寺胜果院东壁字画尚完亦有石刻书侧有画像亦当时画又广爱寺西律院有壁题云后歲六十九亦当是此年所题此书凡两壁行草大小甚多真迹今存但多漫暗故无石刻天福六年辛丑是年六月有天宫寺题名称太子宾客时年六十九真迹今在此寺东序题维摩诘后又吏部郎荣辑家有石刻一帖无年但云太子賓客杨凝式暮春奉板輿至自真原等语其末云清和之月复至当是此年前后也天福七年壬寅是年有真定智大师诗二首时年七十真迹在文潞公家刻石在从事郎苏太宁家晋开运元年甲辰是年歲在甲辰四月十五日有看花八韵时年七十二题于洛阳一僧舍书胜上后云维晋九载今刻石在湖州前殿中侍御史刘焘家开运二年乙巳是年五月于天宫寺题壁论维摩经等语八月再题太子少保时年七十三真迹今在此寺东序并辛丑题同刻石开运四年丁未是年二年前七月有寄惠才大师左郎中诗三首称防同丁未歲防同即契丹入晋改元之号也时年七十五称太子少傅真迹在文潞公家刻石在苏太宁家周广顺三年癸丑是年于长寿寺华严东壁题名时年八十一后又题院似禅心静等二诗称太子少师亦应是此年真迹今为人移去石刻亦不存人或得旧本耳【游宦纪闻】凝式诗什亦多杂以诙谐少从张全义辟故作诗纪全义之德云洛阳风景实堪哀昔日曾为瓦子堆不是我公重葺理至今犹自一堆灰他类若此石晋时张从恩尹洛凝式自汴还时飞蝗蔽日偶与之俱凝式

先以诗寄从恩曰押引蝗虫到洛京合消郡守逵相迎从恩弗恠也然凝式诗句自佳其题壁有院似禅心静花如觉性圆自然知了义争肯学神仙清丽可喜也【游宦纪闻】凝式仕后周晋汉间落魄不自检束自号杨风子终能以智自脱书法高妙杰出五代今洛中僧寺尚多有其遗迹题华严院一诗云院似禅心静花如觉性圆自然知了义争肯学神仙用笔尤奔放奇逸李西台建中平生师凝式书题诗于旁曰枯杉倒桧霜天老松烟麝煤阴 寒我亦生来有书癖一回入寺一回看【蔡宽夫诗话】杨少卿凝式既不大用佯狂自秽游寺观遇水竹幽胜之地吟咏忘归墙壁之上笔迹殆遍冯吉题云少卿真迹满僧居只恐钟王也不如为报逵公须爱惜此书书后更无书安鸿渐题云端溪石研宣城管王屋松烟紫兔毫更得孤卿老笔札人间无此五般高【洛阳旧闻】

右杨景度行书山谷有云俗书只识兰亭面欲换凡骨无金丹谁知洛阳杨风子下笔便到乌丝防为前辈推重如此王钦若在祥符天祝节尚有暇及此邪此帖绝无发风动气处尤可宝也鲜于枢获观信笔书【 珊瑚网】

和凝

和鲁公有艳词一编名香奁集凝后贵乃嫁其名为韩偓今世传韩偓香奁集乃凝所为也凝生平著述分为演纶游艺孝悌疑狱香奁羸金六集自为游艺集序云余有香奁羸金二集不行于世凝在政府避议论讳其名又欲后人知故于游艺集序述之此凝之意也予在秀州其曾孙和惇家藏诸书皆鲁公旧物未有印记甚完【梦溪笔谈】

晋相和凝少年时好为曲子词布于汴洛泊入相专托人焚毁不暇然相国厚重有德终为艳词玷之契丹入夷门号为曲子相公所谓好事不出门恶事行千里士君子得不戒之乎【北梦 言】

杨柳枝即古折杨柳义也本歌亡隋之曲故陈子昂有诗云万里长江一带开岸边杨柳几千栽锦防未落干戈起惆怅龙舟去不回刘禹锡曰杨子江头烟景迷隋家宫树拂金隄嵯峨犹有当时色半蘸波中水鸟栖又韩琮云昌乐隋堤事已空万条犹舞旧东风晋和凝云万枝枯槁怨亡隋似吊吴台各自垂是也【稗史彙编】

朱检讨竹垞貽所刻十家宫词为倪检讨鴈园家宋刻本唐陝州司马王建蜀花蕊夫人石晋丞相和凝宋宣和御制丞相王珪珪子仲修学士宋白中大夫张公庠直秘阁周彦质又胡伟集句凡十家【居易录】

冯道

世讥冯瀛王道依阿谄随不能死节王荆公雅爱道谓其能屈身以安人如诸佛菩萨行其所作诗虽浅近而多理语诗云穷达皆有命何须发叹声但知行好事莫要问前程冬去冰须泮春来草自生请君观此理天道甚分明又偶作云莫为危时便怆神前程往往有期因须知海

岳归明主未省乾坤防吉人道德几时曾去世舟车何处不通津但教方寸无诸恶豺虎丛中也立身【宋类苑】

恶诗相传流为里谚此真风雅之厄也如世乱奴欺主时衰 弄人唐杜荀鹤诗也今朝有酒今朝醉明日愁来明日当罗隱诗也但知行好事莫要问前程五代冯道诗也闭门不管庭前月分付梅花自主张南宋陈随隱自述其先人藏一警句为真西山刘漫塘所赏击者也【香祖笔记】

晋天福三年与戎和当遣辅相为使赵璟桑维翰同堂皆未言以戎反覆难测咸惧于将命冯道与诸公中书食讫堂吏前白北使事色变手颤道索一幅书云道去即遣写勅道舍都亭驿不复归家彼以道有重名命与其国相同列戎赐臣下牙笏及膾月赐牛头皆为殊礼道皆得之以诗谢云牛头偏得赐象笏更容持北地大寒赐锦袄貂袄羊狐貂衾各一每入谒悉服四袄宿館中并覆三衾有诗曰朝披四袄专藏手夜蓋三衾怕露头及还京师作诗五章述北使之意首章云去年今日奉皇华只为朝廷不为家殿上一杯天子泣门前双节国人嗟龙荒冬往时时雪兔苑春归处处花上下一行如骨肉几人身死掩黄沙【丛苑】

契丹主达鲁河钓牛鱼以其得否占歲好恶近世周茂振使金金主赐之鱼曰手所亲钓者金亦用辽制也王易燕北录云牛鱼嘴长鳞硬头有脆骨重百斤即南方鰮鱼也鰮鰮同然本草既有鰮鱼又别有牛鱼云生东海头如牛则牛鱼别是一种非鰮也冯道使契丹诗曰曾叨膾月牛头赐史谓契丹真以牛头赐之非也契丹主率以膾月打围因敲冰钓鱼则腊月牛头者正本草所着东海之鱼其头如牛者也非真牛头也【演繁露】冯瀛王镇南阳郡中宣圣庙坏有酒户十余辈投状乞修瀛王未及判有幕客题状后云槐影参差覆杏坛儒门弟子尽高官若教酒户重修庙觉我慙惶也大难瀛王遽罢其请出已俸重修【古今诗话】

冯瀛王性仁厚家有一池每得鱼放池中其子监丞每窃钓之瀛王闻之不悦于是高其墙垣钥其门户作诗书其门曰高却墙垣钥却门监丞从此罢垂纶池中鱼鼈应相贺从此方知有主人【诗话总 】

唐主与冯道从容语及年谷屡登四方无事道曰臣昔在先皇幕府奉使中山歷井陘之险臣忧马蹶执轡甚谨幸而无失逮至平路放轡自逸俄至颠隕凡为天下者亦犹是也唐主深以为然又问道今歲虽丰百姓贍足否道曰农家歲凶则死于流殍歲丰则伤于谷贱丰凶皆病者惟农家为然臣记进士聂夷中诗云二月卖新丝五月粜新谷医得眼前疮剜却心头肉语虽鄙俚曲尽田家之情状农于四民之中最为勤苦人主不可不知也唐主悦命左右錄其诗常讽诵之【通鑑綱目】

枢密邵公尧尝谓余诗浅切似白乐天一日阅相蓝书肆得冯瀛王诗一帙而归以语公公戏语余曰子诗格似乐天今又爱冯瀛王将来拈取个豁达李老庆历中京师有人号豁达李老好吟诗而诗多鄙俚以此戏之遂皆大笑然余赋才鄙拙不能强为豪爽今齿已老而诗格定时时遣兴实有李老之风足见公之知言也【青箱杂记】

冯吉

冯瀛王道德度凝厚事累朝体貌山立其子吉特浮俊无检为少卿善琵琶妙音律乐府世无及者父酷戒之畧不少悛一日家宴因欲辱之处贱伶之列众执器立于庭奏数曲罢例以纏头縑镞随众伶给之吉置縑镞于左肩抱琴瑟按膝长跪厉声呼谢而退家人大笑于薄回首谓父曰能为吉进此技于天子否凡賓僚饮聚长为不速酒酣即弹弹罢起舞舞罢作诗昂然而去自谓曰冯三絕及撰昭宪太后諡议举朝叹服干德四年郊礼容乐奏节刊正渐备有司奏其缺典但少宗庙殿庭宫悬三十六架加鼓吹熊罴十二按礼乐朝防登歌用五端郊庙奠献用四端回伏至楼前奏采茨之曲御楼奏隆安之曲各用乐章又八佾之舞以象文德武功请用 德升闻天下大定之舞率从其请【玉壶清话】

李翰

李翰及第于和凝榜下后与座主同任学士防凝作相翰为承旨适当批诏次日于玉堂輒开和相旧阁悉取图书器玩留一诗于榻携之尽去诗曰座主登庸归凤阁门生批诏立鳌头玉堂旧阁多珍玩可作西斋润笔不【玉壶清话】

裴皞

皞以文学在朝廷久宰相马 孙桑维翰皆皞礼部所放进士也后 孙知举放榜引新进士诣皞皞喜作诗曰门生门下见门生世传以为荣【五代史】

后唐裴尚书年老致政清泰初其门生马裔孙知举放榜后引新进士谒谢于裴裴欢宴永日书一絕云官途最重是文衡天与愚夫作盛名三主礼闈今八十门生门下见门生时人荣之事见苏耆开谭录余以五代登科记攷之裴在同光中三知举四年放进士八人裔孙预焉后十年裔孙为翰林学士以清泰三年放进士十三人兹所书是已裔孙寻拜相新史亦载此一句云【容斋五笔】

后唐裴尚书年老致政其门生马裔孙知举放榜后引诸进士谒谢裴赋诗云三主礼闈今八十门生门下见门生按此即今榜下引见之礼然门生门下见门生今词林相隔仅两科即已有之不足异也【居易錄】

王仁裕

仁裕喜为诗其少也尝梦剖其肠胃以西江水涤之顾见江中沙石皆成篆籀之文由是文思日进生平作诗满万首蜀人呼曰诗窖子【十国春秋】

荆南高从海季兴嫡子也季兴先时建渚宫于府庭西北隅延袤十余里亭榭鳞次从海绍立尤加完葺从海明音律好弹胡琴女乐数十皆擅其技王仁裕使荆渚从海出十辈弹胡琴仁

裕诗曰红妆齐抱紫檀槽一抹朱弦四十条湘水凌波慙鼓瑟秦楼明月罢吹箫寒敲白玉声偏晚暖逼黄莺语自娇丹禁旧臣来侧耳骨清神爽似闻韶又曰玉纖挑落折冰声散入秋空韵转清二五指中过塞鴈十三弦上啖春莺谱从陶室偷将妙曲向秦楼写得成无限细腰宫里女就中偏愜楚王情【天下大定錄】

王仁裕尝从事于汉中家于公署巴山有采捕者献猿儿焉怜其小而慧黠使人养之名曰野賓呼之则声声应对经年则充博壮盛縻絜稍解逢人必齧之颇亦为患仁裕叱之则弭伏而不动余人纵鞭捶亦不畏其公衙子城缭绕并是榆槐杂树汉高庙有长松古栢上鸟巢不知其数时仲春日野賓解逸跃入丛林飞越于树梢之间遂入汉高庙破鸟巢掷其雏卵于地是州衙门有铃架羣鸟遂集架引铃主使令寻鸟所来见野賓在林间即使人投瓦砾弹射皆莫能中薄暮腹枵方馁而就絜乃遣人送入巴山百余里溪洞中人方回询问未毕野賓已在厨内谋餐矣又复絜之忽一日解逸入主帅厨中应动用食器之属并遭掀扑秽污而后登屋掷瓦拆砖主帅大怒使众箭射之野賓骑屋脊而毁拆砖瓦箭发如 野賓目不妨视口不妨呼手拈足掷左右避箭竟不能损其一毫有使院老将马元章曰市上有一人善弄胡猓乃使召至指示之曰速擒来于是大胡猓跃上衙屋赶之逾垣蓦巷擒得至前野賓流汗沾体而伏罪主帅亦不甚诟怒众皆看而笑之于是颈上系红绡一缕题诗送之曰放尔丁宁复故林旧来行处好追寻月明巫峡堪怜静路隔巴山莫厌深栖宿免劳青嶂梦跻攀应愜碧云心三秋果熟松梢健任抱高枝彻晓吟又使人送入孤云两角山且使絜在山家旬日后方解而纵之不复再来矣后罢职入蜀行次嶓 庙前汉江之壩有羣猿自峭岩中连臂而下饮于清流有巨猿舍羣而前于道畔古木之间垂身下顾红绡彷彿尚在从者指之曰此野賓也呼之声声相应立马移时不觉惻然及聳簪之际哀叫数声而去及陟山路转壑回溪之际尚闻呜咽之音疑其肠断矣遂继之一篇曰嶓 祠边汉水濱饮猿连臂下嶙峋渐来仔细窥行客认得依稀是野賓月宿纵劳羈縲梦松餐非复稻粱身数声肠断和云叫识是前年旧主人【王氏见闻錄】

兴元南有路通巴州深谿峭岩扞萝摸石三日始达于山顶复登措大岭蓋稍平处也其絕顶谓之孤云两角彼中谚云孤云两角去天一握淮阴侯庙在焉昔韩信亡去萧何追及于兹山王仁裕题诗云孤云不掩兴亡防两角曾悬去住心【玉堂闲话】

五代王仁裕知贡举王丞相溥为状元时年二十六后六年遂相周世宗犹及本朝以太子太保罢归班年才四十二前此所未有也溥初拜相仁裕犹致仕无恙尝以诗贺溥云一战文場援赵旗便调金鼎佐无为白麻骤降恩何极黄发初闻喜可知跋勅按前人到少筑沙堤上马归迟立班始得遥相见亲洽争如未贵时溥在位每休流必诣仁裕从容终日蓋唐以来座主门生之礼尤厚今王丞相将明霍侍郎端友榜南省奏名时知举四人安枢密处厚刘尚书彦修与今邓枢密子常范右丞谦叔吾亦忝防检试卷官邓范不唯及见其登庸可以继仁裕且同在政府则仁裕所不及也【石林诗话】干祐元年户部侍郎王仁裕放王溥状元及第溥不数年拜相仁裕时为太子少保有诗贺曰一战文場援赵旗便携金鼎赞无为白麻骤降恩何厚黄阁初闻喜可知跋勅案前人到少筑沙堤上马行迟押班长幸遥相见亲狎争如未贵时溥和曰挥毫文战偶擎旗待诏金华亦偶为白社遽当宗伯选赤心旋遇圣人知九霄得路

荣虽极三接承恩出每迟职在台司多少暇亲师不及舞雩时【广卓异记】

先生尝言恩门王公终于太子太保七十后精力不衰每天气和暖必乘小驷从三四老苍头携照袋以皮为之四方有盖其中可容一斗以来中贮笔砚韵畧刀子砺石笺纸数十幅并小乐器之属备酒炙三四人具门生侍行出郊野遇园亭有竹树之处燕赏终日赋诗品小管尽醉而归吾忝左拾遗日适暮春与同门生五六人从公登繁台即梁孝王吹台也公饮酒赋诗甚欢抵夜方散公诗曰柳阴如雾絮成堆其天才纵逸风韵闲适皆此类也【宋类苑】

公燕合乐每酒行一终伶人必唱催酒然后乐作此唐人送酒之辞本作碎音今多为平声文士亦或用之王仁裕诗淑景易从风 去芳樽须用管弦催【石林燕语】李文正公言少保王仁裕与诸门生饮出一诗板于坐次云二百一十四门生春风初长羽毛成掷金换得天边桂凿壁偷将榜上名何幸不才逢圣世偶将疎网罩羣英衰翁渐老儿孙小异日知谁畧有情又与诸门生饮于繁台赋诗云柳阴如雾絮成堆又引门生饮吹台好景即随风 去芳樽宜命管弦来漫夸列鼎鸣钟贵宁免朝乌夜兔催烂醉也须诗一首不能空放马头回【摭遗】

催酒一作 酒即催酒也元有喝盏之仪李涪刊误言 酒三十拍促曲名三台 合作啐蓋送酒也资暇錄言与涪同程大昌言内燕抗声索乐但云 酒字书 屈破也当是啐酒之转名贤诗话王仁裕诗芳尊每命管弦催又赵勰交趾事迹言催酒逐歌可知催酒乃唐人熟语宋相沿不改也义当用催而别作 催何必强引啐字三台者作乐时部首拍版三声然后管色振作李济翁以为邳中三台刘公嘉话言高洋筑三台愚谓乃曲名耳【通雅】

郑遨

五代时郑遨茶诗云嫩芽香且灵吾谓草中英夜白和烟捣寒垆对雪烹惟忧碧粉散常见綠花生最是堪珍重能令睡思清范文正公诗云黄金碾畔綠尘飞碧玉瓯中翠涛起茶色以白为贵二公皆以碧綠言之何耶【三山老人语錄】

刘郇伯

唐求刘郇伯有诗名唐求临池洗砚诗云恰似有龙深处卧被人惊起黑云生又渐寒沙上路欲暝水边村早行云沙上鸟犹睡渡头人已行诗思不出二百里间刘郇伯为范郑郎中诗友范得句云歲尽天涯雨久而难对刘郇伯曰人生分外愁范赏之然老于新津之东渡非隱非吏二子亦可凌厉名場而死丘樊所谓蜀人无志怀土正此也【北梦 言】

王溥

王溥自周太祖之末为相至国朝乾德二年罢尝作自问诗述其踐歷其序云余年二十有五举进士甲科从周祖征河中改太常丞登朝时同年生尚未释褐不日作相在廊庙凡十有一

年歷事四朝去春恩制改太子太保每思菲陋当此荣遇十五年间遂跻极品儒者之幸殆无以过今行年四十三歲自朝请之暇但宴居读佛书歌咏承平因作自问诗十五章以志本末此序见三朝史本传而诗不传颇与长乐叙相类亦可议也【容斋三笔】

张翼善诗常投诗王相溥王谢以诗曰清河诗客本贤良惠我清吟六十章诗格浑同罗给諫工夫深似贾司仓登山始觉天高广到海方知浪淼茫好去蟾宫是归路明年应折桂枝香【雅言系述】

窦仪

龙鐕字琢成干德初任邠州守有仁政一日羣鹤翔于公庭州民绘来鹤图以颂其德时学士窦仪以使过邠留题云多少樊笼不敢开强拘物性要相陪何时得似邠州守德政临民鹤自来【万姓统谱】

窦俨

窦禹钧生五子仪俨偁侃等相继登科冯瀛王赠禹钧诗有灵椿一树老丹桂五枝芳时号窦氏五龙昆仲才业仪俨尤着俨素蕴大学为周世宗所重判太常寺校管籥钟磬辨清浊上下之数分律吕还相之法去京房清宫一管调之二年方合大律又喜乐章凡三弦之通七弦之琴十二弦之箏二十五弦之瑟三漏之籥七漏之笛八漏之篴十七管之笙二十三管之箫皆立谱调接通而合之器虽异而均和不差编于歷代乐章之后目曰大周正乐谱【玉壶清话】

张昭

夜吟窦巩集追思夷门题处已三稔矣凄然感兴书之往歲记时梁苑夜今宵题处洛城秋浮生瞥电人何在怀旧伤心泪迸流三径竹风邻笛怨一庭霜月井梧愁妻儿未防予惆怅只恁灯前不举头北海王崧跋云余家藏和峴所校五窦诗世少其本和所跋甲子歲干德二年也秘监尹公者尹拙也致政大夫者吏部尚书致仕张昭也昭字潜夫题巩诗一篇称潜夫者即昭也刑部员外郎兼太常和者即峴也【宋诗纪事】

符彦卿

大丞相李公昉尝言当日日外镇为羣官符彦卿知汴州有诗云全军十万拥雄师正是酬恩报国时汴水波涛喧鼓角隋隄杨柳拂旌旗前驱红旆关西将环坐青蛾赵国姬为报长安冠蓋道羣官到底是男儿公之诗意蓋有憾之词尔【青 高议】

熊皦

刘梦得言八音与政通文章与时高下昔人是之五季道衰文丧当时操笔牒士率皆哇俚浅下乱杂无章其间能远不忘君志在忧国文虽肤近而忠诚可取若皦者盖鲜俚也余读其上国音书絶二十篇及晋末感兴诸诗而悲之苏君又出当时集藁示余虽不脱尔日风范亦时有佳语自可传后无疑【东观余论】

李成

李成字咸熙唐之后裔五代时避地徙家营丘嗜酒善琴弈妙画山水好为歌诗周世宗时枢密使王朴与之友善此宋白所撰志文大畧云云王著书徐铉篆子觉字仲明仕太宗至国子博士列三朝国史儒学传觉子宥仕至谏议大夫知制诰有转载两朝史云祖成五代末以诗酒游公卿间善摸写山水至得意处殆非笔墨所成欧公归田録乃云李成仕本朝官尚书郎误矣【挥麈前录】

郭恕先

建隆初诏五代时命官投状叙理复命之郭恕先诗云为逢末刼归依佛不就新恩叙理官飞龙在天利见大人而犹不屈其志如此【困学纪闻】

郭忠恕戏嘲聂崇义云近贵全为聵攀龙即是聋虽然三个耳其奈不成聪崇义应声反以忠恕二字解嘲云勿笑有三耳全胜畜二心【渔隐丛话】

胡嶠

胡嶠诗餅里数枝婪尾春时人罔喻其意桑维翰曰唐末文人有谓芍药为婪尾春者婪尾酒乃最后之杯芍药殿春亦得是名【清异録】

芭蕉诗最难作胡郃阳嶠一篇云野人无帐幄爱此緑参差云云【清异録】

王仲举

王仲举营道人母尝梦挟两子入月仲举修进士业长兴二年赴举谒秦王登第后有诗谢秦王曰三千里外抛渔艇二十人前折桂枝太平兴國中仲举有子曰嗣全亦中进士第乃挟两子入月之祥【青 集】

李度

李度显德中举进士工诗有醉轻浮世事老忆故乡人之句人多诵之王朴为枢密止以此一联称于申文炳知举遂擢为第三人嘲曰主司只诵一联诗【玉壶清话】王师下蜀时防送孟防血属轻重之众百里不絶至京犹然诗人李度作平蜀诗畧曰全家离锦里五月下瞿塘

绣服青娥女雕鞍白面郎累累轻重富杳杳路岐长是也【能改斋漫录】

孟贯

周世宗幸广陵孟贯以诗献之云不伐有巢树多移无主花谓贯曰吊民伐罪何有巢无主之有遂释褐授官【江南野录】

孟浩然诗不才明主弃多病故人疏唐宗闻之曰卿自弃朕朕何尝弃卿孟贯诗不伐有巢树多移无主花周世宗闻之曰朕伐叛吊民何谓有巢无主二子正坐诗穷所谓转喉触讳【漫叟诗话】

闽岭孟贯性疎野喜篇章不以名宦为意大諫杨徽之称之如寄张山人草堂云扫叶林风后拾薪山雨前【诗史】

李昉

李文正公昉深州饶阳人太祖在周朝已知其名及即位用以为相常语昉曰卿在先朝未尝倾防一人可谓善人君子故太宗遇昉亦厚年老罢相每曲宴必宣赴赐坐昉尝献诗曰微臣自愧头如雪也向钧天侍玉皇昉诗务浅切效白乐天体晚年与叅政李公至为唱和友而李公诗格亦相类今世传二李唱和集是也【青箱杂记】宰相李昉罢政家居每宴必宣赴坐昉献诗曰微臣自愧头如雪也向钧天侍玉皇上俯和云珍重老臣纯不已我慙寡味继三皇时皆荣之【庚溪诗话】

孟賁于归南唐为涂阳令黜货当死时李昉事皇朝为翰林学士乃賁于同年进士闻賁于縲继以诗遗之曰幼携书劒别湘潭金榜标名第十三昔日声尘喧洛下近年诗价满江南长为邑令情终屈纵处曹郎志未甘莫学冯唐便休去明君晚事未为惭后主见诗贷之复其官【马令南唐书】

昉所畜五禽名五客仙客鹤雪客鹭闲客白鹇南客孔雀西客鹦鹉仙客诗云胎化仙禽性本殊何人携尔到京都因加美号为仙客称向闲庭伴野夫警露秋声云外远翘沙晴影月中孤青田万里终归去暂处鸡羣莫叹吁【青箱杂记】

御书飞白玉堂之署四字颁赐禁苑今悬挂已毕輒述恶诗一章用歌盛事玉堂四字重千金宸翰亲挥赐禁林地望转从今日贵君恩无似此时深宴回上苑花初发麻就中宵月未沈衣惹御香拖瑞锦笔宣皇泽洒春霖院门不许闲人入仙境宁教外事侵我直承明逾二纪临川实动羨鱼心昉顷在禁林前后出处凡二十有五载不逢今日之盛事者有七新学士谢恩日赐袞衣金带宝鞍名马一也十月朔改赐新样锦袍二也特定草麻例物三也改赐内库法酒四也月俸并给见钱五也特给亲事官随从六也新学士谢恩后就院赐宴设虽为旧事而无此时供帐之盛七也凡此七事并前例特出异恩以见圣君待文臣之优厚也临川之美其在

兹乎【翰苑羣书】

李昉吕端同践文馆后各登台辅吕公赠李公诗曰忆昔僦居明德坊官资俱是校书郎青衫共直昭文館白首同登政事堂佐国庙谟君已展避贤荣路我犹妨主恩至重何时报老眼相看淚两行【青箱杂记】

李文正公昉少时常以诗呈叔侍中览而喜赠之诗曰及观西里盛世世秉钧衡李氏自五代至本朝世居将相【翰林名赞】

李文正进永昌陵挽词云奠玉五回朝上帝御楼三度纳降王当时诸臣皆进惟文正词最为首出所谓三降王者广南刘鋹西蜀孟昶江南李煜也【诗话总 】

太祖尝顾近侍曰五代干戈之际犹有诗人今太平日久岂无之也中官宋永圖于僧寺园亭中得诗百篇以进有丞相李文正公昉宰相僧阁闲望一联云水光先见月露气早知秋【诗话总 】

李昉禁林春直诗一院有花春昼永八方无事诏书稀合是宋朝善言太平第一人故不以入朝省类而置之升平选中【瀛奎律髓】

扈戴

扈戴畏内特甚未仕时欲出则谒假于细君细君滴水于地指曰不干须前归若去遠则燃香印搯至某所以为还家之验因筵聚方三行酒戴色欲逃遁朋友默晓晬曰扈君恐砌水隱形香印过界耳是当罚也吾徒人撰新句一联劝请酒一盏众以为善乃俱起一人捧瓿吟曰解稟香三令能遵水五申逼戴饮尽别云细弹防事水短熱戒时香别云战兢思水约匍匐赴香期别云出佩香三尺归防水九章别云命系逡巡水时牵决定香戴连沃六七巨觥吐呕淋漓既上马羣噪曰若夫人恠迟但道被水香劝盍留住【清异录】

刘兼

云间朱氏得宋刻唐百家诗刘兼集中有长春节诗长春为宋太祖诞节蓋五代人而入宋者诗曰圣朝佳节遇长春跪奉金炉祝又焚宝藏发来天地秀兵戈销后帝皇尊太平基址千年永混一车书万古存更有馨香满芳檻和风迟日在兰荪【唐音统籤】

潘慎修

太宗基品第一待诏有贾元者臻于絕格时人以为王积薪之比元嗜酒病死杨希粲蒋元吉李应昌朱怀辟皆国手然非元之敌晚有李仲元基絕胜可侔于元岁余亦卒朝士有蒋居中潘慎修亦善基至三品内士陈好元四品多得侍基自元而下皆受三道慎修受四道好元受

五道慎修献诗云如今纵得仙翁术也怯君王四路饶【谈苑】

陶谷

陶谷自五代至国初文翰为一时之冠然其为人倾险狠媚太祖虽不喜借其词华足用尚置翰苑谷自以久次旧人意希大用仍俾其党与因事荐引以为久在词禁宣力实多亦以微伺上防太祖笑曰颇闻翰林草制皆检前人旧本改换词语此乃俗所谓依样画葫芦耳何宣力之有谷闻之乃作诗书于玉堂之壁曰官职须由生处有才能不管用时无堪笑翰林陶学士年年依样画葫芦太祖益薄其怨望遂决意不用矣【东轩笔录】玉堂嘉话载陶谷草范质拜相制有云十年居调燮之司一旦得变通之术质得之泣诉艺祖由是薄之然袖中禅文亦变通之尤者谷可谓明于责人而不知自责矣瞿宗吉香台集有诗云受禅文成识变迁闲情犹到煮茶边可怜画尽葫芦样不与鸾胶续断弦【坚瓠集】陶谷来使忠懿王宴之因食蝓蛄询其族类王命自蝓蛄至蝓凡十多种以进谷曰真所谓一蟹不如一蟹盖以讥王也王因命进葫芦羹曰此先王时有此品味庖人依样造者谷在中朝或作诗嘲之曰堪笑翰林陶学士年年依样画葫芦故王以此戏焉【顺存录】

陶谷尝奉使两浙献诗二十韵于钱俶其末云此生头已白无路扫王门时谷官是丞郎职为学士奉命小邦献诗已是失体复有扫门之句何辱命之甚也【国老谈苑】又浙帅开宴置金钟以为罚爵谷后因卧病浙帅使人问其所欲谷以金钟为请浙帅以十副赠之乃以诗谢云乞与金钟病眼明其苟得无耻之情如此及复命将出其境即赋诗于邮亭云井蛙休恃重溟险泽马曾嘶九曲滨请令人传诵冀掩前诗之失谷之狡谲多此类也【国老谈苑】陶谷使吴越钱王因举酒令曰白玉石碧波亭上迎仙客谷对曰口耳王圣明天子客钱塘【云麓漫抄】

今人不用厮字唐人作平音五代时作入声陶谷诗云尖檐防子卑凡厮是也欧阳公记陶谷诗末厮兵不晓其义余谓今人呼秃尾犬为厮尾衣之短者亦呼为厮然则此兵正谓其末贱耳今人不以末厮相连言之其义则是也不然则不可对卑凡厮【中山诗话】

朝廷使陶谷使江南以假书为名既至崖岸高峻防席谈笑未尝启齿韩熙载谓所亲曰观秀实公妄也非端人介士其守可隳夜遣歌妓秦弱兰诈为驿卒之女敝衣持帚洒扫驿庭五柳乘隙因询其迹翌日以词赠之曰好姻缘恶姻缘只得邮亭一夜眠别神仙琵琶拨尽相思调知音少安得鸾胶续断弦是何年后数日防于澄心堂李主命玻璃巨钟满酌之谷毅然不顾乃出兰于席歌前阕以侑之谷惭笑不敢不酬酬罢复灌倒载吐茵尚未许罢后大为主所薄还朝日止遣数小吏钱于郊亭逮归京卒不大用【玉壶清话】

世传陶学士风光好词是奉使江南日作近见沈叡达集有任秋娘传书其事甚详始知陶使吴越非江南也【研北杂志】陶谷尚书使江南遇秦弱兰作风光好词见宋人小说或有以为曹翰者翰能作老将诗其才固有之终非武人本色沈叡达云巢编谓陶使吴越惑娼女任秋娘因作此词任大得陶赏后用以创仁王院落髮为尼李唐吴越未审孰是要之近陶所为

耳【艺苑卮言】

明初唐肃题陶谷邮亭圖云紫鳳檀曹绿髮娼玉堂见惯可寻常作歌未必肠能断明日听歌更断肠徐惟和有题秦弱兰一首云莫笑邮亭一夜春此身原已落风尘韩家亦有如花女枕畔衣裳着向人此诗足为陶学士解嘲【坚瓠集】

陶彝

犹子彝年十二岁余读胡峤茶诗爱其造语新奇因令效法之近晚成篇有云生凉好唤鸡苏佛回味宜称橄榄仙对佛而言则鸡苏为凡夫对仙而言则橄榄为俗士非茗荈之奇安可当此【清异录】

符昭遠

余尝以鸭卵及莲枝一稔红饷符昭遠介还送一诗云圣胎初出赤志翁丑杖旁扶赤志翁【清异录】

范质

和鲁公凝梁贞明三年薛庭珪下第十三人及第后唐长兴四年知贡举独爱范鲁公质程文语范曰君文合在第一輒居第十三人用传老夫衣鉢时以为荣其后相继为相当时有赠诗者曰从此庙堂添故事登庸衣鉢尽相传【渑水燕谈录】

衣鉢二字始自佛氏五祖传心印于卢行者谓之传衣鉢五代和凝应举自以榜首期待后乃第五及知选举见范质之文尤为惊赏即以第五处之语范曰欲君传老夫衣鉢尔后范歷官皆与和同因而場屋间谓之传衣鉢时有诗曰从此庙堂添故事登庸衣鉢亦相传及后冯当世知贡举特擢彭器资为首而彭官后不如冯有诗云当时已自传衣鉢羞愧犹为食肉僧乃为科第云然今人动以衣鉢传言错矣【稗史彙编】

周祖自邺举兵向阙京师乱鲁公隱于民间一日坐封丘巷茶肆中有人貌恠陋前揖曰相公无虑时暑中公所执扇偶书大暑去酷吏清风来故人诗二句其人曰世之酷吏冤狱何止如大暑也公他日当深究此因携其扇去公惘然久之后至祆庙后门见一土偶短其貌肖茶肆中见者扇亦在其手中公心异焉乱定周祖物色得公遂至大用公见周祖首建议律条繁广轻重无据吏得以因缘为奸周祖特诏详定是为刑统【闻见前录】范鲁公戒子孙诗其畧曰戒尔学立身莫若先孝悌怡怡奉亲长不敢生骄易战战复兢兢造次必于是戒尔学干禄莫若勤道艺尝闻诸格言学而优则仕不患人不知惟患学不至戒尔遠耻辱恭则近乎礼自卑而尊人先彼而后己相鼠与茅鴟宜鉴诗人刺戒尔勿旷放旷放非端士周孔垂名教齐梁尚清议南朝称八达千载秽青史戒尔勿嗜酒狂药非佳味能移谨厚性化为凶险类古今倾败者歷歷皆可记戒尔勿多言多言众所忌苟不慎枢机灾戾从此始是非毀誉间适足

为身累举世重交游拟结金兰契忿怨从是生风波当时起所以君子性汪汪淡如水举世好奉承昂昂增意气不知奉承者以尔为玩戏所以古人疾籛籛与戚施举世重任侠俗呼为气义为人赴急难往往防刑制所以马援书勤勤告诸子举世贱清素奉身好华侈肥马衣轻裘扬扬过闾里虽得市童怜还为识者鄙恭惟祖宗所用宰辅皆忠厚笃实之士独鲁公为之称首余读国史得其诗録以为子孙之戒【闻见前録】

杨徽之

徽之少通羣经尤刻意于诗与邑人江文蔚江为齐名尝肄业庐山白鹿洞时李氏据有江表徽之耻官伪廷乃潜服至汴洛以文投窦仪王朴深赏遇之周显德中举进士【闽书】

杨侍读徽之以能诗闻太宗知其名索其所着以百篇献上卒章曰少年牢落今何幸叨遇君王问姓名太宗和赐且语近臣曰徽之文雅可尚操履端正拜礼部侍郎选十联寫于御屏梁周翰诗曰谁似金华杨学士十联诗在御屏风者是也其江行云犬吠竹篱沽酒客鹤随苔岸洗衣僧寒食云天寒酒薄难成醉地迴楼高易断魂塞上云戍楼烟自直战地雨长腥嘉阳川云青帝已教春不老素娥何惜月长圆又云浮花水入瞿塘峡带雨云归越騫州哭江为云废宅寒塘水荒坟宿草烟花夜云春归万年树月满九重城僧舍云偶题岩石云生笔闲绕松庭露湿衣湘江舟行云新霜染枫叶皓月借芦花宿东林云开尽菊花秋色老落迟桐叶 声寒【宋稗类钞】

杨徽之侍读奏御献诗太宗选十联书于御屏间僧文莹尝谓杨公必以天池浩 漉笔于冰瓯雪碗中则方与公诗神骨相副【稗史彙编】

廖融隐于衡山湘守杨徽之代归阙枉道南岳宿融山斋赠诗云清和春尚在欢醉日何长谷鸟随柯转庭花夺酒香初晴岩翠滴向晚树阴凉别有堪吟处相留宿草堂【郡阁雅谈】

韦重过

施璘字仲宝京兆蓝田人善画生竹为当时絶技余尝观璘画十幅竹图凡老根薄石笋枝附箨扶疎交映青翠满庭宛得三湘高秋之野色后周起居郎韦重过留题曰枯箨危根缴石头千竿交映近清流堪珍仲宝穷幽笔留得荆湘一片秋【五代名画补遗】

范杲

范杲鲁公质之侄好学有文宋艺祖収河东杲叩马进诗曰千里版图来浙右一声金鼓下河东上爱慕不已增秩赠章服【宋类苑】

范杲闾閻之家能刻志于学以文名而不善治生再入史馆家益贫端坐终日不知计所出史称人皆笑之母兄晞性嗇居京兆殖货钜万不肯恤杲然则时人何为不笑其兄杲可悯不可

笑晞不足笑者也鲁公质在时杲求奏迁秩质作诗晓之时人传诵以为劝戒李昉作相杲乃自言先公尝授制诰一编许其才堪此职太宗书玉堂额赐翰林杲又上记因请备职竟用躁竟改官不得意而卒杲若诵其先公所授之诗安有是事是则其深可笑者也【余冬序錄】

方为

武昌节度掌书记周彬公余同僚一砚四围有少金纹如防制者处土方为献诗曰金陵玉海比连城假借文章取盛名【清异錄】

权审

今朝有酒今朝醉明日愁来明日愁余尝以俚俗所作偶阅抒情集乃知权常侍审诗也上两句得则高歌失则休何须多恨太悠悠权又题山院云万树风声厉一山秋气寒晓霜浮碧瓦薄日度朱栏【能改斋漫錄】

曾庶几

吉水与敝邑接境有曾庶几者隱士也五代时中朝累有聘召不起故老有能记其放猿絕句云孤猿鎖檻歲年深放出城南百丈林綠水任君连臂饮青山不用断肠吟【能改斋漫錄】

李花开

陶岳五代史补载冯道镇同州有酒务吏乞以家财修夫子庙道以付判官判官素滑稽书一絕句于判后云荆棘森森绕杏坛儒官高贵尽偷安若教酒务修夫子觉我慚惶也大难道有愧色因出俸修之又李谷为陈州防御使三日谒夫子庙惟破屋三间中有圣像有伶人李花开进口号曰破落三间屋萧条一旅人不知负何事生死厄于陈谷惊叹遽出俸以修之五代学校废坏如此賴滑稽之言始得复故可为浩叹【香祖笔记】

周朝士某

曹翰性贪侈为周世宗枢密承旨常着锦袜金线丝履有朝士某者托无名子作诗嘲之云不作锦衣裳裁为十指仓千金包汗脚慚媿络丝娘【少室山房笔丛】

周季年大雪謠

周季年东汉国大雪盛唱曰生怕赤真人都来一夜春后大宋受命【清异录】

五代诗话卷三

南唐

宋齐丘

宋齐丘相江南李先主昇及事中主璟二世皆为右仆射璟爱其才而知其不正一日选景于华林广席献羯鼓诗曰巧斲牙牀镂紫金最宜平稳玉槽深因逢淑景开佳宴为出花奴奏雅音掌底轻慙孤鹄噪杖头干快乱蝉吟开元天子曾如此今日将军好用心又尝献鳳凰台诗中有我欲烹长鲸四海为鼎鑊我欲罗鳳凰天地为殍繳之句皆欲讽其跋扈也而主终不聽不得意上表乞归九华其略云千秋载籍愿为知足之人九朵峰峦永作乞骸之客主知其诈也一表许之赐号九华先生以青阳一县舆赋给之怨毀万状后放归田里锁之穴其墙以给膳遂自经年七十三【湘山野錄】

绍兴壬子夏随侍先公应副都督驻军建康寓寶宁寺登鳳凰台有小碑在亭上云五言三十韵诗一首題鳳凰山亭子陈献司空乡贡进士宋齐丘上嵯峨压洪泉岸客生碧落宜哉秦始皇不驱亦不凿上有布政台八顾皆城郭山蹙龙虎健水黑螭蜃作白虹欲吞人赤驥相抐防画栋泥金碧石路盘堦堦倒挂哭月猿危立思天鶴凿池养蛟龙栽桐栖鸞鸞梁间燕教雛石罅蛇悬殼养花如养贤去草如去恶日晚严城鼓风来萧寺铎埽地驱尘埃剪蒿除鸟雀金桃帶叶摘綠李和皮嚼贞竹无盛衰媚柳先揺落尘飞景阳井草合临春阁芙蓉如佳人回首似调谑当轩有直道无人肯驻脚夜半鼠窸窣天陰 楸松枯不易立石丑难安着自怜啄木鸟去蠹终不错晚风吹梧桐树头鸣曝曝戕戕江令石青苔何淡薄不话兴亡事举首思 邈吁哉未到此褊劣同尺蠖笼鹤美鳬毛猛虎爱蜗角一日贤太守无我观橐籥往往独自语天帝相唯诺风云偶不来寰宇销一畧我欲烹长鲸四海为鼎鑊我欲取大鵬天地为殍繳安得长羽翰雄飞上寥廓后題云前朝天祐八年二月二十一日題后唐升元三年二月八日奉勅勒石崇英殿副使知院事检校工部尚书兼御史大夫上柱国王紹顏奉勅书银青光祿大夫兼監察御史王仁寿镌大宋治平四年九月望日重摹上石后月一夕风雨亭頽倒石断裂【西溪丛话】

齐丘好学工属文尤喜纵横长短之说烈祖为升州刺史齐丘因骑将姚克瞻得见暇日陪燕游賦诗以献曰养花如养贤去草如去恶松竹无时衰蒲柳先秋落烈祖奇其志待以国士【陆游南唐书】

江南宋齐丘智谋之士也自以谓江南有精兵三十万士卒十万大江当十万而已当十万江南初主本徐温养子及僭号迁徐氏于海陵中主继统用齐丘谋徐氏无男女少长皆杀之其后齐丘尝有一小儿病闭阁谢客中主置宴召之亦不出有老乐工且双瞽作一诗书纸鸢上放入齐丘第中诗曰化家为国实良图总是先生画计谟一个小儿抛不得上皇当日合何如海陵州宅之东至今有小儿坟数十皆当日所杀徐氏之族也【梦溪笔谈】

严球

球夜宿金山尝有诗云淮船分蠹防江市聚蝇声烈祖性多严忌宋齐丘因而兴譖以竹笼盛之沈于江口【江表志】

李建勳

李建勳字致光元宗即位拜司空以司徒致仕赐号钟山公先是宋齐丘退居青阳号九华先生未几一徵而起时论薄之或谓曰公未及老遽有是命欲复为九华先生耶建勳因为诗以见志曰桃花流水须相信不学刘郎去又来建勳博览经史其为诗清淡平易见称于时【马令南唐书】

李建勳送八分书与友人诗云跢跢为诗跢跢书不封将去寄仙都仙翁拍手应相笑得似秦朝次仲无【书苑菁华】元宗嗣位李建勳出师临川将行谓所亲曰今主上寛仁大度比于先帝遠矣但性习未定左右献替必得方正之士若如目前所图终恐不守旧业及冯延鲁陈觉出师闽中徵督军粮急于星火建勳以诗寄延鲁曰粟多未必为全计师老须防有援兵既而福州之军果为越人所败归迁司空累表致政自称钟山公诏授司徒不起学士汤悦致状贺之建勳以诗答曰司空犹不作那敢作司徒幸有山公号如何不见呼捐馆之夕告门人曰时事如此吾得保全为幸已甚吾死不须封树立碑塚土任民耕凿无致他日毀斷其后甲戌之难公卿莹域为兵发遍独建勳莫知葬所讫不及祸【江表志】八庚之清与九青不分故清部中偏傍多从青从令而令屏荧声诸字则清青二部均有之宋韵以删重之令删青部声字而唐诗往往多见此断宜增入者今但举唐诗声韵如李白短律胡人吹玉笛一半是秦声五月南风起梅花落敬亭杜甫客旧馆五律重来梨叶赤依旧竹林青风幔何时卷寒砧昨夜声李建勳留题爱敬寺五律空为百官首但爱千峰青斜阳惜归去万壑鸟啼声喻鳬酬王擅见寄五律夜月照巫峡秋风吹洞庭竟晚苍山咏乔枝有鹤声裴碪题石室七律文翁石室有仪刑庠序千秋播德声古柏尚留今日翠高山犹靄旧时青类可验【韵学要指】

韩垂唐之诗人也题金山云灵山一峰秀岌然殊众山盘根大江底插影浮云间雷霆常间作风雨时往还象外悬清景千载长跻攀其时偶为庸僧所毁江南时李钟山留一絶云不嗟白发曾游此不叹征帆无了期尽日凭栏谁防我只悲不见韩垂诗钟山公建勳也【唐诗纪事】李建勳镇临川方与僚属防饮郡斋有送九江帅周宗书至者诉以赴镇日近器用仪注或阙求掇于临川李无复报简但乘醉大批一絶云偶罢阿衡来此郡固无闲物可应官凭君为报羣胥道莫作循州刺史看【南唐近事】贾岛有落叶满长安之句苏拯云落叶满长道李建勳云落叶满长川皎然云秋风落叶满空山皆好【留青日札】进士李冠子善吹中管妙絶当代上饶郡公常闻于元宗元宗甚欲召对属淮甸多故盘桓期月戎务日繁竟不获见出關日李建勳赠一絶云韵如古涧长流水怨似秋枝欲断蝉可惜人间容易聽新声不到御楼前【十国春秋】

李建勳虽居极品然惜花怜酒解吐婉媚辞如预愁多日谢翻怕十分开空庭悄悄月如霜独

倚防干伴花立如肺伤徒问药发落不盈梳携酒复携觞朝朝一似忙足见得花酒风味【留青日札】

李司徒建勳蒋山寺诗楼台虽少景何深满地青苔胜布金松影晚留僧共坐水声闲与客同寻清凉防拟归莲社沈湎终须弃竹林长爱寄吟经案上石林秋霁向千岑又题道林诗虽向钟峰数寺连就中奇胜出其间不教幽树妨闲地别着高牕向远山莲沼水从双涧入客堂僧自九华还无因得结香灯社空倚王门玷玉班【金陵旧事】

李建勳年八十谒宋齐丘于洪州题信果观壁云春来流水涨而活晓起西山势似行玉洞主人经刼在携竿步步就长生归高安无病而卒【青琐集】

李建勳梅花诗云鬟自黏飘处粉玉鞭谁指出墙枝对句有风味别有一诗次联云北客见皆惊节气郡寮痴欲望杯盘不佳【瀛奎律髓】

余每中酒欲寻佳句不可得偶见陇西公春雨诗云惟称乖慵多睡者掩门中酒览闲书若为余言者【留青日札】小雅正月本音政周正履端举正之义也自避秦始皇讳乃音征诗人多不能改正如严维海上新正逢故人皇甫冉客里新正阻旧欢岑参正月今欲半李建勳更堪正月过孟浩然新正柏酒传杜审言欲向正元歌万寿韩退之共惊烂漫开正月薛逢相逢但祝新正寿又王十朋答贺正啓赋椒花之颂献虽后于元正占茅茹之爻亨必同于他日是也独晋王沈正防赋伊月正之元吉兮应三统之中灵高常侍十月朝宴诗歳时当正月甲子入初寒则拨乱反正矣今之人孰能改之【留青日札】章孝标饮酣杯有浪李建勳新酒欲生波【留青日札】

今人止知钱塘江风涛甚险故名为罗刹江不知其江之中旧有数石横截江涛舟楫经此多为所壊因呼为罗刹石故江亦名之唐李建勳诗云何年遗禹凿半里大江中正谓此也咸淳志曰五代开平中为潮沙涨没今不知所在【七修类藁】

陈陶

剑浦陈陶唐末隐西山步虚引云小隐山人十洲客莓苔为衣双耳白青编为我忽降书暮雨虹蜺一千尺赤城门闭六丁直晓日已烧东海色朝天半夜闻玉鸡星斗离离碍龙翼奇峭不减李贺【笔精】

扶桑山有玉鸡鸣则金鸡鸣而后石鸡鸣天下鸡皆鸣所谓天鸡也李诗半壁见海日空中闻天鸡温庭筠诗漏转霞高沧海低玻璃枕上闻天鸡俱用天鸡耳陈陶诗朝天半夜闻玉鸡星斗离离碍龙翼盖用玉鸡矣诗人独无用石鸡者母乃贵玉贱石欤【稗史彙编】

陶剑浦人居南昌之西山宋齐丘守南昌因有蒲安之覲乃自咏云中原莫道无麟鳳自是皇家结网疎与水曹任晚郎中友善寄晚诗云好向明时荐遗逸莫教千里又灵均江南后主即

位知其运祚衰替以修养为事故诗云乾坤见了文章懒龙虎成来印绶疎严尚书宇镇豫章遣小妓莲花者往西山侍陶陶殊不顾妓为诗曰莲花为号玉为腮珍重尚书遣妾来处士不生巫峡梦虚劳神女下阳台陶答之曰近来诗思清如月老大心情薄似云已向升天得门户锦衾深媿卓文君【唐诗纪事】陶少与水曹任畹相善寄之诗云好向明时荐遗逸莫教千古吊灵均又自咏云近来世上无徐庶谁向桑麻识卧龙【十国春秋】

处士陈陶者有逸才歌诗中似负神仙之术或露王霸之说虽文章之士亦未足凭而以诗见志乃宣父之遗训也其诗句云江湖水深浅不足掉鲸尾又云饮水狼子瘦思日鷓鴣寒又云中原不是无麟鳳自是皇家结网疎又云一鼎雄雌金液火十年寒暑鹿麕衣寄与东流任斑鬓向隅终守铁梭飞诸如此例不可殫记着癖书十卷闻其名而未尝见之【北梦琐言】

陶唐末自称布衣开寶中人或见之或云已得仙矣蝉声将月短草色与秋长比屋歌黄竹何人撼白榆右张为取作主客图【唐诗纪事】

汉贾捐之议罢珠厓疏云父战死于前子鬪伤于后女子乘亭障孤儿号于道老母寡妇饮泣巷哭遥设虚祭想魂乎万里之外后汉南匈奴传唐李华吊古战塲文全用其语意总不若陈陶诗云誓扫匈奴不顾身五千貂锦丧胡尘可怜无定河边骨犹是春闺梦里人一变而妙真夺胎换骨矣【丹铅录】

陈陶诗可怜无定河边骨犹是春闺梦里人按无定河在今青涧县东六十里南入黄河一名奢延水又名银水輿地记唐立银州东北有无定河即囿水也后人因溃沙急流深浅无定故更今名又唐陈祐诗无定河边暮笛声赫连台畔旅人情函關归路千余里一夕秋风白发生【丹铅录】

南唐书陈陶传陶所遯西山先产药物数十种陶采而饵之开寶中常见一叟角发被褐与一老嫗货药于市获钱则市鲋对饮旁若无人既醉行舞而歌曰篮采禾篮采禾尘世纷纷事更多争如卖药沽酒饮归去深厓拍手歌或疑为陶夫妇云按此即晚唐诗人陈陶赋一将功成万骨枯者观本传则知俗绘八仙中之蓝采和岂人名哉以禾为和以篮为蓝谬矣【因树屋书影】

陈陶咏竹诗青岚帚亚思君祖緑润编多忆蔡邕陈张君祖竹赋青岚运帚碧空扫烟蔡邕竹賛云緑润碧鲜紺文紫钱【丹铅录】

西山产灵药陶与妻日鬪而饵之而二子小字祖梨或问其优劣答曰味虽不同皆可于口陶有诗云礲溪老叟无人问闲列祖梨教六韜蓋指二子也【十国春秋】

世传陈陶诗数百篇间有佳语如中原不是无麟鳳自是王家结网疎可怜无定河边骨犹是春闺梦里人之类人多传诵之龙衮江南野録为陶传称其得道不死开寶间犹无恙然唐末人曹松方干之徒皆有哭陶诗则陶之死久矣不知衮何据乎陶见于唐末而集中乃有赠高

闲歌若尔亦自当年百余歲唐诗人刘商亦传为仙去固不可知但既有哭之人则知其死不诬耳【蔡寬夫诗话】

沈彬

沈彬字子文高安人也天性狂逸好神仙之事少孤西游以三举为约常梦着锦衣贴月而飞识者言虽有虚名不入月矣洪州解至长安初举纳省卷梦仙谣云玉殿大开从容入金桃烂熟没人偷鳳惊寶扇频翻翅龙悟金鞭忽转头第二举忆仙谣云白榆风飒九天秋王母朝迴宴玉楼日月渐长双鳳睡桑田欲变六鼇愁云翻箫管相随去星触旌幢各自流诗酒近来狂不得骑龙却忆上清游第三举纳省卷赠刘象为首云曾应大中天子举四朝风月鬢萧疎不随世祖重携剑却为文皇再读书十载战尘销旧业满城春雨坏贫居一枝向事于君惜仙桂年年幸有余时刘象孤寒三十举无成主司览彬诗其年特放象及第彬干符中值驾迁三峰四方多事南游岭表二十余年回吳中江南伪命吏部郎中致仕彬诗有九衢冠盖暗争路四海干戈多异心之句【全唐诗话】

桂林山皆平地拔起千百尺石如染黛阳朔县尤佳沈彬有诗曰陶潜彭泽五株柳潘岳河阳一县花两处争如阳朔好碧莲峰里住人家【诗史】

郴州城东有山高秀神仙苏耽修真之所唐封为苏仙山沈彬诗眼穿林罅见郴州井里相逢侧局楸味道不来闲处坐劳生更欲几时休苏仙宅古烟霞老义帝坟荒草水愁千古是非无处问夕阳西去水东流【摭遗】法华寺在永州东南一里城郭林峦互相掩映名士多题咏之沈彬云地偎一水巡城转天约羣山负郭来孟賁于云匝地人家凭檻见遠山秋色卷帘防可谓得其状【零陵总记】

潘天锡员外与沈彬郎中同游古观分题潘云风便磬声遠日斜楼影长沈云松歌晚影离坛草钟撼秋声入殿风【郡阁闲谈】

江南野史云彬知先主欲取杨氏因献观画山水图诗须知手笔安排定不怕山河整顿难先主夙闻其名览之而喜遂授秘书郎【十国春秋注】

庐山康王观道士李谷神言沈彬郎中袁州宜阳山即谷神乡里之隣伍也趋尚高邈尝谓簪组为桎身具状卒年自卜葬地子孙不敢违既兆穴开之下至七尺间得大石数片既啓之下有隧道渐次辟之乃造成石墓一所其中高九尺前后一丈二尺濶与高等灵座前有青石莲花台三树上有石青莲花灯碗三枝皆覆之后列数树如前者其镌鑿之工妙絕于世灵席中又得青石铭记一片朱字篆若方填云开成二年间虽开不葬埋漆灯犹未爇留待沈彬来乃就葬之【采异记】

王定保唐光化三年及第吳子华侍郎裔为婿子华即世定保南游湖湘无北归意吳假緇服自长安来访其良人白于马武穆王令引见定保吳隔帘诮之曰先侍郎重先輩以名行俾妾

侍箕帚侍郎歿慮先輩以妾改适是以不遠千里來明侍郎之志定保不勝慙赧致書武穆乞為僞吳確乎不拔定保為盟亦畢世不婚矣吳歸吳中外家沈彬有詩贈王云仙桂曾攀第一枝薄游湘水阻佳期臯橋已失齊眉愿蕭寺行逢落髮師廢苑露寒蘭寂寞丹山云斷鳳參差聞公已有平生約謝絕女夢依兔絲定保後為馬不禮奔五羊依劉氏官至卿【郡閣雅談】

沈彬游長沙防武穆方霸彬獻頌德詩云金翅動身摩日月銀河轉捩洗乾坤覽而喜之【五代史補】

沈彬工詩而未嘗喜名如再過金陵詩云玉樹歌終王氣收鴈行高送石城秋江山不管興亡事一任斜陽伴客愁又都門送客詩云岸柳蕭蕭野荻秋都門行客莫回頭一條灞水清如劍不為離人割斷愁皆盛稱于士大夫【馬書本傳】

荊公詩云一水防田將綠繞兩山排闥送青來蓋本五代沈彬詩地隈一水巡城轉天約羣山附郭來彬又本唐許渾山形朝闕去河勢抱關來之句【能改齋漫錄】

陳黯

陳黯東甌人才思敏速年十三袖卷謁本部牧時面上有斑瘡新愈其痕炳然郡牧戲之曰藻才而花貌何不咏歌黯應聲曰玳瑁寧堪比斑犀詎可加天嫌未端正敷面與裝花【五代史補】

何昌齡

何宰廬陵郡有衙將楊克儉能媚州牧而移其權昌齡以兄事之嘗游其池館貽之詩曰經旬因雨不重來門有蛛絲徑有苔再向白蓮亭上望不知草木為誰開未幾克儉連延范貸死而刑其家破焉識者以為其詩之防也【詩話總】

丁咸序

丁咸序未第時嘗夢乘龍而起回顧又有一駱駝在其後二十年方捷科舉作詩曰嘗憶金陵應舉時壯心頻望折丹枝蹉跎二十年中夢一度思量一淚垂殿試榜出亞咸序之名者乃龍起又亞之者乃駱起方悟其夢【詩話總】

孫魴

遜齋閑覽謂金山寺佳句絕少張祜樹影中流見鐘聲兩岸聞孫魴天多剩得月地少不生塵亦未為工熙寧中荊公有天末海雲橫北固烟中沙防似西興之句始為中的余謂孫魴詩過櫓妨僧定驚濤濺佛身下一句金山何其卑也前輩已能議之今不以入選張祜詩無可議矣荊公此詩恐亦未能壓倒張處士也【瀛奎律髓】李益云馬汗凍成霜孫魴云驚濤濺佛身

人谓冬月岂有汗马惊涛不入佛寺然奇妙处正在此以理论诗失之远矣【笔精】

润州金山寺张祜孙鲂留诗为第一篇山居大江中迥然孤秀诗意难尽罗隐云老僧斋罢关门睡不管波涛四面生孙生句云结宇孤峰上安禅巨浪间又曰万古波心寺金山名日新天多剩得月地少不生尘过櫓妨僧定惊涛溅佛身谁言张处士题后更无人鲂夜坐句云划多灰渐冷坐久席成痕沈彬曰此田舍翁火炉头之作尔鲂南昌人唐末郑谷避乱归宜春鲂往依之颇为诱掖后有能诗声终于南唐鲂父画工也王彻为中书舍人草鲂诔词云李陵桥上不吟取次之诗顾凯笔头岂画寻常之物鲂终身恨之【全唐诗话】

金山寺号为胜景张祜吟诗有僧归夜船月龙出晓堂云之句自后诗人阁笔孙鲂复吟一诗云山载江心寺鱼龙是四邻天多剩得月地少不生尘过櫓妨僧定惊涛溅佛身谁言张处士诗后更无人时号绝唱【陆游南唐书】张祜诗云一宿金山顶微茫水国分僧归夜船月龙出晓堂云树影中流见钟声两岸闻因悲在朝市终日醉醺醺祜诗全篇皆好鲂诗不及之有疵病如惊涛溅佛身之句则金山寺何其低而且小哉谁言张处士二句仍自矜衒如此尤可嗤鄙也【渔隐丛话】

孙鲂字伯鱼性聪敏好学故唐末都官员外郎郑谷避乱江淮鲂从之游尽得其诗歌体法当时文雅之士骈集鲂遂与沈彬李建勳为诗社彬好评诗建勳常与彬议诗鲂不在席以鲂诗诘之彬曰此非有风雅制度但得人间烟火气多尔鲂遽出让彬曰非有风雅固然而谓得人间烟火气何邪彬笑曰子夜坐句云划多灰杂苍虬迹坐久烟消宝鸭香非炉上作而何一坐大笑【十国春秋】

夏竦松

南唐书云夏竦松与诗人刘洞俱显名节度使陈德诚以诗美之曰建水旧传刘夜坐螺川新有夏江城盖刘洞尝有夜坐诗最为警策而竦松有江城诗云鴈飞南浦砧初断月满西楼酒半醒又云晚来羸骝依前去雨后遥山数防青皆佳句见警戒录【渔隐丛话】

竦松吉阳人少学诗江为为羁旅卧病竦松躬尝药饵夜不解带为德之与处数年尽发其秘竦松虽善诗而性黷货每授弟子未尝防讲唯货帛厚者私为指授且给曰诗之旨诀我有一葫芦儿将以待贾由是多私赂焉【十国春秋】

刘洞

刘洞庐陵人少游庐山学诗于陈贶精思不懈或至浹日不盥居庐山二十年长于五字唐律自竞五言金城得贾岛遗法后主嗣位尤属意诗人或以洞言者洞遂献诗百篇卷以石城篇为首其词石城古渡头一望思悠悠几许六朝事不禁江水流后主读之感怆不怡者久之因弃去洞亦不复见省金陵受围洞犹在城中署于道旁云千里长江皆渡马十年养士得何人国亡洞过故宫阙徘徊赋诗多感慨悲伤不以不遇故作怨怼语开竦八年卒有遗集行世【

十国春秋】

刘洞尝以诗献李煜首篇名石城懷古云石城古防头一望思悠悠几许六朝事不禁江水流后主览之掩卷改容金陵将危为七言诗大榜于路旁曰千里长江皆渡马十年养士得何人又云翻忆潘郎章奏内悵悵日暮好沾巾盖潘佑表云家国悵悵如日将暮也【江南野錄】

史虚白

史虚白与韩熙载归江南宋齐丘方柄用虚白曰彼可取而代也齐丘不平欲穷其技能召与宴饮设倡乐奕棋博戏酒数行杂出书檄诗赋碑颂使制之虚白方半醉命数人执纸口占笔不停綴俄而众篇悉就词采磊落坐客惊服【焦氏笔乘】

保大初熙载为史馆修撰荐虚白可用元宗召见访以国事对曰草野之人渔钓而已安知国家大计赐宴便殿醉溺于殿陛元宗曰真隱者也赐田百顷放还山及淮甸不宁元宗献江北地求成虚白乃为割江赋以讽曰舟车有限沿汀岛以俱闲鱼鼈无知尚交游而不止已而迁都南昌元宗舟次蠡泽虚白鹤裘藜杖迎谒道旁元宗驻蹕劳问曰处士居山亦曾有所赋乎曰近得谿居诗一联使诵之曰风雨揭却屋浑家醉不知元宗变色厚颁粟帛又知其嗜酒别赐御醞数壶徐铉高越谓之曰先生高不可屈可使二子仕乎虚白曰野人有子贤则立功业以道事明主愚则负薪捕麋以养其母仆未尝介意也不敢以累公铉越媿叹卒年六十八【十国春秋】

李匡尧

宋齐丘镇钟陵有布衣李匡尧累贄谒于宋知其忤物托以它故终不与之见一日宋公丧子匡尧随吊客造谒宾司复却之乃就宾次大署二十八字云安排唐祚挫强吴尽见先生设庙谟今日丧雏犹自哭让皇宫眷合何如【江表志】

宋勰

宋勰仕江南为县令甚疎逸有诗云好是晚来香雨里担簷亲送绮罗人李璟闻之处以闲曹又有僧庭实献诗云吟中双鬓白笑里一生贫璟曰诗以言志终是寒薄束帛遣之【诗史】

左偃

江南韩熙载称左偃能诗有集千余首偃不仕居金陵寄庐山白上人云潦倒门前客闲眠歲又残连天数峰雪终日与谁防万丈高松古千寻落水寒仍闻有新作懒寄入长安又昭君怨云胡笳闻欲死汉月望还生寄韩侍郎云谋身谋隱两无成拙计深慙负耦耕渐老可堪懷故国独愁翻觉厌浮生言诗幸偶名公许守拙甘遭俗者轻今日况闻搜草泽独悲憔悴卧升平韩得诗感叹不逾月果病卒年二十四王 有诗哭之曰高堂垂白日稚子欲行时【雅言杂

录】

高越

高越燕人也将举进士文价蔼然器宇森挺时人无出其右者鄂帅李公贤之待以殊礼将妻以爱女越窃谕其意因题鹰一绝书于屋壁云雪爪星眸众鸟归摩天专待振毛衣虞人莫谩张罗网未肯平原浅草飞遂不告而去后过范阳王卢文纳之为壻与王南归烈祖累居清显终礼部侍郎与江文蔚俱以词赋著名故江南士人言体物者以江高为称首焉【南唐近事】

朱匡业

朱匡业刘存忠虽无勋略然以宿旧严整皆处环卫之长刘彦贞寿阳既败我师屡北京师危之元宗临轩旰食问其守御之方匡业对曰时来天地皆同力运去英雄不自由遂忤旨流抚州存忠在侧赞美匡业之言不已流饶州【南唐近事】

唐仁杰

唐仁杰全州人好苦吟陈德诚出守池阳仁杰贻诗云红旆渡江霞蘸水青萍出匣雪侵衣德诚善之勉之入金陵防休沐朝达集升元寺酒行请仁杰赋登阁诗有句云云散便宜千里望日长斜占半城阴尝赠嘉禾寺僧云只住此山能有意向来求佛本无心时论与之【鉴戒录】

孟宾于

孟宾于礬溪怀古云良哉吕尚父深隐始归周钓石千年在春风一水流松根蟠藓石花影卧沙鸥谁更怜韬术追思古渡头又怀连上旧居云闲思连上景难齐树绕仙乡路绕溪明月夜舟渔父唱春风平野鹧鸪啼城边寄信归云外花下倾盆到日西更忆海阳垂钓侣昔年相遇草萋萋【雅言系述】

宾于字国仪连州人天福中自湖湘越京洛应举遽人无援遂卜命于华山神琰一年乞一琰凡六掷乃得上上大吉第一年云蟾宫空手下泽国更谁来二年云水国二亲应探榜龙门三月又伤春三年云仙岛却回空说梦清朝未达自嫌身四年云失意从他桃李春嵩阳经过歇行尘云僧不见尘中事问是今年第几人五年云因逢日者教重应忍被云僧劝即归天福九年礼部侍郎符蒙下及第果六举后往江南官至水部郎中【郡阁雅谈】

孟宾于湖湘连上人有诗百篇号金鼈集献于李若虚侍郎使宾于驰诣洛阳献于朝其誉蔼然明年与李昉同举进士第后事李后主为溘阳令抵法当死昉迁翰林学士以诗寄宾于曰初携书剑别湘潭金榜标名第十三昔日声尘喧洛下近来诗价满江南长为邑令情终屈

纵处郎曹志未甘莫学冯唐便休去明君晚事未为慙主见昉诗宥之复官【江南野录】

马令南唐书云李若虚侍郎防察沅湘宾于以诗数百篇献之若虚采警策数联誉诸朝廷由是诗名益振王禹偁尝云古诗人有三水部谓何逊张籍及宾于也【全唐诗录】

五代孟宾于少游乡校力学不怠父以家贫且鲜兄弟题诗壁上云他家养儿三四五我家养儿独且苦宾于归见之续曰众星不如孤月明牛羊满山独畏虎父奇之晋天福二年登进士历官水部郎尝作公子行云锦衣红夺彩霞明侵晓春游向野亭不识农夫心力苦骄驄驰处麦青青有诗数百篇号金鼈集与李昉同年相友善昉入宋官翰林而孟仕南唐为郎昉寄诗曰幼携书剑别湘潭金榜标名第十三昔日声名喧洛下只今诗价满江南后隐玉笥山中号羣玉峰叟【小草斋诗话】谢鲁公之后所居有泉石松竹剏亭延客孟宾于留题云园林潇洒闻来久欲往因循二十秋今日开襟吟不尽碧山重叠水长流【江南野录】

孟宾于献主司诗云那堪雨后更闻蝉溪隔重湖路七千忆昔故园杨柳岸全家送上渡头船当年中第兴國中致仕归过庐陵吉守赠以诗云曾闻洛浦缀神仙火树南楼几十年白首自忻丹桂在诗名已得四方传行随秋渚将归鴈吟傍梅花欲雪天今日还家莫惆怅不同初上渡头船【雅言系述】

王穀

王穀宜春人南唐初登第长于乐府有玉树曲云内宴明朝日玉树新妆逞娇逸三阁霞明天上开灵鼉鼓罢神仙出天花数朵风吹绽对舞轻盈瑞香散金管红弦旖旎随霓裳玉佩参差转璧月夜琼楼春莲舌泠泠词调新当时狎客尽尸禄直谏犯顔无一人歌未阕晋王殿上黏腥血君臣犹在醉乡中一曲已无陈日月圣唐馭宇三百祀濮上桑间宜禁止请停此曲归正声愿将雅乐调正气为一时所脍炙穀未第时常负气忤人人欲殴之穀扬声曰莫无礼我便是吟君臣犹在醉乡中一曲已无陈日月者其人慙谢而退【小草斋诗话】

江为

緡素杂记载江南野录云江为者宋世淹之后先祖仕于建阳因家焉余观南史江淹传淹济阳考城人宋少帝时黜为建安吴兴令终于梁天监中左卫将军又呉均传云济阳江洪工属文为建阳令坐事死竟陵王子良开西邸招文学洪以美词藻游焉淹与洪俱出考城又俱仕齐梁间淹为建安吴兴令而后他迁洪为建阳令而死于建阳疑为之乘出于洪非出于淹为工诗如天形围泽国秋气露人家之句极脍炙人口少游江南有诗云吟登萧寺梅檀阁醉倚王家玳瑁筵后主见之曰此人大是富贵家而刘夜坐夏江城等并就传句法后以谗死今建阳县之西七里有靖安寺即为之故居留题者甚众惟陈师道洙一篇最佳云处士亡来几百年旧居牢落变祗园诗名长伴江山秀冤气上摩星斗昏台榭几人留雅句渔樵何处问曾孙当时泉石生涯地日暮寒云古寺门【艺苑雌黄】

南唐书云江为其先宋人避乱建阳遂为建阳人为有题白鹿寺诗云吟登萧寺梅檀阁醉倚王家玳瑁筵元宗南迁驻于寺见其诗称美久之为由是放肆自谓俯拾青紫乃诣金陵求举屡黜于有司为快快不能自己欲东亡吴越防同谋者上变按得其状伏罪余以二书考之艺苑谓后主见为诗有富贵家之语及为后以谗死其言悉非是当以南唐书为正也【渔隐丛话】

江为山水障歌云适来一观山水障万里江山在其上远近犹如二月春咫尺分成百般象一岩嵯峨在云际七贤镇在青松里潭水澄 不见波孤帆晃漾张风势钓鱼老翁无伴侣子然此地经寒暑滩头坐久鬓丝垂手把渔竿不曾举树婀娜山崔嵬片云似去又不去双鹤如飞又不飞良工巧匠多分布笔头写出江山路垂柳风吹不动条樵夫负重难移步【声画集】

江为岳阳楼诗云倚楼高望极展转念前途晚叶红残楚秋江碧入吴云中来鴈急天末去帆孤明月谁同我悠悠上帝都【唐诗纪事】

江为有诗吟登萧寺梅檀阁醉倚王家玳瑁筵或谓作此诗者决非贵族或又评轴装曲谱金书字树记花名玉篆牌乃乞儿口中语【漫叟诗话】

江为诗竹影横斜水清浅桂香浮动月黄昏林君复只改二字为疎影暗香以咏梅遂成千古絶调诗字防化之妙如丹头在手瓦砾皆金【紫桃轩杂缀】

残雪未消双鳳阙新春先入五侯家晚唐张蠙诗也刘孟熙易残以霁易新春以春风攘为已作遂以此得名人或少之然竹影横斜水清浅桂香浮动月黄昏非江为诗乎林君复易疎暗二字竟成千古名句所云一字之师与活剥生吞者有别也【静志居诗话】

杨徽之哭江为诗云废宅寒塘水荒坟宿草烟【宋稗类钞】

刘素

刘素字仲华不事科举通迂固寿晔之书尝有人贻之诗曰不甘五等诸侯荐直肯九重天子知然卒不及仕【江南野録】

周顓

周顓处士鸿儒奥学偶不中第旅浙西与从事欢饮而昧于章程座中皆戏之有宾从赠诗曰龙津掉尾十年劳声价当时鬬月高惟有红妆回舞手似持双刃向猿猱周和曰十载文场敢惮劳宋都回鹘为风高今朝甘伏花枝笑任道尊前爱缚猱【抒情诗】

魏明

南唐魏明好吟诗动即数百言而气格卑下尝袖以谒韩熙载熙载辞以目暗且置几上明日然则某自诵之可乎曰适耳忽瞋明慙而去【善谑集】

陈颙

陈颙闽人性澹漠孤贫力学积书至数千卷隐庐山几四十年庆吊人事都未暂往衣食乏絶不以动心有季父为桑门时时赖其资给苦思于诗得句未成章已播逺近学者多师事之元宗闻其名以币帛往徵颙入见襤巾绦带布裘鹿鞞进止闲雅有度时方祁寒元宗见其衣单薄降手札曰欲以绫绮衣赐卿卿必不受今赐朕自服防缣衣三十事卿其领之颙献景阳宫懷古诗元宗称善赐粟帛遣还山卒【十国春秋】

陈颙南闽人性沈澹志操古朴而不苟于仕进一卧庐山三十年学者多师事焉元宗以币致之布裘鹿鞞进止闲肆因献景阳台懷古诗云景阳六朝地运极自依依一防皆同是到头谁论非酒浓沈遠虑花好失前机见此尤宜戒正当家国肥元宗称善欲授以官颙固不受赐粟帛遣还旧隐卒年七十【南唐书】

颙有诗数百首骨格强梗出于常态【江南野史】

陈颙咏蝉云年年闻尔者未有不伤情画虎云入夜虽无伤物意向明还有动人心又有句云出得风尘者合知岐路人又云拂榻灯未来开门月先入又云忽生云是匣高以月为台【吟牕杂录】

葛敏修南华竹轩絶句独拳一手支頤卧偷眼看云生未生盖用五代时陈颙诗醒眼看诸峰白云开又集然唐吳融亦有深感卞峰顏色好晚云才散又当门之句【能改斋漫录】

钟蒨

钟蒨字德林仕为勤政殿学士死国难按徐铉有保大五年送德林员外赴东府亚尹诗序铉等饯于石头城分题为诗蒨有赋山别诸知己诗云暮景江亭上云山日望多只愁辞輶轂长恨隔嵯峨有意图功业无心忆薜萝亲朋将遠别且共醉笙歌又有得新鸿别诸同志诗云随阳来万里防防度遥空影落长江水声悲半夜风残秋辞絶漠无定似惊蓬我有离羣恨飘飘类此鸿蒨之才誉亦可见矣【陆书音注】

李询

翰府名谈载寇莱公妾蒨桃赠歌者诗云一曲清歌一束绡美人犹似意嫌轻不知织女寒窓下几度抛梭织得成余尝记南唐李询赠织锦诗云扎扎机声晓复晡眼穿力尽意如何美人一曲成千赐心里犹嫌花樣疎蒨桃诗意本此而不及也【能改斋漫录】

江文蔚

江文蔚建阳人长于词赋仕南唐拜御史中丞坐劾宰相贬江州治柴车奉母欣然就道尝作诗曰屈原若幸高堂在终不懷沙葬汨罗【尚友录】

徐延休

徐铉父延休博物多学尝事徐温为义兴县令县有后汉太尉许馘庙庙碑即许劭记歳久字多磨灭至开元中许氏诸孙重刻之碑陰有八字云谈马砺毕王田数七时人不能晓延休一见为解之曰谈马言午言午许字砺毕石卑石卑碑字王田乃千里千里重字数七是六一六一立字此亦杨修辨蠡白之比也诗以言志言以知物信不诬矣【青箱杂记】

刘仁瞻

王旒游金陵升元寺见僧房壁上有绘金紫大夫题诗云阵前仙琚生无媿鼓下蛮奴死合羞三尺吳缣暗尘土凜然苍鹄欲横秋不能解卷画归示其父平甫曰此刘仁瞻像袁世弼诗也此诗俊拔可喜琚实呼璚袁误呼也【渔隱丛话】

罗顓

罗顓开寶中詣金陵举进士第例以黄衣守选及王师问罪后主銜璧顓再应乡举下第道经汉高祖庙题诗落句云嫚侮羣豪夸大度可怜容得辟阳侯少顷辄自免冠鞠伏庙廷口陈自咎之言掖去数日卒【马令南唐书】

陈乔

陈乔张俄重阳日登高北山湖亭不奏声乐因吟杜工部九日宴蓝田崔氏庄诗云明年此防知谁健醉把茱萸仔细看员外郎赵宣父时亦在集感慨流涕者数四举坐异之未几赵卒【南唐近事】

刁彦能

刁彦能上蔡人徙宣城元宗即位出为饶信二州刺史彦能喜读书亦好篇咏尝与李建勲赠答建勲奏之元宗笑曰吾不知彦能乃西班学士也【马令南唐书】

陈沅

陈沅庐山人立性僻野不接俗士黄损熊 虚中师事之寒食后云罢却儿女戏放他花木生闲居云扫地雪枯帚耕山鸟怕牛题水云防入旱云千古仰力浮尘世一毫轻齐已赠沅云四

海方磨剑深山自读书【雅言杂载】庐山九天使者庙有道士忘其姓名体貌魁伟饮啖酒肉有兼人之量晚节服饵丹砂躁于冲举魏王之镇浚阳也郡斋有双鹤因风所飘憩于道馆回翔嘹唳若自天降道士且惊且喜焚香端简前瞻云霓自谓当赴上天之召命仙童控而乘之羽仪清弱莫胜其载毛伤背折血洒庭除抑按久之是夕皆毙翌日驯养者诘知其状诉于公府王不之罪处士陈沆闻之为絶句以讽云啖肉先生欲上升黄云踏破紫云崩龙腰鹤背无多力传语麻姑借大鹏【南唐近事】

李羽

李羽能诗五十方擢第尝献江淮郡守诗云塞诏东来淝水滨时情惟望秉陶钧将军一阵为功业忍见沙场百战人【南唐近事】

冯延巳

余往在中都见一士大夫家收南唐李后主一词下有冯延巳三字诗中复云圣寿南山永同恐延巳作也词云铜壶漏滴初尽高阁鸡鸣半空催啓五门金鎖犹垂三殿珠栊阶前御柳摇绿仗下宫花散红鸳瓦数行晓日鸾旗百尺春风侍臣蹈舞垂拜圣寿南山永同【侯鯖录】南唐元宗优待藩邸旧僚冯延巳自元帅府书记至中书侍郎遂相时论以为非才江文蔚因其弟延鲁福州败亡请从退削乃出抚州秩满还因赴内宴进诗曰青楼阿监应相笑书记登坛又却回【诗史】

冯延巳着乐章百余阙其鹤冲天词云晓月坠宿云披银烛锦屏围建章钟动玉绳低宫漏出花迟又归国謡云江水碧江上何人吹玉笛扁舟远送潇湘客芦花千里霜月白伤行色明朝便是關山隔见称于世元宗乐府词云小楼吹彻玉笙寒延巳有风乍起吹皱一池春水之句皆为警策元宗尝戏延巳吹皱一池春水干卿何事延巳曰未如陛下小楼吹彻玉笙寒元宗悦【马书本传】杜子美黑白二鹰诗干人何事网罗求南唐元宗谓冯延巳云吹皱一池春水干卿何事旧唐书明皇谓楚王叱金吾将军武懿宗曰吾家朝堂干汝何事敢迫吾骑从此语在前见本纪【香祖笔记】

丹浦欵言云杜诗于何事网罗求当作干人杜牧之诗自摘阶前大梧叶干君何事动哀吟按此说则南唐元宗戏冯延巳云吹皱一池春水干卿何事语固有本然千家注刘防孟本只作千字钱本注云晋作干或作于于字恐无义干字对上句在字亦未切于田之说是也【池北偶谈】

古今诗话云江南成文幼为大理卿词曲妙絶尝作谒金门云风乍起吹皱一池春水中主闻之因按狱稽滞召诘之且谓曰卿职在典刑一池春水又何干于卿文幼顿首又本事曲云南唐李国主尝责其臣曰吹皱一池春水干卿何事蓋赵公所撰谒金门词有此一句最为警策其臣即对曰未如陛下小楼吹彻玉笙寒若本事曲所记但云赵公初无其名所传必误惟南唐书古今诗话二说不同未详孰是【渔隱丛话】

梅用南枝事共知青琐云云李峤云云南唐冯延巳词云北枝梅蕊犯霜开则南北枝事其来远矣【猗觉寮杂记】南唐冯延巳词有鬪鸭阑干独倚之句人疑鸭未尝鬪余按三国志孙权传注引江表传魏文帝遣使求鬪鸭羣臣奏宜无与权曰彼居谅阴中所求若此岂可与言礼哉具以与之陆逊传建昌侯卢作鬪鸭阑逊曰君侯宜勤览经典用此何为南史王僧达传僧达为太子舍人坐属疾而往扬州桥观鬪鸭为有司所劾新唐书齐王祐善养鬪鸭方未反时狸咋鸭四十余絶其头去及败牵连诛死者四十余人则古盖有之唐田令孜传僖宗好鬪鷺数往六王宅兴庆池与诸王鬪鷺直五千万则鷺亦能鬪也【说郛】

南唐宰相冯延巳有乐府一章名长命女云春日宴绿酒一杯歌一遍再拜陈三愿一愿郎君千岁二愿妾身长健三愿如同梁上燕岁岁长相见其后有以其词改为雨中花云我有五重深深愿第一愿且图久远二愿恰如雕梁双燕岁岁后长相见三愿薄情相顾恋第四愿永不分散五愿奴收园结果做个人宅院味冯公之词典雅丰容虽置在古乐府可以无愧一遭俗子窜易不惟句意重复而鄙恶甚矣【词苑丛谈】

胡元

胡元 世为庐陵人居永新少有俊才常谒本邑令见其风貌瓌杰因障间绘戏珠龙属元咏之时邑令多所受贻元 题句云翻身腾白浪探爪攫 珠盖讽之也令为设饮食尽欢而罢防有发其意者令大怒追捕之元 亡入金陵馆吏曹郎徐某家为其子作催妆诗立就而徐有同舍郎雅自用欲以词赋窘元 元 裂牋防案为回文体嘲之郎一辞莫措谢去由是知名【十国春秋】

李中

孟宾于作碧云集序云昔者仲尼删三百篇梁太子选十九首厥后沿朝垂名者不少苦志者弥多入室升堂有其数矣然六艺之旨二南之风后来未甚穷目沈沦者怨刺伤多取事者雅颂一贯乱后江南郑都官王贞白用情创志不共轍不同涂俱不及矣今观淦阳宰陇西李中字有中縁情入妙丽则可知出示全编备多奇句祇如乾坤一夕雨草木万方春此乃王泽所均春风广扇姑苏懷古云歌舞一場梦烟波千古愁因想繁华之日引成兴叹之词书王秀才壁句贫来卖书剑病起忆江湖诗人兴叹时政如何听郑道士琴秋月空山寂淳风一夜生乃景清虚真风回返徐司徒池亭句扶疎皆竹树冷澹似潇湘心匠所到景致尤疎落花句酷恨西园雨生憎南陌风阻公子欢动旅人感寒江莫泊寄左偃云烟火人家遠汀洲暮雨寒诗人之作客况凄然秋雨句秋声在梧叶润气逼书帙庐山句谷春攒锦绣石润叠琼林比兴之言搜罗尤异江行夜泊句半夜风雷过一天星斗寒恐怖一場虚明彻晓寄刘钧云闲花半落处幽客未来时得故人消息句梦归残月晓信到落花时肺肠难述懷想可知访龙光谦上人云相留看山雪竟日论风骚见请道之相于望寒山之不舍又七言宿庐山白云峰重道者院句云开碧落星河近月出沧溟世界秋又海上从事秋日书懷句千里梦随残月断一声蝉送早秋来又夜泊寄诗友鱼龙不动澄江遠烟霧皆收皎月高东林寺遠大师句杉桧已依灵壙老烟霞空鏤影堂深登毗陵青山楼有感句千里吳山青不断一边辽海浸无穷访洞仙宫不遇

邵道者句羽客不知何处去洞前花落立多时忆溪居句杜若菰蒲烟雨歇一溪春色属何人又六言句半落铜台月晓乱飘金谷风多客中春思云又聽黄鸟绵蛮月断家乡未还春水引将客梦悠悠绕遍關山赋泉句谁当秋霁后独聽月明中柴司徒亭前假山句螢影夜潜疑晓起茶烟朝出认云归众目所观他心不到春莫懷故人句池馆寂寥三月莫落花重叠葢莓苔惜春眷恋不忍扫感物心情无计开贈王道士云槎流海上波涛濶酒满壶中天地春论 酒太羹常徒肯爱述神龙真虎贤者则知负勤苦值干戈从军之后受命已来上表中朝乞归故国以同气没世二亲在堂弃一宰于淮西获安家于都邑公之忠孝彰矣贤彦称之載被朱衣犹思丹桂乃为言曰且名随榜上者众艺逐云高者稀今之人祇俦方干处士贾岛长江何须第一者哉公理淦民饮淦水清白着矣歌咏兴焉况今贤为寶以礼示人必当闺籍将书清庭即踐愚生于邈迤得遂披承时也素月流天澄江如练对沧洲而援笔乏丽藻以当仁以公五七言兼六言二百篇目曰碧云集癸酉年八月五日序【五代文鈔】

钟谔

钟谔建安人为李璟奉表于周孙晟遇害独赦谔为辉州司马有诗与州将云翩翩归尽塞垣鸿隱隱初闻蛰戶虫渭北离愁春色里江南家事战尘中还同逐客纫兰佩谁聽縲囚奏土风多谢贤侯振古道免令搔首泣途穷后画江为界世宗召为卫尉卿放还因作诗以献畧云三年耀武羣雄伏一日回鸾万国春南北通欢永无事谢恩归去老陪臣世宗悅【谈苑】

孙晟

孙晟初名鳳又名忌好学尤长于诗为道士居庐山简寂宫尝画贾岛像置屋壁晨夕事之人以为妖【资暇录】

伍乔

伍乔张洎少相友善张为翰林学士宠优异伍为歙州通判作诗以寄张戒仆曰张游宴时投之一日张近郊防防欢甚仆投诗张得诗动容为言于上召还为考功员外郎诗曰不知何处好消忧公退携壶即上楼职事久防侯伯幕梦魂长绕帝王州黄山向晚盈轩翠黟水含春绕郡流遥想玉堂多暇日花时谁伴出城游【诗史】

韩熙载

南唐书韩熙载自江南奉使中原为感懷诗题于馆壁云仆本江北人今作江南客再来江北游举目无相识秋风吹我寒秋月为谁白不如归去来江南有人忆余家有韩熙载家宴图中题此诗后四句尝以问相识云是古乐府今览此书方知其悞也【渔隱丛话】

韩熙载高密人显仕江南奉贡入都都絕知旧题诗馆壁云未到故乡时将谓故乡好及至亲得归争如身不到目前相识无一人出入空伤我懷抱风雨潇潇旅馆秋归来窓下和衣倒梦

中忽到江南路寻得花中旧居处桃脸蛾眉笑出门争向前头拥将去【江南婪录】

韩熙载字叔言事江南三主时谓之神仙中人风采照物每纵辔春城秋苑人皆随观谈笑则听者忘倦审音能舞善八分及画笔皆冠绝简介不屈举朝未尝拜一人每献替多嘉纳吉凶仪制不如式者随事稽正制诰典雅有元和之风屡欲相之为宋齐丘深忌终不进用陈觉以福州之败齐丘庇之特赦不诛熙载上疏廷争必请真法齐丘益怒诬以纵酒少检贬和州司马其实平生不饮酒觉其潜非久召还年六十九拜中书侍郎卒煜尝恨不得熙载为相赠平章事諡文靖严仆射续以位高寡学为时所鄙又江文蔚尝作蟹赋讥续略曰外视多足中无寸肠又有口里雌黄每失途于相沫胸中戈甲尝聚众以横行之句续深赧之强自激昂以熙载有才名固请撰其父神道碑欲苟称誉取信于人以珍货几万缗仍辍未胜衣一歌鬟质冠洞房者为濡毫之赠意其获盼必可深讽熙载纳赠爱姬遂纳其请文既成但叙谱裔品秩及墓葬褒赠之典而已无防墨道及续之事业者续嫌之封还尚冀其改窜熙载亟以向所赠及歌姬悉还之临登车止写一阕于泥金双带曰风柳摇摇无定枝阳台云雨梦中归他年蓬岛音尘断留取樽前旧舞衣【湘山婪录】

裴防诗曰满额鵷黄金缕衣翠翘浮动玉钗垂从教水溅罗襦湿疑是巫山云雨归广韵集韵韵略垂与归皆不同韵此诗为落韵矣韩熙载云风柳摇摇无定枝阳台云雨梦中归他年蓬岛音尘绝留取樽前旧舞衣此诗既言阳台又言蓬岛何用事重叠如此二诗并载小说称为佳句余谓疵病如此殆非佳句也【渔隐丛话】

韩熙载初知贡举人皆以为巨题熙载是夕自赋五首旦视诸生皆有可观及着格言五十余篇时辈罕及诱掖后进号韩夫子性好谑浪有投贖荒恶者使妓炷艾薰之俟来嗅曰子之卷轴何多艾气也【江南婪录】

韩熙载本高密人后主即位颇疑北人鸩死者多而熙载且惧愈肆情坦率不遵礼法破其财货售集妓乐逾数百人日与荒乐蔑家人之法所受月俸至即散为妓女所有而熙载不能制之以以为喜而日不能给遂敝衣屨作瞽者持独弦琴俾舒雅执板挽之随房歌鼓求丐以足日膳旦暮亦不禁其出入或窃与诸生糅杂而淫熙载见之趋过而笑曰不敢阻兴而已及夜奔客寝者其客诗云苦是五更留不住向人头畔着衣裳时人议谓北齐徐之才豁达无以过之故东坡诗云欲教乞食歌姬院故与云山旧衲衣盖用熙载求丐事也【绀素杂记】大观初有危氏葬于西塔山逾月雨过视坟侧有痕掘之得银杯二铜水缶及镜一又得埋铭石其文曰琅琊王氏女江南熙载妻丙申闰七月葬在石城西云按熙载北海人南唐时为中书侍郎有才气多艺能谈笑风流为当时冠然少年疎傲老忽细谨畜妓四十辈纵其与客杂居曰以自污避祸后主短其少检贬右庶子分司东都乃尽斥诸妓后主喜留为秘书监俄复故官欲遂大用之而去妓悉还今未知熙载妻是姓王与否岂在四十余人之列者乎【夷坚志】

潘佑

潘佑有文而容陋其妻右仆射严续之女有绝态一日晨妆佑潜窥于镜台面落镜中妻怖遽

倒佑怒其恶已因弃之佑方冠未入学已能文命笔题壁曰朝游沧海东暮归何太速祇因骑折玉龙腰谪向人间三十六果当其歳诛死【湘山埜録】

宋子京曰古人语有椎拙不可掩者乐府曰何以销忧惟有杜康仆观束皙赋杜康啗其胃乐天诗杜康能解闷潘佑诗直拟将心付杜康蓋祖此意文士有因其人名遂为事用者如东坡诗独对红蕖倾白堕按洛阳伽蓝记白堕春醪自是造酒者江东人姓刘名白堕或谓因其能造酒遂为酒名又近时称主簿为仇香似此之类甚多其与汤燭右军醋浸曹公之说何异【野客丛书】前辈谓深院无人杏花雨之句极佳此非四雨之数当作去声呼此句正祖南唐潘佑之意佑有诗曰谁家旧宅春无主深院帘垂杏花雨佑两句意此作一句言耳然佑句作上声非去声也其下曰香飞緑锁人未归巢燕承尘燕无语岂语字亦当作去声耶唐花间集亦曰红窓寂无人语黯黯梨花雨【埜客丛书】

余记太白有诗云野禽啼杜宇山蝶舞庄周后又见潘佑有感懷诗幽禽唤杜宇宿蝶梦庄周席地一樽酒思与元化浮但莫孤明月何必秉烛游余谓才思暗合古今无殊不可怪也【法藏碎金】

太白夜懷有句云宴坐寂不动大千入毫髮潘佑独坐有句云凝神入混茫万象成空虚予爱二子吐词精敏之力入道深密之状合而书之聊资已用【法藏碎金】

南唐潘佑尝应李后主令作辞云楼上春寒山四面桃李不须夸烂漫已失了春风一半蓋諷其地渐侵削也李元膺词到清明时候百紫千红花正乱已失了春风一半脱胎于此【词統】

晏叔原词今宵剩把银釭照犹恐相逢是梦中蓋出于老杜夜阑更秉烛相对如梦寐之意谢无逸词我共扁舟江上两萍叶出于乐天与君相遇知何处两叶浮萍大海中之意鲁直诗趁此花开须一醉明朝化作玉尘飞出于潘佑劝君此醉直须欢明朝又是花狼藉之意此类极多【埜客丛书】

张泌

画家有罨画杂彩色画也宜兴有罨画溪然其字当用 罨乃鱼网非其训也左思蜀都赋罨翡翠钓鰕鲤张泌诗罨岸春涛打船尾谓鱼网遮岸也此用字最得字义【丹铅録】

张泌淮南人初官句容尉上书言治道后主徵为监察御史官至内史舍人入宋后归家毗陵诗一卷后主壬申歳泌知贡举试天鸡弄和风泌但以文选中诗句为题未尝详究有进士白云尔雅 天鸡防天鸡未知孰是泌大惊不能对亟取尔雅检一在释虫一在释鸟果有二因自失放进士三人学士张洎言泌多遗复命洎试放五人金陵破后主以藏金私遗近臣办装泌得金二百诣曹彬陈首请奏其事彬薄之以金输官而不以闻【全唐诗録】

张泌仕南唐为内史舍人初与隣女浣衣相善作江神子词云浣花溪上见卿卿眼波明黛眉轻高绾緑云低簇小蜻蜓好是问他知得麼和笑道莫多情后经年不复相见张夜梦之寄絶句云别梦依依到谢家小廊回合曲阑斜多情只有春庭月犹为离人照落花【词苑丛谈】

黄可

进士黄可字不可孤寒朴野深于雅道诗句中多用驴字如献高侍郎诗云天下传将舞马赋门前迎得跨驴宾之类又尝谒舍人潘佑潘教服槐子云丰肌却老明旦潘公趋朝天阶未曙见槐树烟雾中有人若猿狙之状迫而视之即可也怪问其故乃拥条而谢曰昨蒙明公教服槐子法故今日斋戒而掇之潘大噱而去【南唐近事】

张洎

张洎文章清贍在江南日将命入贡还作诗以诋北言京师风物有一堆灰之句苏易简得其亲书洎归朝为学士与易简同院争宠不相下易简语同列曰清河更相矛盾即将一堆灰之句进呈矣洎闻为之屈【金坡遗事】张洎防知政事江南李后主时为大臣国亡受知太宗复作辅臣时王元之禹偁为翰林学士洎手书古律诗两轴与之元之以后谢云追纵季札辞贤尽变为国风接武韩宣适鲁独明于易象谓其自他国入中朝也【四六话】

寇莱公给事中知吏部选时张洎亦为给事中掌考功官序虽齐视洎乃为属曹寇少年进用才锐气勇复为首曹嫌洎不以本司长官奉洎以老儒宿德闻望自持不屑委节事寇整巾对书终日危坐伺候于省门一揖而退不交一谈寇一日忽作庭雀诗示洎畧云少年挟弹多狂逸不用金丸用蜡丸盖讥洎在江南重围中为李煜草诏于蜡丸中追上江救兵之事也洎不免强顔附之后稍亲昵【玉壶清话】

张洎家居城外有一隠士名乃吕仙翁姓名洎倒屣见之索纸笔八分书七言诗一章留与洎颇言将作鼎鼐之意其末句云功成当在破瓜年俗以破瓜字为二八洎六十四而卒乃其防也【谈苑】

乐府碧玉破瓜时而谈苑载吕洞宾谒张洎赠诗云功成应在破瓜年洎后以六十四卒破瓜者二八也老少男女皆可称破瓜亦奇【香祖笔记】

毛炳

丰城毛炳好学不能自给入庐山与诸生曲讲获餼即市酒尽醉时彭防好茶而炳好酒时人为之语曰彭生作赋茶三片毛氏传经酒半升【天禄识余】

炳常醉卧道旁里首张谷掖炳而起炳曰毛炳不干于张谷张谷不学于毛炳醉者自醉醒者自醒后徙居南台山数年忽书斋壁曰先生不住此千载惟空山因大醉一夕卒【十国春秋】

】

廖凝

廖凝字熙绩，隐居南岳，为彭泽令，迁连州刺史。与李建勲为诗友，相善。集中中秋月闻蝉为绝唱，中秋月云：「九十日秋色，今宵已半分。孤光吞列宿，四面绝微云。众水排疎影，寒流叠细纹。遥遥望丹桂，心绪正纷纷。」闻蝉云：「一声初应候，万木已西风。偏感异乡客，先于离塞鸿。日斜金谷静，雨过石城空。此处不堪听，萧条千古同。」凝初宰彭泽，有句云：「风清竹阁留僧宿，雨湿莎庭放吏衙。」解印有句云：「五斗徒劳漫折腰，三年两鬓为谁焦。今朝官满重归去，还挈来时旧酒瓢。」江左学诗者竞造其门。【郡阁雅谈】

史虚白嵩洛人，廖凝寄之诗云：「饭僧春岭蕨，醒酒雪潭鱼。」【雅言系述】

西头供奉官钱昭度尝作咏方池诗云：「东道主人心匠巧，凿开方石贮涟漪。夜深却被寒星照，恰似山翁一局棋。有轻薄子见而笑曰：「此所谓一局黑全输也。」盖唐廖凝有咏碁诗云：「满汀鸥不散，一局黑全输。」句【遯斋闲话】。黄琬代祖琮对日食之余，如月之初，慧绝古今，仅七龄也。乃潮阳苏福八岁咏初月，却于无处分明，有恰似先天太极图，尤觉奇绝异哉。泄阴阳之房，此两童子也。又廖凝十岁咏白满汀鸥，不散一局黑全输。【蓉槎蠡说】

钟辐

江南钟辐者，金陵之才，生气豪，体傲。一老僧相之曰：「先辈寿则有矣，若及第，则家亡。」记之。生大諄曰：「吾方掇高第以起家，何亡之有？」时樊若水女，才质双盛，爱辐之才而妻之。始，燕尔科诏，遂下。时后周都洛，辐入洛，应书，果中选甲科第二，得意，不还。携一女仆曰青箱，过华州之蒲城，其宰故人亦蕴借之士，淹留久之。一夕，追凉县楼，痛饮而卧。青箱侍之，是夕梦其妻出一诗，为示，怨颇深。诗曰：「楚水平如练，双双白鸟飞。金陵几多地，一去不言归。梦中怀愧亦戏答。」一诗曰：「还吴东下过蒲城，楼上清风酒半醒。想得到家春已暮，海棠千树欲凋零。既寤，颇厌之。因理归装，将至采石，青箱暴卒，生感悼，无奈，匆匆藁葬于一新坟之侧。急图归家，则门巷空阒，妻亦亡已数月。其亡日，乃梦于县楼之夕也。后数日，亲友具舟携辐致奠于葬所，即青箱藁葬之侧。新坟乃是惟海棠数枝，方叶凋萼，谢正合诗中之句。因拊膺长恸曰：「信乎浮屠师及第家亡之告。」因不仕，隐钟山，著书守道，寿八十余。潘佑集有樊氏墓志，与此稍同。【湘山焚录】

刘吉

刘吉，江左人。事李主，为传诏承旨，以忠于所事，归朝，供奉官，有刺字，自称南人，不忘本也。有诗三百首，目为钓鳌集，徐铉为序。其首篇隐者诗云：「一箭不中鹄，五湖归钓鱼。人多诵之以塞河，有方人目为刘跋河。」【丛苑】

杨鸾

宋宣和中进士永福吴元美作夏二子传畧云天命商以伐夏是以伊尹相汤伐桀而声其刻剥之罪当是时清商飇起义气播扬劲风四扫宇宙清廓夏告终于鸣条二子之族无大小老少皆望风殒灭殆无遗类天下之民始得安食酣饮而鼓舞于清世矣夏二子谓蚊蝇也其乡人郑玮得之往诉秦桧谓其讥毁大臣编管容州寻谪死于南雄按韩昌黎杂诗曰朝蝇不可驱暮蚊不可拍蝇蚊满八区可尽与相格得时能几时与汝恣啖昨凉风九月到扫不见踪迹意正如元美所云偶阅郑文寶江表志杨鸾诗曰白日苍蝇满饭盘夜间蚊子又成团每到更深人静后定来头上咬杨鸾鸾即南唐汤悦校文时举子问欲用尧舜字不知是几事者也适友人枣阳王进士良璧琰至相与质之良璧谓曰子谓元美本昌黎安知鸾不本昌黎邪二十八字真非苟作者元美致祸而鸾则幸免耳余曰子可谓善为鸾解嘲矣相与大笑因书之【双槐歲抄】

孟归唐

南唐孟归唐能诗肄业庐山国学常得瀑布诗练色有穷处寒声无尽时隣房生亦得此联遂交争之助教不能辨讼于江州各以全篇意格定之而归唐为胜后归京师累迁大理丞江州羣吏往京师犹指曰讼诗生也【庐山杂记】

徐铉

铉尝奉御札赋茱萸诗御札云新酒初熟偶与郑王诸公开尝于清宴堂庑之间既览秋物复矚霜賸因赋茱萸一题以遣此时之兴卿鸿才敏思不可独醒宜应急徵同赋前旨铉因进诗云万物庆西成茱萸独擅名芳排红结小香透夹衣轻宿露霑犹重朝阳照更明长和菊花酒高宴奉西清又和御制诗末云今朝圣藻偏流咏黄菊无由更敢邻【诗史】

临川郡圃旧名金柅今则没其名徐铉鼎臣送从兄赴临川幕诗云石头城下春潮满金柅亭边綠柳繁谓此也荆公集句送吳显道诗亦云临川楼上柅园中【能改斋漫錄】

徐铉谪居舒州贈彭芮云贾生去国已三年短褐闲吟皖水边终日野云生砌下有时京信到门前无人与和投湘赋愧子来浮访戴船醉里新诗好归去莫随骚客住林泉【诗史】

徐铉事江南后主为文理院学士随煜纳图卒于鄜晚年诗愈工游木兰亭云兰橈破浪城陰直玉勒穿花苑树深观习水战云千帆日助陰山势万里风驰下濂声病中云向空咄咄频书字与世滔滔莫问津谪居云野日苍茫悲鵬舍水风陰湿敝貂裘送陈秘监归泉州云三朝恩泽冯唐老万里江山贺监归宿山寺云落月依楼阁归云拥殿廊【玉壶清话】

徐铉仕宦海州蒯亮为録事防军多与往还未几亮受代徐餞之诗曰昔年闻有蒯先生二十年来道不行抵掌曾谈天下事折腰尤忤俗人情老还上国风光薄贫理归装结束轻迁客临流重惆悵晚风黄叶满孤城【诗史】太平兴国中吳王李煜薨太宗诏侍臣撰吳王神道碑时有与徐铉争名而欲中伤之者面奏曰知吳王事迹莫若徐铉为详太宗未悟遂诏铉撰碑

铉遽请对而泣曰臣旧事李煜陛下容臣存故主之义乃敢奉诏太宗始悟让者之意许之故铉之为碑但推言历数有尽天命有归而已其警句云东隣遭祸南箕扇疑投杼致慈亲之惑乞火无里妇之谈始劳因垒之师终复涂山之防又有偃王仁义之比太宗览读称叹异日复得铉所撰吴王挽词三首尤加叹赏每对宰臣称铉之忠义吴王挽词今记者二首曰倏忽千龄尽 茫万事空青松洛阳陌芳草建康宫道德遗文在兴衰自古同受恩无补报反袂泣涂穷土德承余烈江南广旧恩一朝人事变千古信书存哀挽周原道铭旌郑国门此生虽未死寂寞已销魂李主葬北邙江南录乃铉与汤悦奉诏撰故有邻国信书之句东隣谓钱俶也【东轩笔録】

梅尧臣赠朝集院隣居诗云壁隙透灯光篱根分井口徐铉亦有喜李少保卜隣诗云井泉分地脉砧杵共秋声此句尤高遠矣【临汉诗话】

茅山玉晨观许长史旧宅有井色白而甘徐鼎臣作铭云长史含道栖神九天人非色改丹井存焉射兹谷酌冽彼寒泉分甘玉液流润芝田我来自西寻真紫阳若爱召树如升鲁堂敬刊翠琰永识银牀噫嗟后学挹此余光【焦氏笔乘】

诗中有字音平仄借读者既经前人用过亦可据以谐律今就所见拈出之杜牧诗南朝四百八十寺白居易诗红阑三百九十桥十读平声姚合诗每月请钱共客分白居易诗请钱不早朝又红楼许住请银钥又当时绮季不请钱请读平声包佶诗晓漱琼膏水齿寒水读去声武元衡诗惟有白须张司马不言名利尚相从白居易诗四十着绯军司马男儿官职未蹉跎又一为军司马三见歳重阳司读去声【容斋随笔读入声野客丛谈据集韵作去声】卢纶诗人主人臣是亲家亲读去声陆 蒙诗莫把荣枯异但知上下包又得失任渠但取乐不曾生个是非心徐铉诗莫折红芳树但知尽意防但读平声杜甫诗恰似东风相欺得夜来吹折数枝花白居易诗为问长安月谁教不相离相读入声王建诗绿窗红灯酒初醒灯读去声杜甫诗防须上番看成竹独孤及诗旧日霜毛一番新番读去声李商隐诗可惜前朝元菟郡菟读去声白居易诗烛泪粘盘累蒲萄又燕姬酌蒲萄蒲读入声李羣玉诗红芳防袞袞袞读去声白居易诗金屑琵琶槽又四弦不似琵琶声张祜诗宫楼一曲琵琶声方干诗语慙不及琵琶槽琵琶读入声独孤及诗徒言汉水才容刀才读去声白居易诗况对东溪野枇杷张祜诗生摘枇杷酸枇杷读入声白居易诗金杯翻污麒麟袍李贺诗银鞞刺麒麟李山甫诗志公偏爱麒麟儿麒麟读去声白居易诗三年随例未量移量读平声苏轼诗闻道已许谈其粗又寂寞闲窓易粗通粗读上声陶谷诗尖檐防子卑凡厮短勒靴儿末厮兵厮读入声今北地亲家之亲读去声吾吴蒲萄之蒲枇杷之枇读入声诗人皆随方言入律四声遂无定位矣【丛残小语】

明皇杂录云道士叶法善尝引上至月宫聆天乐上自晓音律默记其音为霓裳羽衣曲此说虽怪然唐人大抵如此言按唐有两霓裳曲开成初尉迟璋尝仿古作霓裳羽衣曲以献诏以曲名赐贡院为题此自一曲也是歳榜首李肱所试诗即此题其诗始言开元太平时万国贺丰歳梨园献旧曲玉座流新制末言蓬壶事已空仙乐功尤替讵肯聴遗音圣功知善继则亦是祖述开元遗声耳此曲世无谱好事者每惜之江表志载周后独能按谱求之徐常侍铉有聴霓裳羽衣曲纪以诗云此是开元太平曲莫教编作别离声则江南时犹在也【渔隐丛话】

】

江南冯延巳曰凡人为文皆事奇语不尔则不足观惟徐公率意而成自造精极诗冶衍迥丽具元和风律而无洪涩纖阿之习初嗣主以谗贬移饶州适周世宗兵过淮铉即榜小舟归升州赋诗有云一夜黄星照官渡本初何面见田丰其伉直如此大梁以后气稍衰繭矣蓋情郁为声凄楚宛折则难言之意多焉【宋诗钞小传】邓王从益元宗第八子警敏有文开寶初出镇宣州后主率近臣饯于绮霞阁自为诗序以送之徐铉诗云禁里花光似水清林烟池影共离情暂移黄阁只三载却望紫垣都数程满座清风天子送随车甘雨郡人迎绮霞阁上题诗在从此还应有颂声【南唐马令书】

徐锴

徐锴字楚金仕江左至中书舍人时吴淑为校理古乐府中掺字多改为操字蓋章草之变锴曰非可一例言若汉阳掺者三挝鼓也祢衡作汉阳掺之歌云城中宴闻汉阳掺黄尘萧萧白日暗淑叹服【彦周诗话】

徐锴年十余歲羣从宴集赋诗令为秋词援笔立成其畧曰井梧纷堕砌塞鴈遠横空雨久莓苔紫霜浓薜荔红【诗史】

初锴久次当迁中书舍人游简言当国每抑之锴乃诣简言简言从容曰以君才地何止一中书舍人然伯仲竝居清要亦物忌太盛不若少违之锴颇快快简言徐出妓佐酒所歌词皆锴所为锴大喜乃起谢曰丞相所言乃锴意也归以告铉铉叹息曰汝痴絕乃为数阕歌换中书舍人乎【陆游南唐书】

王师吊伐江左城未破时或梦绯衣女子行空中以巨篋篋物散落如豆着地皆成人问之曰此当死于难者后见一贵人盛冠服继堕于地云徐舍人也既寤闻徐锴歿王文公兄弟在金陵和王微之登高斋诗押篋字平甫曰当时徐氏擅笔墨夜围梦堕空中篋此事奇譎而语崛强可谓捩虎手也【金玉诗话】

邵拙

邵拙字拙之鴈门人好学博通经史水曹郎赵庆有诗赠之曰迈古文章金鸞出羣行止玉麒麟仕宦不达而卒有诗传于时其中有云万国不得雨孤云犹在山此其验欤【江南野錄】

李古

李古少贫贱一举成名不二十年自副枢除本州刺史有登祝融峰云欲登祝融峰先登古石桥凿开巉嶮处取路到丹霄【南唐近事】

周延翰

江南太子校书周延翰性好道颇修服饵之事尝梦神人以一卷示之其文皆七字为句惟记末句云紫髯之伴有丹砂延翰寤而自喜以为必得丹砂之效后从事建业卒葬吴大帝陵侧无妻子惟一婢名丹砂【稽神录】

李平

李平關右人读武帝内传云龙髯已断嫫媿老豹尾不来岐路长闲书云至人无梦梦不到天意恶盈盈有余【雅言系述】

郑文寶

郑工部文寶谪监郢州京山县税过信阳军白马驿作絕句郢州工部诗集无之诗云得罪前朝出粉闥五原功业有谁知年余放逐无人识白雪關前一望时在京山又有寒食纤秀上人禅房诗云花时懒看花来访野僧家劳师击新火劝我雨前茶诗篆书刻石多寶寺中【尘史】

郑文寶字仲贤南唐近事江表志二书其所作也律诗多佳句惜其全集不传郊居云百草千花路斜风细雨天送枝江秦长官云官嫌容易达家爱等闲贫送曹纬云小舟闻笛夜微雨养花天长安别友云杜曲花香浓似酒灞陵春色老于人又绿埜堂云水暖鳬鹭行哺子春深桃李卧开花欧阳公亟称之谓不减王维杜甫【寒夜录】

郑文寶郊居云百草千花路斜风细雨天重经贬所云过關已跃樗蒲马悞喘尤惊顾 奔洛城云星沈防节歌钟早天半上阳烟树防赠张灵州云越絕晓残蝴蝶梦单于秋引画龙声长安送别云杜曲花光浓似酒灞陵春色老于人送人归湘中云满帆西日催行客一夜东风落楚梅南行云失意惯中迁客酒多年不见侍臣花栖灵隱寺云旧井霜飘仙界橘双溪时落海边鸥送人知韶州云碧落春风老朱陵古渡头永熙陵云承露气寒驹送日觚棱人静鸟呼风边上云鬓间相似雪峰外寂寥烟【诗话总】

西洛故都荒台废沼遗迹依然见于诗者多矣惟钱文僖公一联最为警絕云日上故陵烟漠漠春归空苑水潺潺裴晋公绿野堂在午桥南往时尝属张仆射齐贤家仆射罢相归洛日与宾客吟宴于其间惟郑工部文寶一联最为警絕云水暖鳬鹭行哺子春深桃李卧开花人谓不减王维杜甫也钱诗好句尤多而郑句不惟当时人莫及虽其集中自及此者亦少【六一诗话】

亭亭画舸系寒潭直到行人酒半酣不管烟波与风雨载将离恨过江南尝有人客舍壁间见此诗莫知谁作或云郑兵部仲贤也然集中无有好事者或填入乐府仲贤当前辈未贵杜诗时独知爱尚往往造语警拔但体小弱多一律可恨耳欧阳文忠公称其张仆射园中一联以

为集中少比恐公未尝见其全编大抵仲贤情致深婉比当时辈流能不专使事而尤长于絶句如一夜西风旅鴈秋背身调簪索征裘關山落尽黄榆叶驻马谁家唱石州又江云薄薄日斜晖江馆萧条独掩扉梁燕不知人事改雨中犹作一双飞若此等类须在王摩诘伯仲之间刘禹锡杜牧之不足多也【蔡寬夫诗话】余于丛话前集云郑兵部仲贤郑工部文寶不知其果一人耶果二人耶今观欧阳永叔诗话云郑工部文寶于张仆射园吟诗一联最为警絶云水暖鳬鷖行哺子春深桃李卧开花蔡寬夫诗话云郑兵部仲贤欧阳文忠公称其张仆射园中一聯以为集中少比即前一联诗是也以此考之则文寶仲贤蓋是一人名与字耳但工部兵部之称不同西清诗话云猴山王子晋祠诗是郑工部文寶题则工部之称与欧公同但寬夫误作兵部耳【渔隱丛话】

猴山王子晋升仙之地有祠在焉郑工部文寶常题一絶云秋陰漠漠秋云轻猴氏山头月正明帝子西飞仙驭遠不知何处夜吹笙后晏元献守洛过见之取白乐天语书其后云此诗在在处处有神物防持【西清诗话】余弟姚安太守未庵慥字用能酒边诵一絶句云亭亭画舸系春潭只待行人酒半酣不管烟波与风雨载将离恨过江南兄以为何人诗余曰按宋文鉴是张文潜诗也未庵取草堂诗余周美成尉迟杯注云唐郑仲贤诗余因叹唐之诗人姓名隐而不传者何限或文潜爱而书之遂以为文潜作耳【艺林伐山】

杜甫终于耒阳藁葬之至元和中其孙始改葬于巩县元微之为志而郑刑部文寶谪官衡州有经耒阳子美墓诗岂但为志而不克迁或已迁而故塚尚存耶【温公诗话】雷州及海外琼崖多香木夷民以为槽饲鸡犬郑文寶诗曰沈檀香植在天涯贱等荆衡水面槎何必为槽饲鸡犬不如煨炆向豪家【谈苑】

郢中寺壁有郑文寶诗亲笔寒食访僧舍云客舍愁经百五春雨余溪寺绿无尘金花何处秋千鼓粉颊谁家鬪草人水上碧桃流片段梁间归燕语逡巡高僧不饮客携酒来劝先朝放逐臣【诗话总 】

临潼县灵泉观唐华清宫也自唐迄今题咏不可纪惟张文定及进士杨正伦诗最佳文定诗云当时不是不穷奢民乐升平少叹嗟姚宋未亡妃子在尘埃那得到中华正伦诗云休罪明皇与贵妃大都衰盛两相随唯怜一派温泉水不逐人心冷暖移又郑文寶诗云只见开元无事久不知贞观用功深皆为知音所赏【诗话总 】

唐镐

宵娘纖丽善舞后主作金莲高六尺饰以寶物细带纓络莲中作品色瑞莲命宵娘以帛绕足令纖小屈上作新月状素袜舞莲花中回旋有凌波之态由是人皆效之唐镐诗云莲中花更好云里月长新为宵娘作也【十国春秋】

金昌宗

钟隱天台人少清悟不婴俗事尝卜居闲旷结茆室好画花竹禽鸟以自娛凡举笔写像必致精絕时无拟者又善画鷗子白头翁鷗鸟斑鳩皆有生态兼长草棘树木升元中齐安张校尉得隱画鷗鸟二幅张之宾次时金昌宗题诗曰为厌翻翔下苇丛戢翰侧脑思何穷侍童莫便褰帘过只恐惊飞入碧空其为人珍赏多类此【尚友录】

李家明

南唐书云李家明诙谐敏给善为讽词元宗赏花后苑临池垂钓臣下皆得鱼唯元宗独无所获家明进诗曰玉螯垂钩兴正浓碧池春暖水溶溶凡鳞不敢吞香饵知是君王合钓龙元宗大喜赐宴极欢尝见牛晚卧美防元宗曰牛且热矣家明乘诙谐曰曾遭甯戚鞭敲角又被田单火燎身闲向斜阳嚼枯草近来问喘更无人辅相皆慙宋齐丘无子晚年一子辄死逾月犹哭齐王景达劝之不止家明云臣能止之乃作大纸鸢署其上云欲兴唐祚革强呉尽先生起庙谟一个孩儿拚不得让皇百口欲何如扈延范族呉氏齐丘为谋因以谄焉乘风放之故墮齐丘中庭齐丘见之哭乃止后元宗迁南都已失江北十四郡舟楫多行南岸至赵屯因辍乐停觴北望皖公山谓家明曰好青峭数峰不知何名也家明应声对曰龙舟轻颭锦帆风正值宸游望遠空回首皖公山色翠影斜不到寿杯中元宗慙之俛首而过緡素杂记云杨文公谈苑以苑中咏牛诗及皖公山诗为王感化作江南野录以前二诗为李家明作谈苑以感化为建州人野录以家明为庐州人谈苑为中主野录为嗣主未详孰是余以南唐书考之则谈苑所记皆误也惟野录与南唐书合家明庐江西昌人前二诗皆其所作但不载感化为何处人江南建国传三世而灭中主即嗣主也諡号元宗緡素杂记不曾见南唐书故未详孰是今是正之【渔隱丛话】

马令南唐书元宗赏花后苑率近臣临池垂钓臣下皆登鱼惟元宗独无所获优人李家明因进诗曰玉螯垂钩兴正浓碧池春暖水溶溶凡鳞不敢吞香饵知是君王合钓龙元宗大喜赐宴极欢欧阳公归田录真宗一日集羣臣赏花钓鱼临池久之而御钓不食丁晋公应制诗曰鸢惊鳳輦穿花去鱼畏龙顔上钓迟真宗称赏羣臣皆自以为不及也按李家明者优人元子所谓谐臣顓官怡愉天顔耳然其进诗有风道焉夫缙微饵明大鱼且不食之况龙乎若谓之诗则徒以捷给取宠解人主顔面其用意厝辞且不及一优人羣臣皆自以为不可及何耶欧公言过矣【金鑿子】

王感化

緡素杂记云杨文公谈苑载伶人王感化少聰敏未尝执卷而多识故实口谐捷给滑稽无穷防中主引李继勲严续二相游苑中适见系牛于株杙上令感化赋诗应声曰曾遭甯戚鞭敲角几被田单火燎身独向斜阳嚼枯草近来问喘更无人因以讥二相也又中主徙豫章浔阳遇大风中主不悦命酒独酌指北岸山问舟人云皖公山愈不悻感化独前献诗曰龙舟万里驾长风汉武浔阳事正同珍重皖公山色好影斜不落寿杯中中主大悦赐束帛【渔隱丛话】

江南李氏乐人王感化建州人 光州乐籍建州平入金陵教坊善为词时本乡节帅更代饯别感化前献诗曰旌旆赴天台溪山晓色开万家悲更喜迎佛送如来至金陵宴苑中有白野鹤李璟令赋诗应声曰碧云深洞恣遊遨天与芦花作羽毛要识此来栖息处上林琼树一枝高又题怪石凡八句皆用故事但记其一联云草中误认将军虎山上曾为道士羊【谈苑】

敬新磨

郭景纯江赋 有六眸宋太始二年八月六眼 见于东阳太守刘勰得之以献唐睿宗先天三年江州献灵 六眼腹下有 文又岭南钦州出六眼 实止两眼余四目乃斑纹与真目排比端正不偏唐庄宗时有进六目 者敬新磨献口号曰不要鬧不要鬧聽取 儿口号六只眼儿睡一觉抵别人三觉又说储载常熟水墩大士庵前曾出六目 九十三翁繆道山得而畜之又广闻录载嘉靖二十年兴宁西河水涨有大 长丈余六目金光射人泝河而上所过田陂皆坏【坚瓠集】

唐朝美

庄宗小酌进新橘命诸伶咏之唐朝美诗先成曰金香大丞相兄弟八九人剥皮去滓子若个是汝人帝大笑赐所御软金杯【清异录】

李廷珪

李廷珪藏墨诀曰赠尔乌玉玦泉清砚须洁避暑悬葛囊临风度梅月【焦氏类林】

晁叔用尝作李廷珪墨诗君不见江南星官有诸奚老超尚不如廷珪后来承晏颇秀出喧然父子名相齐百年相传纹破碎彷彿尚见蛟龙背电光烛天星斗昏雨痕倒海风雷晦却忆当年清暑殿黄门侍立才人见银钩洒落桃花牋牙牀磨拭红丝砚同时书画三万轴二徐小篆徐熙竹御题四絶海内传秘府毫芒惜如玉君不见建隆天子开国初曹公受诏行扫除王侯旧物人今得更写西天贝叶书【焦氏类林】

刘东叔

刘东叔赋腊月雨云且雨且冻山径滑是谁作此琉璃变【清异录】

李善宁子

临川李善宁之子十歲能即席赋诗亲友尝以贫家壁试之畧不構思吟曰椒气从何得灯光凿处分拖涎来藻饰惟有篆愁君拖涎指蜗牛也【清异录】

钟傅客

钟傳镇西江日客有以覆射之法求谒傳以厯日包一橘致袖中使射之客口占一歌以揭之云太歲当头立诸神莫敢当其中有一物常带洞庭香【南唐近事】

南唐人

汉臯张君诗话谓鲍当吟孤鴈诗云更无声接续空有影相随当时号为鲍孤鴈凡物有声而孤者皆然何独鴈乎此人论诗正如王君卿以林和靖梅花诗亦可作桃李杏花之类宜取东坡之笑也余观司马温公诗话乃谓当为河南法曹常忤知府薛映因献孤鴈诗所谓天寒稻粱少万里孤难进不惜充为庖为带边城信薛大嗟赏时号鲍孤鴈张君所记不同而词句亦非前句可及余后因读江南野錄乃知张君所记是南唐人诗【能改斋漫錄】

唐智民

伪唐赃臣褚仁规窃禄泰州刺史恶政不可缕举有智民请吻儒为二诗为隱语凡写数千幅诣金陵粘贴事乃上闻诗曰多求囊白昧苍苍兼取人间第一黄云云白黄隱金银字【清异錄】

南唐伶人

李先主以国用不足税民间鵲卵出双子者柳花为絮者伶人献词云唯愿普天多瑞庆柳条结絮鵲双生【天中记】

江南乐人

金陵有乐官山相传城下之日军营开宴南唐乐人数辈大恸奏不成曲怒而杀之聚埋此山诗云城破辕门宴赏频伶伦执乐泪沾巾骈头就死緣家国愧杀南朝结绶人【紫桃轩杂綴】

五代诗话卷四

前蜀 后蜀

韦庄

诗之作也穷通之分可观韦庄诗壮故至台辅何赞诗愁未几而卒庄感懷云长年方悟少年非人道新诗胜旧诗十亩野塘留客钓一轩春雨对僧棋花间醉任黄鹂语池上吟从白鹭窥大道不将炉冶去有心重立太平基何赞书事云果决生涯向洛中西投知己话恩容云遮剑阁三千里水隔瞿塘十二峰濶步文翁坊底月闲寻杜甫宅边松到头须卜林泉隱自愧无能继卧龙【鉴戒录】

感懷诗云长年方悟少年非人道新诗胜旧诗十畝野塘留客钓一轩春雨对僧棋花间醉任黄莺语池上吟从白鹭窥大道不将炉冶去有心重筑太平基或谓此诗包括生成果为台辅【全唐诗话】

先是李遠有诗云人事三杯酒流年一局棋唐宣宗以其非牧人之才不与郡守宰相为言然始俞允蜀相韦庄应举时遇黄寇犯阙着秦妇吟一篇内一联云内库烧为锦绣灰天街踏尽公卿骨尔后公卿亦多垂讶庄乃讳之时人号秦妇吟秀才他日撰家戒内不许垂秦妇吟障子以此止谤亦无及也【北梦琐言】

庄应举时遇巢寇犯阙着秦妇吟云内库烧为锦绣灰天街踏尽公卿骨公卿多垂讶庄乃讳之时号秦妇吟又有帝子梦魂烟水濶谢公诗思碧云低最为警策至若闲卧诗云谁知闲卧意非病亦非眠又手从雕扇落头任漉巾偏识者知其不祥后诵子美诗白沙翠竹江村暮相送柴门月色新吟讽不辍是歲卒于花林坊葬于白沙【唐诗纪事】

韦端已读书数米而炊秤薪而爨应举时遇黄巢犯阙着秦妇吟云内库烧为锦绣灰天街踏尽公卿骨时号秦妇吟秀才又有赠新进士诗新马杏花色綠袍春草香杜荀鹤曾得句云旧衣灰絮絮新酒竹簍簍韦曰我道印将金 帘用玉钩钩举干宁进士后以才名寓蜀王建割据遂羈留之庄有宠姬姿质艳丽兼善词翰建托以教内人为词强夺去庄作谒金门云空相忆无计得传消息天上嫦娥人不识寄书何处覓新睡觉来无力不忍把伊书迹满院落花春寂寂断肠芳草碧情意凄怨人相传播姬后闻之遂不食而卒【词统】

韦又有荷叶杯词云絶代佳人难得倾国花下见无期一双愁黛遠山眉不忍更思惟闲掩翠屏金鳳残梦罗幕画堂空碧天无路信难通惆悵旧房栊词意凄婉亦为姬作也【古今词话】

陆机文赋清丽千眠转作芊绵韦庄可怜芳草更芊绵【蓉槎蠡说】

韦庄诗西园公子名无忌南国佳人字莫愁莫愁为南国佳人此实语也选诗公子敬爱客终宴不知疲清夜游西园飞盖相追随则西园公子乃子建事谓名无忌可乎此诗流利可喜独以一语之疵终损连城之价【焦氏笔乘】

韦庄穷时赖内外奴仆之用作诗慰之有曰努力且为田舍客他年为尔覓金鱼又曰他年待我门如市报尔千金与万金其言虽俚其事难期而其情则可悲后唐亡入蜀为平章不知能报此二人否百韵诗亦起于庄【涌幢小品】

自汉以来官曹冗滥之极者如更始灶下养中郎将烂羊头關内侯晋赵王伦貂不足狗尾续北史周世员外常侍道士比肩唐武后补阙连车拾遗平斗之谚皆显显著见者中叶以后尤为泛滥张巡在雍邱才领一县千兵而大将六人官皆开府特进然则大将军告身博一醉诚有之矣德宗避难于奉天浑瑊之童奴曰黄荅力战即封渤海郡王至于僖昭之世遂有捉船郭使君看马李仆射周行逢据湖湘境内有漫天司空遍地太保之讥李茂正在鳳翔内外持管籥者亦呼为司空太保韦庄浣花集有赠仆者杨金诗云半年勤苦葺荒居不独单寒腹亦虚努力且为田舍客他年为尔覓金鱼是时人奴腰金曳紫者盖不难致也【容斋三笔】

樱桃有白者韦庄诗云王母阶前种九株水晶帘外看如无只应汉武金盘上泻得 瑚白露珠【涌幢小品】

庄浣花集弟藹编錄序略云家兄自庚子乱离前凡着歌诗父章数十通属兵火迭兴简编俱坠惟余口诵者所存无几尔后流 漂泛寓目緣情迄于癸亥歲又綴仅千余首辛酉春应聘为蜀奏记明年浣花溪寻得杜工部旧址结茆为室思其人欲成其处藹因錄兄藁或默诵者次为十卷目之曰浣花集亦杜陵所居之义也后所制用继于右时癸亥六月九日【全唐诗錄】

庄又常取唐人丽句勒成又 集其自序云谢元晖文集盈编止诵澄江之句曹子建诗名冠古惟吟清夜之篇是知美稼千箱两岐奚少繁 九变大濩殊稀入华林而珠树非多阅众籟而紫箫唯一所以擷芳林下拾翠岩边沙之汰之始辨辟寒之寶載雕载琢方成瑚璉之珍故知颌下采珠难求十斛管中窺豹但取一斑思食马留肝徒云染指岂烹鱼去乙或至伤鳞自慙乎鼯鼠易盈非嗜其熊蹯独美然则律者既采繁者是除何知黑白之驚强识淄澠之水左太冲十年三赋未必无瑕刘穆之一日百函焉能尽丽班张屈宋亦有芜辞沈谢应刘犹多累句虽遗妍可惜而备载斯难亦由执斧伐山止求嘉木挈瓶赴海但汲井泉等同于风月烟花各是其植梨橘柚鱼 虽存筌蹄是弃金盘饮露惟挹沆瀣之精花界食珍仅享醍醐之味【十国春秋】

余邵武寒食诗有幕府健儿犹白打之句按王建诗寒食内人常白打库中先散与金钱韦庄诗内官初赐清明火上相闲分白打钱扬用修曰打钱戏名未明指为何事焦弱侯曰按齐云论白打蹴鞠戲也两人对踢为白打三人角踢为官场余谓白打即今之手搏名短打者是也昔人目手不持寸铁为白战似即其意武艺十八终以白打以白打为终明乎其不持寸铁也

以为蹴鞠者非【闽小纪】

有步打有跌打有白打能悬空觔斗脚不及地者谓之跌打不在马上能与人角力谓之步打唐僖宗好蹴毬鬪鸡自以为能于步打谓俳优石野猪曰朕若作步打进士亦合得一状元野猪对曰若遇尧舜禹汤作礼部侍郎陛下不免且落第帝笑而已王建宫词云寒食内人长白打库家先散与金钱又唐诗云上相闲分白打钱按武林旧事云宋理宗祇应人有女厮扑十人此即唐时步打之遗意齐云论曰白打蹴毬戏也两人对踢为白打三人角踢为官场【知新录】

余每客游寄息野店中得句云酒香人欲歇野店日初斜因思店字可入诗料韦应物楚山明月满淮店夜钟微岑参野店临官路重城压御堤温庭筠鸡声茅店月人迹板桥霜陈羽都门雨歇愁分处山店灯残梦到时韦庄诗明日五更孤店里醉醒何处各沾巾皆佳句也如苏子瞻默数来时店真担夫语耳【留青日札】

唐韦庄金陵图诗江雨霏霏江草齐六朝如梦鸟空啼无情最是台城柳依旧烟笼十里堤谢叠山云台城梁武饿死之地国亡身灭陵谷变迁惟草木无情只如前日无情依旧四字最妙端平中北使王楫诗到处江山是战场淮民依旧说耕桑梅花不识兴亡恨犹向东风笑夕阳讥本朝臣子不知边事之危急景定间北将胡谔议留江州诗寂寞武矶山上庙萧条罗伏水中船垂杨不管兴亡事依旧青青两岸边亦讥本朝将相不知国家将亡犹随时取乐如平安无事时皆从前诗变化来【坚瓠集】

杜少陵诗雨脚但仍旧雨脚如麻未断絶白玉蟾诗雨脚初收起暮烟江公着诗云叶纷纷雨脚匀汪信民诗雨脚晨可歇蔡启诗城响涛头入江昏雨脚斜雨脚二字本齐民要术少陵始用之少陵又有日脚下平地句韦庄诗远水斜牵日脚流石曼卿诗花影长随日脚流陈辅诗白下风轻日脚斜李贺诗露脚斜飞湿寒兔喻鳧诗鴈天霞脚雨东坡诗月脚垂孤光日月雾露称脚俱新【坚瓠集】

韦庄应天长词云想得此时情切泪沾红袖 字义与浣同而字则读如浣字入声始得其叶然说文玉篇俱无 字惟元词中马骤 人语喧北音作平声四转作入声正叶【丹铅录】

韦庄诗静极却嫌流水闹闲多翻笑野云忙本于老杜之水流心不竞云在意俱迟但多着一嫌字笑字觉非真闲真静耳【唐诗统籤】

记事曰许浑纪梦诗序云余尝梦登山有宫室凌云人云此昆仑也既入见数人方欲招之至暮而罢诗云晓入瑶台清气清坐中唯有许飞琼尘心未尽俗縁在十里山前空月明或云改第二句为天风飞下步虚声韦庄读浑诗云江南才子许浑诗字字清新句句奇十斛真珠量不尽惠休空作碧云词【全唐诗録】

小词以含蓄为佳亦有作决絕语而妙者如韦庄谁家年少足风流妾拟将身嫁与一生休纵被无情弃不能羞之类是也牛峤须作一生拚尽君今日欢抑亦其次柳耆卿衣带渐宽终不悔为伊消得人憔悴亦即韦意而气加婉矣【词筌】

卢延让

卢延让光化三年登第先是延让师薛许下为诗词意入僻时人多笑之吳翰林融为侍御史出官峡下延让时薄游荆渚贫无卷轴未遑贄谒防融表弟滕籍者偶得延让百篇融览大奇之曰此无他贵不寻常耳于是称之于府主成汭时故相张公职大租于是邦常以延让为笑端及融言之咸所改观延让深所感激然犹因循竟未相面后值融赴急徵入内廷孜孜于公卿间称誉不已光化戊午歲来自湘南融一见如旧相识延让呜咽流涕于是攘臂成之矣【摭言】

卢延让业僻澁诗吳翰林虽以赋卷擢第然八面受敌深知延让之能延让始投贄卷中有说诗一篇断句云因知文赋易为下得之乎子华笑曰上門恶骂来【摭言】按北梦琐言卢有诗云不同文赋易为是者之乎复入翰林阁笔而已同列戏之曰不同文赋易为是者之乎竟以不称职数日而罢是延让曾官翰林矣附识此【十国春秋注】

卢延让苦吟诗云莫话诗中事诗中难更无吟安一个字撚断数茎须险覓天应闷狂撈海亦枯不同文赋易为著者之乎夫之乎也矣兮哉在古俱不为韵如左右流之寤寐求之俟我于着乎而河水清且涟漪何其处也必有以也顔之厚矣出自口矣其实七兮迨其吉兮反是不思亦已焉哉是究是图亶其然乎谚云之乎者也矣焉哉用得成章好秀才后之文人则往往用之叶韵矣刘琨诗刍狗之谈其最得乎【留青日札】

卢延让有诗云不同文赋易为有者乎哉予以为不然尝见张右史记衢州人王介字仲甫以制举登第作诗多用助语足句有送人应举诗落句云上林春色好携手去来兮又赠人落第诗云命也岂终否时乎不暂留勉哉藏素业以待歲之秋且云此格古所未有予是以知延让之诗未尽【能改斋漫录】

古今诗人摹写覓句景象有极工者如吟安五个字撚断数茎须如险覓天应闷狂撈海亦枯如竟日覓不得有时还自来如句向夜深得心从天外归如是事精皆易惟诗防却难如穷理多瞋目含毫静倚松如终篇浑不寐危坐到晨钟如两句三年得一吟双泪流如夜吟晓不休苦吟神 愁如生应无辍日死是不吟时如五七字中苦百千年后清如宿客嫌吟苦乖童恨睡迟宋林逋云只縁吟有味不觉坐劳神此非深于诗者不能道也【笔精】

卢延逊【渔洋诗话延逊当即延让宋避让字故也】诗浅近人多笑之惟吳融独重之且云后必垂名延逊诗亦有佳处宿东林云两三条电欲为雨七八个星犹在天旅舍言懷云名纸毛生五門下家僮骨立六街中蜀路云云间闢铎骡防去雪里残骸虎曳来寄人云吟成一个字撚断数茎髭又树上谿谿批颊鸟窓间壁剥叩头虫余在翰林常召对上举延逊诗云臂鷹

健卒悬羶防骑马佳人卷画衫虽浅近亦自成一体【谈苑】

延逊吟诗多着寻常容易语如送周大保赴浙西云臂鹰健卒悬羶防骑马佳人卷画衫又寄友人云每过私第邀看鹤长着公裳送上驴然于数篇见境尤妙有松寺云山寺取凉当夏夜共僧蹲坐石阶前两三条电欲为雨七八个星犹在天衣汗稍停牀上扇茶香时泼涧中泉通宵听论莲华义不借松窓一觉眠又苦吟云莫话诗中事诗中难更无吟安一个字撚断数茎须险覓天应闷狂搜海亦枯不同文赋易为著者之乎又赠僧云浮世浮华一断空偶抛烦恼到莲宫高僧解语牙无水老鹤能飞骨有风野色吟余生竹外山陰坐久入池中禅师莫问求名苦滋味过于食蓼虫【唐诗纪事】

天下事有意为之辄不能尽妙而文章尤然文章之间诗尤然世乃有日锻月链之说此所以用功者虽多而名家者终少也晚唐诸人议论虽浅俚然亦有暗合者但不能守之耳所谓尽日覓不得有时还自来者使所见果到此则采菊东篱下悠然见南山之句有何不可为惟徒能言之此禅家所谓语到而实无见处也往往有好句当面蹉过若吟成一个字撚断数茎须不知何处合费许辛苦正恐虽撚尽须不过能作药杵声中捣残梦茶铛影里煮孤灯句耳人之相去固不逮哉【蔡宽夫诗话】

唐崔国辅诗松雨时复滴寺门清且凉语最妙宋初潘阆诗夜凉疑有雨院静若无僧亦佳然不免作意五代卢延逊山寺诗三条电欲为雨四五个星犹在天延逊好为俚语此一联乃差有致余门人崔华有句云一寺千松内飞泉屋上行又宿山寺云此中枕簟客初到夜半梧桐风起时不减古人【居易录】

延逊一联元文宗早行诗勦取之【居易录】

何光遠鉴戒录载王蜀卢侍郎延让献王建诗卷中有栗爆烧羶破猫跳触鼎翻之句后建与潘峭在内殿平章边事令宫人于炉中煨栗栗爆出烧损绣褥子建多疑每于炉中烧金鼎子惟徐妃二姊妹侍茶汤而已是夜宫猫误触鼎翻建曰栗爆烧羶破猫跳触鼎翻忆延让诗有此一联先辈裁诗信无虚境来日遂有六行之拜以俚鄙之词遂获显擢与孟公松月夜牕虚迥异如此人生穷通岂非命乎或云是卢延逊献宋太宗诗潘峭作潘美【池北偶谈】

卢延逊五举方登第尝作诗云狐冲官道过犬刺客门开租庸张相诵之又曰饿猫临鼠穴馋犬防鱼砧成中令擊赏之又曰栗爆烧羶破猫跳触鼎翻王忠懿爱之卢尝谓人曰平生投谒公卿不意得猫儿狗子力也【诗话总】

卢延逊诗目为容易如每过私第邀看鹤长着公裳送上驴高僧解语牙无水老鹤能飞骨有风其殆庶几又如栗爆猫跳而杨文公爱之不知何谓【诗史】

学诗者动辄言唐诗便以为好不思唐人有极恶劣者如薛逢戎昱乃盛唐之下者晚唐亦有数等如罗隐杜荀鹤晚唐之下者李山甫卢延逊又其下者望罗杜又不及矣其诗如一个

祢衡容不得又一领青衫消不得之句其他如我有心中事不向韦三说昨夜洛阳城明月照张八又如饿猫窥鼠穴饥犬防鱼砧又如莫将闲话当闲话往往事从闲话生又如水牛浮鼻渡沙鸟防头行此类皆下贱优人口中语而宋人方采以为诗法入全唐诗话使观者曰是亦唐诗之一体也如今称燕赵多佳人其间有跛者眇者羸者疥且痔者乃专房宠之曰是亦燕赵佳人之一种可乎【丹铅总录】

唐御膳以红绫饼餤为重昭宗光化中放进士榜得裴格等二十八人以为得人防燕曲江乃令大官特作二十八饼餤赐之卢延让在其间后入蜀为学士既老颇为蜀人所易延让诗素平易近俳乃作诗云莫欺零落残牙齿曾吃红绫饼餤来王衍闻知遂命供膳亦以饼餤为上品以红罗裹之至今蜀人工为饼餤而红罗里其外公厨大燕设为第一【避暑录话】

卢延让哭边将诗曰自是硃砂发非干礲石伤牒多身上职盃大背边疮人谓此是打脊诗也世传逸诗云牕下有诗留客宿室中无事伴僧眠号曰自落便宜诗【北梦琐言】

韩琮

太白诗天山三丈雪岂是远行时又云水国秋风夜殊非远别时岂是殊非变幻二字愈出愈奇孟蜀韩琮诗晚日低霞绮晴山远画眉青青河畔草不是望乡时亦祖太白句法【丹铅总录】

张曙

唐张伟侍郎朝望甚高有爱姬早逝悼念不已因入朝未回其犹子右补阙曙才俊风流因增大阮之悲乃制浣溪纱其词曰枕障薰炉隔绣帏二年终日两相思好风明月始应知天上人间何处去旧欢新梦觉来时黄昏微雨画帘垂置于几上大阮朝退凭几无聊忽观此诗不觉哀恻乃曰必是阿灰所作阿灰即中谏小字也然于风教似亦不可以其叔侄年颜相侣怨之可耳谚曰小舅小叔相追相逐谑戏固不免也【北梦琐言】

诗人有沿袭而不失为佳者张曙途中闻蝉前四句云每岁听蝉处那将此际同孤村寒色里野店夕阳中李中正闻子规前四句云何处正当闻声声欲断魂暖风芳草防残日落花村蒋钧孤鴈后四句云葦防风吹雨沙汀月照霜还同我兄弟零落不成行【能改斋漫录】

张蠙

张蠙字象文清河人唐干宁中进士历任校书郎栢阳县尉迁犀浦令高祖开国拜膳部员外郎已出为金堂令后主践阼奉太后游大慈寺见壁间题句云墙头细雨垂纖草水面回风聚落花太后深加欣赏顾问寺僧僧以蠙对乃赐霞光牋五百幅令写所业诗以进蠙攜篋中藏得诗二百章献焉后主善之将召为知制诰内侍宋光嗣以其轻傲沮之止赐白金獎劳而已蠙生而穎秀性喜为诗咸通时与张乔许棠喻坦之剧燕任涛吳宰周繇郑谷李栖遠温宪李

昌符谓之十哲童年有白日地中出黄河天上来之句盛为当世所称【十国春秋】沈君攸羽觞飞上苑云石径断丝阑蔓草山流细沫拥浮花外史梲机载张蠙诗墙头细雨垂纖草水面回风聚落花盖本于沈耳【能改斋漫录】

昭宗皇帝颇为寒进开路崔合州榜放但是子弟无问文章厚薄邻之金瓦其间屈人不少孤寒中惟程晏黄滔擅场之外其余以呈试考之滥得亦不少矣然如王贞白张蠙诗赵观文古风之作皆臻前辈之阃阊者也【摭言】

蜀江三峡中水波圆折者名曰盘盘音漩杜诗盘涡鹭浴底心性张蠙黄牛峡诗盘涡逆入嵌崆地断壁高分缭绕天【丹铅总录】

张蠙共看今夜月独作异乡人善状离别者塞深行客少家远识人稀善状边地者又宫词云日透珠帘见冕旒六宫争逐百花毬回头不觉君王去已听笙歌在远楼甚工【后村诗话】

徐献忠曰蠙诗稍通格调力去补衲之 遂不复用事然天才本少英旨未奇至于写物象情乃多肖似【全唐诗录】唐之诗人惟陈子昂张说【阙】集中间有幽州之作此外游宦于诸土者寡宋则非奉使不至故题咏亦无多王之涣九日送别诗云蓟庭萧瑟故人稀何处登高且送归今日暂同芳菊酒明朝应作断蓬飞窦巩蓟门诗云自从身属富人侯蝉噪槐花已四秋今日一茎新白发懒骑官马到幽州马戴诗云荆卿西去不复返易水东流无尽期日暮萧条蓟城北黄沙白草任风吹张耒诗云十月北风燕草黄燕人马饱风力强虎皮裁鞍雕羽箭射杀阴山双白狼四诗俱工其余杂见于出塞送行之作如屡战桥恒断长冰堑不流徐陵诗也塞禽惟有鴈关树但生榆王褒诗也万里寒光生积雪三边曙色动危旌祖咏诗也日生方见树风定始无沙裴说诗也沙河流不定春草冻难青王贞白诗也风折旗竿曲沙埋树杪平马戴诗也黄云战后积白草暮来看释皎然诗也塞馆皆无簟儒装亦有弓已行难避雪何处合逢花项斯诗也戍楼承落日沙塞碍征蓬张蠙诗也有雪常经夏无花空到春下营云外火驱马月中尘于鹄诗也野烧孤蓬旋沙风匹马冲黄滔诗也儿童能走马妇女亦弯弓欧阳修诗也边日照人如月色野风吹草作泉声范镇诗也皆善状燕中风景者【渌水亭杂识】

张道古

昭宗时拾遗张道古贡五危二乱表黜居于蜀后闻驾走西岐又迁东洛皆契五危之事悉归二乱之源因吟一章上蜀王诗曰封章才达冕旒前黜诏俄离玉座端二乱岂由明主用五危终被佞臣弹西巡凤府非为固东播銮舆卒未安谏疏至今如尚在谁能更与读来看【全唐诗话】

道古临淄人景福中进士释褐为著作郎迁右拾遗播迁之后方镇阻兵道古上危乱疏云只今刘备孙权已生于世矣谪施州司户防军后入蜀王氏闻而憾之乃变姓名卖卜导江青城市中建开国召为武部郎中至玉垒关谓所亲曰吾唐室谏臣终不能拳跽与鸡犬同食虽召必再贬于死之日葬我于关东不毛之地题曰唐佐辅补阙张道古墓后遇害妻亦继亡蜀主

悯之俾祔葬焉郑云叟在华闻之有诗哭之曰曾陈章疏忤昭皇扑落西南事可伤岂使谏臣终屈辱直疑天道恶忠良生前卖卜居三蜀死后驰名遍大唐谁使后来修史者言君力死正顏纲【全唐诗话】

刘隱辞

刘隱辞仕高祖累官员外郎王宗宪镇宁江日辟隱辞为节度掌书记宗宪起家武人颇务诛求多为恣横隱辞数数进谏宗宪颇不平无复宾客之礼对将吏咄责之隱辞求退职又不许遂咏白盐山灩澦堆诗刺之宗宪闻而发怒忽一日于江干饮酣仰视白盐斜睨灩澦曰刚有破措大欲于此死遂令壮士拽隱辞离席繫手足于砂石上暴之防军宾幕多方救之不可得宗宪顾左右曰待吾饮罢投入水中隱辞厉声曰昔鸚鵡洲致溺祢处士今灩澦堆欲害刘隱辞我虽不及祢衡足下争同黄祖岂有不存天子涂炭贤良但得留名死亦宜矣宗宪怒渐解良久舍之明日军府请宗宪召隱辞引谢隱辞竟托疾遁归白盐山诗曰占断瞿塘一峡烟危峰迥出众峯前都緣頑梗擅浮世这莫峥嵘倚半天有树只知因鸟雀无云不易驻神仙假饶突兀高千丈争及平平数亩田灩澦堆诗曰灩澦崔嵬百万秋年年出没几时休未容寸玉生纖草能向当江覆巨舟无事便腾千丈浪与人长作一堆愁都緣不似礪溪石难使渔翁下钓钩【十国春秋】

蒋貽恭

巴蜀三纪以来艺能之士精于诗话者众矣沙门昙彧学李阳冰篆道士张昭嗣学柳公权书工部元员外昭嘏仿韩择木八分皆杜光庭门人也僧晓峦攻张芝草书黄少监荃学边鸾花竹处士滕昌祐拟梁广花草野人张道隱学张璪松石相国李昊为著名李司议文才继阎立本写真书画常代野人平生读庄老书好图龙之真形飘飘然云陰雨气有蜿蜒之势撰龙证笔诀三卷彭州倅郑昭请画龙于州西门泰山府君祠其夕三更风雨大作蒋貽恭留题诗曰世人空解竞丹青惟子通 得墨灵应有 神看下笔岂无风雨助成形咸疑喷浪归沧海势欲擎云上查防静闭绿堂深夜后晓来帘幙似闻腥【野人闲话】

蒋貽恭蚕诗云辛苦得茧不盈筐灯下繰丝恨更长着处不知来处苦但贪衣上绣鸳鸯【古今诗话】

冯涓

冯涓初除京兆府防军恩地杜相审权有江西之拜制未出召涓密语延辟之命戒勿泄涓漏其言于友人郑寬寬寻捧刺诣贺杜遂鄙涓浅薄不预初选及廉车发日涓候别于长乐杜长揖曰勉旃后分符眉州不得之任在西川重围中局踣于陈田之间羈愁六年徒步糊口着怀秦赋有南冠龙吟等集皆伤蹭蹬也集有蜀防引其要云昂藏大步蚕丛国曲颈微伸高九尺卓女窺窓莫我知严仙据案何曾识又题支机石云不随俗物皆成土只待明时却补天惜知己之不遇也【唐诗纪事】涓性滑稽语多讥诮高祖尝问击毬之戏涓自何人涓对曰丘八

所制高祖为大笑又与司空王锧等小酌锧举令一字三呼两物相似曰乐乐乐冷淘似饧饧涓曰已已已驴粪似马矢坐中大噱涓但长啸而已【十国春秋】冯涓蜀防引云自古皆传蜀道难尔何能过拔蛇山忽惊登得鸡翁磧又恐碍着鹿头關昂藏大步蚕丛国曲颈微伸高几尺卓女窺窓莫我知严仙据案何曾识题支机石云不随俗物皆成土祇待良时却补天苦雨行云釜鱼化为池中物禾履浮为天际船蜀城析体之际几至殍殍因投鬻米家活有诗云取水郎中何日了破柴员外几时休早知蜀地区娘与【乃训如此与也】悔不长安大比丘【即收足大坐也北梦琐言】

阎选

阎选故布衣也酷善小词有临江仙词云昼帘深殿香雾冷风残又云猿啼明月照空滩时人目为阎处士【十国春秋】

张立

张立雅善吟咏性朴直无忌讳后主常于罗城上徧植芙蓉每至秋间四十里尽铺锦绣高下相照立作诗以 风七月为刺诗曰四十里城花发时锦囊高下照坤维虽妆蜀国三秋色难入幽风七月诗及广政末朝政已乱立又作诗规讽诗曰去年今日到成都城上芙蓉锦绣舒今日重来旧游处此花憔悴不如初国人称为诗谏【十国春秋】

复斋漫录云辨蜀论云自顷诸公议论颇以蜀人为疑苟可以防闲沮遏无不为矣吾不知其说也以公孙述尝有蜀乎是时王郎据邯郸卢芳据九原刘永据梁宋隗嚣据秦陇而秦丰李宪之属不可胜数何独蜀也以刘氏尝有蜀乎是时曹氏据河南袁绍据河朔袁术据九江刘表据荆州孙氏据江表而公孙度吕布之属不可胜数何独蜀也以王孟尝有蜀乎是时刘隐称南汉李景称南唐钱鏐称吴越刘崇称东汉而马殷王审知高季兴之属不可胜数何独蜀也其大畧如此余后因读外史梲机见五代时后唐魏王代蜀之后朝廷颇疑蜀人凡有势力赀产之族悉令遣入洛隐士张立为诗以讽曰朝廷不用忧巴俗称伯何曾是蜀人乃知子西用其意凡子西数百言而立以十四字尽之可谓简而当矣【渔隐丛话】

后唐张立尝为诗曰朝廷不用忧巴蜀称霸何曾是蜀人人以为名言至本朝张次公序蜀梲机天觉送凌戡归蜀大抵亦皆为蜀人辩数者也忠义固臣子之常分知不知庸何恤而蜀人之大节表表在人亦岂狂图者之所能溷三子者之撰亦不洪矣故不若东溪辩蜀都赋盖不专为蜀辩将以发左思抑蜀黜吴借魏谏晋之罪真有功于名教也士之生蜀者其自今宜知所爱重毋使后人辩今犹今辩昔焉【鹤山题跋】

杨玠

蜀杨玠仕至显官随王衍归唐以老致仕归长安旧居多为隣里侵占子弟欲诣府诉玠自批状尾云四隣侵我我从伊毕竟须思未有时试上含元殿基望秋风秋草正离离子弟不敢复

言【天中记】

陈咏

唐前进士陈咏眉州青神人有诗名善奕棋昭宗刼迁驻蹕陝郊是歲策名归蜀韦书记庄以诗贺之又有乡人拓善者属和为诗其略云让德已闻多士伏沾名还得世人闻讥其比涤器当垆也谬称冯副使涓诗以涓多谐戏故也或云蜀之拓善者作此诗假冯公之名也颖川尝以诗道自负谒荆幕郑準準亦自负雄笔谓颖川曰今日多故不暇操染有三数处回缄祈为假手颖川自旦及暮起草不就蓋欲以高之其诗卷首有一对云隔岸水牛浮鼻渡傍溪沙鸟防头行京兆杜光庭先生谓曰先辈佳句甚多何必以此为卷首颖川曰曾为朝贵见赏所以刻于卷首都是假誉求售使然也【北梦琐言】

徐振

徐振雷塘诗云九重城阙悲凉尽一聚园林怨恨长花忆所为犹自笑草知无道更应荒诗名占得风流在酒兴催教运祚亡若问皇天惆怅事只应斜日照雷塘古意云扰扰都城晓又昏六街车马五侯门箕山渭水空明月可是巢由絕子孙右二诗韦庄取为又 集【唐诗纪事】

裴铏

干符五年铏以御史大夫为成都节度副使题石室诗曰文翁石室有仪形庠序千秋播德声古柏尚留今日翠高岷犹蔼旧时青人心未肯抛羶蚁弟子依前学聚萤更叹淹江无限水争流祇愿到沧溟时高骈为使时乱矣故铏诗有愿到沧溟之句有微旨也铏作传奇行于世【唐诗纪事】

顾夐

顾夐醉草词云高柳数声蝉魂销似去年陈声伯爱之拟作一絕句云拥被忽聽门外雨山中又作去年秋甚脱化【花间集】

顾太尉换我心为你心始知相忆深自是透骨情语徐山民妾心移得在君心方知人恨深全袭此然已为柳七一派滥觞【花草蒙拾】

杜陵月夜诗明是公忆鄜州之闺中及小儿女却代闺中忆已又分别之曰某解忆某不解忆明是公忆鄜州闺中及小儿女遂于月下伫立不觉长久却云闺中看月许久鬟必湿臂必寒也明是公忆闺中久立月下而泪不干却云何时偕闺中倚幌双照泪痕身在长安神游鄜州恍若身亦在鄜州神驰长安矣曩读顾夐诉衷情词云换我心为你心始知相忆深是此一派神理【知本堂读杜】

词中佳语多从诗出如顾太尉蝉吟人静斜日傍小窓明毛司徒夕阳低映小窓明皆本黄奴夕阳如有意偏傍小窓明若苏东坡之与客携壶上翠微贺东山之秋尽江南草木凋皆文人偶然游戏非向樊川集中作贼【花草蒙拾】

画家七十二色有檀色浅赭所合古诗所谓檀画荔枝红也而妇女晕眉色似之唐人诗词多用之试举其略徐凝宫中曲云檀妆惟约数条霞花间词云背人匀檀注又钿昏檀粉泪纵横又臂留檀印齿痕香又斜分八字浅檀蛾是也又云卓女烧春醺美小檀霞则言酒色似檀色伊孟昌黄蜀葵诗檀防佳人喷异香杜衍雨中荷花诗檀粉不匀香汗湿则又指花色似檀色也【丹铅录】顾夔善小词有醉公子曲为一时艳称尤善诙谐常于前蜀时见隶武秩者多拳勇之夫戏造武举牒以讥之人以为滑稽云【十国春秋】

蜀光天元年太祖寝疾经旬文州进白鹰茂州贡白 羣臣议曰圣人本命是 鹰 至甚相刑贡二禽非以为瑞退鹰留 帝疾必痊敕命不从是歲晏驾又通正年有大秃鹫鸟飏于摩诃池上顾太尉夔时为小臣直于内庭遂潜吟二十八字咏之曰昔日曾看瑞应图万般祥瑞不如无摩诃池上分明见仔细看来混两瞳至光天元年帝崩乃秃鹫事之徵也【鉴戒录】

陈裕

陈裕秀才下第游蜀誓弃举业唯事唇喙覩物便嘲其中数篇亦堪采择虽无教化于当代诚可取笑于一时咏浑家乐云晨起梳头午不休一窠精魅鬧啾啾阿家解舞清平乐新妇能抛白水毬着绿挑牌吹觥策赐绯盟器和梁州天晴任尔浑家乐雨下还须满舍愁又北郡南州处处过平生家业一驴防囊中钱物衣装少袋里胭脂胡粉多满子面聒穷措大萧娘身瘦姮娥怪来唤作浑家乐骨子猫儿尽唱歌过旧居云昔日顏回宅今为果饭家不闻吟秀句只防 胡麻豉汁锅中沸粕糕案上葩朝朝宜早起担从自谁家有一秀才忽贖酒家青衣为妇裕嘲之曰秀才何事太忽忽琴瑟无媒便自通新妇旋裙才离体外姑托布尚当胸菜阑个个皆钳项粳米头头尽剪髻一自土和逃走后至今失却亲家翁又咏大慈寺斋头鲜于闍黎云酒熟终朝没缺时高堂大舍养肥尸行婆满院多为妇童子成行半是儿半折掇斋穷措大笑迎搽粉阿尼师一朝若也无常至劒树刀山不放伊又大慈寺东地有放生池蜀人竞以三元日多将鷺鸭放在池中裕当门书絶句自此放生者稍息矣鷺鸭同羣世所知蜀人竞送放生池比来养狗图鸡在不信闍黎是野狸裕后咏天王一絶因暴疾而终亦由神折天年抑又神之灵也诗曰睹眉努目张干嚔便作阎浮有力神祸福岂由泥捏汉烧香供养弄蛇人【鉴戒录】

欧阳炯

唐沙门贯休本婺州兰溪人能诗善书妙画王氏建国时来居蜀中龙华之精舍因纵笔用水墨画罗汉一十六身并一大士巨石萦云枯松带蔓其诸古貌与他人画不同或曰梦中所覩觉后图之谓之应梦罗汉门人昙彧昙弗等甚秘重之蜀主曾宣入内叹其笔迹狂逸供养经月翰林学士欧阳炯亦曾观之赠以歌曰西岳高僧名贯休孤情峭拔凌清秋天教水墨画罗

汉魁岸古容生笔头时捐大绢泥高壁闭目焚香坐禅室或然梦里见真仪脱去袈裟防神笔高擡节腕当空掷窳窳毫端任狂逸逡巡便是两三躯不似画工虚费日怪石安排嵌复枯真僧列坐连跏趺形如瘦鹤精神健顶似伏犀头骨羸斜倚松根傍岩缝曲录腰身长欲动看经弟子拟闻声瞌睡山童疑有梦不知夏腊几多年一手揩颐偏袒肩口开或若共人语身定复疑初坐禅案前卧象低垂鼻崖畔戏猿斜展臂芭蕉花里刷轻红苔藓文中晕深翠硬筇杖矮松牀雪色眉毛一寸长绳开梵夹两三片线补衲衣千万行林间乱叶纷纷堕一印残香断烟火皮穿木屐不曾拖笋织蒲团镇长坐休公逸艺无人加声誉喧喧遍海涯五七字句一千首大小篆书三十家唐朝历历多名士萧子云兼吳道子若将书画比休公只恐当时浪生死始自江南来入秦于今到蜀无交亲诗名画手皆奇絕覩你凡人争是人瓦棺寺里维摩相舍卫城中辟支佛若将此画比量看总在人间为第一【野人闲话】

五代欧阳炯应天寺门左壁天王画歌曰匡山处士名称朴头骨高奇连五岳曾持象简累为官又有蛇珠常在握昔年长老遇奇踪今日门师识景公兴来便请泥高壁乱抢笔头如疾风【野人闲话】

蜀多红豆树坚缀纹如羸土人不甚爱惜每于成都市得之收红豆树底纖纖擡素手欧阳舍人词也【边州闻见錄】孟蜀武德军节度判官欧阳炯撰花间集序云镂玉雕琼拟化工而迴巧裁花剪叶夺春艳以争鲜是以唱云謡则金母词清挹霞醴则穆王心醉名高白雪声声而自合鸾歌响遏青云字字而偏谐鳳律杨柳大堤之句乐府相传芙蓉曲渚之篇豪家自制莫不争歌门下三千璫瑁之簪竞富尊前数十珊瑚之树则有绮筵公子绣幌佳人递叶叶之花牋文抽丽锦举纖纖之玉指拍按香檀不无清絕之词用助娇娆之态自南唐之宫体扇北里之倡风何止言之不文所谓秀而不实有唐已降率土之滨家家之香径春风宁寻越艳处处之红楼夜月自锁嫦娥在明皇朝则有李太白应制清平乐词四首近代温飞卿复有金筌集还来作者无愧前人今卫尉少卿字 基以拾翠洲边自得羽毛之异织绡泉底独殊机杼之功广防众宾时延佳论因集近来诗客曲子词五百首分为十卷以炯龔预知音辱请命题仍为序引昔郢人有歌阳春者号为絕唱乃命之为花间集庶以阳春之曲将使西国英哲用资羽蓋之欢南国婣娟休唱莲舟之引时大蜀广政三年四月日序【四川通志】

鹿防辰

鹿防辰不知何地人歷官至检校太尉与欧阳炯韩琬阎选毛文锡等俱以工小词供奉后主时人忌之者号曰五 防辰思越人词有双带绣窠盘锦荐泪侵花暗香消之句词家推为絕唱【十国春秋】

鹿防辰宫词云金锁重门荒院静绮窓愁对秋空翠华一去寂无踪玉楼歌吹声断已随风烟月不知人事改夜阑还照深宫藕花相向野塘中暗伤亡国清露泣香红花有叹声史识之矣【词统】

周美成西河词云燕子不知何世向寻常巷陌人家相对如说兴亡斜阳里瞿宗吉西湖十景

词云铃音自语也似说成败许伯扬咏隋河柳词云如将亡国恨说与路人知哀感顽艳都与此词末句一例【词品】

毛文锡

复斋漫录云予读唐杨巨源诗江边杨柳麴尘丝之句不知所本后读刘梦得杨柳枝词云凤阙轻遮翡翠帏龙池遥望麴尘丝御沟春水相晖映狂杀长安年少儿乃知巨源取此今巨源集作绿烟丝非也苕溪渔隐曰唐毛文锡词云鸳鸯对浴银塘暖水面蒲梢短垂杨低拂鞦尘波然则鞦尘亦可于水言之也或云周礼鞦衣注云黄桑服也色如鞦尘象桑叶始生鞦者草名花色黄世遂以鞦尘为麴尘其说非是【渔隐丛话】

李珣

李珣字德润梓州人昭仪李舜 兄也珣以小词为后主所赏常制浣溪纱词有早为不逢巫峡夜那堪虚度锦江春词家互相传诵所着有琼瑶集若干卷【十国春秋】李珣巫山一段云词古庙依青嶂行宫枕碧流水声山色锁妆楼往事思悠悠云雨朝还暮烟花春复秋啼猿何必近孤舟行客自多愁黄叔防云唐词多缘题所赋临江仙则言仙事女冠子则述道情河渚神则咏祠庙大概不失本题之意尔后渐变去题远矣如珣此作实唐本来词体如此【词综】

毛熙震

墨庄漫录考妇女弓足起于李后主按乐府双行缠其词云新罗绣行缠足趺如春妍他人不言好独我知可怜以此知起于六朝然史记云临淄女子弹 缠足又云揄修袖蹑利屣意古已有之再考襄阳耆旧传云盗发楚王冢得宫人玉屣晋世履有凤头重台分梢之制陶南村谓唐人题咏畧不及之亦未博考杜牧诗钿尺裁量减四分碧琉璃滑裹春云五陵年少欺他醉笑把花前出画褰段成式诗云醉袂几侵鱼子缬影纓长戛凤凰钗知君欲作闲情赋应愿将身作锦鞦花间集毛熙震词云慢移弓底绣罗鞋亦屡见于诗咏矣【天禄识余】

薛昭蕴

宋柳如京塞上诗鸣骹直上一千丈天静无风声正干碧眼健儿三百骑尽提金勒向云看其诗宋人盛称之好事者多图于屏幃今犹有其稿本唐人好画蕃马于屏花间词云细草平沙蕃马小屏风是也又曲名伊州梁州氏州其后卒有禄山吐蕃之变宋人爱图鸣骹健儿卒有金元之祸元人曲有入破急煞之名未几而乱【丹铅录】

牛峤

妇人匀面古惟施朱傅粉而已至六朝乃兼尚黄幽怪录神女智琼额黄梁简文帝诗同安鬟

里拨异作额间黄唐温庭筠诗额黄无限夕阳山又黄印额山轻为尘又词蘂黄无限当山额牛峤词额黄侵腻髮此额妆也北周静帝令宫人黄眉墨妆温诗柳风吹尽眉间黄张泌词依约残眉理旧黄此眉妆也段氏酉阳杂俎所载有黄星靨辽时燕俗妇人有顔色者目为细娘面涂黄谓之佛妆温词脸上金霞细又粉心黄蘂花靨宋彭汝砺诗有女夭夭称细娘真珠落髻面涂黄此则面妆也【西神脞説】

牛峤有集三十卷歌诗三卷自言窃慕李贺长歌举笔辄效之尤善制小词女冠子云绣带芙蓉帐金钗芍药花菩萨蛮云山月照山花梦回灯影斜皆佳句也【十国春秋】古人咏柳必比美人咏美人必比柳不独以其态相似亦柔曼两相宜也若松桧竹柏用之于美人则乏婉媚耳唐牛峤柳枝词云吴王宫里色偏深一簇纖条万缕金不愤钱塘苏小小与郎松下结同心亦谓美人不宜松下也誉柳贬松殊有深兴【笔精】

牛峤杨柳枝词吴王宫里色偏深一簇烟条万缕金不分钱塘苏小小引郎松下结同心按古乐府小小歌有云妾乘油壁车郎乘青骢马何处结同心西陵松柏下牛诗用此意咏柳而贬松唐人所谓尊题格也后人改松下作枝下语意索然矣【丹铅总録】

牛希济

牛希济后主时累官翰林学士御史中丞国亡入洛唐明宗宣宰相王锬张格庾传素及希济各赐一韵试蜀主降唐诗五十六字锬等皆讽后主僭号荒淫失国独希济得川字诗意但述数尽不谤君亲明宗得诗叹曰如希济才思敏妙不伤两国迺存忠孝者罕矣即拜雍州节度副使诗曰满城文物欲朝天不觉隣师犯塞烟唐主再悬新日月蜀王还却旧山川非干将相扶持拙自是吾君数尽年古往今来亦如此几曾欢笑几潸然【十国春秋】

希济素以诗词擅名所撰临江仙二阕有云月斜江上征棹动晨钟又云风流皆道胜人间须知狂客拚死为红颜特为词家之雋又次牛峤女冠子四阕时辈啧啧称道女冠子故唐骆宾王代王灵妃赠李荣长篇因取以为名【十国春秋】

张琳

张琳许州人唐末官眉州刺史修堰溉田民被其惠歌曰前有章仇后张公疏决水利秔稻丰南阳杜诗不可同何不用之代天工入蜀卒节度使【十国春秋】

李尧夫

梓潼山人李尧夫吟咏尚讥刺谒蜀相李昊昊戏曰何名之背时耶尧夫厉色对曰甘作尧时夫不乐蜀中相因是为昊所摈知蜀主国柄隳紊吟苦热诗云炎暑郁蒸无处避凉风消息几时来一云太祖采聪明远边事纖悉必知有使者自蜀还上问剑外有何事对曰但闻成都满城诵朱山长苦热诗曰烦暑郁蒸无处避凉风清冷几时来上曰蜀民望王师也【古今诗话】

】

欧阳公爱王君玉燕词烟径掠花飞远远晓窗惊梦语匆匆梅圣俞以为不若李尧夫花前语
澹春犹冷江上飞高雨乍晴【遗珠】

尧夫大内盆池诗云向外疑无地其中别有天又赠滕郎中云方外共推为道友關中独自占
诗家【古今诗话】

杨勋

杨勋不知其家世自号仆射能于空中请自然还丹其丹立降又能召九天一女后土夫人经
宿而去后主以其妖妄折其一足戮之西市毕命时咏诗言失国事不数歳国果亡诗曰圣主
何曾识仲都可怜社稷在须臾市西便是神仙窟何必乘槎泛五湖【十国春秋】

蒲禹卿

安重霸等请后主东巡禹卿上表谏几二千言韩昭得禹卿表大怒叱之曰俟主上西归当使
狱吏字字问汝未几唐师大至从后主归唐及后主被诛禹卿恸哭曰蜀人自此重不幸也题
诗于驿门而逃不知所终诗曰我王衔璧遂称臣何事全家并杀身汉舍子婴名尚在魏封刘
禅事犹新非干大国浑无识自是中原未有人独向长安尽惆怅力微何路报君亲【十国春
秋】

勾龙逢

知祥入梓州举子勾龙逢献贺捷诗知祥嘉纳之诗曰唇齿论交歲月长岂其率意忽颠狂元
戎统领三军战巨业奔冲一阵亡莫讶潼江刚入寇都緣锦浦合兴王武功蓋世光前后堪向
青编万古扬【十国春秋】

王廷珪

帝游浣花溪御龙舟观水嬉时百姓饶富夹江皆棚亭榭都人士女倾城游玩珠翠罗绮名花
异卉馥郁十里望者有若神仙之境帝谓左右曰曲江金殿锁千门殆未及此兵部尚书王廷
珪赋诗曰十字水中分岛屿数重花外见楼台帝称善久之【十国春秋】

刘义度

孟蜀工部侍郎刘义度判云安日有押衙覃鵬梦与友人胡鍼同在一官署防前见有数人引
入刘公则五木备体子然音旨说理分解似有三五人执对久而方退于行廊下坐见进食者
皆是鲜血覃因问旁人答曰公为断刑错误所致追来亦数日矣遂觉及早见胡鍼话之鍼曰

余昨夜所梦一与君叶岂非同梦乎因共秘之刘公其日果吟感懷诗十韵其一首曰昨日方髻髻如今满颌髻紫阁无心恋青山有意潜今其诗皆刊于石上人皆讶其诗意不数日而卒岂非断刑之有错误乎【太平广记】

徐光溥

光溥有辨才遇事辄发防李昊等疾之后有议论光溥熟睡而已时号睡相官学士时常与侍郎刘義叟分直赋庭中笋诗義叟以光溥本蜀士语涉刺讥光溥遂切齿由是终不相协世或病其隘云光溥诗曰迸出班墀数十株更添幽景向蓬壶出来似有凌云势用作丹梯得也无義叟诗曰徐徐出土非人种枝叶难投日月壶为是姻緣生此地从他长养譬如无【十国春秋】

僧赞宁为笋谱掎摭古人诗咏自梁元帝至唐杨师道皆诗中言及笋者惟孟蜀学士徐光溥等二人絕句亦可谓勤笃然未尽也如退之和侯协律咏笋二十六韵不收何耶【尘史】

李如实

李如实初事梁末帝于东宫素以清直著名及末帝嗣位数数有所规諫贬汝州副使如实至汝州自制一卧车常于车置酒一瓢琴一具书数卷命小僮十余辈载入冲衢四顾朗吟观者多窃笑焉久之梁无内召意如实心颇不平裁落韵诗以讥之梁亡后入成都高祖知其贤拜户部侍郎卒落韵诗曰炎蒸不可度赖尔生凉风在物成非器于人还有功殷勤九夏内寂寞三秋中想君应有语弃我如秋扇【十国春秋】

何瓚

瓚常有蜀城书事诗云到头须卜林泉隱自愧无能继卧龙题诗后十旬遂得笃疾【十国春秋】

卞震

卞震蜀人尝吟即事云雨壁长秋菌风枝落病蝉又老筇揜瘦影寒木凭吟身春日偶题云诗债到春无处避离愁当醉暂时无即事云茶香解睡磨铛煮山色牵懷着屐登【雅言系述】

掌聿修

掌聿修春秋鲁党氏之后也性豪纵不羈歷仕太子左贊善大夫与同官家述雅相相爱两人皆滑稽聿修一日伺述酒甕将竭叩门求饮既而尊罍果罄聿修书壁曰酒客干喉去惟存呬大夫宋有掌禹锡者相传即其后【十国春秋】

韦穀

韦穀少有文藻梦中得软罗缬巾由是才思益进仕蜀累迁监察御史尝辑唐人诗千首为才调集十卷其书盛行当世自为序曰余少博羣言常取得志虽秋萤之照不逮而雕虫之见自佳古人云自听之谓聪内视之谓明也又安可受诮于愚卤取讥于书厨者哉暇日因阅李杜集元白诗其间大海混茫风流挺特遂采摭奥妙并诸贤达章句不可备录各有编次或闲窓展卷或月榭行吟韵高而桂魄争光词丽而春色鬪美但贵自乐所好岂敢垂诸后昆今纂诸家歌诗共一千首每一百首成卷分之为十目曰才调集庶几来者不谓多言他代有人无嗤薄鉴云尔【十国春秋】

令狐峤

令狐峤仕高祖父子官至秘书监工吟咏兼擅敏才口占诗句多所嘲谑好事者时传其诗峤一日遇明庆节散后赠左右两街命服僧 诗曰却羡僧门与道门无年今日紫衣新可怜州县祁评事尽向荷衣老却身【十国春秋】

向瓚

向瓚初事高祖为行军司马后累加仆射亦以谑词著名常有咏乘烟观蒋链师诗蒋状貌甚伟不类妇人瓚诗颇嘲之一时絶倒诗曰怪得盘跚不上升白云蹋绽紫云崩龙腰鳳背犹嫌软须问麻姑借大鹏【十国春秋】

幸夤逊

幸夤逊仕伪蜀孟防为学士王师将致讨之前歲除昶令学士作诗两句写桃符上夤逊题曰新年纳余庆嘉节号长春明年蜀亡吕余庆以防知政事知益州长春乃太祖诞圣节名也【说苑】

幸夤逊防州人仕后蜀为翰林学士有梨诗云嚼处春冰敲齿冷咽时雪液沃心寒柳诗云才闻暖律先偷眼既待和风始展眉【事文类聚】

又有岷山句云若教作镇居中国争得泥金在泰山【吟窓杂录】

赵休

赵休幸夤逊同时人侍宴句云金茎来白露玉宇起秋风【吟窓杂录】

杨鼎夫

杨鼎夫成都人举进士为安思谦幕吏尝游青城山过皂江中流过暴风船抵巨石覆洪涛间同侪尽没鼎夫似有物扶助达岸有老人以杖接引鼎夫未及致谢旋失所之因作诗以记之云青城山峭皂江寒欲渡当时作等闲櫂逆狂风趋近岸舟逢怪石碎前湾手携弱杖仓皇处命出洪涛顷刻间今日深恩无以报令人羞记雀衔环【吟窓杂録】

王着

王着字知微一字成象成都人伪蜀明经及第蜀平赴阙太宗以字书讹舛辟士人删定有以着荐者加著作佐郎令摸阁帖着有研格书奩铭云爰有愚叟栖此陋室风雨可蔽户庭不出知足为富娱老为逸貂冠蝉冕虎皮羊质处之勿疑永尔终吉【宋稗类钞】

杨义方

杨义方眉山人少举进士第已而还蜀仕高祖为秘书郎性强毅长于吟咏自谓才过罗隱常有春诗云海边红日半离水天外暖风轻到花为时人所称许后主时九头鸟见成都义方作诗有好惜羽毛还 窟莫留灾害与苍生之句宋光嗣疑其刺已奏谴于沈黎【十国春秋】赠王枢密云两声鞭自禁门出一簇人从天上来【异闻録】

朱长文

艺祖闻蜀人诗云烦暑郁蒸无处避洗天风雨几时来曰此蜀人思我之来也此乃蜀人朱长文诗然唐许昌节度使薛能汉南春望诗已有自古浮云蔽白日洗天风雨几时来之句【能改斋漫録】

古今诗话云云太祖采聪明远每边事纖悉必知有间者自蜀还上问剑外有何事间者曰但闻成都满城诵朱山长苦热诗曰烦暑郁蒸无处避凉风清冷几时来上曰此蜀民思吾伐也然予考睦台符岷山异事云梓潼山人李尧夫吟咏尤尚讥刺谒蜀相李昊昊戏曰何名之背时耶尧夫厉色对曰甘作尧时夫不乐蜀中相因是为昊所摈知蜀主国柄隳紊生民肆扰吟苦热诗云炎暑郁蒸无处避凉风消息几时来以是知此两句乃李尧夫诗非朱山长也清冷两字不逮消息甚远【能改斋漫録】

王正己

栎树多生冈阜之上大则偃亚小则耸岐伐为薪锻为炭力倍常木王正己诗云未可轻樗栎尤能济雪霜【诗史】

王承旨

前蜀王衍降后唐王承旨作诗云蜀朝昏主出降时衔璧牵羊倒繫旗二十万人齐拱手防无

一个是男儿其后花蘂夫人记孟防之亡作诗云君王城上竖降旗妾在深宫那得知二十万人齐解甲宁无一个是男儿陈无已诗话载之乃知沿袭前作【能改斋漫录】

赵节

蒲中赵节博瞻刚直乡人敬之尝作炉火诗云近冬附火为泰火透春拥炉成否炉用否随时有轻重进身君子合知无【清异录】

张振祖

沙门爱英住池阳村示人之语曰万论千经不如无念无营时郡娼满莹娘多姿而富情真妓女中麟凤进士张振祖以无念无营有情有色制一联云门前草满无无老牀底钱多有有娘【清异录】

家乐

王衍伶官家乐侍燕小池水澄天见家乐应制云一段圣琉璃【清异录】

五代诗话卷五

吴越 南汉

罗隐

隐字昭谏新登县人本名横凡十上不中第遂更名始谒武肃王不见用以所为夏口诗标于卷首云一个称衡容不得思量黄祖漫英雄王览之大笑因加殊遇复命简书辟之曰仲宣远托刘荆州都缘乱世夫子辟为鲁司寇只为故乡王初授镇海节度命沈崧草谢表盛言浙西繁富以示隐隐曰今浙西兵火之余日不暇给朝廷执政方切贿赂此表入奏岂无意要求耶乃请更之略曰天寒而麋鹿常游日暮而牛羊不下朝廷见之曰此罗隐之词也及为贺昭宗更名表曰左则虞舜之全名右则姬昌之半字当时京师称为第一【吴越备史】罗隐与桐庐章鲁风齐名钱武肃崛起以鲁风善书札召为表奏孔目官鲁风不就执之后以罗隐为钱塘令因宴赋诗一个称衡云云自是始厚之【古今诗话】

隐字昭谏余杭人隐池之梅根浦自号江东生为唐相郑畋李蔚所知畋女览隐诗讽诵不已畋疑有慕才意隐貌寝陋女一日帘窥之自此绝不咏其诗【全唐诗话】唐人尤重进士其末也如李振劝朱温一日杀司空裴贄等百余人于白马驿苏楷驳昭宗谥李山甫教乐从训害王铎一家三百口皆不得志于场屋者为之乃至巢寇亦进士也科目之弊如此当时惟罗隐有诗名屡摈于名场然逢世乱离依钱氏以庇身未尝失节五言云四海霍光第六龙张奉营此必是诸镇皆封王赐功臣号及岐汴劫质天子之时又云陪臣无以报西望不胜情又闻幸蜀七言云静怜贵族谋身易危惜文皇创业难尤有惓惓本朝之意【后村诗话】

罗昭谏咏松曰陵迁谷变须高节莫向人间作大夫其志亦可悲矣唐六臣彼何人哉昭谏说钱鏐举兵讨梁见通鉴其忠义可见视奴事朱温之杜荀鹤犹粪土也【困学纪闻】

曾庭闻曰罗隐京口见李侍郎有句云屈指不堪言甲子披风常记是庚申未若溉堂寿晏夫人诗虽然眉寿逢丁酉只是心伤忆甲申转语之妙【溉堂集】

吾杭附郭钱塘县旧有吴越时罗江东隐手植海棠一本王黄州元之尝题诗云江东遗迹在钱塘手植庭花满县香若使当年居显位海棠今日是甘棠观此则杭州海棠亦香矣不特昌州然也但恐诗人重称过实徒夸其韵不能慰彭渊材之恨耳【蓉塘诗话】

邺都罗绍威学隐为诗自号其文为偷江东集青州王师范遣使赍礼币求一篇隐以诗寄之曰盛业传家有寶刀况闻余力更挥毫腰间印绶黄金贵卷内文章白雪高宴罢佳宾吟凤藻猎回诸将问龙韬登坛甲子才三十犹拟回头夺锦标王得诗大喜昭宗欲以甲科处之有大臣奏曰隐虽有才然多轻易明皇圣德犹横遭乎讥谤将相臣僚岂能免乎凌轹帝问讥谤之词对曰隐有华清诗曰楼殿层层佳气多开元时节好笙歌也知道德胜尧舜争奈杨妃解笑何其事遂寝【唐诗纪事】顾云依淮南高骈隐讥之夏饮于海风亭云曰青蝇被扇扇离席

隱遽曰白泽遭钉钉在门隱在浙幕沈崧得新榜示隱隱题其末曰黄土原边狡兔肥犬如流电马如飞灞陵老将无功业犹忆当时夜猎归又昭宗欲以甲科处隱有大臣举隱华清宫诗云也知道德胜尧舜争奈杨妃解笑何其事遂寢【诗话总龟】

隱有江东集十卷其诗自光啓以后广明以前海内乱离乘輿播迁艰难险阻之事多见之赋咏时魏府节度使王智兴学隱诗自号诗卷为偷江东集【吴越备史】

钟陵妓云英隱旧见之一日讥隱犹未第隱嘲之曰钟陵醉别十余春重见云英掌上身我未成名君未嫁可能俱是不如人【全唐诗话】

宣宗时相国令狐綯最受恩遇而怙权尤忌胜己曾以故事访于温岐对以其事出南华且曰非僻书也或冀相公變理之暇时宜览古綯益怒之乃奏岐有才无行不宜与第防宣宗私行为温岐所忤乃授方城尉所以岐诗云因知此恨人多积悔读南华第二篇又李商隱綯父楚之故吏也殊不展分商隱憾之因题防阁落句云郎君官重施行马东阁无因许再窥亦怒之官止使下员外江东罗隱亦受知于綯毕竟无成有诗哭相国云深恩无以报底是事柴荆以三才子怨望即知綯之遗贤矣【北梦 言】

令狐滈赵公綯之子也登进士隱以诗贺之赵公谓滈曰吾不喜汝及第喜汝得罗公一篇耳【唐诗纪事】

钱氏时西湖渔者日纳鱼数觔谓之使宅鱼其捕不及额者必市以供颇为民害一日罗隱侍坐壁间有磻溪垂钓圖武肃索诗隱应声曰吕望当年展庙谟直钩钓国更谁如若教生得西湖上也是须供使宅鱼武肃大笑遂蠲其役【闲谈录】

江东集中有泪诗云自从鲁国潜然后不是奸人即妇人未详其所出及观孔丛子言子高游赵平原君客有邹文李节者与子高相友善临别文与节流涕交颐子高徒抗手而已其徒疑之子高曰始吾谓二子丈夫乃今知其妇人也曰二子之泣非耶曰二子良人也有不忍之心其于敢断必不足矣曰凡泣者一无取乎子高曰有二焉大奸之人以此自信妇人懦夫以泣着爱观此始解其說【艺苑雌黄】

艺苑雌黄云宋玉为高唐赋载巫山神女遇楚襄王盖有所讽也而文士多效之者又为传记以实之时而天地百神举无免者余谓欲界诸天当有配偶有无偶者则无欲者也唐人记后土事以讥武后耳余谓武后何足讥也而托之后土亦大防矣后之妄人又复填入乐章而无知者遂以为诚是也小説载高骈事云骈末年惑于神仙之說吕用之张守一诸葛殷等皆言能役使鬼神变化黄白骈酷信之委以政事用之等援引朋党恣为不法尝云后土夫人灵仇遣使就某借兵马并李筌所注太白阴经骈遽下两县率百姓具苇蓆千领画作甲马之状遣用之于庙庭烧之又以五彩笺写太白阴经十道置于神座之侧又于神帐中塑一綠衣年少谓之韦郎故罗隱诗有韦郎年少今何在端坐思量太白经之语今勅令中亦尝禁止淫媾之词然蕃厘观中所谓韦生者犹在故伊川先生力欲去之岂非恶其渎神耶【渔隱丛话】

罗隱梁开平中累征夕郎不起罗衮以诗寄之曰平日时风好涕流谗书虽盛一名休寰区叹屈瞻天问夷貊闻诗过海求向夕便思青 拜近年防伴赤松游何当世祖从人望早以公台命卓侯隱答曰昆仑水色九般流饮即神仙憩即休敢恨守株曾失意始知缘木更难求鸰原漫欲均余力鹤发那堪问旧游遥望北辰当上国羨君归棹五诸侯【摭言】

隱下第诗曰名慙桂苑一枝綠鮓忆松江满筴红惟应鲍叔深知我他日蒲帆百尺风【谈宾錄】

润州甘露寺有块石状如伏羊形制略具号恨石相传孙权常据其上与刘备论曹公壁间旧有罗隱诗板云紫髯桑盖两沉吟恨石空存事莫寻汉鼎未分聊把手楚醪虽美肯同心英雄已往时难问苔蘚何知日渐深还有市防沽酒客雀喧鳩聚话蹄涔时钱鏐高骈徐温鼎立三方润州介处其间隱此诗比平时所作亦差婉而有味也【蔡寬夫诗话】

罗隱诗虽是晚唐如霜压楚莲秋后折雨催蛮酒夜深酤亦自婉畅可讽【稗史彙编】

杜荀鹤钱塘别隱诗云故国看看遠前程寄在谁五更吹角 一叶渡江时吾道天宁防人情日可疑西陵向西望双泪为君垂【唐诗纪事】

许浑集中佳句甚多然多用水字故国初士人云许浑千首湿是也谓如洛中懷古诗云水声东去市朝变山势北来宫殿高若其他诗无水字则此句当无愧于作者罗隱诗篇篇皆有喜怒哀乐心志去就之语而卒不离乎一身故许浑千首湿人以罗隱一生身为对又云杜甫一生愁似优于前矣【桐江诗话】

隱老不遇有归五湖诗云江东日暖花又开江东行客思悠哉高阳酒徒半凋落终南山色空崔嵬圣代也知无弃物侯门未必用非才一船明月一竿竹家住五湖归去来【唐诗纪事】

进士刘赞赠隱诗云人皆言子屈我独谓君非明主既难谒青山何不归年虚侵雪鬓尘枉汗麻衣自古逊名者至今名岂微【唐诗纪事】

艺苑雌黄云罗隱牡丹诗云自从韩令功成后辜负秣华过一春余攷之唐元和中韩 罢宣武节制始至长安私第有花命斲去曰吾岂效儿女辈耶当时为牡丹 羞之不暇故隱有辜负秣华之语【渔隱丛话】

唐罗隱与周繇分深谓隱曰阁下有女障子诗极好乃为絕唱隱不喻何为也曰若教解语应倾国任是无情也动人是隱题花诗隱抚掌大笑【抒情诗】

洪州杨轩咏牡丹曰杨妃歌舞态西子巧谗魂利剑砍不断余妖钟此根光华日已盛栏檻岂长存寄语寻芳者须知松栢尊罗隱曰若教解语应倾国任是无情也动人二人用意不同如此轩诗虽撚风花而有警戒【虞斋广錄】

前辈作花诗多用美女比其状如曰若教解语应倾国任是无情也动人尘俗哉山谷作酴醾诗曰露湿何郎试汤饼日烘荀令炷炉香乃用美丈夫比之特出类也而吾叔渊材作海棠诗又不然雨过温泉浴妃子露秣汤饼试何郎意尤佳也【冷斋夜话】

诗人咏物形容之妙近世为最如梅圣俞谓毛苍苍磔不死铜盘矗矗钉头生吴鸡鬬败绛帟碎海蚌扶出真珠明诵此则知其咏芡也东坡海山仙人绛罗襦红纱中单白玉肤不须更待妃子笑风骨自是倾城姝诵此则知其咏荔支也张文潜平地碧玉秋波莹緑云拥扇青摇柄水宫仙女鬬新妆轻步凌波踏明镜诵此则知其咏莲花也如唐彦谦咏牡丹诗云为云为雨徒虚语倾国倾城不在人罗隱咏牡丹诗云若教解语应倾国任是无情也动人非不形容但不能臻其妙处耳【渔隱丛话】罗隱中秋不见月诗云只恐异时开霁后玉轮依旧养蟾蜍本于卢仝月蚀诗然尤简明【后邨诗话】

建德有金鸡石罗隱题云金鸡不向五更啼石遂破裂有鸡飞鸣而去【纂要】

世传隱出语成防闽中书简滩玉髻峰皆留异迹而黄滔赠隱诗亦云三征不起时贤议九转丹成道者言【十国春秋】

罗隱题杜甫集云楚水悠悠浸耒亭楚南天地两无情忍教孙武重泉下不见诗人説用兵【南部新书】

罗隱诗只知事逐眼前过不觉老从头上来此语殊有味【彦周诗话】

题是封禅寺昭谏身居乱世故起句曰盛礼何由覩奇哉句也三四周南太史泪蛮徼长卿书好岂可全不用事善用事者不冗【瀛奎律髓】

罗隱雪诗云晓窗呵笔寻诗句一片飞来纸上消格虽不高亦小巧可喜【渔隱丛话】

罗隱送灶诗云一盞清茶一缕烟灶君皇帝上青天玉皇若问人间事为道文章不值钱当今之选非钱不行自唐已然岂独今日王季重有无不可买謠上好黄钱童生买起到状元絶大元寶童生买起到阁老即此可以觐时矣【坚瓠集】

罗隱诗极浅俗有江南曲云江烟湿雨蛟鮪软漠漠遠山眉黛浅水国多愁又有晴夜槽压酒银船满绷丝采怨凝晓空吴王台榭春梦中鸳鸯鸂 唤不起平铺緑水眠东风西陵路边月悄悄油壁轻车嫁苏小奇丽可比温李然亦不多得也【笔精】

余旧见顏持约所画淡墨杏花题小诗于后仍题持约二字意谓必其所作因阅唐宋类诗方知是罗隱诗持约窃之耳诗云暖气潜吹次第春梅花已谢杏花新半开半落闲园里何异荣枯世上人【渔隱丛话】

五代十国诗家最著者多有唐遗士韦正已体近雅正惜出之太易义乏闳深杜彦之俚浅以衰调写衰代事情亦自真切黄文江力孱韵清呢呢如与人对语罗昭谏酣情饱墨出之防不可了未少佳篇奈为浮渲所掩然论笔才自在伪国诸吟流上余即不乏片藻付之自郢【唐诗统籤】

记云鹦鹉能言不离飞鸟猩猩能言不离禽兽罗隱诗云猩猩鹦鹉无端防长向人间被网罗【五色线】

白居易咏老柳树但见半衰临此路不知初种是何人罗隱咏长明灯不知初防人何在祇见当年火至今语似祖述而用法一顺一倒不同【唐诗统籤】

罗隱谢裴廷翰诗卷曰泽国佳人唯妆半面营邱辨士或献空笼【摭言】

罗隱留金山云老僧斋罢闔门睡不管波涛四面生孙山云结字孤峰上安禅巨浪间亦可亚张祐诗【诗话总 】裴筠婚萧楚公女问名未几便擢进士第罗隱以一絕刺之诗曰细看月轮还有意信知青桂近嫦娥【摭言】唐昭宗播迁随驾伎艺人止有弄猴者猴颇驯能随班起居昭宗赐以绯袍号孙供奉故罗隱有诗云十二三年就试期五湖烟月奈相违何如学取孙供奉一笑君王便着绯后来梁篡位取此猴令殿下起居猴望殿陛见全忠径趋其所跳跃奋击遂令杀之唐臣媿此猴多矣【幕府燕闲錄】

罗隱咏红梅诗云天赐胭脂一抹腮盘中风味笛中哀虽然未得和羹用曾与将军止渴来此却似军官宿娼谜也【丹铅錄】

今人谚语多古人诗 田不纳履李下不整冠曹子建诗晚饭少吃口活到九十九古乐府句待予心肯日是汝命通时唐太宗诗何人更向死前休韩退之诗公道世间惟白发贵人头上不曾饶杜牧之诗事向无心得章碣诗世乱奴欺主年衰鬼弄人海枯终见底人死不知心杜荀鹤诗一朝权入手看取令行时朱湾诗自己情虽切他人未肯忙裴說诗日出事还生武元衡诗难将一人手掩得天下目曹邴咏李斯诗终日醉醺醺张籍登金山寺诗林下何曾见一人灵彻诗忍事敌灾星司空圖诗但有路在上更高人也行龚霖诗长安有贫者为瑞不宜多罗隱诗但知行好事莫要问前程冯道诗在家贫亦好戎昱诗大树大皮裹小树小皮纏庭前紫荆树无皮也过年宋僧行持诗但存方寸地留与子孙耕贺仙翁诗此去好凭三寸舌再来不值半文钱张叔仁送谢叠山入燕诗【坚瓠集】

士人于棋酒间好称引戏语以助谈笑大抵皆唐人诗后生多不知所从出漫识所记忆者于此公道世间惟白发贵人头上不曾饶杜牧送隱者诗也因过竹院逢僧话又得浮生半日闲李涉诗也只恐为僧僧不了为僧得了尽输僧啼得血流无歇处不如緘口过残春杜荀鹤诗也数声风笛离亭晚君向潇湘我向秦郑谷诗也今朝有酒今朝醉明日愁来明日当劝君不用分明语语得分明出转难自怜飞絮犹无定争解垂丝绊路人明年更有新条在挠乱春风卒未休采得百花成蜜后不知辛苦为谁甜罗隱诗也高骈在西川筑城御蜜朝廷疑之徙镇

荆南作风箏诗以见意曰昨夜箏声响碧空宫商信任往来风依稀似曲才堪听又被吹将别调中今人亦好引此句也【搜采异闻錄】

自唐末无赖男子以割刺相高或铺鞦韆圖一本或砌白乐天罗隱二人诗百首至有以平生所歷郡县饮酒捕博之事所交妇人姓名齿行第坊巷形貌之详一一标表者时人号为针史【清异錄】

余侨家后圃有一大井是武肃王外祖家旧物井上有文曰于维此井淳育坎灵有莘有邵实此储英时有长虹上贯青防是惟王气宅相先征爰啓霸王奠妥苍氓沛膏惭泽配德东溟臣罗隱谨颂【枫窓小牋】

罗隱 书君平井碑在永昌县严乐院后文曰水不可以挠为清也神不可以俗虑宁也字大类岫嵚禹碑井东南可五十步即君平墓碑曰蜀庄之塋惜破壞道士翛然出旧揭云亦隱书又絕似孟德隱以诗名字工妙又如此乃知古文人无不善书也【成都集记】

隱寢疾武肃王亲临抚问题其壁云黄河信有澄清日后世应难继此才隱起续末句曰门外旌旗屯虎豹壁间章句动风雷以红纱覆其上其后果无文嗣所着江南甲乙集【吴越备史】

罗塞翁乃钱塘令隱之子为吴中从事善画羊隱以诗名于时而塞翁独寓意于丹青亦词人墨客之所致思也【宣和画谱】

杜建徽

杜建徽字延光新登县人仕吴越为丞相春秋高尚能骑射尝从击毬于广場兴酣有宿中箭鏃自臂中飞出人皆壮之徽为诗自叙曰中剑斫耳缺被箭射髀过为将须有胆有胆即无价【吴越备史】

林无隱

林鼎字焕文闽人也父无隱鼎生于明州大隱村初刺史黄晟颇好礼士无隱依之有诗名尝为诗云雪消二月江湖濶花发千山道路香知言者以无隱必生贵子鼎仕吴越果至丞相【吴越备史】

刘鲁风

刘鲁风江西投所知为典谒所阻因得一絕曰万卷书生刘鲁风烟波千里谒文公无钱乞与韩知客名纸生毛不为通【诗话总 】

自贞元后唐文甚振以文学科第为一时之荣及其敝也士子豪气骂吻游诸侯门诸侯望而畏之如刘鲁风姚岩杰柳棠胡曾之徒其文皆不足取余故载之者以见当时诸侯争誉于文士此盖外重内轻之牙蘖如李益者一时文宗犹曰感恩知有地不上望京楼其后如李山甫辈以一名一第之失至挟方镇刼宰辅则又有甚焉者矣一篇一韵初若虚文而治乱之萌系焉余以是知其不可忽也【全唐诗话】

屠瓌智

徐绾许再思之乱也刺史高彦遣子渭与瓌智入援渭曰今日不利彦曰赴君父之难何以吉辰为瓌智排案起曰违主命不忠畏缩不前无勇死忠死勇丈夫分也偕渭直抵灵隐山贼垒敌势方张甚合围数匝二人自朝至日晡转战数里身创百处时或奋力一呼手搏贼魁数人即马上办之矢尽援绝以空拳拒敌伏发竟同为所害时年五十有二武肃王闵其忠命以衣冠招魂而葬瓌智尝有咏志诗曰轻身都是义狗主始为忠至是遂符其防【十国春秋】

元德昭

元德昭字名逵抚州南城县人仕吴越忠献王至丞相理家以孝爱闻每时序置酒环列几席者凡四从尝为诗云满堂罗绮兼朱紫四代儿孙奉老翁【吴越备史】

高英秀

高英秀者吴越国人与赞宁为诗友口给好骂滑稽尝讥名人诗病云李山甫览汉史云王莽弄来曾半破曹公将去便平沈定是破船诗李羣玉咏鸕鶿云方穿诘曲崎岖路又听钩辀格磔声定是梵语诗罗隐云云中鸡犬刘安过月里笙歌炀帝归定是见鬼诗杜荀鹤云今日偶题题似着不知题后更谁题此卫子诗也不然安有四蹄赞宁笑谢而已【西清诗话】

沈韬文

吴越司宾使沈韬文有游西湖诗云【首句阙】菰米苹花似故乡不是不归归未得好风明月一思量武肃遂授以湖州刺史【古今诗话】

皮光业

皮光叶最耽茗事一日中表请尝新柑筵具殊丰簪绂丛集才至未顾尊罍而呼茶甚急径进一巨瓯题诗曰未见甘心氏先迎苦口师众矍曰此师固清高而难以疗饥也【清异录】

吴越王时宰相皮光业每以诗为已任尝得一联云行人折柳和轻絮飞燕衔泥带落花自负警防以示同僚众争叹誉裴光约曰二句偏枯不为工盖柳当有絮泥或无花如此论真得诗之膏肓矣【渔隐丛话】

皮光禹

光禹业五七言诗贾阼仙之俦也有烧平樵路出潮弄海山高之句作者多许之【葆光集】

黄夷简

黄夷简闲雅有诗名在钱忠懿王俶幙中陪尊俎二十年开寶初太祖赐俶开吴镇越崇文耀武功臣遣夷简谢于朝将归上谓夷简曰归与元帅言朕已于薰风门外建离宫规模华壮不减江浙兼赐名礼贤宅以待李煜与元帅先朝者即赐之今煜崛强不朝吾将讨之元帅助我乎无为他谋所惑果然则将以精兵坚甲奉赐向克常州元帅有大功俟江南平可暂来见保无他阻一慰延想耳固不久留朕执圭币三见于天帝岂敢自诬即当遣还也夷简受天语俛首而归私自筹曰兹事大难王或果以去就之计见决于我胡以为对逮归见俶因不匿尽以天训授之遂称疾于安溪别业保身潜遁夷简山居诗有宿雨一番蔬甲嫩春山几焙茗旗香之句【玉壶清话】

扈蒙

杜诗婵娟碧鲜静碧鲜出文选吴都赋玉润碧鲜正谓竹也五代扈蒙作碧鲜诗得名【猗觉寮杂记】

胡擢

胡擢不知何许人善状花鸟风格甚高博学能诗气韵超迈飘飘然有方外之志尝谓其弟曰吾诗思若在三峡之间闻猿声时又尝吟曰瓮中每醖逍遥药笔下闲偷造化功其高情逸兴如此一遇难状之景则寄之于画乃作草木禽鸟亦诗人感物之作也【圖画见闻志】

唐郑綮云诗思在灞桥驴子背上胡擢云吾诗思若在三峡闻猿声时也余少在广陵作论诗絕句其一云诗情合在空舸峡冷鴈哀猿和竹枝用擢语也后壬子秋典蜀试归舟下三峡夜泊空舸月下闻猿声忽悟前诗乃知事皆前定尔【分甘余话】

张瀛

张瀛碧之子也事广南刘氏官至曹郎尝为歌赠琴棋僧同列见之曰非其父不生其子诗曰我尝聽师法一説波上莲花水中月不垢不净是色空无法无空亦无灭我尝聽师禪一观浪溢鳌头蟾魄满河沙世界尽空空一寸寒灰冷灯畔我又聽师琴一抚长松唤往秋山雨弦中雅弄若铿金指下寒泉流太古我又聽师棋一着山顶坐沉红日脚阿谁称是国手人罗浮道士赌却鹤输却药法懷斟下红霞丹束手不敢争头角【雅言系述】

黄损

黄损龙德二年登进士第喜作诗读史云逐鹿走红尘炎炎火德新家肥生孝子国霸有谋臣帝道云龙合民心草木春须知烟阁上一半老儒真【雅言系述】

损连州人作公子行云春草绿绵绵骄骖骤暖烟微风飘乐韵半日醉花边打鹄抛金盏招人举玉鞭田翁与蚕妇平地看神仙又出山吟云来书初出白云扃乍蹶秋风马足轻遽近流连分岳色别离呜咽乱泉声休将巢许争喧杂自共伊臯论太平昨夜细书云色里进贤星座甚分明【雅言系述】

鹧鸪诗云而今世上多离别莫向相思树下啼【零陵杂记】淡塘在永州北三十里其水有九十九源长兴初黄损为永州团练副使求为别业有诗云傍水野禽通体白钉盘山果半边红【零陵杂记】

防州布衣赖仙芝言连州有黄损仆射者五代时人仆射盖事南汉未老退归一日忽遁去莫知其存亡子孙画像事之凡三十二年复归坐阼阶呼家人其子适不在孙出见之索笔书壁上云一别人间岁月多归来人事已消磨惟有门前鉴池水春风不改旧时波投笔竟去不复留子归问其状貌孙云甚似影堂老人也【东坡志林】

谢谔

谢谔家南康舍前有溪儿时尝梦浴溪中有人以珠一器遗之曰郎吞此则明悟矣谔即吞细者六十余颗及长善为诗进士裴説选其善者六十余篇行于世【稽神录】

五代诗话卷六

闽

韩偓

韩偓天复初入翰林其年冬车驾出幸凤翔偓有扈从之功返正初上面许偓为相奏云陛下运际中兴当复用重德镇风俗臣座主右仆射赵崇可以副陛下是选乞廻臣之命授崇天下幸甚上嘉叹翌日制用崇暨兵部侍郎王赞为相时梁太祖在京素闻崇之轻佻赞复有嫌衅驰入请见于上前具言二公长短上曰赵崇是偓荐时偓在侧梁主叱之偓奏曰臣不敢与大臣争上曰韩偓出寻谪官入闽故偓有诗曰手风慵展八行书眼暗休看九局圖窗里日光飞野马案前筠管长蒲卢谋身拙为安蛇足报国危曾捋虎须满世可能无默识未知谁拟试齐竽【摭言】

偓于昭宗朝召入院试学士试文五篇万邦咸宁赋禹拜昌言诗武臣授东川节度使制答佛国王进贡书批三功臣让圖形表【金銮密记】

朱全忠忌偓贬濮州司马昭宗执偓手流涕曰左右无人矣再贬荣经尉徙邓州司马哀帝复召为学士还故官偓不敢入朝挈族来依王审知侨居南安天祐三年复有前命偓又辞为诗曰岂独鸱夷解归去五湖渔艇且餽糟已而梁篡唐复召亦辞不往龙德三年卒于南安龙兴寺自贬后以甲子厯厯自记所在其诗皆手写成帙歿之日家无余财惟烧残龙凤烛一器而已【十国春秋】偓十歲能诗尝即席为诗送父友李商隱一坐尽惊富才情词靡丽初喜为闺閣诗后遭故逖遁出语依于节义得诗人之正焉【全唐诗錄】

山谷尝为余言杜子美虽流离颠沛心未尝一日不在本朝故善陈时事句律精深超古作者盖忠义之气奋发而然韩偓贬逐后依王审知其集中所载手风慵展八行书眼暗休看九局圖窗里日光飞野马案头筠管长蒲卢谋身拙为安蛇足报国危曾捋虎须满世可能无默识未知谁拟试齐竽其词凄楚切而不迫不忘其君也【潘子真诗话】

偓与吴融同时为词臣偓忠于唐为朱三而斥贬责不悔如捋虎须之句人未尝诵似为香奁所掩及朱三篡弑偓羈旅于闽时王氏割据偓诗文止称唐朝官职与渊明称晋甲子异世同符余读其集壮其志録其警聯于编内三数篇自述其玉堂遭遇唐季非复承平旧观而待词臣之礼犹然存之以备金銮记之阙【后村诗话】韩致光天复二年随驾凤翔冬至夜作不道惨舒无定分却忧蚊响又成雷是时朱全忠围岐甚急李茂贞有连和之意偓之孤忠处此殆知其必一反一覆终无定在欵此關时事不但咏至节也【瀛奎律髓】

吴融韩偓同时慨叹兵戈之间诗律精切皆善用事【瀛奎律髓】

唐史偓传贬濮州后即不甚详吾家所得偓诗皆以甲子厯厯自记有天祐二年乙丑在袁州

得人贺复除戎曹依旧承防诗又有丁卯年闻再除戎曹依前充职诗盖两召皆辞不赴也终身不食梁禄大节与司空表圣略相等惜乎唐史止书乙丑一召不为少发明之【石林集】韩偓流寓闽中所作诗仅传南台懷古一首云无那离肠日九回强舒懷抱立高台中华地向天边尽南国云从岛上来四序有花长见雨一冬无雪却闻雷离宫紫气生冠冕却望扶桑病眼开偓卒于闽其子寅亮与郑文寶言偓捐館日温陵帅闻其家藏箱笥颇多而緘鏽甚固发观得烧残龙凤烛金缕红巾百余条蜡泪尚新巾香犹郁乃偓为学士日视草金銮夜还翰苑当时皆宫人秉烛以送悉藏之又文寶少游于延平见一老尼亦說斯事尼乃偓之妾耳第未攷偓葬于何所也【笔精】韩偓诗极清丽有手写诗百余篇在其四世孙奕处偓天复中避地泉州之南安子孙遂家焉广厯中余过南安见奕出其手集字极淳古可爱后诣阙献之以其忠臣之裔得司土叅军终于殿中丞余在京师见偓送防光上人诗亦墨迹也与此无异【梦溪笔谈】

偓自号玉山樵人所着歌诗颇多其间绮丽得意者数百篇脍炙人口或乐工配入声律粉墙椒壁窃咏者不可胜计行书亦可喜题懷素草书诗云怪石防秋涧寒藤挂古松若教临水畔字字恐成龙非潜心字学作语不能逮此【宣和书谱】

钓龙台上有盘石越王余善钓白龙处也又名越王台韩偓流寓闽中题诗云无那离肠日九迴强舒懷抱立高台九华地向城边尽外国云从岛上来四序有花常见雨一冬无雪却闻雷离宫紫气生冠冕试望扶桑病眼开【竹 杂录】

韩偓昭宗时为翰林学士承防颇与国论为崔 朱全忠所不容谪濮州司马其后复官不敢入朝挈其旋依闽中王审知尝道沙阳寓居天王院者歲余与老僧蕴明善以诗赠之至后唐时邑令张僚为之记叙偓始末甚详且述唐末乱离之事颇与唐史合余来沙阳闻之窃欲一观而其碑因寺中废为有力者取去秘不示人久之始得见其副本感而赋之且錄偓诗卷中传诸好事者云偶访明公大德赠长句四韵前翰林学士承防户部侍郎知制诰韩偓上寸发如霜袒右肩倚肩筇竹貌怡然悬灯深屋夜分坐移榻向阳斋后眠刮膜且扬三毒谕摄心徐指二宗禅清凉药分能知否各自胸中有醴泉词臣谪去墮天南诗墨从来榜寺檐好事不须收拾去世间遗集有香奁【李忠定梁溪集】

韩致光吴子华皆唐末词臣位望通显虽国蹙主辱而赋咏唱和不辍存于集者不过流连光景之语如感时伤事之作絕未之见当时公卿大臣往往皆如此【后邨诗话】致光昭宗时以翰林承防谪岭表道湖南谢人 含桃诗云金銮歲歲长宣赐忍泪看天忆帝都自注云每歲初进之后先宣赐学士韩子苍谢人 茶云白发前朝旧史官风炉煮茗暮江寒苍龙不复从天下拭泪看君小凤团意本致光而语益工【复斋漫录】

余溺章句信有年矣诚知非丈夫所为不能忘情天所赋也自庚辰辛巳之际迄辛丑庚子之间所着歌诗不啻千首其间以绮丽得意者亦数百篇往往在士大夫之口或乐工配入声律粉墙椒壁斜行小字窃咏者不可胜计大盗入關緡帙都坠迁徙不常厥居求生草莽之中岂复以吟讽为意或天涯逢旧识或避地遇故人醉咏之暇时及拙唱自尔鸠辑复得百篇不忍

弃捐随时编録遐思宫体未敢称庾信攻文却谄玉台何必倩徐陵作叙粗得捧心之态幸无折齿之惭柳巷青楼未尝糠粃金闺绣户始预风流咀五色之灵芝香生九窍咽三危之瑞露春动七情如有责其不经亦望以功掩过翰林学士承防行尚书户部侍郎知制诰韩偓序【香奁集自序】

余自辛酉歲戏作无题十四韵故奉常王公相国首于继和故内翰吴侍郎融令狐舍人涣阁下刘舍人崇誉吏部王员外涣相次属和余因作第二首却寄诸公二内翰及小天亦再和余复作第三首二内翰亦三和王公一首王小天二首二学士各三首余又倒押旧韵成第四首二学士笑谓余曰谨防降旗何妍如是也遂絕笔是歲十月末余在内直一旦兵起随驾西狩文稿咸弃更无子遗丙寅年九月在福建寓止有前东都度支院蕪端公挈余沦落诗稿见授中得无题一首因追味旧作缺亡甚多惟第二第四首彷彿可记其第三首才得数句而已今亦依次编之以俟他时偶获全本余五人所和不复忆省矣【香奁集无题诗序】

世传香奁集江南韩熙载所为误沈存中笔谈又谓晋相和凝所为后贵恶其侧艳嫁名于偓亦非也余家有唐吴融诗一集其中有和韩致尧无题三首与香奁集中无题韵正同而偓序中亦具载其事又余曾在温陵于偓裔孙駟处见偓亲书所作诗一卷虽纸墨昏淡而字画宛然其袅娜多情春尽等诗多在卷中此可验矣偓富于才情词致婉丽能道人意外事固非凝所及据非梦琐言云凝少年好为小词令布于汴洛泊作相专令人收拾焚毁契丹入寇号为曲子相公然则凝虽有集名香奁与偓同乃浮艳小词耳安得便以今世所行香奁集为凝作耶【石林集】

韩偓香奁集百篇皆艳体也沈存中笔谈云乃和凝所作凝后贵悔其少作故嫁名韩偓耳今香奁集有无题诗序云余辛酉年戏作无题诗十四韵故奉常王公内翰吴公舍人令狐涣相次属和是歲十月一旦兵起随驾西狩文稿咸弃丙寅歲在福建有苏曄以稿见授得无题诗因追咏旧诗缺亡甚多余按唐书韩偓传偓尝与崔嗣定防诛刘季述昭宗反正为功臣与令狐涣同为中书舍人其后韩全海等劫帝西幸偓夜追及鄆见帝恸哭至凤翔迁兵部侍郎天祐二年挈其族依王审知而卒以纪运圖攷之辛酉乃昭宗天复元年丙寅乃哀帝天祐二年其序所谓丙寅歲在福建有苏曄授其稿则正依王审知之时也稽之于传与序无一不合者则此集韩偓所作无疑而笔谈以为和凝嫁名于偓特未攷其详耳笔谈云偓又有诗百篇在其四世孙奕处见之岂非旧诗之缺亡者乎【韵语阳秋】

致光笔端甚高唐之将亡与吴融诗律皆全不似晚唐善用事极忠愤惟香奁之作词工格卑岂非世事已不可救姑流连荒亡以纾其忧乎【瀛奎律髓】

香奁之作为韩偓无疑也或以为和凝之作嫁名于韩刘潜夫误信之攷诸同时吴融集有依韵唱和者何可掩哉海淫之言不以为耻非唐之衰而然乎【瀛奎律髓】高秀实云元氏艳诗丽而有骨韩偓香奁集丽而无骨时李端叔意喜韩偓诗诵其序云咀五色之灵芝香生九窍咽三危之瑞露美动七情秀实云劝不得也劝不得也【彦周诗话】

韩偓诗牕里日光飞野马案头筠管长蒲芦上句谓牕隙日影中多见飞尘人犹易解至次句则案头竹管岂长芦苇耶便相顾错愕按中庸夫政也者蒲芦也旧注蒲芦是蜾蠃名尔雅云即细腰蜂也蜾蠃取螟蛉纳书案笔管间以泥封之阅数日而化为蜾蠃其以之证政举者正以言民化之易也是以家语曰天道敏生人道敏政地道敏树夫政也者蒲芦也待化而成其着待化而成四字明明解敏政之譬此夫子自言之且自注之者自宋人作章句改芦为芦以蒲苇当之则不惟中庸家语尔雅毛诗俱不能解即韩冬郎一七字诗亦无解处矣嗟夫读经读诗皆不可无学如此【西河诗话】

香奁集云后魏时相州人作李波小妹歌疑其未备因补之李波小妹字雍容窄衣短袖蛩锦红未解有情梦梁苑何曾自媚妬吴宫谁教牵引知酒味因令怅望成春慵海棠花前秋千畔背人掩鬓道忽忽韩偓所补似言闺房之意大非其实北史广平人李波宗族强盛残掠不已百姓语云李波小妹字雍容褰裾逐马如卷蓬左射右射必叠双妇女尚如此男子安可逢李安世设方畧诱杀之州内肃然【西溪丛话】

韩偓诗鹅儿唼喋梳黄嘴凤子轻盈腻粉腰不识凤子定是何物有问予姑以蝶应之问者依违而已退念藏书万数不能贮心亦病也徐悟乃崔豹古今注耳谓蛱蝶大者为凤子【金玉诗话】

子规人但知其为催春归去之鸟盖因其声曰归去了故又名思归鸟而不知亦为先春而鸣之鸟史记历书百草奋兴姊规先喈索隐曰子规春气发动则先出野泽而鸣是也韩致光春恨诗残梦依依酒力余城头批颊伴啼乌批颊鸟即鹎鵂也催明之鸟【留青日札】

唐卢延逊诗树上谿谿批颊鸟牕间壁剥叩头虫王半山诗翳木窥转黍借草听批颊元人送春诗批颊穿林叫新绿韩致光春恨诗云残梦依依酒力余城头批颊伴啼乌平明乍卷西楼幙院静初闻放辘轳批颊盖鸟名但不详为何形状耳或曰即鹎鵂也催明之鸟【丹铅总录】韩偓诗云洞门深闭不曾开横卧乌龙作妒媒又云柏风不动乌龙睡时有幽禽自唤名又云遥知小阁还斜照美杀乌龙卧锦茵祝镒子权贤良穷探古诗无不贯通一日问余曰韩致光诗用乌龙为何事余答曰乐天元和微之梦春游诗云乌龙卧不惊青龙飞相逐当是犬尔子权曰何所据余戏之曰岂不闻俚语云拜狗作乌龙后阅沈汾续仙传云韦善俊携一犬号乌龙化为龙乘之飞升而去乐天致光诗未必不用此事【槁简赘笔】北都使宅旧有过马防按唐韩偓诗云外使进鹰初得按中官过马不教嘶注云乘马必中官驭以进谓之过马既乘之然后蹀躞嘶鸣也盖唐方镇亦效之因而名防事也【温公诗话】

墨庄漫录云妇人之缠足起于近世南史齐东昏侯为潘贵妃凿金为莲花以帖地令妃行其上曰此步步生莲花然亦不言其弓小也如古乐府玉台新咏皆六朝词人纤艳之言类多体状美人容色姝丽及言妆饰之华眉目唇口要支手指之类无一言称缠足者如唐杜牧李白李商隐之辈作诗多言闺帏之事亦无及之者韩偓香奁集咏屣子诗云六寸肤圆光致致唐尺短以今较之亦自小也而不言其弓惟道山新闻云李后主宫嫔窈娘纤丽善舞后主作金莲高六尺饰以宝物细带纓络莲中作品色瑞莲令窈娘以帛缠脚令纤小屈上作新月状素

袜舞云中回旋有凌云之态唐镐诗曰莲中花更好云里月长新因宵娘作也由是人皆效之以纖弓为妙以此知扎脚自五代以来方为之【辍耕錄】妇人纏足不知始自何时或云始于齐东昏然余向年观唐文皇长孙后绣履圖则与男子无异又见则天后画像其芳趺亦不下长孙可见唐初大抵俱然唯大厯中夏侯审咏被中睡鞋云云里蟾钩落凤窝玉郎沉醉也摩挲盖弓足始见此至杜牧诗云细尺才量减四分纖纖玉笋裹轻云又韩偓诗云六寸肤圓光致致唐尺只抵今制七寸则六寸当为今四寸二分亦弓足之寻常者矣因思此法当始于唐之中叶今又传南唐后主为宫婢宵娘作新月樣以为始此似亦未然也【野获编】韩致光诗白玉堂东遥见后令人评泊画杨妃李子田云评泊者论贬人是非人也今作评驳者非近诸本或作斗薄或转讹徙薄殊无意义万首絕句本作评泊当犹近古【池非偶谈】

梅圣俞河豚诗云春防飞杨花永叔谓河豚食杨花则肥韩偓诗柳絮覆溪鱼正肥大抵鱼食杨花则肥不必河豚也【诗话总 】

韩致光湖南食櫻桃诗云苦笋恐难同象匕酪浆无复莹蟾珠自注云秦中谓三月为櫻笋时乃知李綽秦中歲时纪所谓四月十五日自堂厨至百司厨通谓之櫻笋厨非妄也陈无已春懷诗云老形已具臂膝痛春事无多櫻笋来【能改斋漫錄】

李贺桃花乱落如红雨韩偓杏花飘雪小桃红桃花红而长吉以雨比之杏花红而致光以雪比之皆可为善用不拘拘于故常者所以为奇不然则柳雪李月梨雪桃霞谁不能道【留青日札】

杜子美云鱼吹细浪摇歌扇李洞云鱼摇清影上帘栊韩偓云池面鱼吹柳絮行此三句皆言鱼戏而韩为优【扞虱新语】

五七言絕句最少而最难工虽作者亦难得四句全好者晚唐人与王介甫最工于此如韩偓云昨夜三更雨临明一阵寒薔薇花在否侧卧卷帘看四句皆好【诚斋诗话】农圃家风渔樵乐事唐人絕句摸写精矣余摘十首题壁间每菜羹豆饭后啜苦茗一杯偃卧松牕竹榻间令儿童吟诵数过自谓胜如吹竹弹丝今记于此韩偓云闻說经旬不啓闕药牕谁伴醉开顏夜来雪压前村竹剩看溪南几尺山又云万里清江万里天一村桑柘一村烟渔翁醉着无人唤过午醒来雪满船长孙佐辅云独访山家歇还涉茅屋斜连隔松叶主人闻语未开门绕篱野菜飞黄蝶薛能云邵平 地接吾庐谷雨干时偶自耰昨夜春风欺不在就床吹落读残书韦庄云南隣酒熟爱相招蘸甲倾来綠满瓢一醉不知三日事任他童穉作渔樵杜荀鹤云山雨溪风卷钓丝瓦瓯篷底独斟时醉来睡着无人唤流下前滩也不知陆 蒙云雨后沙虚古防崩渔梁携入乱云层归时月落汀洲暗认得山家结网灯郑谷云白头波上白头翁家逐船移浦浦风一尺鲈鱼新钓得儿孙吹火荻花中李商隐云城郭休过识者稀哀猿啼处有柴扉沧江白石渔家路薄暮归来雨湿衣张演云鹅湖山下稻粱肥豚栅鸡栖对掩扉桑柘影斜春社散家家扶得醉人归【鹤林玉露】松江诗话曰有松棚诗一聯采来犹带烟霞气月明满地金钗细以为佳句恨不见全篇仆谓月照松影但见参差黑影耳安知其为金钗松叶比之金钗者谓架上月照映则不可谓地上之影也不如曰月明满架金钗细此语为得前辈谓

退之聯句中竹影金 碎之语所谓金 碎者非直谓竹影也谓竹间之日影耳以此验之益信仆之說为然韩偓诗曰长松夜落钗千股此语无病李涉诗曰疎林透明月散乱金光滴此正退之竹影金 碎【野客丛书】

咏浴诗初似洗花难抑按终忧沃雪不胜任岂知侍女帘帷外賸取君王几饼金按赵后外传昭仪浴帝窃观之令侍女勿言投赠以金一浴赐百饼此诗尚有所讽谓世之为君者亦惑乎此也【瀛奎律髓】

意有余而不及于防则风懷之作犹之可也书妇人之言于雅什不已卑乎故香奁之作唯取七言律六首此诗仙树有花难问种御香闻气不知名句佳尾句太猥【瀛奎律髓】

凡写迷离之况者止须述景如小牕斜日到芭蕉半床斜月疎钟后不言愁而愁自见因思韩致光空楼鴈一声迷屏灯半灭已足色悲凉何必又贅眉山正愁絶耶觉首篇时复见残灯和烟坠金穗如此结句更自含情无限【花草蒙拾】

诗有销魂者三香奁集其一也夫销魂者即壞心田之谓也其曰打叠红笺书恨字与奴方便寄卿卿诗媒词逗也其曰但得暂从人繾綣何妨长任月朦朧逾墙钻穴也其曰最是断肠禁不得残灯影里梦初回旦气桎亡也其曰欲把禅心销此病破除才尽又重生 至恶不悛也闻之必增益 至邪之念故当以绮语为戒【坚瓠集】飞燕于太液池歌归风送遠之曲酒酣风起扬袖曰仙乎仙乎帝令冯无方持后裾翬为之约唐人艳句余暖恋香鞦读之心妒况持湘江六幅耶然宫奴赤凤早并温柔乡窃之【蓉槎蠡說】

余尝爱韩致光宫词云绣裙斜立正销魂宫女移灯掩殿门燕子不归花着雨春风应是怨黄昏【侯鯖錄】

致光醉着絕句云万里清江万里天一村花柳一村烟渔翁醉着无人唤过午醒来雪满船葛亚卿集句云万里清江万里天一村桑柘一村烟渔翁醉睡眠未醒高唱夕阳孤岛边前辈集句诗每一句取一家诗今亚卿全用致光前两句极为无味又后两句不是好句不称前两句岂若致光之浑成也杜荀鹤亦有溪兴絕句曰山雨溪风卷钓丝瓦瓯篷底独斟时醉来睡着无人唤流下前溪也不知语句俱弱亦不若致光之雅健也【渔隱丛话】

丙戌之冬余初病起深居简出终日曝背晴檐万事不到自以荆公所选唐百家诗反复熟味之虽无豪放之气而有修整之功高为不及卑复有余适中而已荆公谓欲观唐人诗观此足矣诎不然乎集中佳句所以称道者不复錄出唯余别所喜者命儿辈笔之以备遗忘七言六聯韩偓残春云树头蜂抱花须落池面鱼吹柳絮行又云细水流花归别涧断云含雨入孤村又访王同年村居云门庭野水防襜鹭邻里断墙唧唧鸡吴融闲望云三防五防映山雨一枝两枝临水花许浑山居云龙归晓洞云犹湿麝过春山草自香崔櫓春日云杏酪渐香隣舍粥榆烟欲变旧炉灰【渔隱丛话】

闲之为义或曰月到门庭方是闲也古皆从日与间同其音稍异耳闲亦人之所难得者杜牧之有云不是闲人闲不得愿为闲客此闲行吴兴因建得闲亭余性极爱闲而闲中不能静处寻诗问酒灌卉调禽实无闲时因忆韩致光有诗云书墙暗记移花日洗瓮先知醖酒期须信闲人有忙事早来冲雨觅渔师玉山樵人可谓同调矣【留青日札】

闽中壤狭田少山麓皆治为陇亩昔人所谓礲田也防乱以来逃亡略尽礲田芜秽尽矣余寒食登邵武诗话楼诗有遗令不须仍禁火四郊茆舍久无烟之句及观唐韩偓过闽中有千村冷落如寒食不见人烟只见花之句明张式之抚闽亦有除夜不须烧爆竹四山烽火照人红之句千古有同悲也【闽小纪】

徐寅

徐寅莆田人干宁中进士海内多故依王审知叹曰丈尺之水安能容万斛之舟隐居终身其妻字月君有赠内诗中一聯神传尊圣陀罗呪佛授金刚般若经即此堪偕隱者矣寅有探龙钓矶二集作诗甚多中以东西南北为题【涌幢小品】

延壽溪唐徐正字寅隱此溪有延壽桥桥北有石微露者寅钓矶也有潭名徐潭亦以寅故寅常作斩蛇及人生几何二赋渤海高元固入闽求识之言其国得其二赋家家以泥金书幃及隱此自赋诗云赋就神都振大名斩蛇工与乐天争归来延壽溪头住终日无人问一声刘克庄溪潭诗有门外青山皆我有从今不必唤徐潭之句夜梦寅拊背云我昔胜君昔君今胜我今有 还有替何必苦相侵良一异也【闽书】

余友贡士徐君端衡请跋其八世祖讳昶雍熙端拱二诰余既着语于雍熙之后矣因问贡士家谱君曰本徐彦伯之后彦伯见唐史与苏味道李峤崔融同时以文章擅名彦伯生务天寶末避乱入闽居泉州莆田县崇仁里徐村务生在防始居延壽又五传至先辈是为延壽之徐先辈晚年有归来延壽溪头坐终日无人问一声之句今钓矶草堂犹存至曾孙以俸薄能廉官卑不屈为词臣王黄州所称盖徐氏自彦伯后种诗书遗子孙绵绵不絕贡士于先辈为十一世祖于曹州郡掾为八世祖词章似先辈操履似郡掾其渊源所渐遠矣复书此于端拱诰之后【后村题防】

黄巷山唐较书黄璞所居山也璞家在福州人名其居巷曰黄巷后避黄巢寇徙是山下尚以黄巷名之徐寅黄较书闲居诗取得骊龙第四珠退依僧寺卜贫居青山入眼不干禄白发盈头犹著书【闽书】

徐寅先辈诗如丰年甲子春无雨良夜庚申夏足眠身闲不厌常来客年老偏怜最小儿又五言岁计悬僧债以此知闽人苦贫贷僧而取其息自唐末已然矣【刘后邨集】

黄滔

黄滔字文江干宁二年进士除四门博士朱梁移国因归闽不复西以监察御史里行充威武军节度推官王审知据有全闽而终其身为节将者滔规正有力焉中州名士避地于闽者若李绚韩偓王洙崔道融王标夏侯淑王拯杨承休杨赞图王偁归传懿辈悉主于滔有泉山秀句集及文集行世洪迈序滔文赡蔚典则防扶教化诗清淳丰润若与人对语郁郁有贞元长庆风祭陈林先辈诸文悲怆激越马嵬舘娃景阳水殿诸赋雄新隲永使人读之如身生是时目摄其故杨万里称滔诗如闻新鴈一声初触梦半白已侵头余灯依古壁片月下沧洲游东林寺寒三伏雨松偃数朝枝上李补阙谏草封山药朝衣施衲僧退居诗青山寒带雨古木夜啼猿与韩偓吴融辈并游未知何人徐行后长者也【闽书】囊山形如悬囊僧涅槃隐其下曰囊山院庙阶甚为宏壮外有放生池唐黄滔诗山有重囊势门开两径斜溪声寒走防海色月流沙庵外曾游虎堂中旧雨花不知遗防地一一落谁家【闽书】

天祐元年翁承赞以右拾遗授诏册王审知为琅琊王赐金紫以行易其乡名里号曰文秀光贤书锦黄滔赠以诗有建水闽山无故事长卿严助是前身之语梁开平四年复为闽王册礼副使滔复赠诗曰衣锦还乡翻是客廻车谒帝却为归【闽书】

俗传罗隐出语成防着有异迹若罗裳山之画马石深沪之石壁山书字及建安书简滩所载余初尚未信其果此罗隐与否及读杨文敏书简滩记已稍信之因阅黄滔赠隐诗三征不起时贤议九转终成道者言方知隐学道修真人也【闽书】

茅鹿门先生晚喜作诗自称半路修行语多率易次子国缙登第喜而口占曰堂前正索千金赏门外高悬五丈旗闻者皆笑然黄滔已先之矣滔放榜诗曰白马嘶风三十簪朱门秉烛一千家御试曰九华灯作三条烛万乘君悬四首题以古準今如出一手然则先生未可笑也【涌幢小品】

黄滔省试内出白鹿宣示百官诗上瑞何曾乏毛羣表色难推于五灵少宣示百寮观形夺场驹洁光交月兔寒已驯瑶草列孤立雪花团戴豸慚端士抽毫跃史官贵臣歌咏日皆作白麟看又省试奉诏涨曲江池地脉寒来浅恩波注后新引将诸水别贮大都春幽咽疏通处清冷进入辰渐平连杏防旋濶映梅津沙没迷行径洲宽恣跃鳞愿当舟楫便一附济川人此题一本无省试字且云诏字当是试字之误按唐制登进士后又有试名奉试前崔曙荆冬倩皆有奉试题是也且此试不用题韵似特试者况省试二字亦决有误按此题注干符二年在僖宗朝而前内出白鹿题注干宁二年在昭宗朝则自干符至干宁约二十余年未有干符既中省试而复赴干宁省试者也此必有一试系制试或奉试而题误注作省字耳然不可考矣【唐人试帖】

崔道融

崔道融荆州人以征辟为永嘉令累官右补阙避地来闽依太祖未防病卒道融素与黄滔善其卒也滔为文祭之有云识通防耀握灵珠国风骚雅王佐谋訏袁安之涕泣然刘氏之宗祧莫扶【十国春秋】

杨诚斋爱唐人崔道融咏梅云香中别有韵清极不知寒方虚谷云惜不见全篇余近见杂钞唐诗册子此首适全今载之数萼初含雪孤标画本难香中别有韵清极不知寒横笛和愁听斜枝倚病看朔风如解意容易莫摧残因思古人诗文前代不传或又出于后未可知也如蒲城县李邕书云麾将军碑已为人防断正德中刘东阜谪居蒲城乃用铁一束之复完饶州荐福寺碑宋代为雷所轰近日商人取其三段合为一尚可印摹吁亦奇事矣【丹铅录】

唐崔道融题班婕妤曰宠极辞同辇恩深弃后宫自题秋扇后不敢怨春风曹邴题庭草曰庭草根自浅造化无遗功低回一寸心不敢怨春风元陈自堂题春风曰着柳成新绿吹桃作故红衰颜与华发不敢怨春风三诗句意相似而工拙自异首诗婉转含蕴着题说到不怨处第二诗婉转亦工似无蕴借矣第三诗直致全无唐人气味若曰元诗巧而成唐晚风信乎哉【七修类稿】

陆希声

古之善书鲜有得笔法者希声得之凡五事撇押钩格抵用笔双钩则点画遒劲而尽妙矣谓之拨镫法希声自言昔二王皆传此法至阳冰亦得之希声以授沙门防光防光入长安为翰林供奉得幸于昭宗希声犹未达以诗寄防光云笔下龙蛇似有神天池雷雨变逡巡寄言昔日不 手应念江湖洴澼人防光感其言引荐遂得召后至相其力也【唐诗纪事】

陈谊

陈谊吉州人题螺江庙云庙里杉松萧飒风庙前江水碧溶溶凭栏不见当时事落日远山千万重太平兴国中史馆学士张齐贤出为本道转运使至其庙览留题诗牌甚多俱打去独留谊诗方知名【郡阁雅谈】

印粲

陈后山云欧阳公谓袖中谏草朝天去头上宫花侍燕归诚为佳句但进谏必以章疏无直用藁草之理按此诗乃太宗朝王操投赠李昉相国诗不若印粲与徐翰林诗云谏草未上先焚草御笔曾传立制麻粲五代人然余见雅言系述载操诗乃诏草非谏字【能改斋漫录】

翁承赞

承赞字文饶福清人举唐干宁三年进士累官右拾遗户部员外郎后失节为梁谏议大夫自号狎鸥公有诗集一卷见唐书艺文志并昼锦集宏词前后集共二十卷俱轶不传余家收得册封闽王时律诗三十余首中多佳句如牕含孤岫影牧卧断霞阴早凉生户牖孤月照闌河参差鴈阵天初碧寥落渔家蓼欲红长淮月上鱼翻鬣荒渚人稀獭印蹄松都旧日门人种路是前朝禅子开诚晚唐作手也【榕陰新检】

翁承贊唐末为谏议大夫使福州至剑浦见旧识僧亚栖赠诗云萧萧风雨建阳溪溪畔维舟见亚栖一轴新诗剑潭北十年旧识华山西吟魂惜向江村老空性原知世路迷应笑乘轺青客此时无暇听猿啼【鉴戒录】俗云槐花黄举子忙翁承贊诗云雨中妆点望中黄勾引蝉声送夕阳忆得当年随计吏马蹄终日为君忙乃知俗语亦有所自也【诗话总】

出宁越门二里曰横山迤西南为惠泽山一名独山为南台山崇阜屹立俯瞰巨潭台上可坐百余人旧记越王余善钓得白龙于此遂筑台表瑞台高四丈周回三十六步名钓龙台今市防矣有宋米芾书全闽第一江山赵汝愚 古南台皆刻石上台西有灵沟庙其地故名洪沟有隄名新丰市堤唐翁承贊册封闽王审知还朝于此饯别承贊诗有登云楼上方停乐新市堤边又举杯之句【闽书】

顏仁郁

顏仁郁泉州人仕闽为归德场长时土荒民散仁郁抚之一年襁负至二年田莱辟闢三歲而民用足有诗百篇宛转回曲厯道人情邑人途歌巷唱之号顏长官诗其劝农诗日夜半呼儿趁晓耕羸牛无力渐艰行时人不识农家苦将谓田中穀自生【十国春秋】

龙寻邑东有顏长官仁郁祠长官五代时能抚循其民使不见兵革龙寻志所刻诗百篇皆道民疾苦皇皇不给之状余生三百年后奉天子命字兹邑首谒祠下因次韵以寄甘棠之思且使来者知我爱桐乡之意云【龙寻藁】

杨鳧

杨鳧字鳧之闽人山中云背日流泉生冻早逆风归鸟入巢迟【雅言系述】

陈嵩

永福之澄潭山去城六十里五代时陈嵩居此嵩尝出游有辞父墓诗云高盖山头日影微野风吹动纸钱飞坟前滴酒空垂泪不见丁宁道早归万首唐人絕句又作陈去疾诗按大明一统志载此诗于南安县高盖山下以为欧阳詹所作阅欧阳集无载乃知纂修当有攷也【闽书】

詹敦仁

詹敦仁字君泽避乱隱仙游植德峰下上闽主继鹏书累数百言继鹏召之饮且欲留之命决叅军事敦仁谢以诗有周粟纵荣宁忍食草庐频顾漫劳思句强以袍笏不受已复杜门不出清源节度使留从效再辟之乃求监小溪场既至请升场为县未几举王直道自代隱居佛耳山自号清隱【十国春秋】

闽詹敦仁复留从效问刘俨改名防字音义诗云伏羲初画卦苍氏乃制字点画有偏傍阴阳贵协比古者不嫌名周人始称讳始讳犹未酷后习转多忌或援他代易或变文迴避滥觞久滋蔓伤心日益炽孙休命子名吴国尊王意 苗□□僻鉅品 防异梁复踵已非时亦迹旧事防杰自其一 闽是其二鄙哉仇防名陋矣戮防义大唐有天下武后拥神器私制迄无取古音实相类□□□囧○□□□□峯□囧及罍□作史难详备唐 值倾危刘防懷僭伪吁嗟毒蛟辈睥睨飞龙位防俨虽同音形体殊乖致废学媿未 来问辱不弃奇字难雄博摘文伏韩智因诵鄙所闻敢布诸下吏从效得诗大加叹服【清源文献志】

刘乙

凤山安溪縣主山也五代刘乙隱其下乙字子真不知何许人仕闽为凤阁舍人后隱是山与周朴詹君泽友所为诗有扫石云随帚耕山鸟傍人之句君泽尝遣子排访之贈以诗扫石耕山旧子真布衣草履自随身石崖壁立題诗处知是当年凤阁人观君泽所贈乙诗乙盖高士也【閩書】

南安九日山山麓有寺曰延福晋太康中所剏去山二里许其移山麓则唐大历三年寺额欧阳四门所书也五代刘乙诗曾见画圖劳健羨如今亲见画犹粗山之胜故可见矣寺故五十有四宋元丰间合为延福禅寺云【閩書】

黄子棱

世以考亭称文公余癸巳陪巡过建阳宿麻沙见晦翁后人所藏家谱知考亭是黄氏之亭后从徐存永得见黄诗按五季乱黄端公子棱随父礼部尚书入闽见建阳山水秀丽遂家焉子棱诗云青山水笏尚初官未老金鱼是等闲世上几多名将相门前无此好溪山市楼晚日红高下客艇春波綠往还人过小桥频指点全家都在画图间歿而葬于三桂里子棱乃筑亭于半山以望其考因名曰望考文公居近其地世因以考亭称之以地称人可也以他人之考称文公于理甚悖然公在日实无以此称之者后人误谬急当改正【閩小紀】

唐末侍御史黄子棱自洛阳寓居建阳东观山筑亭以望其父之墓曰望考亭因以名里朱文公之父韦斋先生爱建阳山水未及卜居公筑考亭以承先志正取黄侍御之意后人专以考亭属文公侍御之名湮矣人过小桥频指点全家都在画圖间侍御诗中句【敬業堂詩注】

韦添

伪闽中书吏韦添天字谜云露头更一日真是艳阳根【清异錄】

刘昌言

刘昌言泉州人先仕陈洪进为幕客归朝愿补校官举进士三上始中第后判审官院未百日

为枢密副使时有言其太骤者太宗不聽言者不已乃谓昌言闽人语颇獠恐奏对间陛下难防太宗怒曰我自防得其脊如此然昌言极有才思当下第作诗落句云唯有夜来蝴蝶梦翩翩飞入刺桐花后为商州记室王禹偁赠诗曰年来复觉事堪嗟载笔商州鬓欲华酒好未陪红杏宴诗狂多忆刺桐花盖为是也刺桐花深红每一枝数十蓓蕾而叶颇大类桐故谓之刺桐唯闽中有之【青箱杂记】世人尝言一举首登龙虎榜十年身到凤凰池之句不知此乃宋太宗朝泉州刘昌言上吕蒙正诗也重名清望遍华夷恐是神仙不可知一举首登龙虎榜十年身到凤凰池庙堂只似无言者门館长如未贵时除却洛京居守外圣朝贤相复书谁昌言仕至工部侍郎尝献圣德诗五十韵得君之盛未有其比【闽小纪】

滑稽子

闽士赴科临川人赴调防京师旗亭各举乡产闽士曰我土荔子真压枝天子钉坐真人天下安有并驾者抚人不识荔枝之未腊者故盛主杨梅闽士不忿遂成喧竞旁有滑稽子徐为一絕云闽乡玉女含香雪吴会星郎驾火云草木无情争底事青明经对赤叅军【清异錄】

五代诗话卷七

楚荆南

廖圖

廖圖字贊禹防州人文学博瞻为时辈所服湖南马氏辟幕下奏天防府学士与刘昭禹李
臯徐仲雅蔡昆韦鼎释虚中齐已俱以文藻知名更唱迭和今有集行于世贈上人云暂把枯
藤倚壁根禅堂初翺楚江濱直疑松小难留鹤未信山低住得云草接寺桥牛笛近日衔村树
鸟行分每来共忆曾游处万壑泉声絕顶闻贈沈彬云防鸿迹在烟霞上燕雀休夸大厦巢名
利最为浮世重古今能有几人抛逼真但使心无着混俗何妨手强抄深喜卜居连岳色水边
松下得论交齐已寓渚宫与圖相去千里而每有书临终寄圖兄弟云僧外闲吟乐最清年登
八十防南荆风骚作者为商防道去碧云争几程【雅言杂錄】

廖圖在永州有江干感懷诗云正悲世上事无限细看水中尘更多【北梦 言】

刘昭禹

刘昭禹字休明婺州人少师林寬为诗刻苦不憚风雪有诗云句向夜深得心从天外归言不
虚耳懷萧山隱者云先生入太华杳杳絕良音秋梦有时见孤云无处寻神清峰顶立衣冷瀑
边吟应笑干名者六街尘土深【郡阁雅谈】

昭禹尝与人论诗曰五言如四十个贤人着一字如屠沽不得觅句者若掘得玉合子底必有
盖但精心求之必获其實在湖南累为宰后署天防府学士严州刺史卒于桂州幕中有诗三
百首【全唐诗话】

刘昭禹闻蝉云一雨一番晴山林冷落青莫侵残日噪正在异乡聽孤館宿漳浦扁舟离洞庭
年年当此际那免鬢凋零【雅言杂载】

昭禹有送休上人之衡岳经费冠卿旧居二章甚称于时昭禹善诗而好折节下贤一日见石
文德诗于坐中骇服曰君文苑之雄也力荐于文昭王同 天防府其虚懷多此类【十国春
秋】

毕田

罗汉缘后洞有草蔓结如带长丈余附木而生相传谓之罗汉缘华田诗云五百移栖絕洞深
空留辙迹杳难寻綠丝缘带何人施长到春来挂满林【湖湘故事】

香水湘中记云在县郭内其水甚香湘乡本名湘香以此水而名毕田诗云坎上浮圖已拂天

椒兰余馥尚依然九重无复修常贡空有香名与邑传神鼎山在湘陰东北絶顶有丹井上有巨人迹毕田诗玉趾分明印絶巔药成仙去几千年深藏寶鼎今方出合得丹经与世传大哀洲在湘陰县四十里博物志云舜崩于苍梧二女以泪挥竹竹尽成斑毕田诗玉輦南巡去不还翠蛾望断楚云间波寒剩写湘 怨露冷偏滋泪篠斑一水盈盈伤遠目九峰 惨愁顔荒洲千古凄凉地半掩空祠向暮山石霜山在浏阳南有崇胜禅寺昔普防禅师居众千余名其堂曰枯木廉使丞相裴公常留玉环象笏于此毕田诗石上泉华喷猛霜境竒因此辟禅場使君环笏留何用枯木千余满一堂擲鉢峰湘中山记云昔 思禅师居般若台常擲鉢乘之赴陈帝召毕田诗应将鉢渡鬪神通擲去乘时赴帝宫争似岭头提不起于今相续阐宗风凝碧在南岳石桥毕田诗四面山屏叠万重古嵐浓翠鎖寒空清秋独倚危阑立身在琉璃世界中朱陵洞口有泉飞下千仞名水帘毕田诗洞门千尺挂飞流玉碎珠聯冷喷秋今古不知谁卷得緑罗为带月为钩鹅羊山在长沙北二十里上有仙坛丹灶毕田诗羽客何年此炼丹尚留空灶镇孱顔云中鸡犬仙应遠山下鹅羊石转顽湘渚几因沧海变辽城无复令威还何年仙驭重来此尽遣飞腾上九關醉乡湘中别记云后汉有乡人忽醉经三昼夜言与天神共饮后任阳羨令俄仙去毕田诗三宿酣神耐乡名因此呼山中千日者自合是仙都【零陵总记】

王鼎

王鼎湖湘人字则之有洪州西山诗云林泉空有东西路风月难寻十二家议者谓必无名第后果然尝作鵑 诗云栖息应难止小池性灵闲雅众禽希蒲洲日暖依花立渔浦烟深贴浪飞遗羽参差沾水沫余踪稠叠印苔衣晚来林径微风起何处相呼着对归【诗话总 】【

李 臯

李 臯唐末八座善夷之子善夷左迁武陵卒后 臯为马氏拥入湖湘文昭王授学士每牋奏至京词臣降叹少攻诗题桃源云山翠参差水 茫秦人昔在楚封疆当时避世乾坤窄此地安家日月长草色几经坛杏老岩花犹带涧桃香他年倘遂平生志来着霞衣侍玉皇【雅言杂载】

一统志云铜柱在辰州府城西北一百一十里防溪城对江五代晋时溪州刺史彭士愁纳土求盟楚王马希范立铜柱为界学士李 臯为铭有云五溪之险不足恃我旅争登若平地五溪之众不足平我师轻蹶如春冰溪人畏威仍感惠纳质归名求立誓【通鉴纲目质实】

廖融

廖融字元素隱于衡山与逸人任鹄王正己陆蟾王元皆一时名士为诗相善湘守杨徽之代归阙枉道南岳宿融山斋留诗云清和春尚在欢醉日何长谷鸟随柯转庭花夺酒香初晴岩翠滴向晚树陰凉别有堪吟处相留宿草堂融赠天台逸人云移桧托禅子携家上赤城拂琴天籁寂欹枕海涛生雪白寒峰晚鸟歌春谷晴又闻求桂檝载月十洲行又题寺中古桧云何

人见植初老对梵王居山鬼暗栖托樵夫难破除声高秋汉迥影倒月潭虚尽日无僧绕清风长有余梦仙謡云琪树扶疎系辟邪麻姑夜宴紫皇家银河旌节摇波影珠阁笙箫吸月华翠凤引游三岛路赤龙齐到五云车星稀犹倚虹桥立拟就张骞搭汉槎退宫伎云神仙风格本难俦曾从前皇翠辇游红踟躕繁春殿暖碧芙蓉笑水宫秋寶车钿剥陰尘覆锦帟香销画烛幽一旦色衰归故里月明犹梦按梁州左司諫张观过衡山留诗云未向漆园为傲吏定应明代作征君传家弈世无金玉乐道经年有典坟带雨小舟横别涧隔花幽犬吠深云到头终为苍生起休恋畊烟楚水濱融卒刺史何承矩葬之进士郑鉉表其墓【郡阁雅谈】

廖融处士衡山人有诗云云穿 药屋雪压钓鱼船因自解曰屋破而云穿其中无人也船为雪压无用也后六十日果卒【诗话总 】

潘若冲

潘若冲罢桂林经南岳留鹤一只与廖融赠诗一章云峭格数年同楚兴一官才罢共船归稻粱少饲教长瘦羽翼无伤任遠飞侧耳聽吟侵静烛衔花作舞带斜晖朝天万里不将去留伴高人向钓矶又有诗寄融云秋来频梦岳云白别后应添鹤顶红后至维扬闻融与鹤相继而亡感赋絶句云南岳僧来共叹吁风亭月榭已荒芜先生去世无十日留伴高僧鹤亦徂【雅言杂载】

任鹄

任鹄字射已富有学问题君山云不碍扬帆路盘根压洞庭波涛四面白云雾一堆青鱼跃晴波动龙归石洞腥终期托名画为我簇为屏送王正已归山云五峰青拄天直下挂飞泉琴鹤同归去烟霞到处眠鼃跳霜叶径虎啸夕阳川独酌应懷我排空树影连【雅言杂载】

廖齐

廖齐父爽直尝为永州刺史齐后游零陵于民舍见父题壁感而成诗曰下马连声叩竹门主人何事感遗恩回头泣向儿童道重见甘棠旧子孙【青 后集】

王元

王元字文元桂林人贫病苦吟妻黄氏共持雅操每遇得句中夜必先起燃烛具纸笔元甚重之有聽琴诗云拂琴开素匣何事独顰眉古调俗不乐正声公自知寒泉出涧澁老桧倚风悲复有来聽者谁堪继子期【郡阁雅谈】登祝融峰诗云万叠到孤顶身齐高鸟翔势疑撞翼軫翠欲滴潇湘云湿幽崖滑风梳古木香晴空聊纵目杳杳极穷荒题邓真人遗址云三千功满轻升去留得山前旧隱基但见白云常掩映不知人世几兴衰松梢风触霓旌动防叶霜沾鹤翅垂近代无人寻异事野泉喷月泻秋池赠廖融云伴行惟瘦鹤寻寺入深云【雅言系述】元有吊贾岛句云江城卖药常将鹤古寺看碑不下驴【唐宋遗史】

李韶

李韶郴州人苦吟固穷题司空山观云梁代真人上紫微水盘山脚五云飞杉松老尽无消息犹得千年一度归识者谓韶必无名果如其言王元悼之云韶也命何奇生前与世违贫栖古梵刹终着旧麻衣雅句僧抄遍孤坟客吊稀故园今孰在应见梦中归【雅言系述】

翁宏

翁宏字大举桂岭人寓居韶贤间不仕能诗宫词云又是春残也如何出翠帏落花人独立微雨燕双飞寓目魂将断经年梦亦非那堪向秋夕萧飒暮蝉辉秋风云又是秋残也无聊意若何客程江外远归思夜深多岷首飞黄叶湘滨走白波仍闻汉都防今岁合休戈塞上曲云风高弓力大霜重角声干海山云客防来异域别岛落蟠桃中秋月云寒清万国土冷鬪四维根晓月云漏光残井甃缺影背山椒送人下峡云万木残秋里孤舟半夜猿南越行云因寻卖珠客悞入射猿家细雨云何处残春夜和花落故宫途中逢故人云孤舟半夜雨上国十年心衡山处士廖融南游宏有诗云病卧瘴云间莓苔渍竹闌孤吟牛渚月老忆洞庭山壮志潜消尽淳风竟未还今朝忽相遇执手一开颜宏以百篇示融融谢云高奇一百篇见造化工全积思游沧海防搜入洞天神珠迷防象瑞玉失雕防休叹不得力离骚万古传王元懷宏云独夜思君切无人知此情沧洲归未得华发别来生孤馆木初落高空月正明远书多隔岁犹念没前程【雅言系述】

裴谐

桂州有裴谐者唐人裴說之弟武穆王时隱于桂岭工歌咏湘江吟云风回山火断潮落水崖高佳句也【十国春秋】

石文德

石文德连州人形质寝陋短小酷好学博览坟史经目不忘常读范 后汉书摘其瑕璽数百条辨驳之识者谓史通不能过也素不善草 诗律一日得晋帖数纸及阅殷璠诗选极力摹仿久之迺出俦辈遂工于诗遨游湘汉间无所知名文昭王时僦屋长沙累献诗巧用王以貌寝故不加礼文德用是颇穷悴防有南宅王子者素重士延致门下王怒甚欲庭辱文德而逐之未几值端午宴集文德赋艾虎长篇学士刘昭禹见之为大称许力言于王王亦未之奇也秦国夫人薨天防学士辈各撰挽词以进文德亦献十余章其一云月沉湘浦冷花谢汉宫秋王得诗大惊曰文德负此才吾但以貌而忽之乃不如南宫小儿却能知人邪遂品为挽歌第一承制授水部员外郎甚亲重之名其乡曰儒林它日防燕长春堂王出玉杯赏赋诗者李 皐诗先成得之文德继进加美焉王复赉以玉蟾滴由是诸学士多疾其能寻中谗出为融州刺史【十国春秋】

何仲举

何仲举营道人也美姿容俊迈絶伦少时母常梦挟仲举入月年十三家贫输税不局限李
臯为营道令怒之命荷校颂系狱中或言仲举雅能文且工敏 臯遽召问曰若能诗吾当贷
汝仲举援笔立就有似玉来投狱抛家去就枷之句 臯大惊异延之聽事与讲钩礼仲举由
是銳意力学天成中入洛防秦王从荣为河南尹倾身下士仲举与张抗江文蔚同游其门逾
年遂登进士第时公举数百人独以仲举为擅場仲举因献秦王诗曰碧云章句裁离手紫府
神仙尽防头秦王大悦称赏不已故一举上第赐所居乡曰进贤里曰化龙未几归事文昭王
为桂管观察推官防王承制建天防府置十八学士而 臯方柄用仲举感私恩虽防名中朝
事 臯益恭 臯遂加引荐同与十八人之数久之出为全州刺史已又改衡州以壽终先是
楚地多诗人最著者有沈彬廖凝刘昭禹尚顔齐己虚中之徒而仲举实伯仲诸子间独 臯
推穀仲举为甚往往对众吟秋日晚望诗有云树迎高鸟归深野云傍斜阳过遠山以足顿地
叹曰何仲举故诗家之高逸者也其见重如此【十国春秋】

路洵美

洵美唐相岩之元孙有夜坐诗云帘卷竹轩清四邻无语声漏从吟里转月自坐来明草木露
华湿衣裳寒气生难逢知鑑者空复此时情竟传于湖南【雅言系述】

伍彬

伍彬祁阳人初事马氏题分水岭云前贤功及物禹后杳难俦不及古今色平分南北流寒冲
山影防清绕荻花洲尽是朝宗去潺湲早晚休夏日喜雨云穉子出看莎径没渔翁来报竹桥
流辞官云踪迹未辞鸳鹭客梦魂先到鷓鴣村泊归隱廖融书其屋云圓塘綠水清鱼跃紫蓴
生要路贫无力深邨老退畊犊随原草遠蛙傍塹篱鸣拨棹茶川去初逢穀雨晴路振诗云考
终秋髯白归隱旧峰前庭树鸟频啄山房人尚眠寒岩落桂子野水过茶烟已絶劳生念防心
向竺干【雅言系述】

徐仲雅

湖南徐仲雅与李 臯刘昭禹齐名所业百余卷并行于世畊夫謠一首云张绪逞风流王衍
事轻薄出门逢畊夫顔色必不乐肥肤如玉洁刀防丝不折半日无畊夫此辈总饿杀【雅言
杂载】

徐仲雅题合欢牡丹云平分造化双苞去拆破春风两面开【湖湘故事】

徐仲雅长沙人因马希范夜宴迎四仪夫人赋云云路半开千里月洞天斜掩一天春又宫词
云内人晓起怯春寒轻揭珠帘看牡丹一把柳丝收不得和风搭在玉阑干曾献家宴堂十首
时称冠絶【郡阁雅谈】

西清诗话云长沙徐仲雅宫词曰内人晓起怯春寒轻揭珠帘看牡丹一把柳丝收不尽和风

搭在玉阑干其富贵潇洒可爱苕溪渔隐曰余尝作春寒绝句云小院春寒闭寂寥杏花枝上雨潇潇午牕归梦无人唤银菜龙涎香渐销聊效其体也【渔隐丛话】

东华观在邵州城下江防俗谓之水北观有松偃亚数枝凡八面上有一枝中折搭在半树间复生垂下游人以手撼之则千万枝皆动伯国时天防府学士徐东野谪居于郡赏玩无已题诗并为序云摇一枝则万枝动看一面则八面同白犬出其根青羊入其腹汉高帝琥珀枕虚真君茯苓人疑其孕也诗云半已化为石有灵通碧湘生逢尧雨露老值汉风霜月滴蟾心水龙遗蜕骨香鹿于毫末后曾见几兴亡【零陵总记】

湖南马氏作防春园开宴徐东野作诗有数联为时所称云珠玑影冷偏粘草兰麝香浓却损花山色远堆螺黛雨草梢春戛麝香风衰兰寂寞含愁绿小杏妖烧弄色红旁搜水脉湘心满遍谒灵根楚底通深浦送回芳草日急滩牵断绿杨风藕梢逆入银塘里苹迹潜来玉井中败菊篱疎临野渡落梅村冷隔江枫剪开净涧分苗稼划破涟漪下钓筒【湖湘故事】

西江诗话曰许昌西湖展江亭成宋元宪留题有凿开鱼鸟忘情地展尽江湖极目天之句皆以为旷古未有此诗然本于五代马殷据潭州时建明月围幕客徐仲雅诗云凿开青帝春风圃移下姮娥夜月楼仆谓又不止此观唐沈彬望庐山诗压低吴楚豁涵水约破云霞独倚天前此盖有是意皮日休潺谿洞诗亦曰敲碎一轮月镕销半段天【野客丛书】

文莹至长沙首访故国马氏天防府诸学士所着文章擅其名者惟徐东野李 皐尔遂得东野诗浮脆轻艳皆铅华歌舞媚一时樽俎耳其句不过牡丹宿醉兰蕙春悲霞宫日城剪红铺翠而已独贻汪居士一篇庶乎可采曰门在松阴里山僧几度过药灵园不大甚妙子无多薄雾笼寒径残风恋绿萝金乌兼玉兔年几奈君何又得 皐杂文十卷皆胼枝章句虽龌龊亦能道信乎文之难也【玉壶清话】

废王希广之变仲雅闭门不出唐边镐入潭州益屏迹荒遽不免冻馁周行逢为武安节度使非能真知仲雅也而浮慕其名署为节度判官仲雅曰行逢昔趋事我奈何以幕吏辱我辞以疾行逢固迫胁之面受文牒仍辞不往行逢怒放之邵州既而召还防行逢生日诸道各遣使致贺行逢有矜色谓仲雅曰吾奄有湖湘兵强俗阜四邻其惧我乎仲雅曰公部内司空满川太保徧地孰敢不惧盖讥其署官冗滥也未几行逢大宴僚吏席间呼音多误仲雅性滑稽戏曰不于五月五日剪舌致使乖错如此行逢大怒复放之邵州以仲雅故名望未敢加诛仲雅结庐山寺暇日覩羣僧剥防树咏以见志曰叶似新蒲绿身如乱锦缠任君千度剥意气自冲天其负气不屈皆此类也【十国春秋】

欧阳彬

欧阳彬衡山人世为县吏至彬特好学工于词赋马氏之有湖南也彬将希其用乃携所着诣府求见之礼必先通名纸有掌客吏众谓樊知客好贿阴使人谓彬曰足下之来非徒然也实欲显族致身而不以一物为贄其可乎彬耻以贿进竟不与既而樊氏怒掷名纸于地曰吏人

子欲干谒王侯耶彬深恨之因退而为诗曰无钱将乞樊知客名纸生毛不为通因而落魄街市歌姬酒徒无所不狎有歌人瑞卿者慕其才遂延于家瑞卿能歌每岁武穆王生辰必歌于筵上时湖南自旧管七郡外又加武陵岳阳共九州彬作九州歌以授瑞卿至时使歌之实欲感动武穆既而竟不问彬叹曰天下分裂之际厮徒负养皆能自奋我何负而至此耶计无所出思欲窜入邻道但未有所向居无何闻西蜀圖纲将发彬遂谋入蜀私谓瑞卿曰吾以干谒不遂居于汝家未尝有倦色其忍汝弃乎然士以功名为不朽一失此时恐贻后悔今将他适庶几有成勿以为念瑞卿曰君于妾不可谓之无情一旦割爱而去得非功名之将至耶妾诚异之家财虽不丰愿分其半以资路途彬亦不让因以瑞卿所赠尽赂纲吏求为驾船仆夫纲吏许之既至蜀遂献独鲤朝天赋蜀王大悦擢居清要其后官至尚书左丞相出为防州节度使既领防州武穆王已薨其子希范继立因致书于希范叙畴昔入蜀之由仍以衡宗族为托希范得书大惭彬之亲友悉免其赋役遂与瑞卿偕老焉【情史】

刘章

刘章字克明江左人事湖南马氏有蒲鞋诗云吴江浪浸白蒲春越女初挑一样新才自绣窓离玉指便随罗襪上香尘石榴裙下从容久玳瑁筵前整顿频今日高栖鸳瓦上不知抛掷是何人【雅言系述】

陆蟾

陆蟾寓居攸县司空山好神仙辟穀累月题庐山瀑云正源人莫测千尺挂云端岳色染不得神功裁亦难夏喷猿鸟浴秋射斗牛寒流到沧溟日翻涛更好看春莫经石头城云六朝多少事搗肘思悠悠落日空江上子规啼渡头蒹葭浸废垒烟雾接沧洲今古分明在那堪向九秋【雅言杂载】

闻子规云后夜入清明游人何处聴花残斑竹庙雨歇岷山亭树罅月欲落窓间酒正醒众禽方在梦谁念尔劳形【雅言系述】

李观象

五代李观象为周行逢节度使因行逢严酷恐及祸乃寝纸帐卧纸被纸帐诗云清悬四面剌溪霜高卧梅花月半床茧瓮有天春不老瑶台无夜雪生香觉来虚白神光发睡去清闲好梦长一枕总无尘土气何妨留我白云乡【坚瓠集】

张子明

张子明攸县人居凤巢山有诗名孤鴈一篇最佳云只影翩翩下碧湘傍他鸳鹭下银塘虽逢夜雨迷深浦终向晴天着旧行忆伴几回思片月蛻翎多为系繁霜江南塞北俱關念两地归飞似故乡【雅言系述】

熊

九华山人熊 能诗早行云山前犹见月陌上未逢人山居云果熟秋先落禽寒夜未栖闲居云深逢野草皆为药静见樵人恐是仙又云厌听啼鸟梦醒后慵埽落花春尽时【雅言杂载】

高仁矩

高仁矩宣城人赠宣城宰云砚贮寒泉碧庭堆败叶红赠徐学士云莺掠琴弦穿静院吏收诗草下闲庭【雅言系述】

曹崧

曹崧衡阳人题衡山寻仙观云千年松引东陵鹤三级芝田草水香赠陈先生云读太 经秋醺罢注叅同契夜灯微罗大夫故居云鹿眠荒圃寒芜日鸦噪残阳败叶飞【雅言系述】

张迥

张迥少年苦吟梦五色云自天而下取一团吞之遂精雅道有寄远诗云锦字凭谁达闲庭草又枯夜长烛影灭天远鴈声孤蝉鬓凋将尽虬髯白也无几回愁不语因看朔方图携卷谒齐已点头吟讽为改虬髯黑在无迥拜为一字师【郡阁雅谈】

南唐野史载张迥寄远诗蝉鬓凋将尽虬髯白也无齐已改为虬髯黑在无迥拜为一字师陶岳五代史补齐已携诗诣郑谷咏早梅云前村深雪里昨夜数枝开谷曰数枝非早也未若一枝齐已拜谷为一字师一谓张迥礼齐已一谓齐已礼郑谷岂一事讹为两人将齐已以其师人者还为人师耶然改白也为黑在则是两字师也陈辅之诗话云萧楚才知溧阳乖崖作牧有一绝云独恨太平无一事江南闲杀老尚书萧改恨作幸一字师也此却用前故事【宾退录】

狄焕

狄焕南岳晓望云数点当秋霁不知何处峰岳路松云一嶂雨声归洞壑两条翠色下潇湘【雅言系述】

焕字子炎梁公之裔寄于南岳以林泉自适题柳云天南与天北此处影婆娑翠色折不尽离情生更多雨余笼灞防烟暝夹漳河自有佳名在秦松继得麽【雅言系述】孤鴈云更无声接续空有影相随闻此句者皆云必无后果如其言【诗话总 】

送人游邵云春江正 送别两依依烟里棹将远渡头人未归渔家侵叠浪岛树挂残晖况

入湖湘路那堪花乱飞【雅言系述】

曾弼

曾弼长沙人与逸人王元为诗友宿玉泉寺云山偷半庭月池印一天星君山云翠压鱼龙窟寒堆波浪心【雅言系述】

蒋钧

蒋钧字不器营道人与刘洞陈甫为诗友寄柳宣云因借梦书过竹寺学畊秋粟绕茅原戎昱诗有一夜不眠孤客耳主人门外有芭蕉钧代答云芭蕉叶上无愁雨自是多情听断肠【雅言系述】

林楚才

林楚才贺州富川人赠黄损云身闲不恨辞官早诗好常甘得句迟【雅言系述】

陈甫

陈甫字惟岳吉水人赠黄岩云清时不作登龙客绿鬓闲梳傍草堂漳江感怀云一雨洗残暑万家生早凉村居云暮鸟归巢急寒牛下垅迟【雅言系述】

戴偃

戴偃金陵人少工吟咏不求仕宦自称 黄子人多号曰处士唐末避乱湘阴防文昭王务穷侈靡国中不胜其苦偃作渔父诗百篇讽之有云总把咽喉吞世界尽因奢侈致危亡又曰若须抛却便抛却莫待风高更水深王得诗大怒一日顾宾佐曰戴偃何如人时宾佐未测王指遽曰偃故诗人深为流辈推许今方贫悴大王置之参军主簿间足矣王曰日来献吾诗大类鱼钓者流宜赐碧湘湖居之即日令迁居湖上【十国春秋】

邓洵美

邓洵美连山人干祐二年中第与司空昉少保傅同年谒刘氏不礼归武陵时周氏有其地辟之幕府未几司空自禁林出使武陵与洵美相遇赠诗曰忆昔词场共着鞭当时莺谷喜同迁關河契濶三千里音讯稀疏二十年君已遇知依玉帐我无才藻继花砖时情人事堪惆怅天外相逢一 然洵美和云词场防度让先鞭又向清朝贺九迁品秩虽然殊此日歲寒终不改当年驰名早已超三院侍直仍忻步八砖今日相逢翻自愧闲吟对酒倍潸然相国归邀偕载辞以疾不行相国语同年少保公公又为诗寄云衡阳归鴈别重湖衔到同一纸书忽见姓名双泪落不知消息十年余防衣我已登黄阁白社君犹葺旧居南望荆门千里外暮云重叠

满晴虚周氏疑洵美泄其密谋急追补易俗塲官而遇害建隆初王师下湖湘相国复经衡阳吊之曰侯门寂寞非知己泽国凄惶似旅人今日向君坟畔过不胜懷抱暗酸辛【雅言系述】

何涓

何涓襄阳人少为潇湘赋为时所称潘纬以古鉴诗得名或曰潘纬十年吟古鉴何涓一夜赋潇湘【诗话总 】

张观

张观性沉静未尝草书自咏云保心如止水为行见真书以为着题【桂苑杂錄】

蒋维东

蒋维东字孟阳零陵人旅中云未有一夜梦不归千里家落花云流水从将去春风解送来【零陵杂记】

蒋密

李观象为节度使以行逢严酷恐及祸乃寝纸帐卧纸被行逢信用之凡军府事无轻重皆取决焉而观象性多嫉忌好蔽人之善零陵儒士蒋密能吟咏颇得风骚之防尝题桑云绮罗因片叶桃李谩同时为作者所许观象闻之佯惊曰此仆诗何蒋密之能为士林鄙之【三楚新錄】

成干

映山红高不过五七尺花繁而红开时杜鹃始啼又名杜鹃花成干诗云杜鹃花与鸟怨艳两河賒疑是口中血滴成枝上花一声寒食夜数朶野僧家谢豹出不出日迟迟又斜【零陵杂记】

韦鼎

廖凝居南岳韦鼎赠诗云君与白云隣生涯久忍贫姓名高雅道寰海许何人岳气秋来早亭寒果落新几回吟石畔孤鹤自相亲【郡阁雅谈】

梁震

梁震既知嗣王克胜厥任因请退居监利王为之筑室于土州上震披鹤氅逍遥若仙自称荆

台隱士題院中壁云桑田一變賦歸來爵祿焉能挽我哉黃犢依然花竹外清風萬古凜荊台每詣府輒跨黃牛至防事以為常王亦時過其家斗酒相勞歡叙平生四時賜予甚厚遂以是終其天年【十國春秋】

高若拙

若拙善詩從海辟于幕下嘗作中秋不見月云人間雖不見天外自分明從海覽之謂賓佐曰此詩雖好不利于已將來但恐防明後果如其言【天定錄】

王處厚

王處厚字元美益州華陽縣人嘗遇一老僧論浮世若空事登第後出部徘徊古陌軫懷長吟曰誰言今古事難窮大抵榮枯總是空算得生前隨夢蝶爭如云外指防鴻暗添雪色眉根白旋落花光臉上紅惆悵荒原懶回首暮林蕭索起悲風及暮還家心疾而卒【天定錄】

孫光憲

王右丞詩楊花惹暮春李長吉詩古竹老梢惹碧雲溫庭筠暖香惹夢鴛鴦錦孫光憲六宮眉黛惹春愁用惹字凡四皆絕妙【丹鉛總錄】

孫光憲蜀之資州人事荆南高氏為從事有文學名著北夢 言其詞見花間集一庭疎雨濕春愁秀句也李後主之細雨濕流光本此【蜀中詩話】

孫光憲竹枝詞云門前春水白苹花岸上無人小艇斜商女經過江欲暮閑拋殘食飼神鴉又亂繩寸結絆人深越羅萬丈表長尋楊柳在身垂意緒藕花落盡見蓮心【全蜀藝文志】

光憲每患兵戈之際書籍不備遇發使諸道未嘗不厚與金帛購求焉于是三年間收書及數萬卷然自負文學常快快不得志又常慕史氏之作自恨諸侯幕府不足展其才力每謂交親曰安知獲麟之筆反為倚馬之用因吟劉禹錫詩曰一生不得文章力百口空為飽暖家【三楚新錄】

顧況著作披道服在茅山有一秀才行吟曰駐馬上山阿久思不得顧云何不道風來屎氣多秀才云賢莫無禮顧曰是況其人慚惕而退仆早歲嘗和南越詩云曉厨烹淡菜春杼織穠花牛翰林覽而絕倒莫諭其防牛公曰吾子只知名安知淡菜非雅物也後方曉之學吟者可不以斯為戒【北夢 言】

五代诗话卷八

宫闱 女仙鬼 缙流

南唐周后

昭 国后周氏小字娥皇司徒宗之女后主嗣位册立为后宠嬖专房创为高髻織裳及首翘鬟朶之妝人皆效之常雪夜酣燕举杯请后主起舞后主曰汝能创为新声则可矣后即命賸綴谱喉无滞音笔无停思俄顷谱成所谓邀醉舞破也又有恨来迟破亦后所制故唐盛时霓裳羽衣最为大曲乱离之后絶不复传后得賸谱以琵琶奏之于是开元天寶之遗音复传于世内史舍人徐铉闻之于国工曹生铉亦知音问曰法曲终则缓此声乃反急何也曹生曰旧谱实缓宫中有人易之非吉征也【十国春秋】

南唐小周后

继国后周氏昭 后女弟也警敏有才思神彩端静昭 后歿后未胜礼服待年宫中明年后主居尊圣后防故中宫久虚开寶元年始议立后为继室命太常博士陈致雍攷古今沿革草具昏礼又命学士徐铉知制诰潘佑参定铉曰昏礼古不用乐佑以为今古不相沿袭请用乐铉曰按古房中乐无钟鼓佑引诗窈窕淑女钟鼓乐之则房中乐宜有钟鼓后初见君后魏书有先拜后起帝后拜先起之文铉举此以为夫妇之礼人伦之本请答拜佑以为王者昏礼不与庶人同请无答拜议久不决后主令文安郡公徐游评其异同游多是佑议遂施用之后少以戚里间入宫掖圣尊后絶怜哀之后主制乐府艳其事有褻袜金缕鞦之句辞甚狎昵颇传于外至纳后乃成礼而已翼日大燕羣臣韩熙载以下皆作诗讽焉而后主不之譴也古今风謡载后主时江南童謡曰索得娘来忘却家后园桃李不生花猪儿狗儿都死尽养得猫儿患赤痕娘来谓再娶周后也猪狗死谓尽戊亥年也赤痕目病猫有目病则不能捕鼠谓不见丙子之年也【十国春秋】

前蜀太后徐氏 太妃徐氏

左传昭公二十八年叔向之母曰子灵之妻杀三夫一君一子而亡一国两卿矣可无惩乎吾闻之甚美者必有甚恶此春秋为之深戒矣前蜀徐公有二女美而奇艳初王太祖搜求国色亦不知徐公有美女徐以献太祖遂纳之各有子焉长曰翊圣太后生彭王次曰顺圣太后生后主性多狂率不守宗祧频歲省方政归国母多行 淫佚杀戮重臣干德中姊妹以巡礼至境为名恣风月烟花之乐惟驾輜輶于綠野拥金翠于青山倍役生灵颇消经费凡经过之所宴寝之宫皆有篇章刊于玉石自秦汉以来妃后省方未有富贵如斯之甚也顺圣太后题青城山丈人观诗曰早与元妃慕至 同跻灵岳访真仙当时信有壶中景今日亲来洞里天仪仗影交寥廓外金丝声揭翠微巔惟慚未致华胥里徒卜升平万万年翊圣太后继曰获陪翠輦喜殊常同涉仙坛岂厌长不羨乘鸾入烟雾此中便是五云乡顺圣太后又题谒丈人观先帝圣容云舜帝归梧野躬来谒圣顔旋登三径路似步九疑山日照堆嵐迫云横积翠间期修

封禪礼方俟再躋攀翊圣太后又曰共謁御容仪还同在禁闈笙歌喧寶殿彩仗耀金徽清泪沾罗袂红霞拂绣衣九疑山水遠无路继湘妃顺圣又题謁丈人观先帝圣容云千寻綠嶂夹溪流登眺因知海岳低瀑布遥春青石碎菌轮横剪翠峰齐步粘苔蘚龙门峭目閃烟罗鸟径迷莫道穹天无路到此山便是碧云梯翊圣太后继曰登寻丹壑到 都接日红霞照座隅即向周回岩岫首似看曾近画圖无顺圣又题金华宫曰再到金华顶 都访道回云披分景象黛鎖并楼台雨滌前山淨风吹去路开翠屏夹流水何必羨蓬萊翊圣太后继曰碧云红雾扑人衣宿露苍苔石径危风巧解吹松上笛蝶娇频采脸边脂同寻僻境思携手暗指遥山学画眉好把身心清淨处角冠霞帔事希夷顺圣又题丹景山至德寺云周回云水游丹景因与真妃眺上方晴日晓升金照耀寒泉夜落玉玎珰松梢月转禽栖影栢径风牵麝食香防探六铢宜祷祝惟期圣祚保遐昌翊圣继曰丹景山头宿梵宫玉轩金辂住遥空军持无水注寒碧兰若有花开晓红武士尽排青障下内人皆在讲筵中我家帝子传王业积善终期四海同顺圣又题彭州归平诗云寻真游圣境巡抚到归平水遠波瀾碧山高气象清殿严孙氏貌碑暗祖师名夜月登坛醺松风森磬声翊圣继曰云浮翠輦到阳平真似驂鸾至上清风起半崖闻虎啸雨来当面见龙行晓寻水涧聽松韵夜上星坛看月明常恐前身居此境玉皇教向锦城生顺圣又题彭州三学山至夜看圣灯云防禱游灵境元妃风致同玉香焚静夜银烛炫辽空泉漱云根月钟敲树杪风印金标圣迹飞石显神功满望天涯极临西日脚红 来斋石上僧集讲筵中顿觉超三界浑疑证六通愿成修短事社稷保延洪翊圣继曰圣灯千万炬旋向碧云生细雨湿不暗好风吹更明磬敲金地响僧唱梵天声若說无心法此光如太清顺圣又题大回驿云因寻灵境散幽情千里江山暂得行即恨烟光看未足却驱金輦入 城翊圣继曰翠驿红亭近玉京梦魂尤自在青城比来出看江山景尽被江山看出行议者以为翰林之能非妇人女子之事所以谢女无长城之志空振才名班姬有纨扇之辞亦彰 圣志今徐氏逞乎妖志餌自幸臣假以风骚庇其游幸取女史一时之美为游人旷代之嗤及唐朝兴吊伐之师遇蜀有荒 圣之主三军不战束手而降良由于母盘游君臣凌替之所致也于是亡一君破一国杀九子诛十臣殄灭万家流移百郡其次六宫嫔御挫红綠于征途十宅公主碎金珠于逆旅子虚之室无以比方故兴圣太子隋君仁裕有咏后主出降诗曰蜀朝昏主出降时衔璧牵羊倒搦旗二十万军高拱手更无一个是男儿又僧遠公有伤废国诗云乐极悲来数有涯歌声才歇便兴嗟牵羊废主寻倾国指鹿奸臣尽破家中禁夜凉空鎖月后庭春暖慢开花两朝帝业空成梦陵树苍苍噪暮鸦【鉴戒錄】

李昭仪

昭仪李氏名舜 梓州人酷有辞藻后主立为昭仪世所称李舜 夫人也所着蜀宫应制诗随驾诗钓鱼不得诗诸篇多为文人赏鉴【十国春秋】

李珣蜀之梓州人事王衍词名琼瑶集其妹为昭仪亦饶词藻有鸳鸯枕上忽然声一首误入花萼夫人集【词品】

闽后陈金凤

陈金凤闽主王延钧之后也端阳日造防舫数十于西湖延钧御龙舟观之金凤作乐游曲使宫女同声歌之曲曰龙舟摇曳东复东采莲湖上红更红波澹澹水溶溶奴隔荷花路不通又曰西湖南湖鬪防舟青蒲紫蓼满中洲波水悠悠长奉君王万歳游【金凤外传】

小吏归守明弱冠白皙如玉延钧嬖之日侍禁中夤緣与金凤通百工院使李可殷因归郎以通于金凤造缕金九龙帐于长春宫极其靡丽延钧欢甚益昵归郎日留宿于内不出国人歌之曰谁谓九龙帐惟贮一归郎后李仿盛饰其妹春燕以进册为贤妃不复御九龙帐矣元夕御大酺殿观灯赐宴各赋大酺乐前翰林学士承防韩偓感长春宫失宠赋诗曰泪滴珠难尽容残玉易消倘随明月去莫道梦魂遥【金凤外传】

花蘂夫人

花蘂夫人蜀王建妾号小徐妃者也后随王衍归唐中途遇害及孟氏再有蜀至昶又有一花蘂夫人费氏作宫词百首者是也后随昶归宋十日召花蘂入宫而昶遂死昌陵后亦惑之晋邸数諫不聽一日从猎苑中花蘂在侧晋邸方调弓矢引满拟兽忽回射花蘂一箭而死【铁围山丛谈】

王平甫安国奉诏定蜀民楚民秦民三家所献书可入三馆者令令史李希顔料理之其书多剥脱而中有弊纸所书花蘂夫人诗笔书乃花蘂手写而其辞甚奇与王建宫词无异建之辞自唐至今诵者不絶口而此独遗弃不见取受诏定三家书者又斥去之甚为可惜也遂令令史郭祥繕写入三馆既归口诵数篇与荆公荆公明日在中书语及之而禹玉相公当世参政愿传其本于是盛行于时文莹亲于平甫处得副本凡三十二章因録于此其词曰五云楼阁凤城间花木长新日月闲三十六宫连内苑太平天子住昆山防真广殿约宫墙楼阁相扶倚太阳净瑩玉阶横水防御炉香气扑龙牀龙池九曲遠相通杨柳丝牵两防风长似江南好春景画船来往碧波中东内斜将紫禁通龙池凤苑夹城中晓钟声断严妆罢院院纱窗海日红殿名新立号重光岛上亭台尽改张但是一人行幸处黄金阁子鎖牙牀安排诸院接行廊水檻周回十里强青锦地衣红绣毯尽铺龙脑郁金香夹城门与内门通朝罢巡游到苑中每日日高祇候处满隄红艳立春风厨船进食簇时新侍宴无非列近臣日午殿头宣索脰隔花催唤打鱼人立春日进内园花红蘂轻轻嫩浅霞跪到玉阶犹带露一时宣赐与宫娃三面宫城尽夹墙苑中池水白茫茫亦从狮子门前入旋见亭台绕岸傍离宫别院绕宫城金板轻敲合凤笙夜夜月明花树底傍池长有按歌声御制新翻曲子成六宫才唱未知名尽将鬻策来抄谱先按君玉玉笛声旋移红树鬪青苔宣赐龙池再凿开展得緑波寬似海水心宫殿胜蓬萊太虚高阁凌波殿背倚城墙面枕池诸院各分娘子位羊车到处不教知修仪承宠住龙池扫地焚香日午时等候大家来院里看教鸚鵡念宫词才人出入每参随笔砚将行绕曲池能向彩牋书大字忽防御制写新诗六宫官职总新除宫女安排入画图二十四司分六局御前频见错相呼春风一面晓妆成偷折花枝傍水行却被内监遥覩见故将红豆打黄莺梨园弟子簇池头小乐携来俟燕游旋炙银笙先按拍海棠花下合梁州殿前排晏赏花开宫女侵晨探几回斜望苑门遥举防传声宣唤近臣来小毬场近曲池头宣唤勲臣试打毬先向画楼排御幄管弦声动立浮油供奉头筹不敢争上棚專唤近臣名内人酌酒才宣赐马上齐呼万歳声

殿前宫女总纤腰初学乘骑怯又娇上得马来才欲走几回抛鞚把鞍鞚自教宫娥学打毬玉鞍初跨柳腰柔上棚知是官家认遍遍长赢第一筹翔鸾阁外夕阳天树影花光杳接连望见内家来往处水门斜过罨楼船内人追逐采莲时惊起沙鸥两岸飞兰桨棹来齐拍水并船相鬪湿罗衣新秋女伴各相逢罨画船飞别浦中旋折荷花伴歌舞夕阳斜照满衣红月头支給买花钱满殿宫人近数千遇着唱名多不语含羞走过御牀前少年相逐采莲回罗帽罗衫巧制裁每到岸头齐拍水竞提纤手出船来早春杨柳引长条倚岸绿堤一面高称与画船牵锦缆暖风搓出绿丝绦婕妤生长帝王家常近龙颜逐翠华杨柳岸长春日暮傍池行困倚桃花寒食清明小殿旁防楼双夹鬪鸡坊内人对御分明看先赌红罗十担牀【续湘山野录】

余阅此诗如龙池九曲远相通杨柳丝牵两岸风长似江南好风景画船来往碧波中梨园弟子簇池头小乐携来俟宴游试炙银笙先按拍海棠花下合梁州月头支給买花钱满殿宫人近数千遇着唱名多不语含羞走过御牀前内人追逐采莲时惊起沙鸥两岸飞兰棹把来齐拍水并船相鬪湿罗衣厨船进食簇时新侍座无非列近臣日午殿头宣索脍隔花催唤打鱼人皆清婉可喜花蘂又别有逸诗六十六篇乃近世好事者旋加搜索续之篇次无伦语意与前诗相类者极少诚为乱真矣聊摘其一二云罗衫玉带最风流斜插银篦慢裹头闲向殿前骑御马掉鞭横过小红楼春日龙池小宴开岸边亭子号流杯沉檀刻作神仙女对捧金杯水上来【渔隐丛话】

花蘂夫人宫词云法云寺里中元节又是官家降诞辰是七月十五为后主生辰矣五国故事言十一月诞日号明庆节非七月也【十国春秋】

今世女子之笄曰上头花蘂夫人宫词年初十五最风流新赐云鬟始上头【辍耕录】

世之曰乞求盖谓正欲若是也然唐时已有此言王建宫词只恐他时身到此乞求自在得还家又花蘂夫人宫词种得海柑才结子乞求自过与君王【辍耕录】

娘字俗书也当作娘今通为妇女之称花蘂夫人宫词诸院各分娘子位【辍耕录】

东坡牡丹诗云一朵妖红翠欲流初不晓翠欲流为何语及游成都过木行街有大署市肆曰郭家鲜翠红紫铺问土人乃知蜀语鲜翠犹言鲜明也东坡盖用乡语云蜀人又谓树牕曰泥牕花蘂夫人宫词云红锦泥牕绕四廊非曾游蜀亦所不解【老学庵笔记】

王建宫词云御厨不食索时新每见花开即若春白日卧多娇似病隔帘教唤女医人花蘂夫人宫词云厨船进食簇时新侍宴无非列近臣日午殿头宣索脍隔花催唤打渔人二词记事则异造语颇同第花蘂之词工王建为不及也【渔隐丛话】

杜工部關山同一防岑嘉州严滩一防舟中月又赤骠马歌草头一防疾如飞又西看一防是關楼朱湾白鸟翔翠微诗浄中云一防花蘂夫人云冰肌玉骨清无汗水殿风来暗香满绣帘一防月窥人欹枕钗横云鬟乱起来庭户悄无声时见疎星渡河汉屈指西风几时来不道流

年暗中换宋张安国词洞庭青草近中秋更无一防风色玉界琼田三万顷着我扁舟一叶夫月云风也马也楼也皆谓之一防甚奇【留青日札】

后山诗话云费氏蜀之青城人以才色入蜀后主嬖之号花萼夫人效王建作宫词百首国亡入备后宫太祖闻之召使陈诗诵其国亡诗曰君王城上防降旗妾在深宫那得知十四万人齐解甲宁无一个是男儿太祖悦盖蜀兵十四万而王师才数万耳【渔隐丛话】

蜀王昶好衣紫挟弹所幸花萼夫人善诗即世传宫词也蜀既破其亡国诗云君王城上防降旗妾在深宫那得知十四万人齐解甲更无一个是男儿亦愤而悲矣夫人业入宋宫中艺祖一日临之见壁上画像不知是昶问何神也夫人乃谬言此张仙耳妇人奉之者宜子至今有张仙祠云夫人下比绿珠则不足上拟息妫则有余【稗史彙编】

花萼夫人宫词之外尤工乐府蜀亡入汴道经葭萌题驿壁云初离蜀道心将碎离恨绵绵春日如年马上时时闻杜鹃书未毕为军骑催行后人续之云三千宫女皆花貌妾最婵娟此去朝天只恐君王宠爱偏花萼见宋祖时犹作四十万人齐解甲更无一个是男儿之诗焉有随昶行而书此败节语乎续之者不惟虚空架桥而词之鄙亦狗尾续貂矣【蜀中诗话】

君王城上防降旗妾在深宫那得知二十万军皆解甲更无一个是男儿世传此诗乃花萼夫人蜀亡辇入后宫宋祖问而作者传记杂编又载为前蜀王衍降唐时兴圣太子作诗曰蜀朝昏主出降时衔璧牵牛系鼓旗二十万军皆拱手更无一个是男儿既皆蜀亡之作其辞又类正史不载者也当存疑以俟【七修类藁】

孟昶败时精兵尚十四万宋师止三万耳太祖以蜀亡问费答诗云云太祖更宠爱之尤工填词入汴时题葭萌驿壁云初离蜀道心将碎离恨绵绵春日如年马上时时闻杜鹃调丑奴儿令也书未毕军骑催行遂止半阙有人续之云三千宫女皆花貌妾最婵娟此去朝天只恐君王宠爱偏使费能抗节从昶母此词不几为轻薄恶札哉然审征奉表寅逊促装一女子与十四万小人又何责也世传其宫词百首清新艳丽足夺王建张籍之席盖外间摹写自多泛设终是看人富贵语固不若内家本色天然流丽也王平甫攷王恭简所集云止二十八首然其余别无可据且手笔一格故仍之【宋诗小传】

耿先生

耿先生军大校耿谦女好书善画为诗往往有佳句雅通黄白之术能拘制鬼魅奇瑰恍惚莫知其所由来为女道士自称天自在山人保大中因宋齐丘以入宫元宗处之别院号曰先生尝被碧霞帔手如鸟爪题诗墙壁又自称比大先生【耿先生传】

童氏

童氏江南人莫详其世系所学出王齐翰工道释人物当时缙绅家妇女往往求写照焉有文

士题童氏画诗曰林下才华虽可尚笔端人物更清妍如何不出深闺里能以丹青写外边后不知所终【宣和画谱】

李芳仪

芳仪江南国主李景女也纳土后在京师初嫁供奉官孙某为武疆都监后为辽圣宗所获封芳仪生公主一人赵至忠虞部自北敌归明尝仕辽为翰林学士修国史着敌庭杂记载其事时晁补之为北都教官览其书而悲之与颜复长道作芳仪曲云金陵宫殿春霏微江南花发鸂鶒飞风流国主家千口十五吹箫粉黛稀满堂诗酒皆词客夺锦挥毫在瑶席后庭一曲风景改收泪临江悲故国令公献籍朝未央勅书筑第优降王魏俘曾不输织室供奉一官奔武疆秦淮潮水钟山树塞北江南易怀土双燕清秋梦柏梁吹落天涯犹并羽相随未是断肠悲黄河应有碧波时宁知翻手明朝事咫尺山河不可期仓皇三鼓滹沱防良人白马今谁见国亡家破一身存薄命如云信流转芳仪加我名字新教歌遣舞不由人采珠拾翠衣裳好深红暗紫惊胡尘阴山射虎边风急嘈杂琵琶酒防泣无言数遍天河星知有南箕近乡邑当年千指渡江来千指不知身独哀中原骨肉尽零落黄鹄寄意何当回生男自有四方志女子那知出门事君不见李陵椎髻泣穷边丈夫漂泊尤堪怜江州庐山真风观李主有国日施财修之刊姓氏于石有大宁公主永嘉公主皆李景女不知芳仪者孰是也【稗史彙编】

任氏

蜀尚书侯继圖本儒士一日秋风四起偶倚阑于大慈寺楼有大桐叶飘然而坠上有诗云拭翠敛双蛾为郁心中事搦管下庭除书作相思字此字不书石此字不书纸书向秋叶上愿逐秋风起天下有心人尽解相思死天下负心人不识相思意有心与负心不知落何地侯贮篋中凡五六年方卜任氏为婚尝讽此诗任曰此是妾书桐叶诗争得在君所侯曰向在大慈寺阁上倚阑得之即知今日之聘非偶然也以今书较之与叶上无异【五溪论事】

黄崇嘏

蜀王有伪相周庠者初在邛南幕中留司府事时临邛县送失火人黄崇嘏才下狱便贡诗一章曰偶离幽隐住临邛行止坚贞比涧松何事政清如水镜绊他野鹤向深笼周览诗遂召见称乡贡进士年三十许祇对详敏即命释放后数日献歌周极奇之召于学院与诸生侄相伴善碁琴妙书画翌日荐摄府司户叅军颇有三语之称胥吏畏伏案牘丽明周既重其英聪又美其风采在任将逾一载遂欲以女妻之崇嘏又袖封状谢仍贡诗一篇曰一辞拾翠碧江湄贫守蓬茆但赋诗自服蓝衫居郡掾永抛鸾镜画蛾眉立身卓尔青松操挺志铿然白璧姿幕府若容为坦腹愿天速变作男儿周览诗惊骇不已遂召见诘问乃黄使君之女防失覆防唯与老姬同居元未从人周益仰贞洁郡内咸叹异旋乞罢归临邛之旧隐竟莫知存亡焉【玉溪编事】

女侍中魏元义妻也女学士孔贵嫔也女校书唐薛涛也女进士宋女郎林妙玉也女状元孟

蜀黄崇嘏也崇嘏临邛人作诗上蜀相周庠庠首荐之屡摄府县吏事精敏胥徒畏服庠欲妻以女嘏以诗辞之曰一辞拾翠碧江湄贫守蓬茆但赋诗自服蓝衫居郡掾永抛鸾镜画蛾眉立身卓尔青松操挺志铿然白璧姿幕府若容为坦腹愿天速变作男儿庠大惊具述本末乃嫁之传奇有女状元春桃记盖黄事也【丹铅总录】

南楚材妻

五代末濠梁人南楚材游陈颍间颍州欲以女妻之而楚材已娶薛氏以受颍守之恩似无还意薛氏善书画能属文自对鉴图其形并作诗题寄之曰欲下丹青笔先拈玉镜端已惊顔寂寞渐觉鬓凋残泪眼描将易愁肠写出难恐君浑忘却时展画圖看【唐宋遗史】

素娥

韦洵美先辈开平歲及第受邛都从事辟焉乃挈所宠素娥行罗绍威闻其姝丽才达临河令女使赍二百疋及生饩而露意焉洵美无所容足遂令妆束更衣修絨献之素娥姓崔氏亦大梁良家子善谐謔笔札和泪作诗曰妾闭闲房君路岐妾心君恨两依依魂神傥遇巫娥伴犹逐朝云暮雨归洵美乃不受辟夜渡河宿一寺长吁而寢曰何处人能报不平寺有行者排闥而揖曰先辈蓄何不平事洵美具语之歔然出门而去至三更忽掷一皮囊入门乃贮素娥而至侵晓问寺僧言在寺打钟勤苦三十余年已不知所之洵美即遁迹他所【灯下闲笑】

单氏

成都妓人单氏赠陈希夷诗云帝王师不得日月老应难名士多称之【唐宋遗史】

张太华

广政初蜀后主与妃张太华同辇游青城山九天丈人观月余不返李廷珪諫不聽又数日雷雨大作太华震殒以红锦龙褥裹瘞观前白杨树下翌日趣回銮悲痛无已既数年链师李若冲晚霁闲步见树下一美人翠眉雪肌吟诗曰一别銮舆今防年白杨风起不成眠常思往日椒房宠泪滴衣襟损翠钿若冲前问之敛衽答曰我蜀王妃张太华也幽魂尚滞乞赐超防若冲为奠长生金简生神玉章度生人世梦太华来谢壁间歪书一絶云符吏匆匆叩夜扃便随金简出幽防蒙师荐防恩非浅领得生神九卷经蜀主闻之厚赐若冲是后惟花萼夫人宠冠后宫矣【全蜀艺文志】

蜀宫人

李西美帅成都士人陈甲館于便斋月夜有危髻古衣裳妇人数辈笑语花圃中有甚丽者诵诗云旧时衣服尽云霞不到迎仙不是家今日楼台浑不识只余古木记宣华小雨廉纖梅子黄晚云收尽月侵廊树陰把酒不成醉何处无情枉断肠忽不见今府第故蜀宫岂当时宫女

犹有鬼耶按蜀棹机宣华故苑名【闻见后录】

耿玉真

南唐卢绛病店梦白衣美妇歌曰玉京人去秋萧索画檐鹊起梧桐落欹枕悄无言月和清梦
圓背灯惟暗泣甚处砧声急眉黛小山攒芭蕉生暮寒歌罢劝酒曰妾耿玉真也他日富贵相
见于固子坡后入宋临刑有白衣妇人同斩宛如所梦问其姓名曰耿玉真其地则固子坡也
一説卢病店梦一白衣妇人令食蔗遂愈且曰太尉当富贵可诣都下妾有一诗一缣以助行
妾乃玉真也他日孟家陂相见其诗云清风明月夜深时箕帚卢郎恨已迟他日孟家陂上约
再来相见是佳期绛后于孟家陂赐死同刑妇人曰耿玉真宛然梦中所遇也【诗话总】

莘七娘

莘七娘五代时人从夫征讨夫歿于明溪乡七娘 焉而即居于明溪七娘死合夫 人莫之
灵也明溪者延汀接境要道是有巡简司驿驿在七娘 处一夕客假館驿中夜闻吟诗声甚
悲客惊异使反之再诵琅然其词曰妾身本是良家女防习女工及书史笄年父母常爱怜遂
使良人作鸳侣五季乱离多寇盜良人被命事征讨因随奔逐道途间忽染山气命防天军令
严肃行 急良人命没难收拾独将骸骨葬明溪数尺孤坟空寂寂屈指经今二百年四时絶
祀长萧然未能超脱红尘路妾心积恨生云烟达旦客语隣并书其词壁间去自是乡人构室
墓前祀之祷祈响应每有草寇攻掠屡获神助宋嘉定中勅封 利夫人复加福顺夫人相传
六月十一日为神诞自宋元迄今士庶防恭赛飧毋敢少懈宋文天祥题庙诗曰百万貔貅扫
犬羊家山万里受封疆男儿若不平妖虏死愧明溪莘七娘【闽书】

石真妃

罗源紫霄岩有二女神号石真妃灵显颇着二妃者罗源徐公里石氏女也姊曰月华妹曰雪
英皆有姿色涉书史五季末处州青巾贼作乱二女被掳义不受辱相继投河死宋时林孝子
慙孙入山采樵遇二女明妆俨然肃入其家延茶久之吟咏闲雅月华有百尺潺湲探禹穴寸
心皎洁付陶 雪英有肉芝胜比莲花鲈甘露何如竹叶醴之句谓慙孙曰吾石氏女遭难而
死上帝悯吾贞烈勅吾为火部曜灵真妃吾妹为水部风毒真妃封此岩为紫霄岩命吾主之
俗呼曰石八娘岩是也君以孝闻今虽贫不久当贵已而相别送出慙孙回望无复人宇矣【
涉异志】

九龙妃

同州澄城县有九龙庙然一妃耳土人云冯瀛王之女也夏县司马才仲戏题诗云身既事十
主女亦妃九龙过客读之无不一笑【懒真了】

南汉美人

素馨斜在广州城西十里三角市南汉葬美人之所也有美人喜簪素馨死后遂多种素馨于冢上故曰素馨斜至今素馨酷烈胜于他处以弥望悉是此花又名曰花田方信孺诗千年艳骨掩尘沙尚有余香入野花何似塚头美人草风前犹作舞腰斜余诗花田旧是内人斜南汉风流此一家千载香销珠海上春魂犹作素馨花【广东新语】

花田人以种素馨为业其神为南汉美人故采摘必以妇女而彼中妇女多不簪戴有咏者曰花田女儿不爱花紫丝结缕饷他家贫者穿花富者戴明珠十斛似泥沙【广羣芳谱】

广东刘王女素馨冢上生白花因其名亦名素馨宋傅伯成诗昔日云鬟锁翠屏只今烟冢伴荒城香魂断续无人问空有幽花独擅名【焦氏类林】

梦中女子

东南复州门街东有刘氏旧宅宇舍横断敝壤鲜有人居梁太保震有远房弟伯升秀才请居之既憩居月余晨夕甚安一日昼寝梦魇久之方寤乃曰道梦一女子泣而呼曰聽妾幽恨之句诗曰卜得上峡日秋江风浪多巴陵一夜雨肠断木兰歌梁因称叹而觉竟无他说【滕説后集】

十八娘

荔枝谱十八娘荔枝色深红而细长时人以少女比之俗传闽王王氏有女第十八好噉此品因而得名周必大诗白莲近忆三千女丹荔遥招十八娘【韵府】

僧贯休

唐诗僧贯休字德隱姓姜氏婺州人号禅月大师往投诗于吴越王曰贵逼身来不自由龙骧凤翥势难收满堂花醉三千客一劍霜寒十四州莱子防裳宫锦窄谢公篇咏绮霞羞他时名上凌烟阁岂羨当年万户侯王语人曰美则美矣若能改作四十州当得相见休喟然曰州不可增诗亦不可改孤云野鹤何天不可飞耶遂杖锡径趋往申屠山大雄寺南诛茅栖息后入蜀以诗投王建曰河北河南处处灾惟闻全蜀少尘埃一瓶一鉢垂垂老万水万山得得来秦苑幽栖多胜景汉廷陈贡愧非才自慙林薮龙钟者亦得亲登郭隗台建遇之甚厚终于蜀有西岳集十卷【稗史彙编】

贯休投诗于武肃甚愜防遗赠亦丰王立功臣碑列平越将校姓名遂刊贯休诗于碑陰见重如此【十国春秋】罗隱与桐庐章鲁封齐名钱鏐初起以鲁封为表奏孔目官不就执之后以隱为钱塘令惧而受命因宴献口号曰一个襴衡容不得思量黄祖谩英雄鏐自是厚礼之僧贯休懷二子诗云二子依公子鸡鸣狗盗徒青云千里遠白发一茎无风潮声恶天空角韵孤别离千万里何以慰荣枯【唐诗纪事】

贯休思登南岳遂担簦游荆南与吴融相遇往复酬答心相得也防节度使成汭以诞生日得歌诗百余章而贯休诗与焉汭令幕僚郑准评高下准害其能置贯休诗第三贯休怒曰藻鉴如此其可久乎已而汭问笔法于贯休答曰此事须登坛而授岂容草草汭不胜其忿逋放黔中因为病鹤诗云见説气清邪不入不知尔病自何来久之再至荆南高季昌馆之龙兴寺感时政作酷吏辞复被疎远郁悒中题砚子曰入匡始身安或以为匡者蜀也相劝来蜀遂至成都上陈情颂云有叟有叟居岳之室忽振金汤下彼巉岬闻蜀风景地宁得一富人侯王旦爽摩诘龙角日角紫气盘屈揭日月行符汤武出天步孔艰横流犯跸穆穆蜀俗整整师律髯发垂雪忠贞贯日四方苏活万里丰谧无雨不膏有露皆滴有叟有叟无实行实一瓶一衲既朴且质幸蒙顾盼词缓思郁轩镜光中愿如善吉高祖大悦留住东禅院赐赀优渥署号禅月大师【十国春秋】

王虽武人颇折节好宾客游士縑流至者无不倾懷结纳诗僧贯休齐己皆在所延揽而贯休以忤成汭故逋放黔中后复来游江陵王伉之馆于龙兴寺防有谒宿者言时政不治贯休乃作酷吏辞刺之辞云霰雨霏霏风吼如鬪有叟有叟暮投我宿吁叹自语云太奇酷如何如何掠脂干肉吴姬唱一曲等闲破红束韩娥唱一曲锦段鲜照屋宁知一曲两曲歌曾使千人万人哭不惟哭亦白其头饥其族所以祥风不来和风不复蝗兮螻兮东西南北王闻之虽被疎远而亦不甚罪焉【十国春秋】

王建游龙华禅院召僧贯休坐赐茶药防段仍令口诵近诗时诸王贵戚皆赐坐贯休欲讽之因诵公子行曰锦衣鲜华手擎鹖闲行气貌多轻忽艰难稼穡总不知五帝三王是何物建称善贵幸皆怨之贯休本兰溪人善诗与齐己齐名有西岳集十卷【蜀棹机】

释贯休字德隱姜姓兰溪人七歲出家日诵书过千字不复遗忘工为歌诗多警句脍炙人口以至丹青之属皆怪古不媚草书尤奇崛天复中入蜀赐号禅月有歌诗千余首号禅月集今御府所藏有梦游仙诗【宣和画谱】贯休婺州兰溪人死于蜀为诗有极奇处亦有太粗处尽日觅不得有时还自来为人嘲作失猫诗此类是也然道价甚高年壽亦高蚤与李频交而老依钱鏐不肯改一剑霜寒十四州遂入蜀秋寄李频使君诗云务简趣谁陪清吟共緑苔叶和秋蚁落僧带野风来留客朝尝酒忧民夜画灰终期冒风雪江上见宗雷第四第六句好【瀛奎律髓】

举世只知嗟逝水何人微解悟空花此贯休禅师句温日观书之为后人防励之端仍为写龙须于后【益州题防】赤梅檀塔六七级白菡萏花三四枝禅客相逢只弹指此心能有防人知石霜问曰如何是此心休不能答石霜云汝问我答休即问之霜云能有防人知【唐诗纪事】沈约宋书曰王者不藏金玉则紫玉见于深山贯休诗欲赠之紫玉尺白银铛盖用此也【稗史彙编】

参寥子曰林下人好言诗见诵贯休齐己诗便不必闷【冷斋夜话】

贯休云千人万人中一人两人知是诗之难知也久矣或问诗如何则高曰必如贯休云真风

含素发秋色入灵台方可言诗【留青日札】

包何云一官何幸得同时十载无媒独见遗钱起送邬三落第云名宦无媒自古迟穷通此别不堪悲贯休逢周朴云倘遇中兴主还应不用媒夫自登第而居官未有不用媒者世事可知矣又不得用于当时之君而反思乎中兴之主不亦可悲之甚乎【留青日札】

贯休书西人陈陶处士隐居云有叟傲尧日发白肌肤红妻子亦读书种兰清溪东白云有奇色紫桂含天风即应迎鹤书肯羨于洞洪又云高步前山前高歌北山北数载卖柑橙山资近又足【全唐诗录】

何燕泉谓杞殖字梁春秋齐人距赵及秦筑长城时不啻数百年而列女传及乐府注所谓城崩乃杞都城非长城也秦赵所筑去杞不啻数千里唐僧贯休赋杞梁妻云秦之无道兮四海枯筑长城兮遮北胡筑人筑土一万里杞梁贞妇啼乌乌二事打合成调不知何据余按贯休赋杞梁妻事正无据而误亦有因秦筑长城以拒胡齐亦尝筑长城以备楚括地志云齐长城西北起济州平陰县縁河历太山北冈上经济州淄州即西南兖州博城县北东至密州琅琊台入海而齐记以为齐宣王筑竹书纪年曰齐闵王未知的自何时但既曰备楚则楚之抗衡中国宜莫盛于春秋盖春秋齐既有之其杞梁妻哭而崩者即齐之长城湏涧相传世遂以为秦之长城而诗家不考所出又未审杞梁何时何地人死于何事遽以梁为死于秦筑长城之役耳今辽东前屯卫中所芝蔴湾有石人立海濱若世所谓望夫石者而世又相传以为杞梁妻孟姜者哭夫死因于此则影响附防而形音逾远逾失其本真者也【金罍子】

唐人善形容人情物态杜公云已经十日窜荆棘困阨极矣然腰下寶玦青珊瑚终不解去何也义山云不收金弹抛林外却忆银牀在井头亦曲尽贵公子之憨态若贯休辈自拳五色毬进入它人宅却捉苍头奴玉鞭打一百之句拙俚甚矣【后村诗话】

王贞白御沟水诗此波涵帝泽贯休改作此中固好孙逖上阳水窓赐宴云此中歌在藻沈佺期红楼院应制云谁谓此中难可到则先已有人道之矣【留青日札】

鲁直诗曰管城子无食肉相孔方兄有絶交书谓此体鲁直创见仆谓不然唐诗此体甚多张祐曰贺知章口徒劳說孟浩然身更不颠李益曰柳吴兴近无消息张长公贫苦寂寥贯休曰郭尚父休夸塞北裴中郎莫說淮西杜荀鹤曰卷一箔丝供钓线种千林竹作渔竿皆此句法也【楚客丛书】

李白庐山东林寺夜懷诗云天香生虚空天乐鸣不歇又贯休山居诗自古浮华能防防逝波终日去滔滔汉王废苑生秋草吴主荒宫入夜涛满屋黄金机不息一头白发气犹高岂如知足金仙子霞外天香满毳袍余因思胜境中当有自然清气名曰天香自然清意名曰天乐余故以所闻灵响目为天簃亦取天籁之义此盖唯变所适不可致诘也【法藏碎金】

白乐天为翰林学士时有诗名曰松斋自题其诗云非老亦非少年过三纪余非贱亦非贵朝

登一命初才小分易足心寬体长舒充肠皆美食容膝即安居况此松斋下一琴数帙书书不求甚解琴聊以自娱夜直入君门晚归卧吾庐形骸委顺动方寸付空虚持此将过日自然多晏如昏昏复默默非智亦非愚又诗僧贯休有山居诗云一巷瞑目在穹防菌枕松牀藓阵青乳鹿暗行怪径雪瀑泉微溅石楼经闲行不觉过天井长啸深能动岳灵应恐无人知此意非凡非圣独惺惺予以致政闲居居常逍遥因览二公诗而知二公意是知道同者无隱显无古今遽自抽毫合而书之得趣钦味迥然适悦【法藏碎金】

晁公寄陈叔易云处士何人为作牙尽攜猿鹤到京华牙即市井牙行也以仕宦而倚狙狨之人则又下于媒妁一等矣乌在其为处士哉善乎于漬有云白玉若无玷花顏须及时国色久在室良媒亦生疑鴉鬢未成髻鸾镜徒相知翻慙效顰者欲笑从人迟寓意最深良媒亦疑况他人乎效顰亦笑况他人乎【留青日札】

遠法師居廬山下持律精苦過中不受蜜湯而作詩換酒飲陶彭澤送客無貴賤不過虎溪而與陸道士行過虎溪數百步大笑而別故禪月作詩云留陶淵明把酒碗送陸靜修過虎溪曾次九流清似鏡人間萬事醉如泥【山谷題防】

因讀禪月有懷王慥使君詩云剝削生靈為事業巧通豪俊作槌媒令人嘆息古已如此【侯鯖錄】

唐人作富貴詩多記其奉養器服之盛乃貧眼所驚耳如貫休富貴詩云刻成箏柱鴈相挨此下里鬻彈者皆有之何足道哉又韋楚老蚊詩云十幅紅綃圍夜玉十幅紅綃為帳方不及四五尺不知如何伸腳所謂不曾近富家兒【夢溪筆談】

休每得句云只堪供養佛故懷贈武昌栖一云風清江上月霜洒月中砧得句先呈佛無人知此心【全唐詩錄】杜甫詩云嘗果栗皺開或作雒字殊不可解集韻皺側尤切革紋蹙也漢上題襟周繇詩云開栗弋之紫皺貫休云新蟬避栗皺又云栗不和皺落即栗蓬也【西溪叢話】溫州鴈蕩山天下奇秀然自古圖牒未嘗有言者祥符中因造玉清宮伐山取材方有人見之此時尚未有名按西域書阿羅漢諾矩羅居震旦東南大海際鴈蕩山芙蓉峰龍湫唐僧貫休為諾矩羅贊有鴈蕩經行云漠漠龍湫宴坐雨蒙蒙之句此山南有芙蓉峰下芙蓉驛前瞰大海然未知鴈蕩龍湫所在後因伐木始見此山山頂有大池相傳以為鴈蕩下有二潭水以為龍湫又有經行峽宴坐峰皆後人以貫休詩名之也【夢溪筆談】霜月夜徘徊樓中管催晚風吹不盡江上落殘梅此貫休絕句也休在晚唐有詩名然無可取獨此首有樂府聲調雖非僧家本色亦猶惠休之碧云也【丹鉛總錄】作詩者陶冶物情體防光景必貴乎自得蓋體格有高下才有分限不可強力至也譬之秦武陽氣蓋全燕見秦王則戰栗失色淮南王安雖為神仙謁帝猶輕其舉止此豈由自然哉余以謂少陵太白當險阻艱難流離困蹶意欲卑而語未嘗不高至于羅隱貫休得主于偏霸爭雄逞奇語欲高而意未嘗不卑乃知天稟自然有一定而不能易者【西清詩話】

志嵩

江南野史云初先主有受禪意忽夜半寺僧撞钟满城皆惊逮旦召问将斩之云夜来偶得月诗先主令白乃曰徐徐东海出渐渐入天衢此夕一轮满清光何处无先主闻之私喜而释之按钩硯立谈赋月诗者为僧志嵩【十国春秋注】

谦明

南唐僧谦明赋中秋月诗云此夜一轮满至来秋方得下句云清光何处无喜跃半夜起撞寺钟城人尽惊李后主擒而讯之具道其事得释尝见使燕錄云惟中秋天色陰晴与夷狄同苕溪渔隱曰东坡中秋月诗云尝闻此宵月万里同陰晴注云故人史生为余言尝见海贾云中秋有月则是歲珠多而圆常以此候之虽相去万里他日防合相问陰晴无不同者【渔隱丛话】

亚栖

五代文章衰尽诗有贯休亚栖村俗之气大率相似如苏子美家收藏张长史书云隔帘歌已俊对面貌弥精诗既凡恶而字画真亚栖之流近见曾子固编李太白诗有懷素草书歌及笑矣乎数篇皆贯休已下词格【东坡志林】

处默

吴越纪事越僧处默赋诗有奇句尝云到江吴地尽隔岸越山多罗隱见曰此吾句失之久矣乃为吾师丐得识者鄙其猥薄太甚【西清诗话】

杨蟠金山诗天末楼台横北固夜深灯火见扬州王平甫曰庄宅牙人语也解量四至吴僧钱塘白塔院诗到江吴地尽隔防越山多陈后山谓分界堠子语也【潜邱劄记】寺在钱塘故有吴地越山之聯或以田庄牙人讥之似不害写物之妙后山缩为一句吴越到江分高矣譬之共君一夜话胜读十年书山谷缩为一句曰话胜十年书是也因书诸此以见诗法之无穷【瀛奎律髓】

福全

饌茶而幻出物象于汤面者茶匠神通之艺也沙门福全生于金乡长于茶海能注汤幻茶成诗一句共点四瓿共一絕句泛乎汤表小小物类唾手办耳檀越日造门求观汤戏全自咏曰生成盏里水丹青巧画工夫学不成却笑当时陆鸿渐煎茶赢得好名声【清异錄】

法常

河阳释法常性英爽酷嗜酒无寒暑风雨常醉醉即熟寢觉即朗吟曰优游麴世界烂漫枕神仙尝谓同志云酒天虚无酒地绵邈酒国安恬无君臣贵贱之拘无财利之图无刑罚之避陶

陶焉荡荡焉其乐可得而量也转而入于飞蜚都则又蒙腾浩 而不思觉也【清异录】

懷濬

姊归郡僧懷濬不知何所人干宁初知来识往皆有神验刺史于公以其惑众系而诘之乃以诗代通状云家在闽山西复西其中歲歲有莺啼如今不在莺啼处莺在旧时啼处啼又诘之复有诗云家在闽山东复东其中歲歲有花红而今不在花红处花在旧时红处红守异而释之详其诗意似在海中得非杯渡之流乎【北梦 言】

可朋

可朋丹棱人少与卢延让为风雅之交有诗千余篇号玉垒集防题洞庭诗曰水涵天影濶山防地形高赠友人曰来多不似客坐久却垂帘欧阳炯以此比孟郊贾岛言其好饮酒贫无以偿酒债故时嘲之可朋自号醉髡赠方干诗云月里岂无攀桂分湖中空赏钓鱼休杜甫旧居云伤心尽日有啼鸟独步残春空落花寄齐己云虽陪北楚三千客多话东林十八贤刘公诗话云有诗僧读洪州滕王阁诗谓守者诗总不佳何不除却守曰僧能佳乎即吟曰洪州太白方积翠满空苍万古遮新月半江无夕阳守异之然南方浮屠能诗者多矣余尝见可朋诗云虹收千嶂雨潮落半江天又云诗因试客分题僻碁为饶人下着低不减古人【全唐诗话】

欧阳炯与同僚纳凉净众寺依林亭列樽俎众方欢饮自若寺外有畊者曝背烈日中耘田击鼓罢敝不休可朋在坐乃作耘田鼓诗献炯曰农舍田头鼓王孙筵上鼓击鼓兮皆为鼓一何乐兮一何苦上有烈日下有焦土愿我天公降之以雨令桑麻熟仓箱富不饥不寒上下一般言虽浅近而极于理炯遽命众宾撤饮可朋有诗千余篇号玉垒集【十国春秋】

林庐暇日花蝶怡情宜有见于篇章者往往精睨始能逼真而闲澹之气易至偏失要在不相谋而两得也咏蝶如唐僧可朋乍当暖景飞仍慢欲就芳丛舞更高僧懷古雾开离草迴风逆到花迟俱未若陌上斜飞去花间倒翅回尤精【深雪偶谈】

文喜

湘南僧文喜失鹤诗云一向乱云寻不得防回临水待归来上潭州刘相大称许【青 集】

栖岩

祝融峰留题甚多谢元云云湿幽岩滑风梳古木香僧栖岩云闲云四边尽浮世一齐低【青 集】

干康

僧干康零陵人齐已居湘西道林寺康往谒之齐已使谓曰我师门非诗人不游大德来非诗人耶请为一诗以代门刺康吟云隔防红尘忙似火当轩青嶂冷如冰烹茶童子休相问报道门前是衲僧已大喜及别送之以诗康有经方干故居云镜湖中有月处士后无人荻笋抽高节鲈鱼跃老鳞为齐已所称干德中左补阙王仲知永州康持诗谒王覩其老丑试以诗时积雪初消命咏之曰六出奇花已住开郡城相次见楼台时人莫把和泥看一片飞从天上来仲惊曰其防不浅因待以殊礼【雅言系述】

义存

雪峰难提塔义存禅师所预造自序曰夫从縁得者始终成壊非从縁得者厯刼常坚坚则在壊则损虽然离散未至何妨预置者哉所以石室木函搬土为龕诸事已备脚北头南比至其时横山睡酣塔后黄滔为作铭者也蘸月池旁有古杉乃闽王审知与义存手植皆数十围义存植者直而参天闽王植者樛而逮地水磨磨下絶雀初义存题云庵前永日无狼子磨下终年絶雀儿至今信然【闽书】

唐懿宗咸通六年七月雪峰祖师登象骨山曰真吾居也乃诛茅为庵学徒翕然其山属侯官县环控四邑峭防万仞先冬而雪盛夏而寒因以雪峰名焉师住山后尝作诗曰光陰迅速暂须臾浮世何能得久居出岭年登三十二入闽早是四旬余他非不用频频举已过还须旋旋除报与满朝朱紫道阎王不怕佩金鱼【小草斋诗话】

契盈

僧契盈闽人通内外学常遇仙教以絶三彭之法三彭者三尸也广顺中来居杭之龙华寺赐号广辨周智禅师契盈性尤敏速一日侍忠懿王游碧波亭时潮水初满舟楫辐凑望之不见其首尾王喜曰吴越国去京师三千里谁知一水之利如此邪契盈答曰可谓三千里外一条水十二时中两度潮时人称为骈切时江南未通两浙贡赋率由海达青州故云【十国春秋】

行因

庐山佛手岩在絶顶李氏有国日行因禅师居焉李氏诏居栖贤寺一夕大雪逃归旧隠尝煮茶延僧托岩扉立化作偈曰前朝诏住栖贤寺雪夜逃居岩石间想见煮茶延客处直缘生死不相關【辟寒録】

齐已

僧齐已益阳人本佃户胡氏子也七歳居大汾山寺与诸童子牧牛天性穎悟尝以竹枝画牛背为诗诗句多出人意表众僧竒之劝令落发为浮圖【十国春秋】

居长沙道林寺湖南幕府号能诗者徐仲雅廖匡图刘昭禹辈靡不声名借甚而仲雅尤傲忽虽王公不避独见齐已必悚然不敢以众人相遇齐已故赘疣至是爱其诗者或戏呼之曰诗囊无何将游蜀武信王习齐已名遮留之龙德元年礼齐已于龙兴寺署为僧正时降手牋慰藉良厚然居恒多郁郁不乐僧虚中贻诗云老负峨眉月闲看云水心盖伤其志也齐已既托迹江陵惟事笔墨自娱乃作渚宫莫问篇十五章以述懷顷之唐秦王从荣召入侍中秋大宴齐已窥从荣藏异志有东林莫得渐高势四海正看当路时之句几以讽刺得罪已而脱归荆南赖武信王匿之获免其不屈节侯王类如此【十国春秋】

湖南幕府多才而徐东野尤好轻忽虽王公不避也每见齐已必悚然不敢以众人待之尝谓同列曰我辈所作皆拘于一途非所谓通方之士若齐已才高思远无所不通殆难及矣论者以徐东野为知言东野亦常赠之诗曰我唐有僧号齐已未出家时宰相器爰见梦中逢武丁毁形自学无生理骨瘦神清风一襟松老霜天鹤病深一言悟得生死海芙蓉吐出琉璃心闷见唐风雅容缺敲破冰天飞白雪清塞清江却有灵遗魂泣对荒郊月格何古天工未生谁知主混沌凿开鸡子黄散作纯风如胆苦意何新织女星机挑白云真宰夜来调暖律声声吹出嫩青春调何雅涧底孤松秋雨洒嫦娥月里学步虚桂风吹落玉山下语何奇血泼乾坤龙战时祖龙跨海日方出一鞭风雨万山飞已公已公道如此浩浩寰中如独自一簟松风冷如水长伴巢由伸脚睡其为名士推重如此【五代史补】

郑谷与僧齐已黄损等共定今体诗格云凡诗用韵有数格一曰葫芦一曰辘轳一曰进退葫芦韵者先二后四辘轳韵者双出双入进退韵者一进一退失此则缪矣余按倦游杂录载唐介为台官廷疏宰相之失仁庙怒谪英州别驾朝中士大夫以诗送行者颇众独李师中待制一篇为人传诵诗曰孤忠自许众不与独立敢言人所难去国一身轻似叶高名千古重于山并游英俊顔何厚未死奸谀骨已寒天为吾君扶社稷肯教夫子不生还此正所谓进退韵格也按韵畧难字第二十五山字第二十七寒字又在二十五而还又在二十七一进一退诚合体格岂率尔为之哉近阅冷斋夜话载当时唐李对答乃以此诗为落韵诗盖渠不见郑谷所定诗格有进退之說而妄为云云也【湘素杂记】

僧齐已白莲集十卷光宪为荆南节度副使序之曰风雅之道孔圣之删备矣美刺之說卜商之序明矣降自屈宋逮乎齐梁穷诗源流权衡辞义曲尽商 别成格言其惟刘氏之文心乎后之品评不复过此有唐御宇诗律尤精列姓字缀英秀不啻十数家丹阳殷璠优劣升黜咸当其分世之深于诗者谓其不诬顾我何人敢议臧否苟成美有阙得非交游之罪耶禅祖齐已本胡氏子实长沙人家迹沔山慕大禅伯悟入顿门落发拥毳游方宴坐宿念未忘存乎篇咏师趣尚孤洁词韵清润平澹而意远冷峭而格高郑谷郎中有与师云应是逢新雪高吟得好诗格清无俗字思苦有苍髭其为诗家称许如此晚歲将之岷峨假途渚宫太师南平王筑淨室以居之舍淨财以供之虽入朱门而不移素履议者以唐来诗僧惟贯休禅师骨气浑成境意倬异殆难俦敌至于皎然灵一将谈禅者并驱于风骚之途不近不遠也江之南汉之北縑流以儒业缘情者靡不希其声彩自非雅道昭著安得享兹大名鄙以旅官荆台最承欵洽较风人之情致蹟文士之防归周旋十年互见阃域师平生诗藁未遑删汰俄惊迁化门人西文并以所集见授因得编就八百一十篇勒成一十卷题曰白莲集盖以久栖东林不忘胜事

余既缮写归于庐岳附逵大师文帙之末通为辉光其佳句全篇或对偶开卷辄得无烦指摘濡豪梗概良深悲慕天福三年戊戌三月一日序【白莲集】

东坡志林云唐末五代文章衰尽诗有贯休齐已书有亚栖村俗之气大略相似此论固然然齐已白莲集至今尚传余尝见海虞冯氏写本有荆南孙光宪序篇帙完好略无阙轶文章流传信有命乎【香祖笔记】

齐已有早梅诗中云昨夜数枝开郑谷为点定曰数枝非早不若一枝佳耳人以谷为齐已一字师【十国春秋】僧齐已往袁州谒郑谷献诗云高名喧省闕雅颂出吾唐叠嶂供秋望飞云到夕阳自封修药院别下着僧床防许中朝事久离鸳鹭行谷览之曰请改二字方得相见经数日再见云已改得作别埽着僧床谷大嘉赏结为诗友【郡阁雅谈】

东坡言僧诗要无蔬笋气固诗人一鉴便作世网中语殊不知本分家风水边林下气象盖不可无若尽洗去清防之韵便与俗同科又何足尚齐已云春深游寺客花落闭门僧僧惠崇有晓风飘磬远暮雪入廊深之句华实相副顾非佳句耶【西清诗话】

今言中酒之中多以为平声祖三国志中圣人中贤人之语然齐已柳诗曰秖低似中陶潜酒輒极如伤宋玉风乃作仄声或者谓平仄一意仆谓中酒之中从仄声自有出处按前汉樊哙传军士中酒注竹仲反齐已祖此【野客丛书】

潇水在永州西三十步湘水在州北十里自零陵合流谓之潇湘齐已诗云二水遽难论从离到坎奔冷穿千嶂陌清过防州门沈彬云数家渔网秋云外一岸残阳细雨中何涓云鴈影数行秋半逢渔歌一声夜深发皆曲尽其妙【零陵总记】

太白宁放弃而不作眷恋之态宁狂荡而不作规矩之语子美不能不让此两着元微之谓太白不能窥杜甫之藩篱况堂奥乎此非公论退之云李杜文章在光焰万丈长不知羣儿愚那用故谤伤齐已云须知一一丈夫气不是绮罗儿女言此真知太白者【留青日札】

僧齐已松诗云雷电不敢伐灵【阙】蠹万端麤依干节死虵入朽根蟠影浸僧禅湿风吹鹤梦寒寻常风雨夜疑有鬼神看小松云发地才盈尺蟠根已有灵严霜百花死深院一株青后夜萧骚动空阶蟋蟀听谁于千载外吟倚老龙形【续本事诗】

古人殿阁檐棱间有风琴风筝皆因风动成音自谐宫商元微之诗鸟啄风筝碎珠玉高骈有夜听风筝诗云夜静弦声响碧空宫商信任往来风依稀似曲才堪听又被风吹别调中僧齐已有风琴引云按吴丝雕楚竹高托天风拂为曲一一宫商在素空鸾鸣凤语翹梧桐夜深天碧松风多孤牕寒梦惊流波愁魂傍枕不肯去翻疑住处邻湘娥金风声尽薰风发冷泛虚堂韵难歇常恐听多耳渐烦清音不絶知音绝王半山有风琴诗云风铁相敲固可鸣朔兵行夜响行营如何清世容高枕翻作幽牕枕上声此乃檐下铁马也今名纸鸢曰风筝亦非也【丹铅总录】

遠法師在廬山初修淨土之社凡百有二十三人謝康樂為凿東西二池種白蓮求入淨社故号白蓮社然遠公以靈運心雜止之世傳十八賢乃彭城劉遺民豫章雷次宗雍門周續之南陽宗炳南陽張野南陽張銓西林覺寂大師東林普濟大師持法師 賓佛防耶舍尊者蜀賓佛防陀羅尊者慧睿法師曇順法師曇恒法師道炳法師道敬法師曇詵法師道生法師李伯時畫蓮社圖陶淵明乘籃輿謝康樂乘馬張曲笠二公雖不入淨社常往來山中僧齊已遠公影堂詩云陶令醉多招不得謝公心亂入无方是也【稿簡贅筆】

洞庭湖闊數百里秋水歸壑惟一條湘川而已僧齊已欲吟一詩徘徊未就有蔡押衙者輒高吟曰可憐洞庭湖恰是三冬无髭須人恠問之答曰以其不成湖也【五雜組】

茶之佳品造在社前其次則火前謂寒食前也其下則雨前謂谷雨前也佳品其色白若碧綠者乃常品也佳品芽蘖細微不可多得若取數多者皆常品也齊已茶詩曰甘傳天下口貴占火前名又曰高人愛惜藏岩里白甌封題寄火前丁謂詩曰開緘試新火須汲遠山泉凡此皆言火前蓋未知社前之品為佳也鄭谷詩曰入坐半甌輕泛綠開緘數片淺含香鄭云叟詩曰羅忧碧粉散嘗見綠花生沈存中論茶謂黃金碾畔綠塵飛碧玉甌中翠濤起宜改綠為玉翠為素此論可也而舉一夜風吹一寸長之句以為茶之精美不必以雀舌鳥嘴為貴今按茶至一寸則芽葉大矣非佳品也存中此論曲矣盧仝茶詩曰開緘宛見諫議面手閱月團三百片薛能謝劉相公寄茶詩曰兩串春團敵夜光名題天柱印維揚茶之佳品珍逾金玉未易多得而以三百片惠盧仝以兩串寄薛能者皆下品可知也齊已詩角開香滿室爐動綠凝铛丁謂詩曰末細烹還好铛新味更全此皆煎啜之也煎啜之者非佳品也唐人于茶虽有陸羽為之說而持論未精至本朝蔡君謨茶錄既行則持論精矣以茶錄而覈前賢之詩皆未知佳味者也【學林新編】齊已潭州人与貫休并有聲同師石霜二僧詩唐之尤晚者已詩如夜過秋竹寺醉打老僧門最佳【瀛奎律髓】僧齊已聽琴詩云万物都寂寂堪聞彈正聲人心盡如此天下自和平同時徐東野有詩云我唐有僧号齊已未出家時宰相器愛見夢中逢武丁毀形自學无生理如聽琴絕句正宰相詩也【堅瓠集】

沙泉帶草堂紙帳卷空牀靜是真消息吟非俗肺腸園林坐清影梅杏嚼紅香誰住原西寺鐘聲送夕陽此齊已自賦草堂中事也洪覺范取此八句賦為八詩以其句句有味故耶此詩為僧徒所重其來久矣實亦清麗【瀛奎律髓】

南中榮橘柚宁知鴻鴈飛許渾云地蒸川有毒天暖樹无秋即諺所謂樹蜜不落叶也沈云卿云南浮漲海人何處北望衡陽少鴈飛韓翃云前臨漲海無人過却望衡陽鴈几羣齊已云瘴國頻聞說邊鴻亦不游又唐李明遠為潘州司馬即今高州嘗有詩云北鳥飛不到南人誰与游即諺所謂鴈飛不到處人被利名牽者也【留青日札】

齊已早梅詩万水冻欲折孤根暖独回前村深雪里昨夜一枝開風遞幽香去禽窺素艷來明年犹應律先發映春台尋常只將前四句作絕讀其實二十字絕妙五六亦幽致王荊公選唐百家詩梅花仅有五首五言律仅有韓致光一首五言絕句一首王适云忽見寒梅樹开花汉水滨不知春色早疑是弄珠人亦佳句也七言絕句二首戎昱云一樹寒梅白玉條迥臨邛落

傍溪桥应縁近水花先发疑是经春雪未消刘言史云竹与梅花相并枝梅花正发竹枝垂风吹总向竹枝上真似王家雪下时崔鲁七言律一首见此卷后今以余所选五言律增广之【瀛奎律髓】

齐己诗清润平淡亦复高逵冷峭一经都官点化白莲一集驾出云台之上可谓智过其师【唐音癸籤】

寄方干处士鉴湖旧居云贺监旧山川空来近百年闻君与琴鹤终日在渔船鸟路深秋石湖灯半夜天云门几回去题偏好林泉【唐诗纪事】

戊辰歲湖中寄郑谷郎中云白发久慵簪常闻病亦吟瘦应成鹤骨闲想似禅心上国杨花乱沧洲荻笋深不堪思翠巘西望独沾襟【唐诗纪事】

观水云范蠡东浮濶灵均北泛长谁知逺烟浪别有好思量故国门前急天峰照里忙难收楼上兴 漫正斜阳【唐诗纪事】

聽李先生琴云仙子弄瑶琴仙山杉月深此声含太古谁聽到无心洒石霜千片喷空瀑万寻何人传指法攜向海中岑【唐诗纪事】

师贵

福州师贵禅师问牛头未见四祖时百鸟衔花供养见后为甚不来师曰曙色未分人尽望及乎天晓也如常【闽书】

如体

福州芙蓉山如体禅师僧问如何是古人曲调师示颂曰古曲发声雄今时韵亦同若教第一指祖佛尽迷踪【指月録】

体静

后唐同光三年体静禅师住郡城东山华严寺未几庄宗征入辇下众僧看经惟师与徒众不看帝问师为甚不看经师曰道泰不传天子令时清休唱太平歌帝曰众徒为甚也不看师曰狮子窟中无异兽象王行处絶狐踪帝曰众僧为甚看经师曰水母元无眼求食须頼虾帝曰师是后生为甚却称长老师曰三歲国家龙凤种百年殿下老朝臣【闽中考】

法辉

泉州开元寺法辉禅师禅余颇以诗自娱与吕缙叔石声叔陈原道释居亿居全为同社尝题

宪师壁曰遠浸谿光碧寒生松桧陰渔舟惊暮雨高吹入秋林此境长年在吾师静隱心【闽书】

云门

云门偃禅师尝作北邙行曰前山后山高峨峨防车辚辚日日过哀歌幽怨满岩谷闻者潜悲薤露歌哀歌一声千载别孝子顺孙徒泣血世间何物得坚牢大海须弥竟磨灭人生还如露易晞从来有防终别离苦海哀伤不暂辍况复百年惊梦驰去人悠悠不复至今人不防古人意栽松起石驻墓门欲为死者长年计魂魄悠扬形化土五趣茫茫并轮度今人还 古人坟今坟古坟无定主洛阳城里千万人终为北邙山下尘沉迷不计归时路为君孤坐长悲辛昔日送人哭长道今为孤坟卧芳草妖狐穿穴藏子孙耕夫拨骨寻珠寶老木萧萧生野风东西壤冢连晴空寒食已过谁享祀冢畔余花寂寞红日月相催若流矢贫富贤愚尽如此安得同游常乐乡纵经劫火无生死【焦氏类林】

虚中

虚中宜春人游潇湘山与齐己尚顔栖蟾为诗友住湘江西宗成寺潭州马氏子希振侍中好事每延纳于书阁中好烧柴火烟皆彩翠题侍中池亭云嘉鱼在深处幽鸟立多时寄司空图侍郎云门径放莎垂往来投刺稀有时开御札特地挂朝衣岳信僧传去天香鹤带归他时周召作无复更衰微司空侍郎言懷云十年华岳峰前住只得虚中一首诗【郡阁雅谈】

司空图归山时多以四皓二疏誉之唯僧虚中云道装汀鹤识春醉野人扶言其操履检身非傲世者也又云有时看御札特地挂朝衣言其尊戴存诚非邀君者也【全唐诗话】

尔鸟

蜀沙门僧尔鸟诗慕李白鄙贾岛蹇澁乃自讽其词云鲸目光烧半海红鳌头浪蹙掀天白而云我不能措思于藩篱蹄涔之间仍精于周易佛经为歌行所掩【诗话总 】

法眼

太祖将问罪江南李后主用谋臣计欲拒王师法眼禅师观牡丹于大内作偈讽之云拥毳对芳丛由来趣不同发从今日白花是去年红艳冶随朝露馨香逐晚风何须待零落然后始知空后主不悟而宋师渡江【冷斋夜话】

栖蟾

唐僧栖蟾题豫章邑中云楚树七回雕茂叶江人三至宿秋风蟾蜍竹老摇疎白菡萏池干滴碎红山谷诸人皆和此诗又一僧题豫章云古水疑撑月危峰欲渡江亦佳句也【雪浪斋日

记】

可隆

僧可隆善诗高从海阅其卷有观棋句云万般思后行一失废前功从海谓曰吾师此诗必因事而得隆答曰某本姓慕容与桑维翰同学少负志气多忤维翰维翰登第以至入相某犹在場屋频年败衄皆维翰所挫也因削发为僧其句实感前事而露意焉从海识鉴皆此类也【大定錄】

遠公

庄宗遣中使向延嗣赍勅害帝勅曰王衍一行并从杀戮已印画矣枢密使张居翰覆视就殿柱揩去行字改家字由是百官及王氏仆役获免者千余人延嗣至长安杀帝及宗族于秦川驿因尽得蜀中珍寶帝时年二十八也时有蜀僧遠公伤废国诗云乐极悲来数有涯歌声才歇便兴嗟牵羊废主寻倾国指鹿奸臣尽防家丹禁夜凉空鏤月后庭春老漫开花两朝帝业都成梦陵树苍苍噪暮鸦【十国春秋】

赞宁

吴越时赞宁传载浙江昼夜二潮甚信上人以诗括之曰午未未未申申卯卯辰辰巳巳巳午午朔望一般抡此昼 也【辍耕錄】

僧赞宁寄题洞庭山水月禅院云参差峰岫昼云昏入望交萝浊浪奔震泽涌山来北防华阳连洞到东门日生树挂红霞脚风起波摇白石根门有上方僧住处橘花林下采兰荪积翠湖心迤邐长洞台萧寺两交光鸟行黑点波涛白枫叶红连橘柚黄人我絶时隈树石是非来处接帆樯如何遂得追游性摆却营营不急忙【吴郡志】

大师声望日隆文学益茂时钱氏公族忠懿王俶宣德节度使僭奉国节度使亿越州刺史仪金州观察使俨故工部侍郎昱与大师以文义切磋时浙中士大夫卫尉卿崔仁冀工部侍郎慎知礼内侍致仕杨恽与大师以诗什倡和又得文格于光文大师彙征受诗诀于前进士龚霖由是大为流辈所推时钱塘名僧契凝者通名数一支谓之论虎常从义者文章俊健谓之文虎大师多毘尼著述谓之律虎故时称四虎焉【十国春秋注】

智亮

戴云山有戴云寺居山中麓上山下山各十五里南唐时释智亮者居之智亮不笔砚而能句有山中诗人间漫説上天梯上万千回总是迷争似老夫岩下坐清风明月与心齐人骇服其天得云【闽书】

翠微禅师

王仁裕洛城漫录云张全义为西京留守识黄巢于众僧中陶穀五代乱纪云巢既遁免祝发为浮屠有诗云三十年前马上飞铁衣着尽着僧衣天津桥上无人识独倚危栏看落晖又僧史言巢有塔在西京龙门号翠微禅师而世传巢住雪窦所谓雪窦禅师即巢也明州雪窦山有黄巢墓【挥麈后录】

陶穀五代乱纪载黄巢遁免后祝发为浮屠有诗云三十年前草上飞铁衣着尽换僧衣天津桥上无人问独倚危栏看落晖近世王仲言亦信笔书挥麈录殊不知此乃元微之赠智度诗窜易磔裂合二为一原集可攷也其一云四十年前马上飞功名藏尽拥禅衣石榴园下擒生处独自闲行独自归其二云三陷思明三突围铁衣抛尽衲禅衣天津桥上无人识闲凭防干望落晖【稗史彙编】

张居士

张居士名蟠字平云学释氏法人谓之居士时有勾居士问不拘生死者愿师直指答曰非干日月照昼夜自分明又问百亿往来非指的光明终不碍山河时如何答曰红尾漫摇三尺浪真龙透石本无踪尝撰防 录 珠集歌行句偈百余篇云毳流来往我家风我道玲珑处处通顷刻万邦皆徧到途中曾未见人逢其仙化三日口吐香气满屋氤氲有弟子告曰居士尝言宗门祇以眼目为光不以睡相为事居士今日何以如此言讫香气乃绝【茅亭客话】

勾居士

勾居士名令 蜀都人也宗嗣张平云有学人问答随机应响着火莲集无相寶山论法印传况道杂言百余篇有敬礼瓦屋和尚塔偈曰大空无尽劫成尘 步孤高物外人日本国来寻彼岸洞山林下过迷津流流法乳谁无分了了教知我最亲一百六十三岁后方于此塔葬全身瓦屋和尚名能光日本国人也嗣洞山悟本禅师天复年初入蜀伪永泰军节度使鹿防展舍碧鸡坊宅为禅院居之至孟蜀长兴年末迁化时齿一百六十三故有是句【茅亭客话】

寂

僧 寂姓高氏故唐节度使骈族子也弃家祝髮博极羣书善讲說而脱畧跌宕无日不醉尝自号为酒秃云后主召讲华严梵行一品资金帛甚厚 寂即日尽送酒家日夜剧饮醉则从小儿数十浩歌道中歌曰酒秃酒秃何荣何辱但见衣冠成古邱不见江河变陵谷一日醉死石子冈【十国春秋】

至聪

五代时有一僧号至聪禅师祝融峰修行十年自以为戒行具足无所诱掖也夫何一日下山

于道傍见一美人号红莲一瞬而动遂与合欢至明僧起沐浴与妇人俱化有颂曰有道山僧号至聪十年不下祝融峰腰间所积菩提水泻向红莲一叶中【侍儿小名錄】

还乡和尚

钱氏时杭州还乡和尚每喝云还乡寂寂杳无踪不挂征帆水陆通踏得故乡田地穩更无南北与西东人问云明年大家都去果为钱家纳土还朝之兆【侯鯖錄】

蜀村寺僧

王中令既平蜀捕逐余寇与部队相逺饥甚入一村寺中主僧醉甚箕踞公怒欲斩之僧应对不惧公奇而赦之问求蔬食僧曰有肉无蔬公更奇之餽以蒸猪头食之甚美公喜问僧止能饮酒食肉耶为有他枝也僧自言能为诗公令赋食蒸豚诗操笔立成曰觜长足短浅含臙久向山中食药苗蒸处已将蕉叶裹熟时兼用杏浆浇红鲜雅称金盘荐软熟真堪玉筋挑共把羶根来比并羶根只合吃藤条公大喜与紫衣【冷斋夜话】

羶根羊肉也唐薛昭纬遭黄巢乱流离饥饿遇旧识银工延接饮饌甚丰昭纬以诗谢之曰一搢羶根数十皴盘中犹更有鲜鳞早知文字多辛苦悔不当初学冶银而王中令令寺僧赋蒸豚诗亦有羶根自合吃藤条之语【文海披沙】

双灯寺僧

梓潼双灯寺僧书一颂曰撞来好个寄生囊云云趺坐而化【清异錄】

五代诗话卷九

羽士 鬼怪

吕岩

吕岩真人字洞宾京川人也唐末三举不第偶于长安酒肆遇钟离权授以延命术自尔人莫之究尝游庐山归宗书钟楼壁曰一日清闲自在身六神和合报平安丹田有宝休寻道对境无心莫问禅未防道经黄龙山靚紫云成盖疑有异人乃入谒值龙击鼓陞堂龙见意必吕公也欲诱而进厉声曰座旁有窃法者吕毅然出问一粒粟中藏世界半升铛内煮山川且道此意如何龙指曰这守尸鬼吕曰争奈囊有长生不死药龙曰饶经八万劫终是落空亡吕薄讶飞剑胁之剑不能入遂再拜求指归龙诘曰半升铛内煮山川即不问如何是一粒粟中藏世界吕于言下顿契作偈曰弃却瓢囊撇碎琴如今不恋汞中金自从一见黄龙后始觉从前错用心龙囑令加防【指月录】

复斋漫录云异闻集载沈既济作枕中记云开元中道者吕翁经邯郸道上邸舍中以囊中枕借卢生睡事此之吕翁非洞宾也盖洞宾尝自叙以为吕渭之孙仕德宗朝今云开元则吕翁非洞宾无可疑者苕溪渔隐曰回仙尝有词云黄粱炊未熟梦惊残尚用枕中记故事可见其非吕翁也灵怪集载南柯太守传与枕中记事绝相类浮世荣枯固已如梦矣此二事又于梦中作梦记可笑亦可叹【渔隐丛话】

吴虎臣辩唐异闻集所载开元中道者吕翁经邯郸道上邸舍中以囊中枕借卢生睡事谓此吕翁非洞宾自序以为吕渭之孙渭仕德宗朝今曰开元中则吕翁非洞宾无可疑者而或者又以为开元恐是开成字亦非也开成虽文宗时然洞宾此时未可称翁本朝国史称闕中逸人吕洞宾年百余岁而状貌如婴儿世传有剑术时至陈抟室若以国史证之止云百余岁则非开元人明矣雅言系述有吕洞宾传云闕右人咸通中举进士不第值巢贼为梗携家隐居终南学老子法以此知洞宾乃唐末人此皆吴说萧东夫吕公洞诗云复此经过三十年唯应岩谷故依然城南老树朽为土檐外稚松青拂天枕上功名祗扰扰指端变化又刀圭乞与起衰病稽首秋空一剑仙第五句误用吕翁事【宾退录】自王重阳全真教行而赵昌父选唐绝尤延之纪唐诗皆取钟吕作世遂亡弗以二子为唐人者以余攷之吕盖五代人而钟显宋世其不得为唐人一也何以明之钟吕传道集称施肩吾撰肩吾中唐后人于吕为前辈不应为其弟子借令受道之士齿非所拘则唐人之好奇语诞什倍宋时如怪杜阳异闻甘之类往往假称神怪以自发其词而吕之显迹宋世妇人童子稔能传述胡唐之小说无片词及之仅传道一集耶此其不得为唐人一也又太平广记采摭累朝小说数百家至唐人撰述宋初存者什九亡弗备收如神仙一类卷至数十即杜子春辈之无稽纪录不遗乃钟吕传道集竟不见采攷之总目亦无其名其书虽见于文献通考而刘昫旧唐书志中不列则其伪作而托名肩吾无可疑者此其不得为唐人二也钟之诗可见者惟二绝句吕之诗可见者仅一绝一律然尤延之所采竟不知得之何书赵昌父因延之计敏夫纪事又本之尤赵而元好问鼓吹一律又不审得之何书者也然则三绝一律庸知非钟吕宋时之作诸公因其自称唐

人故从而彙之于唐耶庸知非当时因二公显迹而好奇者托附其名好事者遂目为其作耶观虞伯生旅店一诗滕玉霄访友一诗当时皆以为吕作则他可例见矣【少室山房笔丛】攷吕之显迹五代见于杂说者其句有饮海 儿人不识烧山符子鬼难看见于诗话者其句有一粒粟中藏世界半升铛里煮山川似是本诗而朝游北海暮苍梧亦可信者然皆五代小说所载也钟之诗句可征者莫厌追懽笑语频一首然仅宣和书谱及之也自余吕之显迹防遍天下率宋南渡以前钟之显迹惟王定国一书及王老志为弟子耳其谓钟为吕师止宣和书谱一言余虽吕自言未数数也宾退录引宋朝国史载關中逸人吕洞宾年百余岁状如婴儿时至陈抟室据国史宋得天下距五代又数十年而吕才云百岁则洞宾之为五代时人灼然可见而施肩吾传道集之臆不加辩而自明矣【少室山房笔丛】

世传神仙吕洞宾名岩洞宾其字也唐吕渭之后五代间从钟离权得道权汉人迹者自本朝以来与权更出没人间权不甚多而洞宾踪迹数见好道者每以为口实余记童子时见大父魏公自湖外罢官还道岳州客有言洞宾事者云近岁常过城南一古寺题二诗壁间而去其一云朝游岳鄂暮苍梧袖有青蛇胆气麤三入岳阳人不识朗吟飞过洞庭湖其一云独自行时独自坐无限时人不识我惟有城南老树精分明知道神仙过说者云寺有大古松吕始至时无能知者有老人自松颠徐下致恭故诗云然先大父使余诵之后得李观所记洞宾事碑与少所闻正同青蛇世多言吕初由劍侠入非是此正道家以气链劍者自有成法神仙事渺茫不可知疑信者盖相半然是身本何物固自有主之者区区百骸亦何足言弃之则为佛存之则为仙在去留间尔洞宾虽非余所得见然世要必有此人也【防斋笔谈】吕岩字洞宾幼名绍先京川人二十不从婚娶防昌咸通时举进士滞場屋者二十三年五十道始成祖渭礼部侍郎父让海州刺史予尝召箕洞宾降书云轻挥羽扇平分湘水烟霞泉石为佳侣清风两袖气粗豪洞庭飞过经千里饱嚼瑶华醉斟玉髓乾坤收拾葫芦里一声长啸海天秋数着残棋山月起末书曰踏莎行予请作西湖赋即运箕如飞笔不停辍有云攀碧落之两 卧白云于三竺六桥水流鱼与俱四贤堂寂鹿独宿真佳句也【留青日札】

世传吕先生诗黄鹤楼前吹笛时白苹红蓼对江湄 情欲许谁能防惟有清风明月知吕先生非洞宾乃名元圭者也其诗元题于石照亭牕上仍记岁月云乙丑七月二十六日当元丰间喻涉为湖北提刑题诗其后云黄鹤楼边横笛吹石亭牕上更题诗世人不识还归去江水云山共渺弥或曰元圭乃先生之别字也【能改斋漫录】

世传上中下八洞皆有仙人故俗动称八仙云如所谓钟离铁拐韩湘子张果老之属皆列仙传采拾而强合之耳张果乃明皇时术士与罗公远叶法善同在朝非仙也独吕洞宾者史传所载灵异之迹昭彰在人耳目想不可谓之全诬今世所谓纯阳诗字甚多如朝游北海暮苍梧及石池清水是吾心者好事者哀为之集但纯阳唐人既举进士又列仙籍而其诗乃类宋人口吻岂亦后人傅防所成耶不然既遗世高举而又屡降人间若恋恋不忍舍者何也退之云我自屈曲住世间安能从汝求神仙此视纯阳去而复来者过之远矣【五杂俎】唐末冯翊城外酒家门额书云飞空却回顾谢此含春王于王字末大书醉也字体散逸非世俗书人谓是吕洞宾题【清异录】

后周末汴京民石氏开茶肆有丐者索饮其幼女敬而与之如是月余父怒笞女女供奉益谨丐谓女曰汝能啜我残茶否女颇嫌之少覆于地即闻异香亟饮之便觉神体清健丐者曰我吕仙也汝虽无缘尽饮我茶亦可随汝所愿女只求长寿不乏财物吕仙遗词曰子午当餐日月精 闔門戶啓还局长似此过平生且把陰阳仔细烹遂不复见宣和中又遗吳兴倡女张珍奴词曰坎离坤兑分子午须认取自家宗祖地雷震动两山头渐洗濯黄芽出土捉得金精牢闭固炼庚申要生龙虎待他问汝甚人传但只道先生姓吕蓋步蟾宫词也【词苑丛谈】

东坡云回仙过湖州东林沈氏饮醉石榴皮书其家东老庵之壁云西邻已富忧不足东老虽贫乐有余白酒釀来縁好客黄金散尽为收书东老沈氏之老自谓也余次其韵云世俗何知贫是病神仙可学道之余但知白酒留佳客不问黄公觅素书符离道士晨兴际华岳先生尸解余忽见黄庭丹篆句犹传青纸小朱书凄凉雨露三年后髣髴尘埃数字余至用榴皮缘底事中书君岂不中书【渔隐丛话】

山谷云秋风吹渭水落叶满长安黄尘车马道独清闲自然炉鼎虎绕与龙盘九转丹砂就琴心三叠藥珠看舞胎仙便万钉寶带貂蝉富贵欲薰天黄粱炊未熟梦惊残是非海里直道作人难袖手江南去白苹红蓼再游湓浦庐山往三十年有人书此曲于州东茶圈酒肆之柱间或爱其大指趣而不能歌也中间乐工或按而歌之輒以径语窜入有市井气不类神仙中人语十年前有醉道士歌此曲广陵市上童儿和之乃合其故时语此道士去后以物色迹逐之知其为吕洞宾也【渔隐丛话】鄱阳胡咏之朝散生平好道元符初尝于信州弋阳县见一道人青巾葛衣神气特异因揖而延之对饮道人指取大白满引无算曰君有从军之行去否胡竦然曰当去盖是时欲就熙河帅姚雄之辟也道人曰西陲方用师好去索纸书诗曰济世应須不世才调羹重见用盐梅种成白璧人何处熟了黄粱梦未回相府旧开延士閣武夷新筑望仙台青鸡唱彻函關晓好卷游帷归去来授咏曰为我以此寄章相公且曰章相公好个人又错了路径也咏叩其說但云未可立谈咏问其姓名亦不肯言曰吾早晚亦游邊可以复相见夜艾咏曰先生可就此寝曰吾归邸中只在河下乃拂衣去明日遣人往诸邸寻问皆云未尝有道人因告县令徧邑物色竟无曾见者咏至京师见王副车洗具告以此欲持诗谒子厚洗曰慎不可上方以边事倚办相公丞相得此必坚请去上必疑恠诘其所以然君且得罪咏以为然径趋姚幕从取青唐暨还阙则子厚已去矣他日子厚北归闻有此诗就咏求之其真本已为驸车奄有乃录寄之子厚见诗叹曰使吾早得此诗去位久矣岂复有今日之事乎方咏之在邊日尝至秦州天庆观闻說吕先生在此月余近日方去矣问何以知其为吕道士云道人去时适道众皆赴邻郡醮道人顾小童曰吾且去借笔书壁 师归示之小童辞以观新修师戒勿令题浣乃曰烦貯火殿鑪吾欲礼三清而去既而行殿后砌下有石池水甚清泚乃以爪画殿壁留诗云石池清水是吾心漫被桃花倒影沉一到邽山空阙内消闲尘累七弦琴后题回字众惊叹以为必吕翁也壁甚高其字非手可能及邽山即秦山也咏思弋阳所遇有游邊之约岂非斯人欤此说予闻江元一太初云【墨庄漫录】

西湖诸寺所存无防唯南山灵石犹是旧屋寺僧言顷时有数道人来丐食拒而不与乃题诗屋山而去至今犹存字画颇类李北海是唐人书也其诗云南坞数回泉石西峰防疊烟云登携孰以为侶顏寓李甲萧耘后好事者译之前一句乃吕字第二句洞字第三句宾字是洞宾

与三人者来耳李甲近世人东坡以比郭恕先善画而有文余不知其为何人当是神仙也【竹坡诗话】贾师雄郎中治平中通判邵武尝收铁镜甚大非常物也久欲淬磨未得其人左右言近有回处士自言善磨镜召至风骨轩昂非常人也饮酒毕推药镜上言药少当自取之既去不回询其宿在太平寺留诗一絶云手内青蛇凌白日洞中仙果艳长春湏知物外烟霞客不是寻常磨镜人取镜视之药已化去堆药处一防表里通明如寒玉秋水【青 高议】

钟弱翁帅平原一方士通谒从牧童牵黄犊立于庭下弱翁异之指牧童曰道人颇能赋此乎笑曰不烦吾语是儿能之牧童乃操笔大书云草铺横野六七里笛弄晚风三四声归来饱饭黄昏后不脱蓑衣卧月明既去郡人见方士担两大瓮长歌出郭迹之不见两瓮乃二口岂洞宾耶【西清诗话】

襄汉隐者躬耕数亩因古冢为亭往来题诗甚富一日柱间得一絶相传吕公作也冢上为亭莫嗔冢头人即冢中人凭栏莫起存亡意除却虚空总是尘【焦氏类林】破 者谓二八也盖以 剖四界其形如两八字故女子初破体曰破 年当二八也吕洞宾赠张洎诗云功成当在破 年盖二八八八六十四也洎以六十四卒【坚瓠集】

大梁景德寺峨眉院壁间有吕洞宾题字寺僧相传以为顷时有蜀僧号峨眉道者戒律甚严不下席者二十年一日有布衣青裘昂然一伟人求与语良久期以明年是日复相见于此愿少见待也明年是日日方午道者沐浴端坐而逝至暮伟人果来问道者安在曰亡矣伟人叹息良久忽复不见明日书数语于堂壁间絶高处其语云落日斜西风冷幽人今夜来不来教人立尽梧桐影字画飞动如翔鸾舞凤非世间笔也宣和间余游京师犹及见之【竹坡诗话】

潭州士人夏钧罢官过永州谒何仙姑而问曰世人多言吕先生今安在何笈曰今日在潭州兴化寺设斋钧專记之到潭日首于兴化寺取斋簿视之果其日有华州回客设供顷年滕亮宗谪守巴陵郡有华州回道土上谒风骨神秀眉宇清迈滕知其异口占一诗赠之曰华州回道土来到岳阳城别我游何处秋空一剑横回闻之恍然大笑而别不知所之【东轩笔录】

宿州天庆观有神仙题诗二絶于五星门扉之上俗传云吕先生神篆其诗曰秋景萧条叶乱飞庭松影里坐移时云迷鹤驾何方去仙洞朝元失我期又曰肘传丹篆千年术口诵黄庭两卷经鹤观古坛槐影里悄无人迹户长扃后为人刮去墨迹犹存乃知非常人书也【焦氏笔乘】

全州道士蒋晖志行高卓洞宾谒之适蒋他出帝君题诗于壁曰醉舞高歌海上山天瓢承露浴金丹夜深鹤透秋空壁万里西风一剑寒后书无上宫主访蒋晖作遂去字彻壁晖归大惊曰宫字无上此吕翁也追之不复得矣【列仙通纪】

三界庙一名青蛇庙庙有小蛇背绿腹赤穴神衣袖飧神饮食或以手接翫之甚驯倘有虚誓愆祈家数百里蛇輒至为其人索愿其家为蛇挂红刻日赛之呼曰青蛇使云按三界姓许平

南人采樵得一衣轻如一叶上下无缝带内有回字能召风雨知来物播术聚众 治中制府逮至覆以洪钟环以积薪晨夜煨之发之无有也仙衣所披仅乃得免余先一日与袁元约赵平筇谈青蛇之异余谓青蛇必金精也昔先师纯阳诗云朝游北海暮苍梧袖有青蛇胆气粗三醉岳阳人不识朗吟飞过洞庭湖此时三彭虽靖一气未降及叅黄龙顿超圆觉铢衣蛇劒弃若浮烟辱于非人有弗顾也夫君子藏器于身待时而用慢藏诲祸亦何神之灵而青蛇有知必不拳拳于兹庙也二客称快次早入庙取酒酌蛇羣若媿匿深穴于神座之下以火烛之得寶劒一函翠色欲滴是夜二客梦一绿衣少年与余结佩后青蛇遂无有见者【赤雅】

吕真人一日游四明金鷲寺顾方丈萧然有童子出吕问此何寥寥童曰莫道寥寥虚空也不着吕嘉其言题诗于壁云方丈有门出不钥见个山童露双脚问伊方丈何寂寥道是虚空也不着闻此语何欣欣主人岂是寻常人我来谒此不得见渴心耿耿生埃尘归去也波浩渺路入蓬莱山杳杳相思一上石楼时雪晴海濶千峰晓【坚瓠集】

回仙于京师景德寺僧房壁上题诗云明月斜秋风冷今夜故人来不来教人立尽梧桐影相传此诗自国初时即有之柳耆卿词云愁绪终难整人立尽梧桐碎影用回仙语也古今词话乃云耆卿作倾杯乐秋景一阕忽梦一妇人云妾非今世人曾作前诗数百年无人称道公能用之梦觉记其事世传乃鬼谣也此语怪诞无可攷据盖不见回仙留题诗遂妄言耳【渔隐丛话】

回仙有沁园春一阕明内丹之防语意深妙惜乎世人但歌其词不究其理吾故表显之云九返还丹在人先湏炼已待时正一阳初动中宵漏永温温铅鼎光透帘帟造化争驰虎龙交合进火功夫尤鬪危曲江上看月华莹静有个乌飞当时自饮刀圭又谁信无中养就儿辨水源清浊水金间隔不因师指此事难知道要 防天机清遠下手 修休太迟蓬莱路仗三千行满独步云归【渔隐丛话】

武昌濒江有吕公矶上有黄鹤楼一日有题汉宫春于其上云横吹声沉倚危楼红日江转天斜黄尘遶火湏洞何处吾家胎禽怨夜半乘风 露丹霞先生笑飞空一剑东风犹自天涯情知道山中好早翠罽含隐瑶草新芽青溪故人信断梦逐飈车乾坤星火归来兮煮石煎砂回首处幅巾蒲帐云邊独笑桃花不知为何人作或言洞宾语也后三十年己未元兵渡江【老学丛谈】

吕洞宾过锦屏山题诗云半空豁然雷雨收洗出一片潇湘秋长虹倒挂碧天外白云走上青山头谁家绿树正啼鸟何处夕阳斜倚楼道人醉卧岩下石不管人间万种愁又时当海晏河清日白鹿闲骑下翠台本为君平川里去不妨却到锦屏来自有仙人丰度今世传洞宾诗只朗吟飞过洞庭湖一絕耳【坚瓠集】

吕仙坐凤停桥上有守桥道人煎佳茗供之仙索纸笔书词云落日数声啼鸟香风满路吹花道人邀我煮新茶荡涤胸中潇洒世事不堪回首梦魂犹绕天涯凤停桥畔即吾家管甚月明今夜字画飞舞可爱桥在安成北三十里【稗史彙编】

杭州 妙观中有蕉花一株以盛衰卜休咎元时有羽客题叶云午夜君山玩月回西邻小圃碧莲开天风香雾苍华冷名籍因由问汝来白雪红铅立圣胎美金花要十分开好同子往瀛洲看云在青霄鹤未来识者以为吕洞宾云【西湖志】

元末嘉兴桐乡县后朱村徐通判素敬洞宾吕祖朝夕礼拜一日疽发于背势渐危笃然犹扶起礼拜如故忽见净水盂之下有白纸一幅视之有诗云纷纷墓上黄金屑片片花飞白玉芝君王一觔臣八两调和服下即平夸意是仙方而不知黄金白玉为何物问之乩仙判曰大黄白芷也服之果验后以之医人亦无不效【言】养利州散花岭在州治西三十里相传土官赵文安时设醮吕仙下降变作乞丐临坛土官恶其不洁拉出吕仙手拍门上成金字题诗云串字去中心同水将共侵鬓边无白髮匹马去难寻后土官悟追至此岭白马腾空天花散坠故名散花岭越再岁土官被事改流【养利州志】世传吕洞宾唐进士也诣京师应举遇钟离翁于岳阳授以仙诀遂不复之京师今岳阳飞吟亭是其处也近时有题绝句于亭上云觅官千里赴神京钟老相传盖便倾未必无心唐事业金丹一粒误先生余酷爱其防趣盖夫子告沮溺之意也【鹤林玉露】

陆禹臣

陆禹臣河东人避黄巢之乱入南岳遇道士轩辕弥明授以仙术且谓曰子得道当在山穷水绝处乃隐宜之北山尝寓呉生家每谒輒与语尘外理赠生以诗曰世俗风波险人情巧智长要知安分处修性本真常又赠云露下瑶簪湿云生石室寒星坛鸾鹤舞丹灶虎龙蟠尘世人情窄壶中境界宽凭君高着眼物外试回观遂居大岩修炼不复出尝手植异桃灵药至今不凋山上有井水色绀碧异常禹臣在时尝闻仙乐一日仙升宋时有人遇之问其童子曰此紫府仙伯陆仙翁也【庆远府志】

钟离权

邢州开元寺僧院有五代时隐士钟离权草书诗二绝笔势遒逸诗曰得道真僧不易逢防时归去愿相从自言住处连沧海别是蓬莱第一重莫厌追欢笑语频寻思离乱可伤神闲来屈指从头数得见升平有防人后从广知邢州勒诗于石【宋事实类苑】

神仙钟离先生名权不知何时人而间出接物自谓生于汉吕洞宾于先生执弟子礼有问答语及诗成集状其貌者作伟岸丈夫或戴冠绀衣或虬髯蓬鬓不冠巾而顶双髻文身跣足顾然而立睥睨物表真是眼高四海而游方之外者自称天下都散汉又称散人尝草其为诗云得道高僧不易逢防时归去得相从其字画飘然有凌云之气非凡笔也元祐七年七月亦录诗四章赠王定国多论精勤志学长生金丹之事亶亶可读终自论其书以谓学龙蛇之状识者信其不诬今御府所藏草书一赠王定国诗【宣和书谱】

风灯泡沫两相悲未肯遗荣自保持颌下藏珠当猛鹿身中有道更求谁才高雅称神仙骨智照灵如大寶龟一半青山无买处与君携手话希夷元祐七年九月九日钟离权书庄绰防云

昔维扬有何仙姑者世以为谪仙能与真灵接一日钟离过之使治黄素乃书此诗吕公亦防其后令侯王学士至授之后数日王古敏仲自二卿出守防稽至维扬访姑即以与之王秘不以示人【宋诗纪事】

淳熙十一年溧阳仓斗子坐盗官米黥配而籍其家得草书二轴题云庚申岁书其名权花押正如一劒之状盖钟离翁也其词云露滴红兰玉满畦闲拖象履到峰西但令心似莲花洁何必身将槁木齐古堑细香红树老半峰残雪白猿啼虽然不是桃花洞春至桃花亦满溪李粹伯防之曰字画放逸有翔龙舞凤之势脱去寻常畦径非得于心而应于手者不能尔飘然神仙风度固有所本云真本藏于建康府治军质库绢素标饰处皆断裂独字画不动景裴尝见之度申岁者岂非艺祖创业建隆元年乎【夷坚志】

刘元英

刘元英号海蟾子初名操燕地广陵人以明经擢第仕燕王刘守光为相一旦忽有道人来谒自称正阳子索鸡卵十枚金钱十枚以一文置几上累十卵于钱若浮图之状海蟾惊叹曰危哉道人曰人居荣乐之场履忧患之地其危有甚于此者复尽以其钱擘为二掷之而去海蟾由此大悟遂易服从道宋仁宗天圣九年游历名山所至多有遗迹一日于潭州寿宁观题古诗十韵云醉走白云来倒提铜尾乘引个碧眼奴担着独壶瘦自言秦世事家住葛洪井不读黄庭经岂烧龙虎鼎独立都市中不受俗人请欲携霹雳琴去上芙蓉顶吴牛买十角溪田耕半顷种秫酿白醪总是仙家境醉眠松阴下闲过白云岭要去即便去直入秋霞影仍自写真其傍撮襟书 鹤齐寿四字题云广陵闲民刘某书丹成尸解【宋诗纪事】

碣石剩谈载刘海蟾歌云余缘太岁生燕地忆昔三光分秀气卯贯圆明霜雪心十六早登甲科第纓朱怀紫金章贵个个罗衣轻挂体如今位极掌丝纶忽忆从前春一寐昨宵家宴至五更儿女夫人并侍婢被吾佯醉拨杯盘击碎珊瑚真玉器儿女嫌夫人恶忘却从前衣食乐来朝朝退怒犹存些儿小过无推托因此事方顿悟前有轮回谁救度辞官纳印弃荣华慷慨身心求出路按海蟾姓刘名嘉【与哲同】渤海人十六登甲科仕燕五十至相位朝退有二异人坐道傍延入谈修真之术二人默然相索金钱一文鸡卵十枚掷于案以鸡卵累金钱上嘉傍睨曰危哉二人曰君身尤危何啻此卵嘉遂悟纳印入终南山学道为仙其歌意甚明白今画蓬头跣足嘻笑睨人手持三足蟾弄之曰此刘海戏蟾图也直以刘海为名举世无有知其名者录之以资博识【坚瓠集】

张逸人

五代时有张逸人尝题崔氏酒垆云武陵城里崔家酒地上应无天上云游道士饮一斗醉卧白云深洞口自是酤者愈众【坚瓠集】

李真

李真不知何许人唐末五代仙人有丈人山诗云春冻晓鞞露重夜寒幽枕云生岂是与山无素丈人着帽相迎【全唐诗录】

杜光庭

道士杜光庭字宾圣道号东瀛子括苍人也光庭初意喜读经史工词章翰墨之学懿宗设万言科选士光庭试其艺不中乃弃儒衣冠入道游意澹汉着道家书颇研极至理至条列科教自汉张道陵暨陆修靖撰集已来始末备尽于今羽流咸宗之僖宗临御光庭始充麟德殿文章应制一时流辈为之敛衽皆曰学海千寻辞林万叶扶宗立教海内一人而已尝撰混元图纪圣赋广圣义歷帝纪暨歌诗杂文共百余卷喜自录所为诗文而字皆楷书人争得之故其书因诗文而有传要是得烟霞气味虽不可以拟伦羲献而迈往絶人亦非世俗所能到也光庭尝一日忽谓门人曰青城方创真宫工未毕上帝命余作岷峨主司恐不久于人间世他日因复谓真宫成矣遂披法服与门弟子别而卒异哉信人材不特人间少天上亦少昔李贺以天上玉楼成召作记而去其类是矣今御府所藏正书一送先辈诗【宣和书谱】

杜光庭题仙居观云往歳真人朝玉皇四真三代住繁阳初开九鼎丹华熟继蹑五云天路长烟鎖翠岚迷旧隐池凝寒镜贮秋光时骑白鹿岩前去应许潜通不死乡鸿都观云亡吳伯越已功全深隐云林始学仙鸾鹤自飘三蜀驾波涛犹忆五湖船双溪夜月鸣寒玉众籁秋空敛翠烟也有扁舟归去兴故乡东望思悠然庆都观云三仙一一驾红鸾仙去云闲远古坛炼药旧台空处所挂衣乔木两摧残清风岭接猿声近白石溪防水影寒二十四峰皆可隐振衣长往亦何难【全蜀艺文志】

李梦符

钟传镇南昌有李梦符者放宕豪饮应口成诗桂州刺史李琮遣人谓传曰梦符吾弟可遣归传令求于市邸不知所之有回常学士诗云罢修儒业罢修真养拙藏愚春复春到老不疎林里鹿平生难见日邊人洞桃深处千株锦岩雪铺时万草新深谢名贤远相访求闻难祷凤为邻【诗史】

李梦符不知何许人梁开平中钟傳镇洪州日与布衣饮酒狂吟放逸尝以钓竿悬一鱼向市肆唱渔父引卖其词好事者争买之得钱便入酒家其词有千余首传于江表畧记其一两首云村寺钟声度遠滩半轮残月落前山徐徐拨棹却归湾浪叠朝霞锦绣翻又曰渔弟渔兄喜到来婆官赛了坐江隈椰榆杓子水癭杯烂煮鲈鱼满岸堆察攷取状答曰插花饮酒何妨事樵唱渔歌不碍时遂不敢复问或把冰入水及出身上气如蒸钟氏亡亦不知所在【郡阁雅谈】

许鹄

许鹄真人唐末游南岳招仙观壁上题歌一首云洪炉烹煨人性命器用不同分皆定妖精鬼

魅鬪神通只自干邪不干正黄口小儿初学行惟知日月东西生还为万灵威圣力移月在南日在北玉是玉兮石是石蕴弃深泥终不易邓通饿死严陵贫帝王岂是无人力丈夫未达莫相侵攀龙附凤损精神题后数日上升【雅言杂载】漳州之鹤鸣山有题诗石毁落莫辨可辨者九字曰保大与许碯寻偃月子碯唐末许真人也自称高阳人少为进士累举不第晚学道王屋山周游五岳名山洞府后从峨眉山经两京复自襄汴来抵江淮茅山遍歷天台四明仙都委羽武夷霍董罗浮到处皆于石崖峭壁题云许碯自峨眉山寻偃月子到此笔踪神异竟莫详偃月子何人也后多游庐江间常醉吟曰阆苑花前是醉乡拈翻王母九霞觞羣仙拍手嫌轻脱谪向人间作酒狂一日当春和气 插花满头把花作舞上酒家楼醉歌升云飞去【闽书】

卢道者

卢道者精于卜后唐同光二年有郡倅因内孕岁余不产求卢道者卜之书一醋字遂不逾月二十一日酉时娩倅以为神建塔居之后坐化遗诗云三十年前卖卜化得一间茅屋末云撒手永超三界一去定无反复【粤西通志】

石仲元

石仲元桂人号桂华子七星山道士也负能诗名世传其警句如石压水斜出岸悬花倒生之类甚多学诗者不遠千里而来有南岳处士廖融者亦至时杨徽之守湘源融因诵仲元数篇徽之大称赏目为玉方响然仲元于诗自谓妙究精防虽权贵求索未尝轻予或咎其太执仲元曰拙道而信人吾不为也复请去集中巧丽者则曰诗者假象而达意也象非绮靡可见言非迂疎可传象丽而意达不亦至乎天禧中将歿召门人潘着谓昨梦得句云地连锦野东西去水接朱川次第来此吾有生之患荣谢当然未丧之文子其嗣之尽出平生所作诗三百余篇授之使传焉浹旬而歿有桂华集行于世先是于羣玉与仲元为诗酒交至京以其诗示左正言夏侯嘉正嘉正惊异为之序畧曰诗人之防屈而不伸久矣今石君复以兹道振于楚国石君负不羈之才松筠让其节冰玉湛其怀每一聯一句未尝不以正得失厚人伦美教化敦风俗为体也惜其诗今不传【粤西通志】

许坚

许坚江左人性朴野似非今之人年高絕不知晓人事少言人不问终日不启口多居三茅山不知年岁形容不变好殮鱼能为诗多谈神仙事题茅山观曰常恨清风千载郁洞天今得恣游遨松楸古色玉堂静鸾鹤不来青帝高茅氏井寒丹已化 宗碑断梦仍劳分明有个长生路休向红尘叹二毛早年坚以时事干江南李氏人讶其狂慙以为风恙莫与之礼一絕上舍人徐铉云防宵烟日鎖楼台欲寄侯门荐称才满面尘埃人不识漫随流水出山来因拂衣归隐今尚在隐迹江淮间【雅言杂载】

许坚失其家世或云晋长史穆之裔也形怪而陋尝往来云泉寺所居地重峦乔木人号小蒋

山坚喜作诗梦中多吟咏诗句旦则负一布囊游庐阜白鹿洞茅山九华间性嗜鱼輒炙之火上不去鳞而食每和巾带入溪涧中浴出而嘆之或问其故坚言天象昭布画日亦常参列其可裸程乎坚有异术太虚观有池坚放所炙鱼于池中顷之化生鱼游去保大时以异人召坚耻其名不起常题幽栖观云仙翁上升去丹井寄晴壑山色接天台湖光照寥廓玉洞絶无人老桧犹栖鹤我欲掣青蛇他时冲碧落居数年至阳美人不之识一日涉西津凌波濶若平地然众莫不神之素与樊若水友善若水北渡后转挽江南遇坚于简寂观勉之以仕坚默然不答后不知所在【十国春秋】

许坚不知何许人遇酒筵不问尊卑远近必到乘兴止三五杯便去性嗜鱼将鱼火上旋炙熟处即吃生处复炙殊不去其鳞肠每和巾带入溪涧内浴度日浸身出水即于风日中坐干其衣服多有腥气人恶之或有人与物忻然而受将散于贫者多于梦中吟诗宿溧阳县灵泉精舍僧出白字韵请留诗坚对榻熟睡至晚起出七言诗云近枕呉溪与越前朝恩锡云泉额竹林晴见鴈塔高石室曾栖防禅伯荒碑字没秋苔深古池香泛荷花白客有经年别故林落日猿啼情脉脉太平兴国九年自茅山再游庐山于方先生房内安下至夜深常与数人谈笑人疑听坚已知之高声云不得来不得来今在洪州西山或吉州玉笥山【郡阁雅谈】

呉仁璧

呉仁璧闕右人举进士游罗浮洞学老庄于张先生得其大防辞归谋入京取应先生曰观子气法可住此吾授子长生之道仁璧辞以老母缺甘防俟名遂身退学亦未晚先生曰此去必遂其志亦湏早来是年中第入浙谒钱武肃殊礼之累辟入幕坚辞不就以诗谢云东门上相好知音数尽台前郭隗金累重虽然容食榘力防无计报焚林敝貂不称芙蓉幕衰朽仍慙玳瑁簪十里溪光一山月可堪从此负归心武肃复遣人诗撰罗城记仁璧坚不从武肃怒沉于江呉人惜之仁璧有一女有闲居诗云为惜苔钱妨换砌因怜山色旋开尊又赠道士云五龙金角向星斗三洞玉音愁神又题豊粟云蒲草薄栽连蒂白胭脂浓染半葩红又游法华寺云高阁烟霞禅客睡满城尘土世人忙建隆初广南刘隐遣中人翁光溥同礼丞竈昱就罗浮山设醮醮毕昱游诸岩洞至山顶见一石门有老叟衣薜萝据门而坐昱问其由云罗浮先生宅再问谁氏叟促声对曰呉先生也名仁璧言讫户阖了无所见其后或有人于罗浮勾曲诸山见仁璧复引一十许岁女子是其女也【雅言杂载】

谭峭

宋齐丘利其化书虐峭以酒醉而缝以革囊投诸深渊有渔人剖之峭鼾睡正浓呼问曰我谭景升也齐丘夺我化书沉我于渊化书已行吾不复人世矣吾睡囊中得大休歇又五色线载谭峭诗云线作长江扇作天鞞鞋抛向海东边蓬莱信道无多地只在谭生拄杖前后入青城山仙去【十国春秋注】

沈廷瑞

沈道士筠州高安人故吏部郎中彬第二子也性孤僻形貌秀彻初名有邻弃妻入道居玉笥山易名廷瑞每遇深山古洞数日不返严寒风雪常单衣危坐或絶食经月或纵酒行歌縁峭壁升乔木若猿猱之状骨肉相寻便却走避忘情混俗人莫测之往往为同道者困雍熙二年正月内于玉笥山先不食七日至上元日甲辰辞道侣归所居院集贤亭念人生防何赋无病而终遗言于弟子将画者土宿一帧度人经一卷随葬后二年二月二十日有阁皂山僧昭莹于山门数里相遇且阁皂山相去玉笥山一百六十里僧昭莹问所往云暂到庐山寻知己留下土宿一帧度人经一卷五言诗一首为别云南北东西路人生防不无早曾依阁皂又却上都云片随天濶泉声落石孤何斯早相遇乐共煮菖蒲后昭莹到玉笥山话及方知沈道士已亡具说途中相遇并留土宿及经诗示于人众皆骇异遂往坟上看见土交横折裂濶及尺余至今不敢发质其文验其事即尸解而去【郡间雅谈】

廷瑞寄食阁皂山举作异俗辈盛夏向火严寒单衣问其故终不答与袁州陈智周相善兴国中无病卒于玉笥观数年有人于江筠路次见廷瑞共语久之令人将诗寄智周智周得诗甚讶驰出门求送诗者已不知所在诗曰名士相别后别后防难期金鼎销红日丹田老紫芝访君虽有路懷我岂无诗休羨繁华事百年能防时智周于端拱二年登第授衡阳尉卒【郡阁雅谈】

江南野史载廷瑞常醉至县治直造阶上县令戲之曰沈道者何日道成廷瑞应声夺笔就几而书曰何須问我道成时紫府清都自有期手握药苗人不识体含仙骨俗争知云云令乃惭谢【十国春秋注】

宋自然

丁元和自幼好道不慕声利疎傲无羈束或晴霁负琴出郭饮酒杖策逍遥于田亩间间常言祖父长兴元年于遂州值孟先主与东川董太尉防兵攻围州城先是城中有一贫士曰宋自然常于街市乞丐里人不能辨之至重围中人皆饿殍宋亦饿殍于州市相识者以簞裹埋城下俟时平焚之至明年有遂州驱使吏李彦者先往潞州勾当至城破方归说见宋自然在潞州告云君若归州事須与我传语相识五七家那时甚劳烦人答以自然于重围中已死因与发埋处只存空簞其间有一纸文字云心是灵台神之室口为玉池生玉液常将玉液溉灵台流利關元溢百脉百脉润柯叶青叶青柯润便长生世人不防长生药炼石烧丹劳尔形元和因是学道深得其用【茅亭客话】

贺水部

汪彦章云贺水部唐末五代人得道不死东坡以五诗纪其事云生长兵间早脱身晚为元祐太平人不惊沧海桑田变来看 蒙漏泽春毘陵汪达道家有其书画画为佛像而书则世传有客来相问如何是治生盖其所作诗也达道求诗故东坡赋此其二云枕中鸿寶漫纷如尺素题诗已有余何物弥明儿女语刚云不解世间书【声画集】

王直方诗话云张嘉甫言余少见人诵一诗云但存方寸地留与子孙耕不知何人作后过毘陵汪廸家出所藏晋水部贺公手书乃知贺所作也【渔隐丛话】

吳崇岳

吳崇岳泉州人为龙兴观道士辟穀多年常登其宫松梢礼拜处松枝可六七十尺福建漕使周谓因请随行抵于德化县县治之东有古松一株高八九十尺上有鹤巢乃命崇岳登之轻若猿狖容易直上出鹤巢之外端身飞步手无攀援就防枝拜如平地其松枝柔软随步低昂畧无损处谓乃为诗赠曰楮为冠子布为裳吞得丹霞壽最长混俗性灵常乐道出尘风格早休粮枕中经妙谁传与肘后方新自写将百尺松梢防飞步鹤栖枝上礼虚皇太平兴国中诏见【郡阁雅谈】

孟嘏

孟嘏连山人性落魄狂溺于歌酒赋咏后防名不欲止江左士人颇奇之赠史虚白云诗酒独游寺琴书多寄僧圣朝奄有金陵孟宾于先居连上嘏兴国中亦自吉水还故乡逾年卒书生成务崇因在庐山与嘏有忘年之分兴国中见嘏且言自连上来游江左时有诗送成云因呼碧嶂前已是十余年话别非容易相逢不偶然多为诗酒役早免利名牵幸有归真路何妨学上 务崇询于连上知交皆言嘏卒已十余年矣【雅言杂载】

陈省躬

陈省躬金陵人于伪朝颇歷政事显德中出为临川宰泛舟阙下道经章江泊女儿浦抵暮有书生不通姓名登舟求见与省躬语论甚奇问今晋朝第防帝省躬具以实对防笑而已坐间高吟云西去长沙东上船思量此事已千年长春殿掩无人扫满眼梨花哭杜鹃省躬疑是神仙再拜告问无言而退出船不见所之【郡阁雅谈】

石恪

石恪西蜀人善画尤长于山水禽鱼亦歌诗言论麤暴多诮人短开寶中王师下西蜀遣名画入京恪在其数宣于相国寺画壁工毕上状乞归奉勅任便出京卒于道中雍熙元年殿直雷承昊奉命来衡阳忽遇恪为七言诗送承昊至暮与恪宿于公舍达晓分携承昊行经数里思恪卒已数年遽出所赠诗多言衡阳风物其诗曰衡阳去此正三千一路程途甚坦然深防门墙三楚外清风池馆五峰前西邊市井来商客东岸汀洲簇钓船公退只应无别事朱陵后洞看神仙及到任公宇一如恪言诗章好事者竞传之【雅言杂载】

郭仁表

伪吳春坊吏郭仁表居冶城北甲寅岁因得疾沉痾忽梦一道士衣金花紫帔从小童自门

入坐其堂上仁表初不甚敬因问疾何时可愈道士厉色曰甚则有之既寤疾甚数夜复梦前道士至因叩头逊谢久之道士色解索纸笔仁表以为将疏方即跪奉之道士书而授之其辞曰飘风暴雨可思惟鹤望巢门敛翅飞吾道之宗正可依万物之先数在兹不能行此欲何为梦中不晓其意将问之童子摇手曰不可因拜谢道士自西北而去因而疾愈【稽神录】

孙咸

孙咸不知何许人而长于预知灾异又善为诗开寶初客于九江因游庐山有诗留题九天使者庙云独入元宫礼至真焚香不为贱贫身秦淮两岸沙埋骨湓浦千家血染尘庐阜烟霞谁是主虎溪风月属何人九江太守勤王事好放天兵渡要津不逾数年金陵板荡九江重围人受涂炭正应此诗咸后卒于南昌众人弃尸于江中泝流而上人咸异之【诗话总】

陈抟

陈抟谯郡真源人与老聃同乡里尝举进士不第去隐武当山九室岩辟穀链气作诗八十一章号指元篇言修养之事【谈苑】

华山隐士陈抟字图南唐长兴中进士游四方有大志隐武当山诗云他年南面去记得此山名本朝张邓公改南面为南岳题其后云薛壁题诗志何大可怜今老华图南盖唐末时诗也常乘白骡从恶少年数百欲入汴州中途闻艺祖登极大笑坠骡曰天下于是定矣遂入华山为道士葺唐云台观居之【闻见前录】

陈抟负经纶才歷五季乱离志不遂入武当山后隐居华山自晋汉以后每闻一朝革命嘖嘖数日人有问者瞪目不答一日方乘驴游华陰市闻太祖登极惊喜大笑堕驴人问其故又笑曰天下自此定矣太祖方潜龙时搏尝叹天日之表知太平之有自矣遯迹之初有诗云十年踪迹走红尘回首青山入梦频紫陌纵荣争及睡朱门虽贵不如贫愁闻劔防扶危主闷见笙歌防醉人携取旧书归旧隐野花啼鸟一般春岂浅识哉【易学辨惑】先生生唐德宗时至僖宗封清虚处士赐宫女三人先生贮之别室以诗谢云雪为肌肤玉为腮深谢君王送到来处士不生巫峡梦虚劳云雨下阳台章圣累召不起有学士讥之曰祇是先生诏不出若还诏出一般人先生答曰万顷白云独自有一枝丹桂阿谁无后归华山华陰令王睦强起之于溪岩先生为诗曰华山高处是吾宫出即凌空跨晚风台殿不将金鎖闭来时自有白云封睦得诗媿谢【青集】

陈希夷居云台观日多闭门独卧累月不起周世宗召入禁中扃户试之月余始开搏熟睡如故对御歌云臣爱睡臣爱睡不卧氈不盖被片石枕头簑衣铺地震雷掣电鬼神惊臣当其时正鼾睡闲思张良闷想范蠡说甚孟德休言刘备三四君子只是争些闲气怎如臣向青山顶上白云堆里展开眉头解放肚皮且一觉睡管甚玉兔东升红轮西坠【坚瓠集】

陈抟周世宗常召见赐号白云先生太平兴国初召赴阙太宗赐御诗云曾向前朝号白云后

来消息杳无闻如今若肯随征召总把三峰乞与君先生服华阳巾草屨垂緌以宾礼见恩礼特异赐号希夷久之辞归进诗以见志云草泽吾皇诏图南搏姓陈三峰千载客四海一闲人世态从来薄诗情自得真乞全麋鹿性何处不称臣上知不可留赐宴使宰相两禁传坐为诗以宠其归【渑水燕谈录】

陈希夷先生每睡则半载近亦不下月余赠金励睡诗曰常人无所重惟睡乃为重举世皆为息魂离神不动觉来无所知贪求心愈曹堪笑尘中人不知梦是梦又曰至人本无梦其梦本游仙真人本无睡睡则浮云烟垆里近为药壶中别有天欲知睡里梦人间第一 又尝题石水涧曰银河洒落翠光冷一 回环澹晚晖防恨却为顽石碍琉璃滑处玉花飞又冬日晚望云山鬼暖或呼溪鱼寒不跳晚景愈堪观危峰露残照又与毛女游云药苗不满笥又更上危巔回指归去路相将入翠烟又曰曾折松枝为寶栴又编栗叶作罗襦有时问着秦宫事笑抚仙花望太虚【翰府名谈】

华阳隱士李奇自言开元中郎官年数百岁吕洞宾有劍术百余岁貌如婴儿皆常至抔斋中尝以朱书青纸诗令小童持寄搏搏与酬和【宋类苑】

余游邛州天庆观有陈希夷诗石刻云因奉攀县尹尚书水南小酌回舍轡特扣松局谒高公茶话移时偶书二十八字道门弟子图南上其诗云我谓浮荣真是幻醉来舍轡谒高公因论防防理转觉尘寰一梦中末书太岁丁酉盖蜀孟昶时当石晋天福中也天庆本唐天师观诗后有文与可防大略云高公者此观都威仪何昌一也希夷从之学鎖鼻术余是日迫赴太守宇文衮臣约饭不能尽记后卒不暇再到至今以为恨【老学庵笔记】

陈希夷题西峰云为爱西峰好吟头尽日昂岩花红作阵溪水綠成行防夜碍新月半江无夕阳寄言嘉遯客此处是仙乡又题华山云半夜天香入岩谷西风吹落岭头莲空爱掌痕侵碧汉无人解叹巨灵仙【翰府名谈】图南有诗云我见世人忙个个忙如火忙者不为身为身忙却可【玉堂嘉话】

经籍志载陈希夷诗二卷今佚弗存又古今书刻载陈希夷集建寧府有锲本今亦不存曹能始搜刻宋诗希夷缺焉余考华山志有西峰一首云为爱西峰好吟头尽日昂岩花红作阵溪水綠成行防夜碍新月半山无夕阳寄言嘉遯客此处是仙乡又答使者辞不赴召九重特降紫泥宣才拙深居乐静綠山色深庭供画障松声万壑即琴弦无心享禄登台鼎有意求仙到洞门轩冕浮云絕尘念三峰长乞睡千年又赴召答葛守忠云鹤氅翩翩即散仙蒲轮争忍利名牵留连华岳伤心别四顾云亭望眼穿涉世风波真险恶忘机鸥鸟自悠然三峰才欲和衣卧又被天书下日邊又辞朝归华山云十年踪迹踏红尘为忆青山入梦频紫陌纵荣争及睡朱门虽贵不如贫愁闻剑防扶危主闷听笙歌聒醉人携取旧书归旧隱野花啼鸟一般春又别麻衣道人云华岳峰前两路分数间茆屋一溪云师言耳重知师意人是人非总不闻又咏华山云半夜天香入岩谷西风吹落岭头莲空爱掌痕侵碧汉无人曾叹巨灵仙又于朱舩圃集见题水石涧云银河洒落睡光冷一派回环澹晚晖防恨却为顽石碍琉璃滑处玉花飞又冬日晚望云山鬼暖或呼溪鱼寒不跳晚景愈堪观危峰露残照又与毛女遇云药苗不满笥

又更上危巔回指归去路相将入翠烟余所见仅止此耳【因树屋书影】

田吉

田征君吉字象宜学诗于希夷希夷以诗评授之故诗尤清丽得水树于济南之明水将隐居焉致书徐常侍铉决其去就铉答之曰负鼎扣角顾庐筑岩各因其时不失其道在我而已何常之有发易筮之遇睽因自号睽叟决高蹈之计皇祐中济南崔书耽伯衷其遗文得四十八篇析为二卷又次其出处作睽叟别传【宋类苑】

黄冠道人

黄冠道人无名氏自云钟离人也杨隆演改元开国时广陵殷盛士庶骈闾道人状如病狂手持一竿竿首悬一木刻为鲤鱼形行歌于市曰盟津鲤鱼肉为角濠梁鲤鱼金刻鳞盟津鲤鱼死欲尽濠梁鲤鱼始惊人又云横排二十六条鳞个个圆如紫磨真为甚竿头挑着走世间难遇识鱼人其类此意者凡数十章时人莫能晓后徐知诰禅代复姓李氏其言始应【十国春秋】

淘沙子

伪蜀大东市有养病院凡乞丐贫病者皆得居之中有携畚鍤日循街坊沟渠内淘泥沙时获碎铜铁及诸物以给口食人呼为淘沙子焉辛酉岁有隠迹于淘沙者不知所从来及名氏常戴故帽携铁把竹畚多于寺观闾静处坐卧进士文谷因下第往圣兴寺访相识僧见淘沙子披褐于佛殿上坐谷见其状貌古峭辞韵清越以礼接之因念谷新吟者诗数首谷愕然又讽其自作者数篇其诗或讥讽时态或警励流俗或说神仙之事谷莫之测因问谷今将何往谷曰谒此寺相识僧求少纸笔之资别谋投献其人于怀内探一布囊中有麻绳贯数小铤银遂解一铤遗谷戴帽将所携器长揖出寺而去谷后得伪通奏使王昭远礼于宾席因话及感遇淘沙子之事念其诗曰九重城里人中贵五等诸侯阃外尊争似布衣云水客不将名字挂乾坤【茅亭客话】

白衫风子

五代敬翔当权时门前一风子白衫作舞歌唱曰执板谈歌乞个钱尘中流浪酒中仙直饶到老常如此犹胜危时弄化权【侯鯖録】

卖药道人

长沙狄掾任福祖拥驺吏出行有卖药道人行吟曰无字歌呵呵亦呵呵哀哀亦呵呵不似荷叶参军子人人个拜【阙】水大作防上假阎罗福祖审思岂非异人急遣访求已出城矣【清异録】

齐州病狂人

显德中齐州有人病狂每歌曰踏阳春人间二月雨和尘阳春踏尽秋风起肠断人间白髮人又歌曰五云华盖晓玲珑天府由来入腑中惆怅此情言不尽一丸萝卜火吾宫后遇一道士作法治之云每见一红衣小女引入宫殿皆红多召紫州小姑令歌道士曰此正犯大麦毒女郎心神小姑脾神也按医经萝卜治麪毒故曰火吾宫即以药兼萝卜食之其疾遂愈【洞微志】

张嘏

王着洛阳人也七岁能属文十四进士及第初依师宛句县张嘏东京应举久不知消息赁居相国寺东因出通衢忽遇张嘏遂邀茶肆叙阔至乃赋蝴蝶诗云今夜君栖芳草里为传消息到王孙着嘉叹嘏无言忽然不见但惊问乡人云卒已半年【郡阁雅谈】

王仲简

王仲简潭州人少修进士业未谐随计性宽厚敦孝弟周显德中摄长沙县丞累任甚能为理与潭州通判耿振相善太平兴国二年忽染患而亡兄仲伟夜梦庄客持书一封云评事差送来伟便开其书乃诗一章题云赠耿郎中曰得接英贤喜可知人生能得防多时自从别后容颜改恰似庭前雨泪碑仲伟梦觉而记分明众叹讶振不十年而终【郡阁闲谈】

紫相公

进士于则谒外亲于 阳未至十余里饭于野店旁有紫荆树村民祠以为神呼曰紫相公则烹茶因以一杯置相公前防马径去是夜梦峨冠紫衣人来见自陈余则紫相公主一方菜蔬之属 有天平吏掌丰辣判官主俭然皆嗜茶而奉祠者鲜以是品为供蚤防厚饮可谓非常之惠因口占赠诗曰降酒先生风韵高揽银公子更清豪碎牙粉骨功成后小碾当街马脚槽盖则是日以小分须银匙打茶故目为揽银公子则家业蔬圃中祠之年年获收【清异录】

田达诚家鬼

庐陵有贾人田达诚富于财业颇以周给为务治第新成有夜扣门者就视无人如是再三因呵问之为人耶 耶良久答曰实非人也比居龙泉舍为暴雨所漂求寄君家治舍毕乃去耳达诚不许曰人岂可与 同居耶对曰暂寄居耳无害于君且以君义气故告耳不然君又能禁之乎达诚许之因问当止我何所达诚曰唯有防事耳辞谢而去数日复来曰吾家已至防耳亦无妨君宾客然亦严整家中人慎火万一不虞或当云吾等所为也达诚亦虚其防以付之达诚尝为诗 忽空中言曰君乃能诗耶吾亦尝好之可唱和耳达诚即具酒具纸笔于前谈论无所不至众目视之酒与纸笔俨然动试暂回顾则酒已空字亦着纸矣前后数十篇皆有意趣笔迹劲健作柳体或问其姓字曰吾倘言之将不益于主人可诗以寄言也乃赋诗曰

天然与我亦灵通还与人间事不同要识吾家真姓字大字南头一段红众不谕也一日复告曰吾有少子婚樟树神女以某日成礼欲复借君后堂三日以终君大惠可乎达诚亦虚其堂以幙帷之三日复谢曰吾事讫矣还君此堂主人之恩可谓至矣然君家老婢某可答一百也达诚辞谢即召婢答数下 曰使之知过可止矣达诚徐问其婢云曾穴幙窃视见宾客男女厨膳花烛与人间不殊后岁余乃辞谢而去达诚后以事至广陵久之不归其家忧之 复至曰君家忧主人耶吾将省之翌日乃还曰主人正在扬州甚无恙行当归矣新纳一妾与之同寝吾烧其帐后幅以戲之耳大笑而去达诚归问其事皆同后至龙泉访其居亦竟不获【稽神录】

富春

吳越时有人夜泊于富春间月色淡然见一人于沙际吟曰陞江三十年潮打形骸朽家人都不知何处奠杯酒舟人问君是谁可示姓名否又吟曰莫问我姓名向君言亦空潮生沙骨冷魂魄悲秋风【石斛明珠】

木客

徐铉帖鄱阳山中有木客秦时造阿房宫者食木实得不死时下山就民间取酒为诗云酒尽君莫沽壶倾我当发城市多嚣尘还山弄明月【学圃萱蕪】

五代诗话卷十

杂缀

墨鸦诗

幽蓟数州自石晋败入戎后懷中华不已有使北者见燕中传舍壁画墨鸦甚工旁题诗云星稀月明后皆欲向南飞【古今诗话】

汾晋野语

汾晋村野间语曰欲作千箱主问取黄金母意谓多稼厚畜由耕耘所致【清异录】

江州坠纸

胡则守江州坚壁不下曹翰攻之危急忽有旋风吹文学之纸坠于城中其词曰由来秉节世无双独守孤城死不降何似知机早回顾免教流血满长江翰攻防江州杀戮殆尽谓之洗城焉【江表志】

上邽山棺铭

王承检干德时官秦州刺史筑防蕃城至上邽山下获瓦棺内无尸惟存舌一片肉色红润坚如铁石复有髑髅一中藏古钱一枚有二蝇振然飞去下得石刻篆字曰大隋开皇二年渭州刺史张崇妻夫人王氏年二十五嫁于崇三年而娠恶其妊娠遂卒铭曰车道之北邽山之阳深深玉郁郁埋香刻斯贞石焕乎遗芳地变陵谷峻列城隍干德丙年坏者合郎是岁为干德六年丙子岁合郎故承检小字也【十国春秋】

扬州塚铭

蘓洪进扬州版筑发一塚不显姓名刻石为铭曰日为箭兮天为弓射四方兮无终穷但见天将明月在不觉人随流水空南山石兮高穹窿天人墓兮在其中猿啼乌叫烟蒙蒙千年万岁松栢风【江表志】

建阳塚铭

熊博为建州刺史寓治建阳尝乘舟江上见山岸崩嚙处有棺将坠博使人往视之则有铭焉其词曰筮卦吉卦凶三十年后洪水冲欲防不防被藤缚欲落不落被沙阁五百年后遇熊博博感叹为移他里后仕至工部尚书【涌幢小品】

伏 山铁铭

江南保大中秋八月伏 山圯得一石亟长二丈阔八寸中有铁铭文云梁天监十四年秋八月 寶于是铭背有引曰寶公尝为此偈大书于木版之上以白巾幕之人或欲读者必施钱方得一读读毕覆之当时名臣自陆倕王筠姚容而下皆莫知其防或问其意答云事在五百年后非今也至卒日乃书其偈同 之以志其事铭曰莫问江南事江南自有凭乘鸡登寶位跨犬出金陵子建司南位安仁秉夜灯东邻家道阙随虎遇明征其字皆小篆体势完具无缺落处当日二徐韩张之徒亦不能解其意至李氏国亡好事者稍稍寻见其意盖应在江浙也后主丁酉生又以辛酉年即伪位是乘鸡登寶位之应至甲戌年国破是跨犬出金陵之应时曹侯翰按甲于城南是子建司南位之应潘太师美统兵于城北是安仁秉夜灯之应后二句亦未见其防至戊寅年淮海王钱氏举国入覲方验其东邻之句俗谚云家道阙者是无钱也所云随虎者盖戊寅年矣又淮海王小字虎子【采异记】

仙坛防

萧梁有王霸者王氏遠祖也居福州怡山为道士常云吾子孙当王于此方乃为防瘞坛下光啓中烂柯道士徐 景勵地获其词曰树枯不用伐坛壞不湏结不满一千年自有系孙列又曰后来是三王潮水荡祸殃岩逢二乍间未免有销亡子孙依吾道代代封闽疆解者以潮水荡祸殃谓潮除祸患开基业也岩逢二乍间谓陈岩逢潮未防而亡也代代封闽疆谓潮与审知两世也【十国春秋】

寶志铜牌

梁沙门寶志铜牌多防未来事云有一真人在冀川开口张弓在右邊子子孙孙万万江南李璟名其子曰 冀吳越钱鏐诸子皆连 字期以应之而真宗讳正当之【诗话总 】

涟水军瓶字

周显德岁涟水军使秦晋崇修城获一瓶黄甃黑文成 字云一双青鸟子飞来五两头借问船轻重寄借到扬州【稽神录】

道宫石字

显德中世宗尝营一道宫于皇城之西工人发得石一片上有字云瑞云灵迹镇梁东他日多应与古同岁月迁移人事改再来闲处又兴工后题道士任守真记帝读之叹异【十国春秋】

度世歌

后周至真观小蛮桥下掘得石碑刻度世古 歌云始青之下月与日两半同升合为一大如弹丸甘如蜜出彼玉堂入金室子若得之慎勿失【全蜀艺文志】

杨柳枝

今黄钟调有杨柳枝曲仍是七字四句诗与刘白及五代诸子所制并同但每句下各增三字一句此乃唐时和声如竹枝渔父今皆有和声也旧词多侧字起第三句亦复侧字起声度稳耳【碧鸡漫志】

喝防子

洞微志云屯田员外郎冯敢景德三年为开封府丞检滂戸田宿史胡店日落忽见三妇人过店前入西畔古佛堂敢料其鬼也携童王侃诣之延坐饮酒称二十六舅母者请王侃歌送酒二女侧听十四姨者曰何名也侃对曰喝防子十四姨曰非也此曲单州营妓教头葛大娘所撰新声梁祖作四镇时驻兵鱼台值十月二十一日生日大娘献之梁祖令李振填辞付后骑唱之以押马队因号葛大娘及战得胜日始流传河北军中竞唱以押马队故讹曰喝防子庄皇入洛有歌此曲者谓左右曰此亦古曲葛氏但更五七声耳李珣琼瑶集有凤台曲注云俗谓之喝防子不载何宫调今世羽调宫有慢句读与古不类耳【碧鸡漫志】

钱氏琴铭

李防伯云先公得雷威琴钱氏物也中题云峯阳孙枝匠成雅器一听秋堂三月忘味故号忘味云为当代第一【西溪丛话】

南唐砚滴铭

李仲芳家有南唐金铜蟾蜍砚滴重厚奇古腹下有篆铭云舍月窟【左足心】伏棐几【右足心】为我用【左后足】贮清泚【右后足】端溪石澄心纸【颌下左右各三字】陈氏毛锥子【腹两旁各三字】同列无哗听驱使微吾润泽乌用汝【腹下两旁各七字研北杂志】

汪少防砚铭

东坡云余家有歙砚底有款识云呉顺义元年处士汪少防铭之松捺凝烟楮英铺雪毫穎如飞人间五絶所颂者三物耳盖研与少微为五耶【渔隱丛话】

瘞笔铭

赵光逢薄游襄汉濯足溪上见一方砖类碑上题字云秃友退锋郎功成鬓发伤冢头封马鬣

不敢负恩光独孤贞节立甄后积土如盎防有苔藓盖好事者瘞笔所在【清异录】

砚山

寶晋斋砚山图右此石是南唐寶石久为吾斋研山今被道祖易去中美旧有诗云研山不易见移得小翠峯润色裹书几隐约烟朦胧巉岩自有古独立高崧寵安知无云霞造化与天通立壁照春野当有千丈松崎岖浮波澜偃仰蟠蛟龙萧萧生风雨俨若山林中尘梦忽不到触目万虑空公家富奇石不许常人同研山出层碧峥嵘实天工淋漓上山泉滴沥助毫端挥成惊世文主意皆逢原江南秋色起风远洞庭寬往往入佳趣挥扫出妙言愿公珍此石美与众物肩何必嵩少隱可藏为地仙今每诵此诗必懷此石近余亦有作云研山不复见哦诗徒叹息唯有玉蟾蜍向余频泪滴此石一入渠手不得再见每同交友往观亦不出示绍彭公真忍人也余今笔想成图彷彿在目从此吾斋秀气尤不复泯矣崇寧元年八月望米芾书余二十年前嘉兴吳仲圭为画图钱塘吳孟思书文后携至吳兴燬于兵偶因清暇默怀往事漫记于此【辍耕录】

米海岳研山是南唐寶石其图及得失始末具陶南村辍耕錄第六卷中初为寶晋斋物薛绍彭易之元章诗云研山不复见哦诗徒叹息唯有玉蟾蜍向余频泪滴因笔想为之图元梅花道人吳仲圭又画砚山图癸辛杂识云米氏研山后归宣和御府流落台州戴氏家此石今在朱竹垞太史所谓华盖峯月岩翠岱方坛玉笋上洞下洞龙池诸胜宛然皆具上有寶晋斋三篆字及襄阳米氏世珍印【居易錄】

南唐李主研山后归米元章米与蘓仲恭学士家易北固甘露寺海岳庵地宣和入御府事详避暑漫钞后又四百余年不知更易防姓而至新安许文穆家已而归嘉禾朱文恪余戊辰春从文恪曾孙检讨彝尊京邸见之真奇物也检讨请余赋诗既为作长句又题一絕句云南唐寶石劫灰余长与幽人伴著书青峭数峰无恙在不湏泪滴玉蟾蜍后二年复入京师则研山又为昆山徐司寇购去矣今又十五年不知尚藏徐氏否青峭数峰盖用南唐元宗语元章既失研山赋诗云研山不可见哦诗徒叹息唯有玉蟾蜍向予频泪滴皆用本事也【香祖笔记】

澄心堂纸

建业澄心堂即今内桥中兵马司遗址也李后主时制纸极光滑腻往往书画多借之故刘贡父诗云后人闻名寧复得就令得之当不识梅圣俞诗云静几铺寫无尘埃又诗云堪入右军迹慙无防妇辞刘原父云断水折圭作宫纸王文正公云鱼涸肯数荆州池余尝独步月下至内桥上因诵诸诗想见此纸之妙【稗史彙编】澄心堂纸乃江南李后主所制国初亦不甚以为贵自刘贡父始为题咏又邀诸公赋之然后世争贵重贡父诗云当时百金售一幅澄心堂中千万轴后人闻名寧复得就令得之当不识欧阳文忠公诗云君不见曼卿子美真奇才久矣零落埋黄埃君家虽有澄心纸有敢下笔知谁哉梅圣俞云寒溪浸楮春夜月敲冰举帘匀割脂焙干坚滑若铺玉一幅百金曾不疑东坡云诗老囊空一不留一番曾作百金收又

从宋肇求此纸云知君也厌雕肝肾分我江南数斛愁【王直方诗话】

秘色瓷器

陶器始舜时三代迄秦汉所谓甝器是也近世不贵金玉而贵铜瓷遂有秘色瓷器乃钱氏有国日越州烧进臣庶不得用故云秘色然陆防诗云九秋风露越窑开夺得千峯翠色来如向中宵承沆瀣共嵇中散闕遗栝则越窑又非始钱氏【笔衡】

吳越杜诗

晁氏常于中壺緘线紵夹中得吳越时人写本杜诗讳流字之类乃盛文肃故书也如日出篱东水絕句六首乃九首其一云漫道春来好云云【诗话隽永】

五代诗格

唐末五代俗流以诗自名者多好妄立格法取前人诗句为例议论蜂出甚有师子跳掷毒龙顾尾等势览之每使人拊掌不已大抵皆宗贾岛辈谓之贾岛格而于李杜特不少假借李白女娲弄黄土搏作愚下人散在六合间蒙蒙若埃尘目曰调笑格以为谈笑之资杜子美冉冉谷中寺娟娟林外峰栏干更上处结构坐来重目为病格以为言语突兀声势寒澁此韩退之所谓蚍蜉撼大树可笑不自量者耶【蔡寬夫诗话】

三乡和诗

防昌时有题三乡者曰余本若耶溪东与同志者二三纫兰佩蕙每贪幽闲之境翫花光于松月之亭竟昼绵宵往往忘倦泊乎初防至于五换星霜矣自后不得已从良人西入函關寓居晋昌里第其居迥絕嚣尘花木丛翠东西邻二佛宫皆上国胜游之最伺其闲寂因游览焉亦不辜一时之风月也不意良人已矣邈然无依帝里方春光景东迈涉浚水歷渭川背终南陟太华经虢略抵陝郊揖嘉祥之清流面女几之苍翠凡经过之所皆曩昔防笑之地銜冤加叹举目魂销虽残骸尚存而精爽都失假使潘岳复生无以悼其幽思也遂命笔聊题终不能涤其怀抱絕笔恸哭而东时防昌壬戌岁仲春十九日也诗曰昔逐良人西入關良人身歿妾空还谢娘卫女不相待为雨为云归旧山和者十人其二失传王祝和三乡诗云女几山前嵐气低佳人留恨此中题不知云雨归何处空使王孙见即迷刘谷三乡诗云兰蕙芬芳见玉姿路傍花笑景迟迟苙萝山下无穷意并在三乡惜别时李昌邺三乡诗云红粉萧娘手自题分明幽怨发云闺不应更学文君去泣向残花归剡溪王洙三乡诗云浣纱游女出关东旧迹新词一梦中槐陌柳亭何限事年年回首向东风李縝三乡诗云当时王谢两风流王子沉沦谢子愁归思若随文字在路傍空为感千秋高衢三乡诗云南北千山与万山轩车谁不思乡關独留芳翰悲前迹陌上恐伤桃李顔张绮三乡诗云洛川依旧好风光莲帐无因见女郎云雨散来音信断此生遗恨寄三乡韦冰三乡诗云来时欢喜去时哀家国迢迢向越台待写百年幽思尽故宫流水莫相催【唐诗纪事】

保叔塔

涌幢小品云杭州有保叔塔因钱忠懿王入朝恐其被留作此以保之称名者尊天子也后误为保叔至有保叔縁何不保夫叔情何厚丈夫疎纵饶决尽西湖水难洗心头一防污之诗今古流传谁为杭之妇人洒此奇冤也郎仁寶云咸平中僧永保化縁筑塔人以师叔称之故名塔曰保叔又霏雪録以为保所塔不知何据【坚瓠集】

别号

曲子相公晋和凝也判诗博士五代王仁裕也秦妇吟秀才蜀相韦庄也五代周张昭遠好学积书万卷号书楼张家五代蒋维东好学能属文隐居衡岳从而受业者号山长五代唐帝谓史虚白曰真处士风月主人蜀欧阳彬也阜江渔翁蜀张立也南汉刘防才人苏氏通经史宫中呼为蕝大家蜀黄崇嘏号女状元【宾退録】